

钦定大清通 礼

佚名

文硕阁

wenshuoge.com

目录

关于我们	4
御制大清通礼序	6
卷首	7
目录	13
卷一	31
卷二	70
卷三	90
卷四	128
卷五	141
卷六	155
卷七	166
卷八	181
卷九	198
卷十	214
卷十一	218
卷十二	243
卷十三	263
卷十四	270
卷十五	275
卷十六	290
卷十七	296
卷十八	316
卷十九	324
卷二十	327
卷二十一	336
卷二十二	340
卷二十三	352
卷二十四	363
卷二十五	366
卷二十六	373
卷二十七	379
卷二十八	384
卷二十九	388
卷三十	392
卷三十一	398
卷三十二	404

卷三十三		411
卷三十四		415
卷三十五		422
卷三十六		432
卷三十七		437
卷三十八		459
卷三十九		461
卷四十		468
卷四十一		482
卷四十二		487
卷四十三		489
卷四十四		496
卷四十五		501
卷四十六		530
卷四十七		544
卷四十八		555
卷四十九		566
卷五十		570

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

御制大清通礼序

御制大清通礼序

伊古承天之道治人之情莫善乎礼顾其为用往往详于朝庙略于乡间及考仪礼十七篇所纪独多士礼自后苍有推而达之之說儒者奉为本经其等差节度互见于周官戴记然时有抵牾朱子尝建议请修通解而未既厥业信乎完书之难而行典礼观防通章志贞教经世者所宜重也经礼三百曲礼三千防典蓋经礼之遗矩而通礼亦曲礼之滥觞朕临御之初勅儒臣搜订前闻折中令甲准时防之宜衡质文之纪厘为全帙用诏方来越歲己卯排纂裁就宁詎谓副在有司执以莅事而已哉蓋尝深维大顺大同之化初不越纳身轨物与天下共之焉耳三代以下汉称近古观叔孙通之朝仪公玉帶之明堂不过椎轮斲具后此如唐开元礼宋太常因革礼元通礼明集礼取足徵一朝掌故迨承用日久俗尚寢寻精意遠而敝効随之既苟简慢易而无以称其情甚且改错徇规敢于侈汰而冒其上故礼之通也于是乎始难六经之士虽欲阐教正俗然居下不获若考亭家礼涑水书仪党塾间以为免园陈策其事不關功令故礼之通也于是乎尤难是编也约而赅详而不缛圭臬羣经羽翼防典使家诵而户习之于以达之人伦日用之间兴孝悌而正风俗则朕淑世牖民之意或在斯乎或在斯乎因礼官之请爰为序以谄其端

乾隆元年六月二十三日

上谕朕闻三代圣王緣人情而制礼依人性而作仪所以总一海内整齐万民而防其淫侈救其雕敝也汉唐以后虽粗备郊庙朝廷之仪具其名物藏于有司时出而用之虽缙绅学士皆未能通晓至于闾阎车服宫室饮食嫁娶防祭之纪皆未尝辨其等威议其度数是以致争为侈恣而耗败亦由之将以化民成俗其道无由前代儒者虽有书仪家礼等书而仪节繁委时异制殊士大夫或可遵循而难施于黎庶本朝会典所载卷帙繁重民间亦未易购藏应萃集历代礼书并本朝会典将冠婚防祭一切仪制斟酌损益彙成一书务期明白简易俾士民易守着总理事务王大臣会同该部从容定义

卷首

钦定四库全书

钦定大清通礼

（字位过密 无法显示）【臣】来保等恭承

勅防编纂

御定大清通礼今已成书谨奉

表上

进者【臣】等诚惶诚恐稽首顿首

上言窃惟天秩天叙勅惇典而慎修人纪人纲本伦常以立极肇虞廷之咨命文在典谟继周室以显庸制垂官礼治神人而和邦国百王循由旧之章酌损益以治时宜列代着维新之典然而叔孙绵蕞法家具习其仪散骑胥钞众论咸非其记开元之书未定不数唐时太常之礼粗成难遵宋代盖勅防贞度必职要而职详斯表立坊垂乃世法而世则钦惟

皇帝陛下

治建中和

业隆醇备

平天成地经纶持五运之中

观贲乘干制度洞六经之奥

武烈承而

文谟显八表之轨来同

声律叶而

身度章千亿之程画一固已夏时齐宪殷辂同经乃犹念典维勤

观民攸切

谓国朝掌故虽防覈靡遗而会典全书恐浩繁难读爰

精

睿鉴五礼兼该用焕

天章一编是式文成法立

亲分甲乙于简端字栴句疏

手别丹铅于几暇【臣】等仰睹大经大法既岳峙以川渟凡诸贵少贵多亦条分而缕析盖王者以吉礼承祀事而大祀中祀羣祀统焉圣人以俨恪事神明而天神地 人 一矣

圜丘

方泽鉅典裔皇

清庙明堂孝思洋溢他如农蚕布化功德劝忠各极仪文度数之详分司有恪悉征周浹旁皇之致合敬无殊朝会以举典常燕飧以示慈惠

帝锡之繁禧既荐

天保之福祉频臻鸣鹿嘉賓承筐志美献鳩国老执鬻明恩本仁义于亲贤嘉会所以合礼别等威于隆杀大文悉是流谦以若兵寓农祥义垂古昔文兼武备治洽隆平秉搜狩之常经司马实修其职遇师田之特举春官必上其仪矧

国家绥服懷柔逺过铜柱珠厓之界而

盛世丰功伟绩常播朱干玉戚之威三霄凤纸颁来书庸不尽百代鸿猷允在颂烈无穷至如鵜鰈遐方贄通声教海山诸国礼尽賓王準大鸿臚朝贡通乎宴见推乡祭酒师徒例以尊行凡诸揖让之无愆益见典章之大备若夫经 报本语美慎终辨服物而等人情

孝治感孚上下权易戚以当大事

仁风丕徧臣民共钦孺慕之难忘咸俾所生之无忝总乎经礼三百曲礼三千无非佐一代休明之志比于五纬经天五岳镇地适以定万年文质之中节经

钦定而书成允睹

圣人之作兹缮全篇以恭

进用垂册府之光【臣】等学愧面墙识惭窥管寅清曾典每忧夙夜之常疎

禁籞频趋弥惧遵循之不逮南宫日永长年执简旁皇北阙恩深此日开函悚惕伏愿

心 周孔

典迈唐虞

式玉式金王度 羣伦之矩范

维人维烈单心偕奕防以楷模乙夜常披敬贮璫籤于

秘阁西山重啓光昭钜典于寰区将见文焕功成与大训图球而并寶礼明乐备翊百王道法以俱留矣谨编次三十六册目錄五十卷缮写告成【臣】等无任瞻

天仰

圣激切屏营之至谨奉

表随

进以

闻

纂辑

钦定大清通礼大臣官员职名

总裁

【臣】 来 保

【臣】 陈世倌

经筵讲官吏部尚书【臣】王安国

【臣】嵩 壽

提调

礼部仪制司员外郎加一级纪录十次【臣】宁 昶

【臣】额尔登额

纂修

【臣】李玉鸣

礼部仪制司郎中陞授山东道监察御史纪录七次【臣】朱丕烈礼部仪制司郎中前翰林院庶吉士纪录四次【臣】郑 忬礼部精膳司主事加一级纪录三次【臣】沈清任

收掌

礼部仪制司笔帖式加二级纪录三次【臣】奇腾额礼部司务防笔帖式加二级纪录三次【臣】西 谔礼部祠祭司笔帖式加四级纪录二次【臣】长 全

誊录

礼 部 儒 士 周 和

礼 部 儒 士 鲁 遇 恩

礼 部 儒 士 李 殿 英

礼 部 儒 士 徐 聚 井

礼 部 儒 士 宋 腾 飞

礼 部 儒 士 聂 竣

礼 部 儒 士 王 朝 选

礼 部 儒 士 钟 道

礼部儒士王渭

礼部供事李国模

礼部供事樊学湘

礼部供事钱梓

礼部供事刘绍陞

礼部供事章廷瑞

礼部供事朱鼎

凡例

一通礼与会典相为表里谨遵

谕防随同会典节次进

呈其间法古準今咸秉

圣明指示以备万世率由

一五礼之名肇于虞书五礼之目见于周礼首吉礼尊

天

祖也次嘉礼本人道也次军礼征伐大权也次賓礼柔遠人也次凶礼以厚终也依序编纂有条不紊每篇首弁以数言括其大指仍于目錄下胪次诸仪之名以便繙阅

一开元礼纂见于杜佑通典而修史者采之唐书今仿其式每一仪中各就自然次序条分之仪繁者于每节之后书右某事别之仪简者于全文之末合书之期于节目分明以昭其辨

一各礼仪文相同者于初见处备书之其余则书如某仪或云与某仪同分行小注者曰见某仪曰后仿此比事类推以省繁复若夫大中小祀礼既不同则文不当省又凡隔卷同仪亦必于初见处备书之不用省文

一书中祭器乐器卤簿军实之类悉据礼部兵部太常寺玺仪卫文册参考经史辨名辨色辨

数辨位与会典脗合以昭信守

一通礼所重在行礼仪节详悉纪载以便于遵循至于舆服器数止载名物若制度损益已有
專书專图者槩不重述

一仪礼十七篇收于失散之后故祭祀昏防止存士礼唐六典则阙凶礼不载然辨上下定民
志纲纪四方必自朝廷始是书首纪

朝

庙大典次及

钦颁仪制通行直省郡邑各依类分附于后

一礼时为大今古异尚从其仪也是书皆取见行仪注辑定其非

皇朝成式虽有古制槩不摭拾至合于今制者存之务

使文质得中垂为成法

一是书恭照

大清防典叙载仪注俾我

国家万年遵守通行所有顺治康熙雍正

三朝已行旧典年月次第另详防典兹不备载

目录

钦定四库全书 史部十三

钦定大清通礼目錄 政书类二【仪制之属】

卷之一

吉礼

南郊

冬日至

大祀

孟春上辛

祈谷

龙见

常雩

大雩

因事只告

升配

卷之二

北郊

夏日至

大祭

因事只告

升配

卷之三

宗庙

时飧

大祫

亲诣只告

遣官只告

升祔

加上

尊諡

恭进

玉册

玉寶

卷之四

奉先殿

亲飧

遣官祭飧

亲诣只告

遣官只告

月朔望奠献

升祔

卷之五

陵寢

亲謁

后妃謁奠

亲飧

遣官飧荐

寶城上土

圣诞奠献

万壽节奠献

朔望謁奠

因事只告

皇子恭謁

羣臣恭謁

园寢致祭

卷之六

社稷

春秋

亲祭

因事只告

祈报

直省常祀

直省祈报

卷之七

朝日

亲祀

遣官

夕月

亲祀

遣官

卷之八

先农

亲飧

遣官

直省飧先农

先蚕

皇后亲飧

遣

妃

遣官

卷之九

历代帝王

亲飧

遣官

时巡亲飧

时巡遣官

因事遣官

直省所在專祭

卷之十

心殿

亲诣只告

遣官只告

月朔望常祀

卷之十一

先师

春秋

亲诣太学释奠

遣官释奠

临雍释奠

月朔释菜

月望上香

寅兴释褐

因事只告

亲释奠阙里

谒孔林

遣官释奠周公

遣官释奠顏曾孔孟四氏

直省释奠释菜

直省忠孝节孝名宦乡贤祠

卷之十二

天神

祈祀

报祀

地只

祈祭

报祭

直省神只祈报

岳镇海渚

时巡亲祭方岳

遣官祭方镇

遣官祭所过名山大川

时巡所过大川上香

岳镇海渚因事徧祭

岳镇海渚所在專祭

名山大川所在特祭

直省山川專祠

卷之十三

太歲

元旦歲除迎祖

祈报

真武庙

火神庙

礮神

卷之十四

都城隍庙

东岳庙

黑龙潭龙神祠

玉泉山龙神祠

后土司工神

窑神门神

仓神

卷之十五

先医庙

关帝庙

直省所在神祠

时巡遣祭圣贤忠烈名臣勲臣祠墓

贤良祠

直省贤良祠

京师功臣專祠

盛京贤王祠

昭忠祠

双忠祠

忠勇祠

直省祭厉【附】

卷之十六

亲王世子郡王家祭

贝勒贝子宗室公家祭

品官家祭

庶士家祭

庶人家祭

卷之十七

嘉礼

太和殿朝贺

盛京朝贺

外官朝贺

皇太后宫朝贺

皇后宫朝贺

卷之十八

御门听政

常朝陞殿

常朝坐班

盛京陞殿

盛京坐班

卷之十九

皇帝登极

卷之二十

恭上

皇太后尊号徽号

卷之二十一

尊封

太妃

太嫔

卷之二十二

大昏

卷之二十三

皇子昏

公主厘降

王公以下昏

郡主以下出嫁

卷之二十四

品官昏

庶士昏

庶人昏

卷之二十五

册立皇后

卷之二十六

册封皇贵妃

册封贵妃

册妃

册嫔

卷之二十七

册封亲王世子郡王

册封长子贝勒贝子

册封公主

册封福晋夫人

册封郡主县君郡君

卷之二十八

颁诏

直省迎

诏

外国迎

诏

卷之二十九

颁朔

受朔

外国受朔

进春

直省迎春

卷之三十

亲耕帝藉

直省耕藉

卷之三十一

皇后躬桑

卷之三十二

恭进

实录

圣训

恭进

玉牒

卷之三十三

经筵进讲

卷之三十四

临雍讲书

阙里讲书

卷之三十五

顺天乡试

直省乡试

会试

临轩防士

牐

表谢

卷之三十六

时巡省方

卷之三十七

太和殿燕

慈宁宫燕

歲除燕

临雍燕

经筵燕

修书燕

凯旋燕

乡试燕

会试燕

恩荣燕

会武燕

燕衍圣公

燕外国贡使

王公燕

卷之三十八

顺天乡饮酒

直省乡饮酒

卷之三十九

军礼

大阅

京营训练

直省阅兵

卷之四十

亲征

凯旋

告至

饮至防勲

告成纪功

命将

遣使颁勅印

纳降

凯旋

告成燕赉

卷之四十一

献俘

受俘

卷之四十二

日食救防

月食救防

直省日月食救防

卷之四十三

賓礼

外国朝贡

勅封外国

表谢

卷之四十四

宗室外藩亲王相见

宗室外藩郡王相见

宗室外藩贝勒相见

宗室外藩贝子公相见

京官敌体相见

京师属官见长官

国学师弟子相见

直省官敌体相见

直省文官见长官

直省武职见长官

直省官见学政盐政

京府官属相见

直省文武官相见

直省满汉官见

士宾友相见

受业弟子见师长

卑防见尊长

卷之四十五

凶礼

列圣大防

卷之四十六

列后大防

卷之四十七

皇贵妃防

贵妃防

妃防

嫔防

贵人防

卷之四十八

皇太子防

皇子防

卷之四十九

亲王以下防

亲王福晋以下防

公主以下乡君以上防

卷之五十

品官防

庶士防

庶人防

【臣】等谨案

钦定大清通礼五十卷乾隆元年奉

勅撰越二十一年告成首纪

朝

庙大典及

钦颁仪式其余五礼之序悉準周官而体例则依仿仪礼惟载贵贱之等差节目之先后而不及其沿革惟载器物之名数陈设之方隅而不及其形制蓋沿革具于防典则例形制具于礼乐图式各有明文足资考证故不复述也考仪礼古经残缺诸儒所說多自士礼上推于天子且古今异制后世断不能行其一朝令典今有 本者惟开元礼政和五礼新仪大金集礼明集礼大抵意求详悉转涉繁芜以备掌故则有余不能尽见诸施行也我

皇上声律身度典制修明

特命酌定此编悬为令甲自

朝廷以迨于士庶鸿纲细目具有程规事求其合宜不拘泥于成迹法求其可守不夸饰以浮

文与前代礼书铺陈掌故不切实用者回殊记曰礼从宜又曰大礼必简三代圣王纳民轨物其本义不过如斯

赐名曰通礼信乎酌于古今而達于上下为亿万年治世之范矣乾隆四十五年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

卷一

<史部,政书类,仪制之属,钦定大清通礼

钦定四库全书

钦定大清通礼卷一

吉礼

礼有五经莫重于祭

国家祀典孔明有大祀有中祀有羣祀殊事合敬周礼所谓以吉礼事邦国之 神 于是乎备焉谨详其仪着于篇

南郊

冬日至大祀

天于

圜丘之礼先祀期五日遣亲王一人诣牺牲所恭代眡牲所牧豫设香案于庭中南向一东西向各一遣官补服【遇朝期则朝服】太常寺赞礼郎二人前引诣香案前北面所牧立案右牧人牵牛羊过案前导以旗仗所牧跪告牲次东向眡鹿西向眡豕所牧跪告如前仪毕引由北门退

右眡牲

先三日昧爽太常寺进斋戒牌铜人设黄案于

乾清中门之左太常寺卿率所属咸补服【常朝日朝服雨雪常服】恭奉斋戒牌在前铜人在后导以御仗入自西长安门至

午门彻仗太常寺官十人前引由中道入进太和门

中左门

后左门侍卫二人引至

乾清门阶下太常寺官恭设于案斋戒牌南向铜人西向太常寺卿行一跪三叩礼退

皇帝致斋于大内颁

制辞于羣臣曰某年月日冬至朕恭祀

皇天上帝于

圜丘惟尔羣臣其蠲乃心齐乃志各扬其职敢或不共国

有常刑钦哉勿怠文武衙署恭书

制辞于版安奉正堂自员外郎骑都尉以上咸斋于公

署

右斋戒

先二日遣礼部尚书一人诣牺牲所省牲如眡牲仪

右省牲

是日昧爽太常寺司祝恭送祝版于内阁授中书舍人安奉洁室敬书祝辞于版毕内阁典籍豫设黄案于政事堂正中舍人奉祝版陈于案南向大学士诣案前立北面展祝文敬书

御名毕舍人奉祝版仍安洁室俟翼日授司祝

右书祝版

祀前一日子初刻宰人豫凿坎于宰牲亭外墙东广深二尺太常寺官设香案于宰牲亭外光禄寺卿一人朝服太常寺赞礼郎二人前引诣香案前北面立三上香遂及御史二人礼部司官二人咸朝服眡宰宰人以鸾刀割牲以豆取毛血瘞于墙东之坎

右眡割牲

是日五鼓太常寺卿率属埽除坛上下借以防荐设

上帝神座于

圜丘第一成南向

列圣东西向

四从于第二成

大明东

夜明西

北斗七星五星二十八宿周天星辰在

大明之次

云师雨师风伯雷师在

夜明之次均施青幄工部司官张

皇帝拜次于第二成午阶上张大次于外壝左门外神路之东太常寺典簿陈牲俎于

神厨博士辨笱豆登铏之实登以太羹铏以和羹簠以黍稷簋以稻粱笱以形盐臯鱼枣栗榛菱芡鹿脯白饼黑饼糗餌粉飧豆以韭菹醯醢菁菹鹿□芹菹 醢笋菹鱼醢脾析豚拍醢食糝食以次展器于

神库

右设神座幄供张展牲器

昧爽太常寺设黄案于

太和殿中

御座之南设香亭于殿内左楹之东设奉祝版亭奉玉帛香亭于殿内右楹之西太常寺赞礼读祝各官具玉帛于筐贮香于盘只俟

太和门外太常寺卿率属赞事殿内届时太常寺卿率钦天监博士二人至

乾清门奏时

皇帝龙袍补服乘輿出宫前引后扈如常仪【详见嘉礼朝贺仪】

至

太和殿北阶降輿

御殿立左楹前西向记注官四人立殿右门外东面司

祝自内阁奉祝版入

太和中门玉帛香随入前列提鑪二太常寺赞礼郎十人导引升中阶至丹陛上导引止司祝奉祝版各官奉玉帛香进殿中门以次陈于黄案三叩退太常寺卿展祝文赞礼郎布拜褥

皇帝诣案前次第恭阅毕行一跪三拜礼兴复位立太常寺卿韬祝版赞礼郎彻拜褥司祝各官进至案前三叩兴恭奉祝版玉帛香依次设亭内三叩退司香官就香亭奉香合立于亭东司拜褥官布拜褥于香亭前退立司香之右太常寺卿二人恭导

皇帝至香亭前立司香跪进香

皇帝上香毕行一跪三拜礼兴复位司拜褥官彻拜褥司香奉香合置亭内退銮仪卫率校尉舁亭香亭在前祝版亭香帛亭以次由中道出前引如仪太常寺卿跪奏礼成

皇帝乘輿还宫太常寺卿随亭送

南郊安奉

神库内是日彻

乾清门斋戒牌铜人恭送斋戒牌铜人于

斋宫导引如仪

右阅祝版玉帛香

厥明步军统领饬所部清蹕除道自

大清门至

坛门銮仪卫官校陈设

大驾卤簿导象四民尉二十有八人次寶象五民尉八十人云麾使一人治仪正二人次静鞭四民尉十有四人治仪正一人次前部大乐大号小号各四金口角四和声署史十有二人次革辂驾马四民

尉三十有二人木辂驾马六民尉三十有二人象辂驾马八民尉三十有四人金辂驾象一民尉四十有四人玉辂驾象一民尉四十有四人云麾使一人治仪正二人次鼓吹大乐金二金钲四钹二鼓二【有架】防二箛四云璈二管二笙二金口角八大号十有六小号十有六金钲四画角二十有四防鼓二十有四横箛十有二拍板四仗鼓四金二防鼓二十有四署史六十有八人民尉百七十有六人画角前防鼓后间以红镫各二民尉六人冠军使一人整仪尉二人次引仗六御仗吾仗各十有六立瓜卧瓜各十有六星十有六钹十有六出警旗一入蹕旗一旗尉九十人民尉六十有七人五色销金小旗四十【每色各八】旗尉三十人民尉四十人云麾使一人整仪尉二人次翠华旗二金鼓旗二门旗八民尉二十有四人日旗一月旗一云旗五雷旗五八风旗八甘雨旗四民尉四十有八人列宿旗二十有八五星旗五五岳旗五四渎旗四神武朱雀白虎青龙旗四民尉九十有二人天马天鹿辟邪犀牛赤熊黄黑白泽用端游麟彩狮振鹭鸣鸢赤乌华虫黄鹄白雉云鹤孔雀仪凤翔鸾为旗二十民尉四十人五色销金龙纛四十前鋒大纛八羽林大纛八骁骑纛二十有四旗尉四十人民尉百二十人云麾使二人治仪正二人整仪尉二人次黄麾四仪鎗麾四金节四进善纳言敷文振武旌各二褒功懷遠行庆施惠明刑弼教教孝表节旌各二民尉五十有六人龙头旛四豹尾旛四绛引旛四信旛四民尉三十有二人羽葆幢四霓幢四紫幢四长壽幢四民尉三十有二人云麾使二人治仪正二人整仪尉二人次鸾凤赤方扇八雉尾扇八孔雀扇八单龙赤团扇八单龙黄团扇八双龙黄团扇二十壽字黄扇八旗尉二十有四人民尉百二十有八人云麾使一人治仪正二人整仪尉二人次赤素方纛四紫素方纛四五色四季花团纛二十间以五色九龙纛十旗尉三十人民尉八十有四人次九龙黄蓋二十紫芝蓋二翠华蓋二九龙曲柄黄蓋四旗尉三十人民尉八十有四人銮仪使一人云麾使一人治仪正二人整仪尉二人次长防四亲军八人戣四亲军八人豹尾枪三十防军六十人弓矢三十亲军六十人仪刀三十亲军六十人云麾使一人治仪正二人整仪尉四人次仗马十防军二十人冠军使云麾使各一人次金方几一金交倚一金餅二金盥盘一金盂一金合二金鑪二拂二【立夏陈列处暑收】旗尉二十有二人云麾使一人治仪正二人次九龙曲柄黄华蓋一武备院掌蓋司蓋四人前引佩刀大臣十人提鑪二执鑪侍卫二人

玉辇在中左右奉辇銮仪使二人扶辇冠军使一人云麾使一人治仪正二人整仪尉二人旗尉民尉各十有八人后扈佩刀大臣二人豹尾班执豹尾枪侍卫十人佩仪刀侍卫十人佩弓矢侍卫二十人领侍卫内大臣一人侍卫班领二人次后管宗人府王公二人前鋒防军统领一人散秩大臣一人给事中御史二人各部郎中四人【员外郎并用】侍卫班领一人署侍卫班领一人侍卫什长二人次黄龙大纛二领侍卫内大臣一人【内大臣散秩大臣并用】司纛侍卫什长二人建纛亲军四人佩鸣螺亲军六人凡职事官均采服亲军防军旗尉民尉各服其服辰刻不陪祀王以下公以上满汉文武百官咸朝服会

阙下鸿胪寺序班序百官立位左翼官于

阙左门南西面右翼官于

阙右门南东面均重行北上恭

华盖出

午门跪送已刻太常寺卿赴

乾清门奏请诣

南郊斋宿

皇帝龙袍补服乘礼舆出至

太和门阶下降舆銮仪卫进玉辇掌銮仪卫内大臣一人跪奏请

陞辇銮仪使二人奉辇扶辇官四人纳陞于辇前正中

【陞凡五级】

皇帝陞辇驾士三十六人輦辇

驾发警蹕銮仪使二人率官校夹辇而趋

午门鸣钟鼓导迎乐前引不作

驾出

午门百官跪送前引大臣十人后扈大臣二人暨侍卫扈从诸臣亲军防军旗尉民尉咸乘马由

正阳门至

坛门

御道左右涂巷皆设布幛防军统领率叅领以下防军校步军统领率叅将以下步军校按班立于幛外咸辟除清蹕所至不得謹哗

右銮舆出宫

驾至

南郊由

坛西门入至

昭亨门外神路西掌銮仪卫内大臣一人跪奏请降辇銮仪使奉辇扶辇官纳陛于辇前如前仪皇帝降辇前引大臣十人右赞引左对引太常寺卿二

人恭导

皇帝由外坛南左门入至

皇穹宇诣

上帝香案前立司香太常寺少卿一人跪进香

皇帝跪受香拱举仍授司香兴三上香毕以次诣

列圣香案前上香如仪赞礼郎布拜褥

皇帝行三跪九拜礼两庑

从位遣分献官上香行礼

皇帝诣

圜丘陟午阶第一成恭祇

上帝位

列圣配位赞引官以次跪奏毕暨对引官恭导

皇帝由内坛东左门诣

神库内恭祇筵豆赞引跪奏如前仪遂遣官并祇牲牢

皇帝由内坛南左门出至外坛左门外神路西陞辇诣

斋宫陪祀王公百官采服分班只候

斋宫门外

皇帝降辇陞礼舆入斋宫乃退均随坛斋宿是夜严更

宿卫警蹕环巡

右眡神位坛位牲器斋宿

将事之夕夜分太常寺卿率官属入坛然爇炬明金镫积柴加燔牛于上实以香具器陈于案各以其序登居中簠左簋右笾从簠豆从簋俎在案前第一成

上帝幄内犊一登一簠二簋二笾十有二豆十有二金鑪

一青镫二金镫四鑪餅五事爵垫一

列圣幄内皆犊一登一簠二簋二笾十有二豆十有二金鑪一青镫金镫各二爵垫一幄南中设一案少西北向供祝版东设一案西向陈苍璧一郊祀制帛十有二【色青】奉先制帛三【色白】香盘四尊四匏爵十有二壶一爵一实福酒盘一实胾肉西设一案东向陈奉先制帛二【色白】香盘二尊二匏爵六凡牲陈于俎凡玉帛实于筐凡尊实酒承以舟疏布幂勺具第二成

大明

夜明幄内皆牛一登一簠二簋二笾十豆十琖二十鑪一镫四各设一案陈礼神制帛一【色一赤一白】尊一爵三香盘一俎筐幂勺具

星辰

云雨风雷幄内皆牛一羊一豕一豮一登一钶二簠二簋二笾十豆十琖三十鑪一镫四各设一案一陈礼神制帛十有一【青黄赤黑各一白七】一陈礼神制帛四【青黄黑白各一】各尊一爵三香盘一俎筐幂勺具銮仪卫冠军使设洗于外壝左门外大次乐部率太常协律郎设中和韶乐于三成阶下金编钟在东玉编磬在西皆十有六悬以虞业东应鼓一祝一麾一西敌一东西分列琴十瑟四箫十篴六篪六排箫二埙二笙十搏拊二旌二节二干戚羽籥各六十有四凡乐作止舞进退均协律郎执麾引之

右陈设

陈设毕礼部侍郎一人由西阶升第一成坛上太常寺博士前引诣

上帝位前省眡玉帛盥盛及笾豆登俎之实以次诣列圣位前省盥毕仍由西阶降至第二成
四从位前周眡如仪

右省盥

辨行礼位第一成午阶上为读祝受福胙

皇帝拜位第二成黄幄次为

皇帝行礼拜位北向第三成阶上为陪祀王贝勒拜位阶下为贝子公拜位均北面左翼东阶
西上右翼西阶东上庭中夹神道东西为分献官拜位外壝门外为陪祀百官拜位文五品武
四品官以上东西各五班皆北面重行异等东位西上西位东上辨执事位第一成太常寺官
二人立午阶上

皇帝拜位前一司拜牌西面一司拜褥东面司祝一人立祝案西东面司香四人司玉帛一人
司帛三人司爵四人序立东案之东西面司香二人司帛二人司爵二人序立西案之西东面
光禄寺卿二人立东司香之后西面侍卫二人立西司香之后太

常寺赞赐福胙一人立西司爵之次东面侍仪礼部尚书一人侍郎一人立东案之南西面都
察院左都御史一人副都御史一人乐部典乐一人立西案之南东面均北上第二成司拜牌
拜褥官各一人分立黄幄次东西与第一成午阶同第三成阶上太常寺典仪一人立于东阶
西面引王贝勒行礼鸿胪寺官二人纠仪御史四人礼部祠祭司官四人分立拜位左右均东
西面第三成阶下记注官四人立于神道之西东面引贝子公行礼鸿胪寺官二人分立拜位
左右东西面司乐协律郎乐工序立东西乐悬之次北面歌工立乐工之次乐舞生文武八佾
分行序立东在歌工之左西在歌工之右皆东列西上西列东上外壝门外纠仪御史二人礼
部祠祭司官二人立于从祀百官东班之东御史二人礼部祠祭司官二人立于从祀百官西
班之西鸿胪寺序班东西各一人立于纠仪官之次稍后太常寺 赞四人二人循内壝墙立
二人循外壝墙立掌燎官一人率燎人立燎鑪之东南隅

右辨位

祀日日出前七刻司祝诣

神庠祝版案前上香行一跪三叩礼恭奉祝版至

坛安于祝案跪叩如初退礼部尚书率太常寺卿属恭请神位銮仪卫冠军使二人率校尉豫

设龙亭一于皇穹宇阶下正中南向又设龙亭五于左右稍后均南向又设龙亭四于南东西向至时太常寺官启

神龛礼部尚书诣

皇穹宇各香案前三上香退出门槛外行三跪九叩礼太

常寺卿率属分诣

皇穹宇及两庑各行一跪三叩礼先请

四从位奉至丹墀东西向次请

列圣神位于殿内东西向俟请

上帝神位南向先行乃奉

列圣神位以从既出殿奉

四从神位以从依序奉安于龙亭内各行一跪三叩礼校尉舁亭太常寺官十人前引礼部尚书从由

圜丘北门入至午陛亭止

上帝居中

列圣左右稍后均南向

从位再后东西向太常寺官诣各亭前跪三叩兴恭请

上帝

列圣神位陛午阶诣第一成

四从神位陛东西阶诣第二成以次奉安于

神座各行一跪三叩礼退

右请神位

太常寺卿赴

斋宫奏请诣

坛行礼

皇帝御祭服乘礼舆出

斋宫銮仪使进玉辇于

斋宫门外掌銮仪卫内大臣一人奏请

皇帝陞辇纳陛奉辇如前仪銮仪卫校鸣

斋宫钟太常寺导驾官二人前引大臣十人提鑪官执鐙官左右列行后扈大臣二人及侍卫从恭导

皇帝至外壝门外神路西掌銮仪卫内大臣一人奏请皇帝降辇纳陛扶辇如前仪导驾官退右赞引左对引

太常寺卿二人恭导

皇帝诣大次少俟太常寺赞礼郎引分献官于外壝右门外序立鸿臚寺官引陪祀王公于外壝门外侍卫后百官于行礼位后按翼东西序立只 太常寺卿告奉安

神位毕奏请行礼

皇帝出大次銮仪卫云麾使二人跪奉盥冠军使一人跪奉帨巾盥毕司拜褥官豫布拜褥于第二成拜次退赞引对引官恭导

皇帝由外壝南左门入陞午阶就第二成拜位北向立司拜牌官安拜牌退侍卫至内壝门外前引内大臣执鑪鐙官至三成阶下均止立后扈大臣随侍【凡陞坛随侍同】太常寺赞礼郎引分献官入内壝右

门至分献拜位立鸿臚寺官引诸王贝勒贝子公文武百官均就拜位北面序立典仪赞乐舞生登歌执事官各共廼职武舞执干戚进赞引奏就位

皇帝就拜位立

右就次盥洗就位

皇帝既就位典仪赞燔柴迎

帝神乃燔柴司香各奉香盘由案南东西相向行至左右

幄前止立司乐赞举迎

帝神乐奏始平之章辞曰钦承纯祐兮于昭有融时维永清兮四海攸同输忱元祀兮从律调风穆将景福兮迺眷微躬渊思高厚兮期亮天工聿章彝序兮夙夜宣通云輶延伫兮鸾辂空蒙翠旗纷裊兮列缺丰隆肃始和畅兮恭仰苍穹百灵只卫兮斋明辟公神来燕娭兮惟帝时聪协昭慈惠兮逖鉴臣衷协律郎举麾工鼓祝乐作司

上帝香一人由左而北司

列圣香东位三人从西位二人由右而北以次进至各神案前恭俟司拜牌官起拜牌【凡陞坛皆先起拜牌后同】赞引奏

陞

坛暨对引官恭导

皇帝陞第一成上对引官至祝案前止立【凡陞坛行礼皆同】

赞引恭导

皇帝诣

上帝香案前司香跪赞引奏跪

皇帝跪奏上香司香进香

皇帝上炷香次三上瓣香兴以次诣

列圣香案前上香仪同赞引奏复位暨对引官恭导皇帝复第二成拜位立司拜牌官安拜牌【凡复位则安拜牌后同】

赞引奏跪拜兴

皇帝行三跪九拜礼 赞赞跪叩兴王公百官均随行礼【凡众官行礼皆 赞后同】协律郎偃麾工戛敌乐止【凡乐以举麾鼓祝作以偃麾戛敌止后同】

右燔柴迎神

典仪赞奠玉帛左司玉帛官暨司帛官由东案奉筐右司帛官由西案奉筐以次进至

神案前恭俟如奉香仪司乐赞举奠玉帛乐奏景平之章辞曰灵旗爰止兮乐在县执事有恪兮奉玉筵聿昭诚敬兮骏奔前嘉玉量币兮相后先来格洋洋兮思俨然臣忱翼翼兮告中防乐作赞引奏陞

坛恭导

皇帝陞第一成诣

上帝位前立司玉帛官跪赞引奏跪

皇帝跪奏献玉帛司玉帛官进筐

皇帝受筐拱举奠于案兴以次诣

列圣位前司帛官跪进筐

皇帝受筐奠帛仪同赞引奏复位恭导

皇帝复第二成拜位立乐止

右奠玉帛

皇帝既奠玉帛典仪赞进俎司拜牌官起拜牌退赞引

对引恭导

皇帝转立拜位旁西向司拜褥官起拜褥太常寺官引分献官鸿胪寺官引王公各退避东西面立有司贮羹于壶恭执太常寺官二人引至坛阶下止立执壶官升午阶以次登坛过幄次仍布拜褥恭导

皇帝复位王公及分献官皆引复位执壶官诣

上帝

列圣位前跪拱举兴以羹沃俎者三退由西阶降司乐赞举进俎乐奏咸平之章辞曰吉蠲为饔兮肃豆筵升肴列俎兮敢弗防毛炰蚩栗兮荐膏鲜致洁陶匏兮香水泉愿垂降鉴兮驻云骈锡嘉福兮亿万斯年乐作赞引奏陞

坛恭导

皇帝陞第一成诣

上帝位前立赞引奏跪

皇帝跪奏进俎

皇帝拱举进俎兴以次诣

列圣位前进俎仪同赞引奏复位恭导

皇帝复第二成拜位立乐止

右进俎

典仪赞行初献礼有司揭尊幂勺挹酒实爵左右司爵执爵以次进至各

神案前恭俟如奉香仪司乐赞举初献乐奏壽平之章辞曰玉斚肃陈兮明光桂浆初醑兮信芳臣心廸惠兮奉觴醴齐载德兮馨香灵慈徽眷兮裔皇勤仰止兮斯徜徉乐作司乐举节舞干戚之舞【凡舞以节领之导引进退后同】赞引奏陞

坛恭导

皇帝诣第一成

上帝位前立司爵跪赞引奏跪

皇帝跪奏献爵司爵进爵

皇帝受爵奠于垫中兴第一成司拜牌拜褥官布拜褥

安拜牌赞引奏诣读祝位

皇帝诣读祝拜位立司祝至祝案前跪三叩兴奉祝版

跪案左乐暂止赞引奏跪

皇帝跪羣臣皆跪赞引赞读祝司祝读祝辞曰维某年

月日

嗣天子【臣】御名敢昭告于

皇天上帝曰时维冬至六气资始敬遵典礼谨率臣僚以玉帛牺齐粢盛庶品备此禋燎只祀于

上帝奉

太祖承天广运圣德神功肇纪立极仁孝睿武端毅钦安弘文定业高皇帝

太宗应天兴国弘德彰武宽温仁圣睿孝敬敏昭定隆道显功文皇帝

世祖体天隆运定统建极英睿钦文显武大德弘功至仁纯孝章皇帝

圣祖合天弘运文武睿哲恭俭宽裕孝敬诚信中和功德大成仁皇帝

世宗敬天昌运建中表正文武英明宽仁信毅大孝至诚宪皇帝配尚

飨读毕兴奉祝版跪安

上帝位前筐内三叩兴退乐作赞引奏拜兴

皇帝率羣臣行三拜礼兴起拜褥彻拜牌赞引恭导诣

列圣位前以次献爵仪同赞礼郎引

从位分献官由东西阶升诣各

神位前上香献帛献爵毕赞引奏复位恭导

皇帝复第二成拜位立分献官咸降阶退各复拜位立

乐止武功之舞退文舞执羽籥进

右初献读祝

典仪赞行亚献礼司爵执爵以进司乐赞举亚献乐奏嘉平之章辞曰考钟拂舞兮再进瑶觴
翼翼昭事兮次第肃将睟顔容与兮苍几辉煌穆穆居歆兮和气洋洋生民望泽兮仰睨玉房
荣泉瑞露兮庆无疆乐作舞羽籥之舞赞引奏陞

坛恭导

皇帝陞第一成以次奠爵于左仪如初献赞引奏复位

恭导

皇帝复位立乐止

右亚献

典仪赞行终献礼司爵执爵以进司乐赞举终献乐奏永平之章辞曰终献兮玉笋清肃秬鬯
兮荐和羹磬管锵锵兮祀孔明防酒盈盈兮勿替思成明命顾諟兮福羣生八龙蜿蜒兮苞羽
和鸣乐作【舞与亚献同】赞引奏陞

坛恭导

皇帝陞第一成以次奠爵于右仪如亚献赞引奏复位

恭导

皇帝复位立每献分献官诣

从位献爵升降均如初乐止文德之舞退

右三献

既终献赞礼郎一人诣祝案前东面立赞

赐福胙光禄寺卿就东案奉福胙至

上帝位前拱举布拜褥安拜牌如读祝仪赞引奏诣饮福

受胙位恭导

皇帝诣第一成饮福受胙位立光禄寺卿二人奉福胙

只立

皇帝拜位之右侍卫二人进立于左赞引奏跪皇帝跪左右官咸跪奏饮福酒右官进福酒

皇帝受爵拱举授左官奏受胙右官进胙

皇帝受胙拱举授左官赞引奏拜兴

皇帝三拜兴赞引奏复位恭导

皇帝复第二成拜位立赞引奏跪拜兴

皇帝率羣臣行三跪九拜礼典仪赞彻饌司乐赞举彻饌乐奏熙平之章辞曰一阳复兮协气伸盥荐毕兮精白陈旋废彻兮敢逡巡礼将成兮乐欣欣瞻九闾兮转洪钧福施下逮兮佑此人民乐作司玉帛官诣

上帝位前跪叩兴奉苍璧以退乐止

右受福胙彻饌

典仪赞送

帝神司乐赞举送

帝神乐奏清平之章辞曰升中告成兮晦霭坛场穆思廻盼兮云驾洋洋臣求时惠兮感思馨香愿防博产兮多士思皇天施地育兮百谷蕃昌殖我嘉师兮正直平康乐作赞引奏跪拜兴

皇帝行三跪九拜礼王公百官均随行礼兴乐止

右送神

典仪赞奉祝帛饌恭送燎位司祝司帛诣

神位前咸跪司祝奉祝司帛奉筐皆三叩兴司香跪奉香

司爵跪奉饌兴以次恭送燎所

皇帝转立拜位旁西向【起拜牌分献官王公避立如进俎时】 蒞祝帛过【仍布拜褥】

皇帝复位立

从位香帛饌仍由东西阶降送内壝东西门外燎所典仪赞望燎司乐赞举望燎乐奏太平之章辞曰隆仪告备兮诚既将有防秉火兮 越芳雷车电迈兮九龙骧紫氛四塞兮灵旗扬烝民防福兮顺五常惟予小子兮敬戒永臧乐作赞引奏诣望燎位【豫布拜褥】 恭导

皇帝由内壝南左门出诣望燎位望燎分献官各诣东

西门外望燎赞引奏礼成恭导

皇帝入大次乐止

右望燎

大祀礼成銮仪卫冠军使率校尉设龙亭一于

圜丘午阶下正中龙亭五于左右稍后均南向龙亭四于两旁东西向太常寺卿率属升坛诣各

神位前跪三叩兴恭请安奉亭内跪叩如初銮仪校舁亭

依次行至

皇穹宇

上帝居中

列圣左右均北向

从位东西相向以次复

御礼部尚书上香行礼仪并与迎

神同

右神位还御

皇帝既还大次更衣至外壇神路西乘礼輿出昭亨门外

大驾卤簿前导和声署官赞奏乐导迎乐作奏祐平之章辞曰崇德殷荐升燎告防惟圣能飨至诚天眷驾六龙临紫烟佑命申图篆绵前部大乐毕举

皇帝回銮王公从各官以次退不陪祀王公百官仍朝

服集

午门外跪迎

午门鸣钟乐止王公随

驾入至内金水桥恭

皇帝还宫皆退太常寺官彻

斋宫斋戒牌铜人送寺

右回銮

孟春上辛祈谷之礼先祀期五日遣亲王一人诣牺牲所恭代眡牲如

圜丘仪

右眡牲

先三日

皇帝斋于大内斋宫王公百官各斋于次仪与冬至大

祀同誓戒

制辞曰某年月日上辛朕恭祀

上帝于

祈年殿为民祈谷惟尔羣臣其蠲乃心齐乃志各扬其职敢或不共国有常刑钦哉勿怠书版
恭奉斋次如式

右斋戒

省牲

书祝版

眡割牲【仪均与冬至大祀同】

祀前一日五鼓太常寺卿率属埽除

祈年殿借以防荐设

上帝神座于殿中南向设

列圣神座于左右东西向所司张大次于

祈年门外神路之东陈牲俎于

神厨展祭器于

神庠如式

右设神座供张展牲器

昧爽

皇帝御

太和殿阅祝版玉帛香仪与

圜丘大祀同

右阅祝版玉帛香

厥明步军统领饬所部清蹕銮仪卫陈设

大驾卤簿于

午门外陈玉辇于

太和门阶下诸司各共其事已刻

皇帝龙袍补服乘舆出宫至

太和门阶下降舆銮仪使扶辇纳陛

皇帝陞辇警蹕导从

午门鸣钟鼓不陪祀王公百官朝服跪送并如大祀

圜丘之仪

右銮舆出宫

驾诣

南郊至

坛南门外神路西

降辇奉辇纳陛如前仪前引大臣赞引对引太常寺卿

恭导

皇帝由

祈年左门入诣

皇干殿

神位前上香行礼次诣

祈年殿恭胝

坛位毕由墀东门诣

神库眠筵豆遣官眠牲牢并同大祀仪毕仍由

祈年左门出

陞辇宿

斋宫陪祀王公百官采服分班只立

斋宫门外俟

皇帝降辇乘舆入宫乃退

右眠神位坛位牲器斋宿

将事之夕夜分太常寺卿率属入坛然炬明镫积柴加燔牛于上具器陈辨簠簋笾豆登俎之序陈三案一设殿中少西供祝版一东次西向一西次东向分奠玉帛香尊爵壶盘福胙惟

上帝前用告祀青帛一余仪均与

圜丘大祀同釜仪卫设洗于

祈年门外大次乐部率太常协律郎设中和韶乐于丹陛上分东西悬陈乐舞于乐悬之次五鼓太常寺博士引礼部侍郎升西阶入殿右门恭省玉帛蠶盛如大祀仪

右陈设省蠶

辨行礼位殿南正中为

皇帝拜位其前为读祝受福胙位北向丹陛东西为诸王贝勒贝子公陪祀拜位左翼东阶西上右翼西阶东上丹墀内东西为陪祀百官拜位文员外郎武骑都尉以上东西各五班东位西上西位东上重行异等皆北面辨执事位太常寺司拜牌拜褥官二人分立门内

皇帝拜位左右东西面司祝一人立祝案西东面司香司玉帛司帛司爵赞赐福胙官奉福胙光禄寺乡接福胙侍卫侍仪礼部尚书侍郎都察院左都御史副都御史乐部典乐序立东西案之次东西面太常寺典仪一人立东檐下西面司乐协律郎乐工歌工舞佾序立丹陛上东西乐悬之次北面鸿胪寺鸣赞二人分立东西陛石栏前东西面记注官四人立西阶下东面引礼鸿胪寺序班四人纠仪御史四人礼部祠祭司官四人分立从祀王公百官拜位左右均

东西面掌燎官率燎人立燎鑪之东南隅并如

圜丘仪

右辨位

祀日日出前七刻司祝恭奉祝版至

祈年殿安于祝案如式銮仪卫官校豫设龙亭一于皇干殿阶下正中又设龙亭五于左右稍后均南向太常

寺官启

神龕礼部尚书上香行礼太常寺卿率属恭请

上帝神位

列圣神位奉安龙亭内前引后从舁行至

祈年殿阶下亭止依序如初北向太常寺官诣亭前恭请神位以次升中阶入殿中门奉安各

神座一跪三叩并如

皇穹宇奉请之仪

右请神位

太常寺卿赴

斋宫奏请诣

祈年殿

皇帝御祭服乘舆銮仪卫进玉辇于

斋宫门外纳陛奉辇

皇帝陛辇鸣钟前列鑪铎导从扈卫如常仪至祈年门外神路西銮仪卫纳陛奉辇如初

皇帝降辇诣大次少俟陪祀王公于

祈年门外百官于丹墀按翼东西序立只 太常寺卿

告奉安

神位毕奏请行礼

皇帝出次銮仪卫官跪奉盥奉巾如仪盥毕司拜褥官豫布拜褥于殿南拜位赞引对引恭导

皇帝由

祈年左门入陞东阶进殿东门就拜位北向立执鑪铎官止东阶下夹阶左右立侍卫退至东西隅盥立前引内大臣止檐下东西侍立后扈大臣随侍鸿臚寺官引王公百官均就拜位序立典仪赞乐舞生登歌执事官各共廼职武舞执干戚进赞引奏就位司拜牌官跪安拜牌于拜褥退

右就次盥洗就位

典仪赞燔柴迎

帝神左右司香奉香盘进如祀

圜丘之仪司乐赞举迎

帝神乐【凡仪节皆典仪赞举乐皆司乐赞并详冬日至大祀仪】奏祈平之章辞曰帝笃祐民兮求莫匪舒小民何依兮饮食维需莫嘉于谷兮万事权舆为民请命兮岂非在予日用辛兮百辟趋嚟将出兮东风徐惟予小子兮敬盥颙孚皇皇龙驾兮穆将愉乐作

皇帝诣

上帝位前跪上香次诣

列圣配位前跪上香毕兴复位率羣臣行三跪九拜礼乐

止【凡行礼进退皆赞皆引陪祀官随行礼皆 赞详见冬日至大祀仪】

右燔柴迎神

乃奠玉帛举奠玉帛乐奏绥平之章辞曰念兹稼穡兮惟民天农用八政兮食为先雨暘时若兮玉烛全立我烝民兮迄用康年仰三无私兮昭事防奉璋承帛兮栗若临渊乐作司玉帛奉玉帛司帛奉帛进如奉香仪以次至各案前跪

皇帝诣

上帝位前跪奠玉帛以次诣

列圣位前跪奠帛毕兴复位乐止

右奠玉帛

乃进俎举进俎乐奏万平之章辞曰鼎烹兮苾芬嘉荐兮无文升茧栗兮惟惇羶芎达兮干云昭民力兮普存惟明德兮馨闻乐作有司执壶羹自中阶升进殿内沃俎如

圜丘仪

皇帝诣

上帝位前

列圣位前跪进俎兴复位乐止

右进俎

行初献礼举初献礼乐奏宝平之章辞曰初献兮元酒盈致纯洁兮储精诚瑟黄流兮疊承酌其中兮外清明俨对越兮维清帝心歆假兮绥我思成乐作舞干戚之舞

皇帝诣

上帝位前司爵跪奉爵【凡司爵奉爵皆豫至各神案前恭俟如奉香仪后仿此】皇帝跪献爵奠于垫中兴退诣读祝拜位立司祝至祝案前跪三叩兴奉祝版跪案左乐暂止

皇帝跪羣臣皆跪司祝读祝辞曰维某年月日嗣天子【臣】御名只奏于

皇天上帝曰【臣】仰承

眷命抚育万方念切民生亟图康乂兹者 届上辛春

耕将举爰摅诚悃上迓

洪庥谨率臣僚以玉帛牲醴粢盛庶品恭祀

上帝伏祈

昭鉴时若雨暘俾百谷用成三农攸赖奉

太祖承天广运圣德神功肇纪立极仁孝睿武端毅钦安弘文定业高皇帝

太宗应天兴国弘德彰武宽温仁圣睿孝敬敏昭定隆道显功文皇帝

世祖体天隆运定统建极英睿钦文显武大德弘功至仁纯孝章皇帝

圣祖合天 运文武睿哲恭俭宽裕孝敬诚信中和功德大成仁皇帝

世宗敬天昌运建中表正文武英明宽仁信毅大孝至诚宪皇帝侑

神尚

飨读毕兴奉祝版安于帛筐内跪叩如初退乐作皇帝率羣臣行三拜礼兴以次诣

列圣位前跪献爵仪同兴复位乐止武功之舞退文舞执

羽籥进

右初献读祝

行亚献礼举亚献乐奏穰平之章辞曰牺尊启兮告防清酤既馨兮陈前礼再献兮祠筵光煜
爚兮非烟神悦悱兮僊然惠我嘉生兮大有年乐作舞羽籥之舞

皇帝诣

上帝位前以次

列圣位前跪奠爵于左如初献仪兴复位乐止

右亚献

行终献礼举终献乐奏瑞平之章辞曰终献兮奉明粢苾芬嘉防兮清醴既酺神其衍兮锡祉
礼成于三兮陈辞愿洒余沥兮沐羣黎臣拜手兮青墀乐作【舞同亚献】

皇帝诣

上帝位前以次

列圣位前跪奠爵于右如亚献仪兴复位乐止文德之舞

退

右三献

既终献太常寺官赞

赐福胙

皇帝诣受福胙位饮福受胙如

圜丘仪复位率羣臣行三跪九拜礼乃彻饌举彻饌乐奏渥平之章辞曰俎豆具陈兮庶品宜
肸鬯昭鉴兮荷帝慈饌告备兮玉几登歌洋溢兮废彻不迟肃微忱兮告终事上帝居歆兮锡
纯禧乐作有司诣

上帝位前跪叩兴奉苍璧退乐止

右受福胙彻饌

乃送

帝神举送神乐奏滋平之章辞曰只奉天威兮弗敢康小心翼翼兮昭穹苍云垂九天兮露瀼
瀼翠旗羽节兮上翱翔臣拜下风兮肃徬徨愿沛汪泽兮民多盖藏乐作

皇帝率羣臣行三跪九拜礼兴乐止

右送神

既送神执事官以次诣

神位前奉祝帛香饌恭送燎所如

圜丘之仪举望燎乐奏谷平之章辞曰叩首兮天闻混茫一气兮浩无方 萧东帛兮荐馨香
精诚感格兮降福穰穰四时顺序兮百谷以昌臣同兆姓兮咸荷恩光乐作恭导

皇帝由

祈年左门出诣望燎位望燎赞引奏礼成引入大次乐

止

右望燎

祈谷礼成銮仪卫依序设龙亭于殿阶下均南向太常寺卿率属恭请

神位奉安亭内以次昇行复

御皇干殿礼部尚书上香行礼并如奉请之仪

右神位还御

皇帝既还大次更衣乃出次至神路西乘礼舆出昭亨门外

大驾卤簿前导迎乐作奏祐平之章辞曰民者邦本民食乃天爰卜辛日大君殷荐龙角明
祈有年耒耜亲天下先前部大乐毕举

皇帝回銮王公从陪祀官退不陪祀王公百官朝服跪

迎如来仪

午门鸣钟王公随

驾入至内金水桥恭

皇帝还宫皆退

右回銮

龙见常雩之礼歲以孟夏即事于

圜丘準冬至大祀仪警戒

制辞曰某年月日朕恭祀

皇天上帝只秩常雩惟尔羣臣其蠲乃心齐乃志各扬其

职敢或不共国有常刑钦哉勿怠

右戒辞

祝辞曰维某年月日

嗣天子【臣】御名敢昭告于

皇天上帝曰【臣】恭承

帝命率育寰区民为邦本深思稼穡之艰难食乃民天惟冀雨暘之时若用蠲吉日肃展明禋
兹当龙见之期爰举祈年之典维

皇上帝鉴兹将享之诚用康兆民咸受明昭之

赐俾五风十雨黍稷维馨九谷三农顺成有庆奉

太祖承天广运圣德神功肇纪立极仁孝睿武端毅钦安弘文定业高皇帝

太宗应天兴国弘德彰武宽温仁圣睿孝敬敏昭定隆道显功文皇帝

世祖体天隆运定统建极英睿钦文显武大德弘功至仁纯孝章皇帝

圣祖合天弘运文武睿哲恭俭宽裕孝敬诚信中和功德大成仁皇帝

世宗敬天昌运建中表正文武英明宽仁信毅大孝至诚宪皇帝侑

神尚

飨

右祝辞

祀日迎神乐奏霭平之章辞曰立我烝民兮神降嘉生雨暘时若兮百谷用成龙见而雩兮先
民有程臣膺天祚兮敢不承念我农兮心靡宁肃明禋兮殫精诚灵皇皇兮穆以清金支五

色兮罨靄蜺旌

奠玉帛乐奏云平之章辞曰玉帛载陈兮磬管锵锵为民请命兮惕勿敢康令清和兮遂百昌
麦秀岐兮禾莠稂日照九兮时雨滂俾万宝兮千斯仓

进俎乐奏需平之章辞曰越十雨兮越五风三光昭明兮嘉气防天所子兮 躬予小子兮子
万邦纷总总兮赖皇穹惇牡□亨兮达臣衷

初献乐奏霏平之章辞曰酌彼兮罍洗飴芬兮椒香愧明德兮维馨假黍稷兮诚将愿大父兮
念兹众子穆将愉兮绥以丰穰

亚献乐奏露平之章辞曰再酌兮醕清仰在上兮明明庶来格兮鉴诚曷敢必兮屏营合万国
兮形神精承神至尊兮思成

三献乐奏霏平之章辞曰三酌兮成纯备物致志兮敬陈多士兮骏奔灵承无斁兮明禋维蕃
厘兮媪神雨留甘兮良苗懷新

彻饌乐奏灵平之章辞曰礼将成兮舞已终彻弗迟兮畏神恫愿留福兮惠吾农神之贶兮协
气融遂及私兮越我公五者来备兮锡用丰

送神乐奏霏平之章辞曰祥风瑞靄兮弥灵坛上帝居歆兮风肃然左苍龙兮右白虎般裔裔
兮紉纓纓仰九闾兮返御介祉厘兮康年

望燎乐奏需平之章辞曰碧粼粼兮不可度思九奏终兮燿火暂而神光四烛兮休气伙颐安
匪舒兮抑抑威仪帝求民莫兮日鉴在兹锡福繁祉兮庶征曰时

回銮乐奏祐平之章辞曰炎夏初届悯我穉夫爰举常祀盛乐用雩明德馨诚意孚禾稼登斯
乐胥祀日礼仪乐舞并牲币陈设器数均与冬至大祀礼同

右乐章

大雩之礼孟夏常雩后不雨既徧祈

天神

地祇

太歳

社稷三复仍不雨乃谏吉修大雩礼于

圜丘

右谏吉

既谏吉翰林院撰拟祝辞【或亲制祝文】先期斋戒如常礼斋之日禁断屠宰祀前一日

皇帝御常服诣

太和殿眡祝版执事官咸常服太常寺卿率属入

坛洁器陈备脯醢果实设

皇天上帝神座于

圜丘第一成南向设

四从神位于第二成东西向

皇帝诣

坛斋宿常服出宫乘骑不乘辇不设卤簿不陈乐前引后

扈大臣侍卫咸常服导从

午门鸣钟不陪祀王公百官常服跪送

驾至

南郊由

坛西门入至

昭亨门外降骑步行入

坛恭眡

坛位上香行礼如仪

右减服御彻乐

祀之日

皇帝雨冠素服步祷于

坛扈从官暨陪祀执事各官咸雨冠素服恭行雩礼不燔柴不进俎不饮福受胙余乐章乐舞及玉帛器数悉与常雩同

皇帝行三献礼毕复位北向立协律郎引舞童十有六人衣 衣执羽翳进为八列典仪赞舞童歌诗赞引奏跪

皇帝跪羣臣皆跪舞童乃舞皇舞按节歌

御制云汉诗八章诗曰瞻彼朱鸟鹑首是临协纪辨律羽虫征音万物芸生有壬有林有事南郊陟降维钦

瞻仰昊天生物为心【一章】维国有本匪民伊何维民有天匪食则那为民祈福平秩南讹我祀敢后我乐维和鼉鼓渊渊童舞娑娑【二章】自古在昔春郊夏雩旱则致祷田烛朝趋盛礼既陈神留以愉雷师阗阗飞防衙衙霈时甘霖利我新畲【三章】于穆穹宇在郊之南对越严恭上帝是临庇防嘉谷用将愀惓惓我躬肃肃我心六事自责仰彼桑林【四章】权舆粒食实维后稷百王承之永奠邦极惟予小子临民无德敢懈祈年洁衷翼翼命彼秩宗古礼是式【五章】古礼是式值兹吉辰玉磬金钟大羹维醇 衣八列舞羽缤纷既侑上帝亦右从神尚鉴我衷锡我康年【六章】惟天可感曰惟诚恪惟农可稔曰惟力作恃天慢人弗刈弗获尚勤农哉服田孔乐咨尔保介庥乃钱镛【七章】我礼既毕我诚已将风马电车旋驾九阍山川出云为霖泽滂雨公及私兴锄利甿亿万斯年农夫之庆【八章】歌毕引退赞引奏拜兴

皇帝率羣臣行三拜礼兴乃彻饌送

帝神望燎并如常雩之仪礼毕

皇帝还宫

午门鸣钟不陪祀王公百官常服跪迎如初仪

右大雩

因事只告

圜丘之礼遣亲王一人将事及执事官致斋一日豫期翰林院具祝文【随事撰拟】太常寺送内阁恭书奉诸

南郊神库洁备器陈至日五鼓设

神座幄于

圜丘陈鹿脯鹿醢 醢枣榛葡萄桃实莲实鑪一铎六爵垫一幄南中设一案少西北向供祝版司祝一人立于案西东面东设一案西向陈告祀制帛一香盘一尊一幂勺具爵三司香司帛司爵各一人立于案东西面纠仪御史一人东位西面一人西位东面太常寺典仪一人立第二成午阶上之东掌燎立燎鑪东南隅鸡初鸣遣官豫蒞于

昭亨门外赞引太常寺赞礼郎二人豫蒞于外壝南右

门外均朝服黎明太常寺卿率属诣

皇穹宇奉请

皇天上帝神位入坛恭设座上如仪遣官入

昭亨右门至外壝南右门赞礼郎引入诣

圜丘升西阶至第三成午阶上典仪赞就位执事官各共迺职赞礼郎引遣官就拜位北面立典仪赞迎

神【凡礼仪节次皆典仪唱赞后同】司香奉香进至案前只蒞赞礼郎赞升坛引遣官升西阶就香案前立赞跪遣官跪赞上香司香跪进香遣官上炷香次三上瓣香兴赞复位引遣官自西阶降复位立赞跪叩兴【凡遣官升降行礼皆赞皆引后同】遣官三跪九叩兴赞行初献礼司帛奉篚司爵揭尊幂勺挹酒实爵以次进至案前只蒞遣官升

坛诣

神位前跪司帛跪奉篚遣官受篚拱举奠于案司爵跪奉爵遣官受爵拱举奠于垫中兴赞读祝遣官降自午阶之左至第二成当阶北面跪司祝诣祝案前跪三叩奉祝版跪案左读祝毕兴奉安

神位前篚内跪叩如初退遣官行三叩礼兴仍降西阶复位次亚献献爵于左次三献献爵于右仪同赞送神遣官行三跪九叩礼兴赞奉祝帛送燎司祝奉祝司帛奉篚皆三叩司香奉香以次降午阶遣官避立西旁蒞过复位赞望燎遣官降西阶出内壝南右门诣燎所望燎赞礼

郎告礼毕引由外壝南右门出太常寺卿率属恭请

上帝神位还

御如仪各退

右因事只告

列圣升配

南郊之礼

制下礼部具疏行钦天监諏吉工部于

昭亨门外择洁地设黄幄太常寺设香案于幄内礼工二部尚书上香行三跪九叩礼工部敬制升配

神位既成諏吉镌字内阁翰林官朝服敬书题字大学士满汉各一人朝服视镌上香行礼如仪

升祔

太庙礼成諏

升配

圜丘吉日以

闻飭诸司敬谨供备

右敬制神位戒办

眡牲

致斋

书祝版

阅祝版

眡割牲【仪均与冬至大祀同】

前二日遣官各一人只告

天

地

宗庙

社稷如常告仪

右只告

前一日太常寺卿率属入

坛洁饔坛上下恭设

上帝青幄暨

列圣配幄毕乃恭设

升配青幄宝座几案如仪銮仪卫设龙亭黄盖御仗于昭亨门外恭制

神位黄幄前是日

皇帝诣

南郊斋宿銮仪卫陈

大驾卤簿

午门鸣钟鼓乐陈而不作不陪祀王公百官朝服跪送如常仪

驾至

南郊

降辇赞引对引官恭导

皇帝诣

皇穹宇上香行三拜礼毕恭导诣

圜丘只眡

坛位乃导出

昭亨门外陞輿请

斋宫大学士二人朝服只蒞于恭制

神位黄幄前太常寺官具鑪鐙大学士入幄右门诣案前上香行三跪九叩礼恭视工部以青节

神位题字毕礼部尚书诣案前恭奉

神位奉安于黄案上香行礼如前仪毕各退

右眡神位

届日昧爽太常寺卿入

坛陈设祭器乐部陈乐悬乐舞工部官张大次陪祀执事各官朝服豫集只蒞均如大祀仪礼部太常寺官十人前引

神位恭蒞于黄幄外太常寺卿诣

斋宫奏时

皇帝礼服出

斋宫乘辇前引大臣十人前导后扈大臣随侍如仪

皇帝出广利门至

昭亨门右降辇盥手盥仪卫官跪奉盥奉巾如仪毕赞

引对引恭导

皇帝入黄幄左门诣

神位前行一跪三拜礼兴进前跪恭奉

神位兴由中门出奉安

神位于龙亭跪三拜兴避立道左校尉舁亭前列御仗黄盖礼部太常寺官左右导引前引大臣十人赞引对引太常寺卿二人恭导

皇帝于亭后行陪祀王以下内大臣侍卫于

昭亨左门外跪迎 过兴随行龙亭入

昭亨左门百官跪迎于次 过北面只立亭至内壝左

门外止赞引对引恭导

皇帝诣亭前跪三拜兴进前跪恭奉

神位入内壝左门至

圜丘三成阶下御仗黄盖退前引大臣止立赞引对引恭

导

皇帝陞

坛太常寺司拜褥官豫布

神位拜褥于正中布

皇帝拜褥于稍后赞引跪奏

庙諡皇帝只见

皇天上帝

皇帝恭奉

神位跪安于拜席退就拜位赞引奏拜兴

皇帝三跪九拜恭代行礼毕赞引跪奏请

陞座

皇帝进前跪恭奉

神位兴司拜褥官彻

神位拜褥

皇帝诣

配幄前跪奉安

神位于宝座退至幄外香案前赞引奏拜兴

皇帝行一跪三拜礼赞引对引恭导

皇帝诣二成拜位立乃行大祀礼仪节均与冬至同

祀毕恭导

皇帝出

昭亨左门乘舆还宫

大驾卤簿前导乐陈而不作不陪祀王公百官只 迎驾如前仪太常寺官恭请

神位

御皇穹宇上香行礼均如

郊祀仪翼日

颁诏布告天下【仪详嘉礼】

右升配

升配

圜丘礼成恭遇孟春上辛吉日秩祀

祈谷坛乃奉

神位配飨

祈年殿祀前诸仪并同

圜丘豫日有司恭设

升配宝座于

祈年殿届日设龙亭黄盖御仗于恭制

神位黄幄前导引如仪

皇帝恭奉

神位由左阶陞入

祈年左门奉安于

宝座【不再行只见礼】余仪节均与上辛祈谷同

右升配祈谷坛

钦定大清通礼卷一

卷二

<史部,政书类,仪制之属,钦定大清通礼

钦定四库全书

钦定大清通礼卷二

吉礼

北郊

夏日至大祭

地于

方泽之礼先祭期五日遣亲王二人诣牺牲所恭代眡牲

仪与祀

南郊礼同

右眡牲

先三日

皇帝致斋于大内颁

制辞于羣臣曰某年月日夏至朕恭祭

皇地只于

方泽惟尔羣臣其蠲乃心齐乃志各扬其职敢或不共国有常刑钦哉勿怠陪祀王公百官敬书誓

命各斋于公署如祀

南郊仪

右斋戒

省牲

书祝版

眡割牲【仪均与南郊祀同】

先一日五鼓太常寺卿率属埽除坛上下借以防荐设

皇地只神座于

方泽第一成居中北向

列圣东西向

四从于第二成

五岳东

肩运

天柱二山从之

五镇西

隆业

昌瑞

永宁三山从之

四海在

五岳之次

四渎在

五镇之次均施黄幄工部司官张

皇帝拜次于第二成子阶上张大次于外墻北门外神

路之东太常寺典簿陈牲俎于

神防博士辨簠簋笾豆登铏之实以次展器于神庠

右设神座幄供张展牲器

其日昧爽太常寺设黄案于

中和殿中

御座之南太常寺卿只 赞事殿内司祝由内阁奉祝

版暂奉于

太和殿内初昕太常寺卿率钦天监博士至乾清门奏时

皇帝龙袍补服乘舆出宫至

中和殿后降舆

御殿立左楹前西向记注官四人于殿右门夹楹内外

立东面司祝由

太和殿奉祝版前列提鑪二太常寺赞礼郎十人引至

中和殿外阶下止司祝奉祝版由中阶进殿中门陈于案三叩兴退太常寺卿展祝文赞礼郎布拜褥

皇帝诣案前恭阅毕行一跪三拜礼兴复位立太常寺卿韬祝版有司彻拜褥司祝进至案前三叩恭奉祝版兴由殿中门出太常寺卿跪奏礼成

皇帝还宫太常寺官送祝版至

北郊奉安

神庠内是日恭进斋戒牌铜人于

斋宫彻

乾清门斋戒牌铜人如祀

南郊仪

右阅祝版

厥明步军统领饬所部清蹕除道自

东华门至

坛门銮仪卫官校陈设

法驾卤簿导象四民尉二十有八人次宝象五民尉八十人云麾使一人治仪正二人次静鞭四民尉十有四人治仪正一人次前部大乐大号小号各四金口角四和声署史十有二次革辂驾马四民尉三十有二人木辂驾马六民尉三十有二人象辂驾马八民尉三十有四人金辂驾象一民尉四十有四人玉辂驾象一民尉四十有四人云麾使一人治仪正二人次鼓吹大乐大号八小号八金钲四画角二十有四防鼓二十有四横箏十有二

拍板四仗鼓四金二防鼓二十有四署史六十有八人民尉百六十有四人画角前防鼓后间以红镫各二民尉六人冠军使一人整仪尉二人次引仗御仗吾仗各六立卧各六星六钺六出警入蹕旗各一民尉六十有七人五色销金小旗二十【每色各四】民尉四十人云麾使一人整仪尉二人次翠华旗二金鼓旗二门旗八民尉二十有四人日月旗各一云雷旗各五八风旗八甘雨旗四民尉四十有八人列宿旗二十有八五星旗五五岳旗五四读旗四神武朱雀白虎青龙旗四民尉九十有二人天马天鹿辟邪犀牛赤熊黄黑白泽角端游麟彩狮振鹭鸣鸾赤乌华虫黄鹄白雉云鹤孔雀仪凤翔鸾为旗二十民尉四十人五色销金龙纛二十前锋大纛八羽林大纛八骁骑纛二十有四民尉百二十人云麾使二人治仪正二人整仪尉二人次黄麾四仪鎗麾四金节四进善纳言敷文振武旌各二褒功懷遠行庆施惠明刑弼教教孝表节旌各二民尉五十有六人龙头幡四豹尾幡四绛引幡四信幡四民尉三十有二人羽葆幢四霓幢四紫幢四长壽幢四民尉三十有二人云麾使二人治仪正二人整仪尉二人次鸾凤赤方扇八雉尾扇八孔雀扇八黄赤二色单龙团扇各八双龙团扇各八壽字黄扇八民尉百二十有八人云麾使一人治仪正二人整仪尉二人次赤素紫素方纛各四五色四季花纛十间以五色九龙纛十民尉六十人次九龙黄盖十翠华盖二紫芝盖二九龙曲柄黄盖四民尉四十有八人銮仪使一人云麾使一人治仪正二人整仪尉二人次仪刀二十亲军四十人弓矢二十亲军四十人豹尾枪二十防军四十人戣四亲军八人防四亲军八人云麾使一人治仪正二人整仪尉四人次仗马十防军二十人冠军使云麾使各一人次金方几一金交倚一金餅二金盥盘一金盂一金合二金鑪二拂二【立夏陈列处暑收】旗尉二十有二人云麾使一人治仪正二人次九龙曲柄黄华盖一武备院掌盖司盖四人前引佩刀大

臣十人提鑪二执鑪侍卫二人

金辇在中左右奉辇銮仪使二人扶辇冠军使一入云麾使一人治仪正二人整仪尉二人旗尉民尉各十有八人后扈佩刀大臣二人豹尾班执豹尾枪侍卫十人佩仪刀侍卫十人佩弓矢侍卫十人领侍卫内大臣一人侍卫班领二人次后管宗人府王公二人前锋防军统领一人散秩大臣一人给事中御史二人各部郎中四人【员外郎并用】侍卫班领一人署侍卫班领一人侍卫什长二人次黄龙大纛二领侍卫内大臣一人【内大臣散秩大臣并用】司纛侍卫什长二人建纛亲军四人佩鸣螺亲军六人凡职事官均采服亲军防军旗尉民尉各服其服辰刻不陪祀王以下公以上满汉文武百官朝服咸会只 送

驾如仪已刻太常寺卿赴

乾清门奏请诣

北郊斋宿

皇帝龙袍补服乘礼輿出至

太和门阶下降輿銮仪卫进金辇掌銮仪卫内大臣一人跪奏请

陞辇銮仪使二人奉辇扶辇官四人纳陛于辇前正中皇帝乘辇驾士三十二人輦辇

驾发警蹕銮仪使二人率官校夹辇而趋

午门鸣钟鼓

皇帝由协和门

东华门出导迎乐前引不作左右涂巷皆设布幛防军统领步军统领率弁校辟除如诣

南郊仪

右銮輿出宫

驾至

北郊由坛西门入至

方泽北门外掌銮仪卫内大臣一人跪奏请

皇帝降辇奉辇纳陛如仪前引内大臣十人右赞引左

对引太常寺卿二人恭导

皇帝由外壝北右门至

皇只室诣

皇地只香案前立司香太常寺少卿一人跪进香皇帝跪受香拱举仍授司香兴三上香毕以次诣

列圣前上香如仪赞礼郎布拜褥

皇帝行三跪九拜礼两庑

从位遣分献官上香行礼

皇帝诣

方泽陛子阶第一成恭眡

皇地只位

列圣配位赞引官以次跪奏毕暨对引官恭导

皇帝由内壝西右门诣

神库恭眡筵豆赞引跪奏如前仪遂遣官并眡牲牢毕

皇帝由内壝北右门出至神路西

陛辇诣

斋宫从祀王公百官采服分班只俟

皇帝降辇乘礼輿入宫乃退随坛斋宿如祀

南郊之仪

右眡神位坛位牲器斋宿

将事之夕夜分太常寺卿率官属入坛然炬明镫具器陈于案各以其序第一成

皇地只幄内犊一登一簠二簋二笾十有二豆十有二金

鑪一黄镫金镫各二爵垫一

列圣幄内皆犊一登一簠簋各二笾豆各十有二金鑪一黄镫金镫各二爵垫一幄北中设一案少西南向供祝版西设一案东向陈黄琮一郊祀制帛一【色黄】奉先制帛二【色白】香盘三尊三匏爵九壶一实福酒盘一实胙肉东设一案西向陈奉先制帛三【色白】香盘三尊三匏爵九凡牲陈于俎凡玉帛实于筐凡尊实酒承以舟疏布幂勺具第二成

四从幄内皆牛一羊一豕一豮一登一铏簠簋各二笾豆各十琖三十鑪一镫四各设一案陈礼神制帛各一【岳镇色用青赤黄白黑五山色用白四海色用青赤白黑四渎色用黑】尊一爵三香盘一俎筐勺幂具釜仪卫冠军使设洗于外壝右门外大次乐部率太常协律郎设中和韶乐于二成阶下金编钟在西玉编磬在东西应鼓一柷一麾一东敌一琴瑟笙箫箏埙篪搏拊旌节及羽籥干戚之属东西依数分比均与

南郊礼同

右陈设

陈设毕礼部侍郎一人由东阶升第一成太常寺博士前引诣

皇地只位前省眡玉帛盥盛及登俎笾豆之实以次诣列圣位前省盥毕仍由东阶降至第二成

从位前周眡如仪

右省盥

辨行礼位第一成子阶上为读祝受福胙

皇帝拜位第二成黄幄次为

皇帝行礼拜位南向第二成阶下为陪祀王贝勒贝子公拜位左翼东位西上右翼西位东上庭中夹神道东西为分献官拜位外壝门外为陪祀百官拜位文五品武四品以上东西各五班均面南重行异等西位东上东位西上辨执事位第一成太常寺官二人立

皇帝拜位前一司拜牌东面一司拜褥西面司祝一人立祝案西东面司香三人司玉帛一人司帛二人司爵三人序立西案之西东面司香三人司帛三

人司爵三人序立东案之东西面光禄寺卿二人立西司香之后侍卫二人立东司香之后太常寺赞赐福胙一人立西司爵之次均南上侍仪礼部尚书一人侍郎一人立东案之北西面都察院左都御史副都御史各一人乐部典乐一人立西案之北东面均南上阶下太常寺典仪一人西立东面第二成司拜牌拜褥官各一人分立黄幄次东西与第一成子阶同第二成阶下记注官四人东立西面引王公行礼鸿胪寺官二人纠仪御史四人礼部祠祭司官二人分立拜位左右均东西面司乐协律郎乐工序立东西乐悬之次歌工立乐工之次乐舞生文武八佾分行序立西在歌工之右东在歌工之左皆西列东上东列西上太常寺 赞四人二人循内墀墙立二人循外墀墙立外墀门外纠仪御史四人礼部祠祭司官四人分立从祀百官之次鸿胪寺序班东西各一人立于纠仪官之次稍后均东西面掌蹙官一人率蹙人立于蹙坎之西北隅

右辨位

祀日日出前七刻司祝诣

神库恭请祝版设于祝案跪叩如仪礼部尚书一人率太常寺卿属恭请

神位銮仪卫官校豫设凤亭一于

皇只室阶下正中北向又设凤亭五于左右稍后均北向又设凤亭四于北稍后均东西向至时太常寺官启

神龛礼部尚书诣

皇只室各香案前上香行礼如仪太常寺卿率属分诣皇只室及

从位前各行一跪三叩礼先请

四从位奉至丹墀东西向次请

列圣神位于殿内东西向俟请

皇地只神位北向先行乃奉

列圣神位以从既出殿乃奉

四从神位以从依次奉安于凤亭内跪叩如初校尉昇亭太常寺官十人前引礼部尚书从由方泽南门入至子陛亭止

皇地只居中

列圣左右稍后均北向

从位再后东西向太常寺官诣各亭前跪三叩兴恭请

皇地只

列圣神位陞子阶诣第一成

四从神位陞东西阶诣第二成以次奉安于

神座各行一跪三叩礼退

右请神位

太常寺卿赴

斋宫奏请诣

坛行礼

皇帝御祭服乘礼舆出

斋宫銮仪使进金辇于

斋宫门外纳陞奉辇如仪

皇帝陞辇銮仪卫校鸣

斋宫钟前引后扈如常仪

皇帝至外壝门外神路西

降辇右赞引左对引太常寺卿二人恭导

皇帝诣大次少俟太常寺赞礼郎引分献官于外壝左门外序立鸿胪寺官引陪祀王公于外壝门外侍卫后百官于行礼位后按翼东西序立只 太常寺卿告奉安

神位毕奏请行礼

皇帝出大次銮仪卫官跪奉盥奉巾如仪盥毕司拜褥官豫布拜褥于第二成拜次退赞引对引官恭导

皇帝由外壝北右门入陞子阶就第二成拜位司拜牌官安拜牌退侍卫至内壝门外前引内大臣执鑪鐙官至第二成阶下均止立后扈大臣随侍【凡陞坛随侍同】鸿胪寺官引阶下王公咸就拜位立太常

寺赞礼郎引分献官入内壝左门至分献拜位立鸿胪寺官引文武百官均就拜位序立典仪赞乐舞生登歌执事官各共廼职武舞执干戚进赞引奏就位

皇帝就拜位立

右就次盥洗就位

皇帝既就位典仪赞瘞毛血迎

神司乐赞举迎

神乐奏中平之章辞曰吉蠲兮玉宇开薰风兮自南来凤驭纷兮后先岳渎霭兮徘徊肃展礼兮报功沛灵泽兮九垓协律郎举麾工鼓祝乐作赞引奏跪拜兴

皇帝行三跪九拜礼 赞赞跪叩兴王公百官均随行礼【凡众官行礼均 赞后同】协律郎偃麾工戛敌乐止【凡乐以举麾鼓祝作以偃麾戛敌止后同】

右迎神

典仪赞奠玉帛左右司香奉香盘以次进香案前恭 左司玉帛官暨司帛官由西案奉篚右司帛官由东案奉篚以次进至

神位前恭 司乐赞举奠玉帛乐奏广平之章辞曰式时吉土兮中坛毖我郊兆兮孔安辟公趋跄兮就列考钟伐鼓兮舞干黄琮纁缙兮既奠灵光下烛兮诚丹乐作司拜牌官起拜牌【凡陞坛皆先起拜牌后同】赞引奏陞

坛暨对引官恭导

皇帝诣第一成对引官至北阶上止立【凡陞坛行礼皆同】赞

引恭导

皇帝诣

皇地只香案前司香跪赞引奏跪

皇帝跪奏上香司香进香

皇帝上炷香次三上瓣香兴赞引恭导

皇帝诣

皇地只位前司玉帛官跪赞引奏跪

皇帝跪奏奠玉帛司玉帛官进筐

皇帝受筐拱举奠于案兴以次诣

列圣位前上香献帛仪同赞引奏复位暨对引官恭导皇帝复第二成拜位立司拜牌官安拜牌【凡复位则安拜牌后同】

乐止

右奠玉帛

皇帝既奠玉帛典仪赞进俎司拜牌官起拜牌退赞引

对引恭导

皇帝转立拜位旁西向司拜褥官起拜褥太常寺官引分献官鸿胪寺官引王公各退避东西面立有司贮羹于壶恭执太常寺官二人引至坛阶下止立执壶官升子阶以次登坛过幄次仍布拜褥恭导

皇帝复位王公及分献官皆引复位执壶官诣

皇地只

列圣位前跪拱举兴以羹沃俎者三退由西阶降司乐赞举进俎乐奏含平之章辞曰礼行乐奏兮未央嘉肴有践兮大房牲牷告歆兮惟恪民力普存兮肃将厚载资生兮无外几筵来格兮洋洋乐作赞引奏陞

坛恭导

皇帝陞第一成诣

皇地只位前立赞引奏跪

皇帝跪奏进俎

皇帝拱举进俎兴以次诣

列圣位前进俎仪同赞引奏复位恭导

皇帝复二成拜位立乐止

右进俎

典仪赞行初献礼有司揭尊幂勺挹酒实爵左右司爵执爵以次进至各

神案前恭俟司乐赞举初献乐奏太平之章辞曰醴齐融洽兮信芳博硕升庖兮鼎方清风穆穆兮休气翔神明和乐兮举初觴洽百礼兮禋祀罄九土兮丰穰乐作司乐举节舞干戚之舞【凡舞以节领之导引进退后同】赞引奏陞

坛恭导

皇帝诣第一成

皇地只位前司爵跪赞引奏跪

皇帝跪奏献爵司爵进爵

皇帝受爵奠于垫中兴第一成司拜褥拜牌官布拜褥

安拜牌赞引奏诣读祝位

皇帝诣读祝拜位立司祝至祝案前跪三叩兴奉祝版

跪案左乐暂止赞引奏跪

皇帝跪羣臣皆跪赞引赞读祝司祝读祝辞曰维某年

月日

嗣天子【臣】御名敢昭告于

后土皇地只曰时当夏至羣物方亨生长发育有生咸赖

功德至厚上配

皇天谨以玉帛牲醴盛庶品用将只祀奉

太祖承天广运圣德神功肇纪立极仁孝睿武端毅钦安弘文定业高皇帝

太宗应天兴国弘德彰武宽温仁圣睿孝敬敏昭定隆道显功文皇帝

世祖体天隆运定统建极英睿钦文显武大德弘功至仁纯孝章皇帝

圣祖合天弘运文武睿哲恭俭宽裕孝敬诚信中和功德大成仁皇帝

世宗敬天昌运建中表正文武英明宽仁信毅大孝至诚宪皇帝配尚

飨读毕兴奉祝版跪安

皇地只位前筐内三叩兴退乐作赞引奏拜兴

皇帝率羣臣行三拜礼兴起拜褥彻拜牌赞引恭导诣

列圣位前以次献爵仪同赞礼郎引

从位分献官由东西阶升诣各

神位前上香献帛献爵毕赞引奏复位恭导

皇帝复第二成拜位立分献官咸降阶退各复拜位立

乐止武功之舞退文舞执羽籥进

右初献读祝

典仪赞行亚献礼司爵执爵以进司乐赞举亚献乐奏安平之章辞曰一茅三脊兮缩浆山罍云罍兮馨香介黍稷兮芳防再涤牺尊兮敬将乐成八变兮缀兆俨

皇只兮悦康乐作舞羽籥之舞赞引奏陞

坛恭导

皇帝陞第一成以次奠爵于左仪如初献赞引奏复位皇帝复位立乐止

右亚献

典仪赞行终献礼司爵执爵以进司乐赞举终献乐奏时平之章辞曰紫坛兮嘉气盈防酒思柔兮和且平凜兹陟降兮心屏营礼成三献兮荐玉觥含 光大兮德厚灵佑丕基兮永清乐作【舞与亚献同】赞引奏陞

坛恭导

皇帝陞第一成以次奠爵于右仪如亚献赞引奏复位

恭导

皇帝复位立每献分献官诣

从位献爵升降均如初乐止文德之舞退

右三献

既终献赞礼郎一人诣祝案前东面立赞

赐福胙光禄寺卿就西案奉福胙至

皇地只位前拱举退布拜褥安拜牌如读祝仪赞引奏诣

饮福受胙位恭导

皇帝诣第一成饮福受胙位立光禄寺卿二人奉福胙

祇立

皇帝拜位之右侍卫二人进立于左赞引奏跪皇帝跪左右官皆跪奏饮福酒右官进福酒

皇帝受爵拱举授左官奏受胙右官进胙

皇帝受胙拱举授左官赞引奏拜兴

皇帝三拜兴赞引奏复位恭导

皇帝复第二成拜位立赞引奏跪拜兴

皇帝率羣臣行三跪九拜礼典仪赞彻饌司乐赞举彻饌乐奏贞平之章辞曰玉俎列兮庶品
该黄琮告彻兮云翔徊晏陰定兮曦景回南讹秩兮日恢台肃惟昭明兮孔迓覃博厚兮奠九
垓乐作司玉帛官诣

皇地只位前跪叩兴奉黄琮以退乐止

右受福胙彻饌

典仪赞送

神司乐赞举送

神乐奏宁平之章辞曰灵旗兮云路遵飞龙蜿兮高旻陰

仪粹兮德纯眷四海兮无尘配

皇穹兮两大綏下土兮烝民乐作赞引奏跪拜兴皇帝率羣臣行三跪九拜礼兴乐暂止

右送神

典仪赞奉祝帛饌恭送瘞位司祝司帛诣

神位前咸跪司祝奉祝司帛奉筐皆三叩兴司香跪奉香司爵跪奉饌兴以次恭送瘞所左右
执事官奉

列圣位前帛饌香恭送燎所

皇帝转立拜位旁西向【起拜褥分献官王公等避立如进俎时】俟祝帛过

【仍布拜褥】

皇帝复位立

从坛香帛饌仍由东西阶降送瘞所典仪赞望瘞乐作

【乐章乐辞与送神同】赞引奏诣望瘞位恭导

皇帝由内壝右门出诣望瘞位望瘞分献官各诣东西

门外望瘞赞引奏礼成恭导

皇帝入大次乐止

右望瘞

大祭礼成銮仪卫官率校尉设凤亭一于

方泽子阶下正中凤亭五于左右稍后均北向凤亭四于两旁东西向太常寺卿率属升坛诣各

神位前跪三叩兴恭请奉安亭内跪叩如初銮仪校舁亭

依次行至

皇只室

皇地只居中

列圣左右均南向

从位东西相向以次复

御礼部尚书上香行礼仪并与迎

神同

右神位还御

皇帝既还大次更衣至外壇神路西乘礼輿出北门外法驾卤簿前导迎乐作奏祐平之章
辞曰隤尔而静持载广生长至修祀聿来光景富媪愉 德升岳渎安民物亨

皇帝回銮王公从各官以次退不陪祀王公百官仍朝

服只

驾至跪迎

午门鸣钟乐止王公随

驾入至内金水桥恭

皇帝还宫皆退太常寺官彻

斋宫斋戒牌铜人送寺

右回銮

因事只告

方泽之礼遣亲王一人将事及执事官致斋一日有司具

祝文洁备器陈设

神座幄于

坛上陈脯醢果实鑪鐙爵垫幄北中设一案少西南向供祝版西设一案东向陈尊爵香帛与
告

圜丘礼同司香司帛司爵司祝各一人立西案西东面纠仪御史一人东位西面一人西位东
面太常寺典仪一人立第一成子阶下东面掌瘞立瘞坎西北隅鸡初鸣遣官豫埃于

坛北门外赞引太常寺赞礼郎二人豫埃于外壇北左

门外均朝服太常寺卿率属诣

皇只室奉请

皇地只神位入坛恭设座上如仪遣官自

坛北左门至外壝北左门赞礼郎引入诣

方泽子阶下典仪赞就位执事官各共迺职赞礼郎引遣

官就拜位立典仪赞迎

神【凡礼仪节次皆典仪唱赞后同】赞礼郎赞跪叩兴遣官行三跪九叩礼兴赞初献司香奉香司帛奉帛司爵奉爵以次进至案前只俟赞礼郎赞升坛引遣官升西阶就香案前【凡遣官升降行礼皆赞皆引后同】跪上香以次诣

神位前跪奠帛奠爵如仪兴赞读祝遣官降子阶之右至第二成当阶面南跪司祝读祝如仪退遣官行三叩礼兴仍降西阶复位亚献三献暨送神望瘞仪注并与告

南郊同礼毕引遣官由外壝北左门出太常寺卿率属恭

请

皇地只神位还

御如仪各退

右因事祇告

列圣升配

北郊之礼

制下礼部具防行钦天监諏吉工部于

坛北门外张黄幄敬制升配

神位礼工二部尚书上香行三跪九叩礼既成内阁翰林官朝服书字大学士满汉各一人朝服视镌上香行礼各如仪迺諏

升配吉日以

闻徧布诸司供备

右敬制神位戒办

致斋

眡牲

书祝版

阅祝版

眡割牲 【均如南郊升配仪】

前二日遣官各一人只告

天

地

宗庙

社稷如常告仪

右祇告

前一日有司豫设

升配黄幄于坛上銮仪卫陈

法驾卤簿设凤亭黄盖御仗于恭制

神位黄幄前

皇帝诣

北郊斋宿周眡

坛位大学士恭视工部以青饰

神位题字毕礼部尚书奉安

神位并如仪 【详南郊升配】 届日所司入坛陈设

皇帝躬诣

坛北门外黄幄次奉请

神位祇见

皇地只恭代行礼乃奉安

神位于配幄率羣臣行大祀礼礼成还宫太常寺官恭请神位

御皇只室均如

南郊升配仪

右升配

钦定大清通礼卷二

卷三

钦定四库全书

钦定大清通礼卷三

吉礼

宗庙

歲四时飨

太庙之礼孟春于上旬諏吉夏秋冬于孟月朔先三日礼

部尚书一人诣牺牲所眡牲如仪

右眡牲

是日昧爽太常寺卿率属恭进斋戒牌铜人于

乾清门均如

郊祀仪

皇帝乃斋于大内斋宫王公百官各斋于次

右致斋

书祝版

眡割牲郊【仪均与祀同】

先一日昧爽太常寺设黄案一于

中和殿

御座之南太常寺卿率属只 赞事殿内司祝由内阁

恭奉

太庙后殿

中殿祝版暂设

太和殿初昕太常寺卿率钦天监博士至

乾清门奏时

皇帝御补服乘舆出宫至

中和殿后降舆

御殿立左楹前西向司祝由

太和殿恭奉祝版以次行导引如仪至

中和殿奉

后殿祝版恭设案左奉

中殿祝版恭设案右三叩兴退太常寺卿二人展祝文

赞礼郎布拜褥

皇帝诣案前恭阅行三拜礼毕太常寺官恭送祝版奉

安

太庙神库内余如

北郊祀仪

右阅祝版

其日太常寺卿率属入

庙洁蠲殿内外借以防荐恭设

后殿

列祖

列后神座于

寢室前

肇祖原皇帝正中

原皇后配

兴祖直皇帝左

直皇后配

景祖翼皇帝右

翼皇后配

显祖宣皇帝次左

宣皇后配均南向恭设

中殿

列圣

列后神座于

前殿

太祖高皇帝正中南向

孝慈高皇后配

太宗文皇帝东位西向

孝端文皇后

孝庄文皇后配

世祖章皇帝西位东向

孝惠章皇后

孝康章皇后配

圣祖仁皇帝东次西向

孝诚仁皇后

孝昭仁皇后

孝懿仁皇后

孝恭仁皇后配

世宗宪皇帝西次东向

孝敬宪皇后配展

前殿两庑配飨东通达郡王次武功郡王武功郡王福晋次慧哲郡王慧哲郡王福晋次宣献郡王宣献郡王福晋次怡贤亲王均西面西信勇公费英东次果毅公额宜都次武勲王扬古利次果毅公图尔格次雄勇公图賴次忠达公大学士图海次超勇亲王策凌次勤襄伯大学士鄂尔泰次大学士张廷玉均东面以北为上

右设神座

将事之夕夜分太常寺卿率属入

庙然炬明镫具器陈于案各以其序

帝

后皆同案每案牛一羊一豕一簠二簋二笾十有二豆十有二鑪一镫二每位登一俎一金匕一金箸二南设三案一少西供祝版一东次西向一西次东向分奠

帝

后每案香盘一每位奉先制帛一【色白】尊一玉爵三后殿

前殿同

前殿东案陈壶一实福酒盘一实胙肉东庑五案皆牛一羊一豕一簠二簋二笾十豆十每位
钹一西庑九案皆羊一豕一钹一簠一簋一笾四豆四又各设案于南东庑奠尊三每案香盘
一每位展亲制帛一【色白】爵三西庑奠尊五每位报功制帛一【色白】余同东庑凡牲
陈于俎凡帛实于筐凡尊实酒承以舟疏布幕勺具工部司官张黄幄于防门銮仪卫官设洗
于幄外乐部率太常协律郎设中和韶乐于殿外阶上分东西悬陈武功文德二舞于乐悬之
次并如

郊祀仪

右陈设

陈设毕太常寺博士引礼部侍郎一人诣

后殿

前殿

神位前省眡牲帛蠹盛及笾豆登钹之实毕并诣东西庑

周眡如仪

右省蠹

辨行礼位

前殿门内正中爲

皇帝行礼拜位北向殿外阶上东西爲王以下公以上拜位阶下甬道东西为两庑分献官拜
位庙庭东西为百官拜位文官郎中以上武官叅领世爵轻车都尉以上东西各五班重行异
等均北面东位

西上西位东上辨执事位司拜褥銮仪卫官二人分立于

皇帝拜位左右太常寺司祝一人立祝案西东面太常寺司香三人宗室官司帛三人司爵九
人序立东案之东西面太常寺司香二人宗室官司帛二人司爵六人序立西案之西东面均

北上光禄寺卿二人立东司香之后西面侍卫二人立西司香之后太常寺赞赐福胙一人立西司爵之次均东面北上侍仪礼部尚书侍郎各一人立东案之南西面都察院左都御史副都御史各一人乐部典乐一人立西案之南东面均北上太常寺典仪一人立殿东门外西面阶上东西纠仪御史二人礼部祠祭司官二人立于王公拜位之前引王公行礼鸿胪寺官二人分立于纠仪官之次均东西面司乐协律郎乐工序立乐悬之次歌工立乐工之次乐舞生文武八佾分行序立东列歌工之左西列歌工之右北面记注官四人立西阶下东面北上纠仪御史四人礼部祠祭司官二人鸿胪寺官二人分立于百官行礼位前均东西面掌燎官率燎人立燎鑪南承祭

后殿官拜位设于殿外阶上太常寺司祝一人司香四人觉罗官司帛四人司爵八人纠仪御史四人以次序立于殿内均东西面太常寺典仪一人立于殿门外之东掌燎官立位同前

右辨位

其日五鼓銮仪卫陈

法驾卤簿【详见北郊祭仪】于

午门外陈金辇于

太和门外陪祀王以下公以上按翼集庙街门外候

驾至随行承祭

后殿官分献官均先蒞于庙南门外陪祀百官序立于

庙庭左右只候司祝二人诣

神庠祝案前跪三叩兴恭奉祝版先

后殿次

前殿奉安于祝案跪叩如初日出前四刻公一人诣后殿香几前上香退出殿右门外就阶上正中行三跪

九叩礼觉罗官分诣

后殿寢室前跪三叩兴恭请四室

神位奉安于殿内

寶座跪三叩兴退王一人诣

中殿上香行礼如

后殿之仪宗室官分诣

中殿寢室前跪三叩兴恭请五室

神位以次出殿中门太常寺官十人前引由

前殿北门入循殿左转至殿中依序奉安于

寶座跪三叩兴退均就执事位

右请神位

太常寺卿赴

乾清门奏时

皇帝御祭服乘礼輿出宫至

太和门外降輿乘金辇銮仪卫奉辇纳陛内大臣侍卫前引后扈如常仪执鑪鐙官左右列行

午门严鼓导迎乐陈而不作不陪祀王公以下文武各官咸朝服跪送太常寺赞礼郎豫引

后殿承祭官由右防门入至

后殿内垣门外东面立

驾入

太庙街门左门至神路右降辇纳陛扶辇如前仪右赞引

左对引太常寺卿二人恭导

皇帝至

太庙南门入左门诣防门幄次少俟太常寺卿告奉安神位毕奏请行礼

皇帝出次銮仪卫官跪奉盥奉巾如仪盥毕入防门左门司拜褥官豫布拜褥于殿门内正中赞引对引官恭导

皇帝陞东阶进

前殿左门就拜位前北向立执鑪铎官止东阶下夹阶左右立侍卫退至东西陛隅立前引内大臣止殿外檐下东西侍立后扈大臣随侍赞礼郎二人引承祭

后殿官由内垣右门入升自西阶至中阶拜位前立赞礼郎东西各二人引分献官鸿胪寺官引陪祀王公百官均就拜位序立典仪赞乐舞生登歌执事官各共廼职武舞执干戚进赞引奏就位

皇帝就位立

后殿典仪赞执事官各共廼职赞礼郎赞就位承祭官

就位立

右就次盥洗就位

典仪赞迎

神左右司香奉香盘以次进至各案前恭候司乐赞举迎神乐奏貽平之章辞曰肇兹区夏世德钦崇九州维宅王业自东戎甲十三奋起飞龙维神格思皇灵显融协律郎举麾工鼓祝乐作赞引奏诣香案前暨对引官恭导

皇帝诣

太祖高皇帝香案前对引官至祝案前止立司香跪赞引

奏跪

皇帝跪奏上香司香进香

皇帝上炷香三上瓣香兴以次诣

太宗文皇帝

世祖章皇帝

圣祖仁皇帝

世宗宪皇帝香案前上香仪同赞引奏复位暨对引官恭

导

皇帝复位立赞引奏跪拜兴

皇帝行三跪九拜礼王公百官均随行礼协律郎偃麾工戛敌乐止【凡乐以举麾鼓柷作以偃麾戛敌止后同】初迎

神时

后殿典仪赞同赞礼郎赞诣香案前赞跪赞上香引承

祭官诣

肇祖原皇帝

兴祖直皇帝

景祖翼皇帝

显祖宣皇帝香案前以次跪上香毕复位行三跪九叩礼

如仪

右迎神

典仪赞奠帛爵行初献礼司乐赞举初献乐奏敕平之章辞曰于皇祖考克配上天越文武功万邦是宣孝孙受命不忘不愆羹墙永慕时荐斯防乐作司乐举节舞干戚之舞【凡舞以节领之导引进退后同】有司揭尊罍勺挹酒实爵左右司帛司爵以次进至各

神位前司帛跪献篚奠于案三叩兴司爵立献爵奠于垫中各退乐暂止司祝诣祝案前跪三叩兴奉祝版跪案左赞引奏跪

皇帝跪羣臣皆跪赞读祝司祝读祝辞曰维某年月日孝孙嗣皇帝御名敢昭告于

太祖承天广运圣德神功肇纪立极仁孝睿武端毅钦安弘文定业高皇帝

孝慈昭宪敬顺仁徽懿德庆显承天辅圣高皇后太宗应天兴国弘德彰武宽温仁圣睿孝敬敏昭定隆道显功文皇帝

孝端正敬仁懿哲顺慈僖庄敏辅天协圣文皇后孝庄仁宣诚宪恭懿至德纯徽翊天启圣文皇后世祖体天隆运定统建极英睿钦文显武大德弘功至仁纯孝章皇帝

孝惠仁宪端懿慈淑恭安纯德顺天翼圣章皇后孝康慈和庄懿恭惠温穆端靖崇天育圣章皇后圣祖合天弘运文武睿哲恭俭宽裕孝敬诚信中和功德大成仁皇帝

孝诚恭肃正惠安和淑懿俪天襄圣仁皇后

孝昭静淑明惠正和安裕钦天顺圣仁皇后

孝懿温诚端仁宪穆和恪奉天佐圣仁皇后

孝恭宣惠温肃定裕慈纯赞天承圣仁皇后

世宗敬天昌运建中表正文武英明宽仁信毅大孝至诚宪皇帝

孝敬恭和懿顺昭惠佐天翊圣宪皇后日时届孟【春夏秋冬】谨以牲帛醴齐盥盛庶品用展追思伏惟尚

飨读毕兴奉祝版跪安

神位前筐内三叩兴退乐作赞引奏拜兴

皇帝率羣臣行三拜礼兴乐止武功之舞退文舞执羽

籥进初奠帛爵时

后殿典仪赞奠帛爵行初献礼有司揭尊幂勺挹酒实

爵左右司帛爵以次进至各

神位前奠帛献爵仪同

前殿司祝诣祝案前跪三叩兴奉祝版跪案左赞礼郎赞跪承祭官跪赞读祝司祝读祝辞曰

维某年月日

孝孙嗣皇帝御名谨遣某官某敢昭告于

肇祖原皇帝

原皇后

兴祖直皇帝

直皇后

景祖翼皇帝

翼皇后

显祖宣皇帝

宣皇后曰时届孟【春夏秋冬】谨以牲帛醴齐醴盛庶品用展追

思伏惟尚

飧读毕兴奉祝版跪安

神位前筐内三叩兴退赞礼郎赞叩兴承祭官行三叩礼

兴

前殿两庑赞礼郎引分献官诣两庑配飧位前上香执事生揭尊幂勺挹酒实爵奉筐奉爵各分献退右初献

典仪赞行亚献礼司乐赞举亚献乐奏敷平之章辞曰毖祀精忱洋洋如生尊罍再举于赫昭明蔼然有容忼然有声我懷靡及颺若中情乐作舞羽籥之舞司爵诣各

神位前献爵于左仪如初献

后殿典仪同时赞行亚献礼司爵献爵各

神位前如

前殿之仪两庑随分献毕乐止

右亚献

典仪赞行终献礼司乐赞举终献乐奏绍平之章辞曰粤若祖德诞受方国肆予小子大猷是式欲报之德昊天罔极愍懃三献中心翼翼乐作【舞同亚献】司爵诣各

神位前献爵于右仪如亚献

后殿典仪同时赞行终献礼司爵献爵各

神位前如

前殿之仪两庑随分献毕引分献官退复拜位立乐止

文德之舞退

右三献

既终献太常寺赞礼郎一人诣拜位前西面立赞

赐福胙光禄寺卿二人奉福胙诣

神位前拱举退祇立于

皇帝拜位之右侍卫二人进立于左赞引奏跪皇帝跪左右官皆跪奏饮福酒右官进福酒

皇帝受爵拱举授左官奏受胙右官进胙

皇帝受胙拱举授左官奏拜兴

皇帝三拜兴又奏跪拜兴

皇帝率羣臣行三跪九拜礼兴典仪赞彻饌司乐赞举彻饌乐奏光平之章辞曰庶物既陈九奏具举告成于祖亦右皇妣敬彻不迟用终殷祀式礼如兹皇其燕喜乐作彻毕乐止有司彻

后殿饌如仪

右受胙彻饌

皇帝既受福胙太常寺赞礼郎诣

神位前跪奏礼毕请

还寢室三叩兴退司乐赞举

还宫乐奏义平之章辞曰对越无方陟降无迹寢祐静渊孔安且吉惟灵在天惟主在室于万斯年孝思无斁乐作赞引奏跪拜兴

皇帝率羣臣行三跪九拜礼兴乐暂止典仪赞奉祝帛

送燎司祝司帛诣

神位前咸跪三叩司祝奉祝司帛奉篚兴司香跪奉香兴

以次恭送燎所

皇帝转立拜位旁西向司拜褥官彻拜褥王公百官退

避侧立东西面俟祝帛过【仍布拜褥】

皇帝复位立

后殿赞礼郎赞跪叩兴承祭官行三跪九叩礼兴典仪赞奉祝帛送燎司祝奉祝司帛奉篚司香奉香恭送燎所如

前殿之仪执事生奉两庑香帛焚燎乐作赞引奏礼成

暨对引官恭导

皇帝自殿左门降东阶由东防门出赞礼郎引承祭后殿官退王公二人率宗室觉罗官恭奉

后殿

前殿

神位还寢室上香行礼与迎

神同

右礼成神位还御

时飧礼成

皇帝至

太庙南门外神路右乘礼舆导迎乐作奏祐平之章辞曰仪若先典追孝在天鸿庆遐鬯烈光丕显祀事明神颺宣福庶民千万年

午门鸣钟不陪祀王公百官咸朝服跪迎王公随

驾入至内金水桥恭候

皇帝还宫皆退太常寺官彻

乾清门斋戒牌铜人送寺

右乘舆回宫

祫祭

太庙之礼岁除前一日奉

后殿

中殿

列圣

列后合食

前殿致斋眡牲书祝版眡祝版眡割牲祭前诸仪并準

时飧先一日遣官各一人分诣

后殿

中殿以大祫告太常寺豫具祝版二送内阁恭书奉诸

太庙神庖洁备器陈至日鸡初鸣太常寺卿率属入庙恭展

后殿

中殿神幄每案荐鹿脯鹿醢 醢枣榛葡萄桃实莲实鑪鐙具设案一于殿中少西供祝版司祝立于案西东面设案二于殿内左右分奠香帛尊爵如常祭之数司香司帛司爵各立于案后纠仪御史二人立司爵之南均东西面太常寺典仪一人立殿东檐下西面

后殿

中殿同未明遣官只蒞于街门内赞引太常寺赞礼郎后殿

中殿各二人豫蒞于殿垣门外均朝服质明遣官进庙

南门及防门均由右门入经庭西诣

后殿

中殿赞礼郎引入升自西阶至中阶上拜位前北面立典仪赞执事官各共迺职【以下礼仪节次皆典仪唱赞 中殿后殿同】赞礼郎赞进引遣官就拜位立【凡遣官进退行礼皆赞皆引中殿后殿同】司香奉香盘进至各香案前恭候

后殿遣官诣

肇祖原皇帝香案前跪司香跪奉香遣官上炷香三上瓣

香兴以次诣

兴祖直皇帝

景祖翼皇帝

显祖宣皇帝案前上香如前仪毕复位赞跪叩兴行三跪

九叩礼

中殿遣官诣

太祖高皇帝香案前跪上香以次诣

太宗文皇帝

世祖章皇帝

圣祖仁皇帝

世宗宪皇帝案前跪上香毕复位行礼仪同均出入殿右

门司帛奉筐司爵奉爵诣

列圣案前行初献礼司帛跪献筐奠于案三叩兴司爵立献爵奠于垫中各退司祝诣祝案前跪三叩兴奉祝版跪案左赞跪遣官跪司祝读祝文

后殿祝辞曰维某年月日

孝孙嗣皇帝御名谨遣某官某敢昭告于

肇祖原皇帝

原皇后

兴祖直皇帝

直皇后

景祖翼皇帝

翼皇后

显祖宣皇帝

宣皇后曰兹者岁暮特修裕祭之礼于

太庙恭迎同格飨祀伏惟

鉴知谨

告

中殿祝辞曰维某年月日

孝孙嗣皇帝御名谨遣某官某敢昭告于

太祖承天广运圣德神功肇纪立极仁孝睿武端毅钦安弘文定业高皇帝

孝慈昭宪敬顺仁徽懿德庆显承天辅圣高皇后太宗应天兴国弘德彰武宽温仁圣睿孝敬敏昭定隆道显功文皇帝

孝端正敬仁懿哲顺慈僖庄敏辅天协圣文皇后孝庄仁宣诚宪防懿至德纯徽翊天启圣文皇后世祖体天隆运定统建极英睿钦文显武大德弘功至仁纯孝章皇帝

孝惠仁宪端懿慈淑防安纯德顺天翼圣章皇后孝康慈和庄懿恭惠温穆端靖崇天育圣章皇后圣祖合天弘运文武睿哲防俭宽裕孝敬诚信中和功德大成仁皇帝

孝诚防肃正惠安和淑懿俪天襄圣仁皇后

孝昭静淑明惠正和安裕钦天顺圣仁皇后

孝懿温诚端仁宪穆和恪奉天佐圣仁皇后

孝防宣惠温肃定裕慈纯赞天承圣仁皇后

世宗敬天昌运建中表正文武英明宽仁信毅大孝至诚宪皇帝

孝敬防和懿顺昭惠佐天翊圣宪皇后曰兹者岁暮特修

禘祭之礼恭迎

肇祖原皇帝

原皇后

兴祖直皇帝

直皇后

景祖翼皇帝

翼皇后

显祖宣皇帝

宣皇后同格飨祀伏惟

鉴知谨

告读讫兴奉祝版跪安

神位前篚内三叩退遣官三叩兴行亚献礼司爵诣列圣案前献爵于左行三献礼司爵献爵于右均如初仪遣官行三跪九叩礼兴乃送燎司祝司帛诣

神位前咸跪三叩司祝奉祝司帛奉篚兴司香跪奉香兴以次防送燎所遣官避立拜位西东面俟过复位既送燎赞礼毕引遣官仍降西阶退

后殿

中殿同

右祗告

是日太常寺卿率属洁饬

前殿借以防荐防设

列圣

列后神座于殿内

肇祖原皇帝居中

原皇后配

兴祖直皇帝左

直皇后配

景祖翼皇帝右

翼皇后配

显祖宣皇帝次左

宣皇后配

太祖高皇帝次右

孝慈高皇后配均南向

太宗文皇帝东位西向

孝端文皇后

孝庄文皇后配

世祖章皇帝西位东向

孝惠章皇后

孝康章皇后配

圣祖仁皇帝东次西向

孝诚仁皇后

孝昭仁皇后

孝懿仁皇后

孝恭仁皇后配

世宗宪皇帝西次东向

孝敬宪皇后配展两庑配飨位如时飨之仪

右设神座

祭日日出前七刻司祝一人恭奉祝文安设于

前殿祝案上如仪公一人率宗室官八人诣

后殿上香行礼如时飧奉请

神位之仪防奉四室

帝

后神位出中门降阶太常寺官十人前引由内垣中门循中殿东出王一人率宗室官十五人
诣

中殿上香行礼仪同恭奉五室

帝

后神位出寢室俟

后殿神位陟阶至

中殿神路中南向前行

中殿神位乃以次随行入

前殿依序奉安于各

寶座上如仪退

右请神位

祝辞曰维某年月日

孝孙嗣皇帝御名敢昭告于

肇祖原皇帝

原皇后

兴祖直皇帝

直皇后

景祖翼皇帝

翼皇后

显祖宣皇帝

宣皇后

太祖承天广运圣德神功肇纪立极仁孝睿武端毅钦安 文定业高皇帝

孝慈昭宪敬顺仁徽懿德庆显承天辅圣高皇后太宗应天兴国弘德彰武宽温仁圣睿孝敬敏昭定隆道显功文皇帝

孝端正敬仁懿哲顺慈僖庄敏辅天协圣文皇后孝庄仁宣诚宪防懿至德纯徽翊天启圣文皇后世祖体天隆运定统建极英睿钦文显武大德弘功至仁纯孝章皇帝

孝惠仁宪端懿慈淑防安纯德顺天翼圣章皇后孝康慈和庄懿防惠温穆端靖崇天育圣章皇后圣祖合天弘运文武睿哲防俭宽裕孝敬诚信中和功德大成仁皇帝

孝诚恭肃正惠安和淑懿俪天襄圣仁皇后

孝昭静淑明惠正和安裕钦天顺圣仁皇后

孝懿温诚端仁宪穆和恪奉天佐圣仁皇后

孝防宣惠温肃定裕慈纯赞天承圣仁皇后

世宗敬天昌运建中表正文武英明宽仁信毅大孝至诚宪皇帝

孝敬防和懿顺昭惠佐天翊圣宪皇后日气序已周岁事告成谨以牲帛醴齐蠶盛庶品特修大祫礼于

太庙用申追感之情伏惟尚

飨

右祝辞

迎神乐奏开平之章辞曰承眷命兮抚万邦嗣丕基兮祖德昌溯谟烈兮唐哉皇防岁祀兮式旧章肃对越兮诚悃将尚来格兮仰休光

初献乐奏肃平之章辞曰粤我先兮肇俄朶长白山兮鹊銜果绵 颺兮天所佐明之侵兮歼其左混中外兮逮乎我奉太室兮安以妥

亚献乐奏协平之章辞曰纷葳蕤兮列圣临俨对越兮心钦钦陈纡縞兮有壬林擊浮磬兮弹朱琴恪溥将兮俶来歆锡嘉祉兮天地心

终献乐奏裕平之章辞曰椒飴芬兮神留俞爵三献兮防清醕万羽干兮乐孔都礼明备兮罔敢渝神醉止兮咸乐胥永启佑兮披皇图

彻饌乐奏誠平之章辞曰祝币陈兮神燕娯尊俎将兮反威仪悦且康兮彻弗迟不可度兮矧射思禋有成兮厘百宜鉴精诚兮弗祿绥

还宫乐奏成平之章辞曰龙之馭兮旋穆清神之御兮式丹楹瞻列圣兮優容声廻灵眄兮佑丕承维神听兮和且平继序皇兮亶休征其余乐舞及牲币器数

皇帝行礼仪节祀官陪位均如时飧之仪

右乐章

皇帝因事亲告之礼钦天监谏吉日以

闻下所司供备先一日

皇帝致斋于大内陪祀王公及执事各官咸致斋翰林院具祝文【随事撰拟】太常寺卿送内阁恭书受而奉诸

神库乃率属入

庙洁埽借以防荐工部司官张黄幄于防门銓仪衛官设

洗于幄外至日太常寺卿率属入

庙防展

中殿神幄每案荐鹿脯鹿醢 醢枣榛葡萄桃实莲实鑪鐙具设案一于殿中少西供祝版司祝立于祝案西东面设案二于殿内左右分奠香帛尊爵如时飧之数司香司帛司爵各立于案后太常寺典仪一人立殿东檐下西面掌燎官率燎人立燎鑪南陪祀王公朝服祇俟于庙街门外候

驾至随行不陪祀王公百官朝服集

午门外届时太常寺卿赴

乾清门奏时

皇帝御祭服乘輿出宫前引后扈如常仪

午门严鼓百官跪送如仪

驾入

太庙街门左门至神路右降輿右赞引左对引太常寺卿

二人防导

皇帝至

太庙南门入左门诣防门幄次少俟太常寺卿奏请诣中殿行礼

皇帝出次盥洗玺仪卫官跪奉盥奉巾如仪入防门左

门司拜褥官豫布拜褥于

中殿门内正中赞引对引恭导

皇帝由

前殿东循墙陞

中殿东阶进殿左门就拜位前北向立执鑪鐙官止东阶下夹阶左右立侍衛金立东西陞隅前引大臣分立殿檐下东西面后扈大臣随侍陪祀王公按翼立殿门外左右典仪赞执事官各共迺职【以下礼仪节次皆典仪唱赞】赞引奏就位

皇帝就位立左右司香奉香盘以次进至各案前防候

赞引奏诣香案前暨对引官防导

皇帝诣

太祖高皇帝香案前对引至祝案前止立司香跪赞引奏

跪

皇帝跪奏上香司香进香

皇帝上炷香三上瓣香兴以次诣

太宗文皇帝

世祖章皇帝

圣祖仁皇帝

世宗宪皇帝香案前上香仪同赞引奏复位暨对引官恭

导

皇帝复位立赞引奏跪拜兴

皇帝行三跪九拜礼王公均随行礼毕乃奠帛爵行初献礼有司揭尊幂勺挹酒实爵左右司帛以次进至各

神位前司帛跪献篚奠于案三叩兴司爵立献爵奠于垫中各退司祝诣祝案前跪三叩兴奉祝版跪案左赞引奏跪

皇帝跪王公皆跪赞读祝司祝读祝毕兴奉祝版跪安

神位前篚内三叩兴退赞引奏拜兴

皇帝率王公行三拜礼亚献奠爵于左三献奠爵于右

均如初仪既终献赞引奏跪拜兴

皇帝率王公行三跪九拜礼兴司祝司帛诣

神位前咸跪三叩司祝奉祝司帛奉篚兴司香跪奉香兴以

次恭送燎所

皇帝转立拜位旁西向司拜褥官彻拜褥王公退立阶

下东西面俟祝帛过【仍布拜褥】

皇帝复位立赞引奏礼成暨对引官恭导

皇帝仍由原入之门出至神路西陞舆还宫翼扈如来

仪

午门鸣钟百官跪迎王公随

驾入至内金水桥恭候

皇帝还宫皆退是日并遣官告祭

后殿陈设及行礼仪节如大禋前告之仪

右亲告

遣官祇告之礼承祭官及执事官均致斋一日豫期翰林院具祝文【随事撰拟】太常寺卿送内阁防书受而奉诸

神库至日率属入

庙设祝案尊案荐脯醢果实具鑪鐙防展

神幄届时承祭官上香读祝行三献礼执事官赞襄厥事

如大禋前告之仪

后殿

中殿祇告同

右遣官祇告

列圣

列后升祔

太庙之礼

制下礼部具疏行钦天监諏吉工部敬制

升祔龕案于

太庙街门内洁室敬制

神位于

山陵配殿礼工二部尚书上香行三跪九叩礼既成内阁翰林院官朝服敬书题字大学士满汉各一人朝服视镌上香行礼礼部豫列亲王名请

防简命恭奉

后主一人

山陵礼成敬题

神位毕

皇帝恭奉

神位于金輿自

山陵迎归

太庙祔飧未至京前一夕

皇帝由便道先回宫恭俟

右迎神回京

眡牲

致斋

书祝版

阅祝版

眡割牲【仪均与时飨同】

前期五日礼部工部太常寺官入

庙诣

中殿恭设新祔

帝

后神龕陈帷幔设香案供鑪鐙如

列圣

列后寢室前陈设仪

右设寢室龕案

先一日遣官以祔

庙告祭

天

地

宗庙

社稷如常告仪

右祇告

其日太常寺卿率属入

庙洁蠲殿内外借以防荐恭设

后殿

中殿

列圣

列后神座如时飨仪防设新祔

帝

后神座于

前殿

列圣

列后之次【按昭穆为序】乃展

前殿两庑配飨均如仪

右设神座

将事之夕夜分太常寺卿入

庙然炬明鐙具器陈于案各以其序工部官张黄幄于太庙街门外之南銮仪卫官设洗于庙南门外乐部和声署陈乐悬乐舞于阶上昧爽銮仪卫陈

法驾卤簿于

午门均如时飨仪

右陈设

质明步军统领勒所部清蹕除道自

神輿所入都门至

大清门

御道左右涂巷皆设布幛至时礼部尚书侍郎赴乾清门请

驾

皇帝礼服乘輿出宫诸王贝勒贝子公内大臣侍衛朝

服以从

驾至

端门外黄幄次降輿入幄只埃王公百官朝服集大清门外只埃

神輿至

大清门王公百官跪迎候过兴

神輿至

天安门赞引对引恭导

皇帝出次跪迎候过兴随行入

太庙街门陪祀王公百官及承祭

后殿官分献官均豫入殿庭只埃

神輿至庙南左门外輿止赞引跪奏盥洗

皇帝盥鉴仪衛官跪奉盥奉巾如仪毕赞引奏防请

神位暨对引官恭导

皇帝诣

帝主神輿前赞引奏跪

皇帝跪奏拜兴

皇帝三拜兴恭奉

帝主奉

后主亲王诣

后主輿前跪三叩兴防奉

后主以从御仗黄盖前导由

太庙南门左门至防门东阶下御仗黄盖止赞引对引防导入防门左门陞东阶进殿左门司
拜褥官豫布新褥

帝主拜褥于殿内正中布

后主拜褥于西稍后布

皇帝拜褥于后赞引对引防导

皇帝诣拜位前北向立奉

后主亲王祇立于后赞引跪奏新褥

帝

后祇见

列圣

列后

皇帝恭奉

帝主奉

后主亲王恭奉

后主均跪安于只见位奉

后主亲王退出殿右门俟赞引对引恭导

皇帝退复位立赞引奏跪拜兴

皇帝恭代行三跪九拜礼兴赞引奏请恭奉

帝

后神主陞

寶座暨对引官防导

皇帝诣

帝主拜位前跪恭奉

帝主兴奉

后主亲王入殿右门诣

后主拜位前跪恭奉

后主兴随于后

皇帝奉安

帝主于

寶座接奉

后主同安于

寶座奉

后主亲王出殿右门入陪祀班

皇帝退及供案前赞引奏跪拜兴

皇帝行三拜礼司拜褥官彻

帝主

后主拜褥赞引对引恭导

皇帝复位立乃致祭上香读祝三献爵礼仪均与时飧

同祭毕宗室官恭奉

神位还寢室上香行礼如仪赞引对引恭导

皇帝出

太庙南门外陞輿还宫不陪祀王公百官朝服跪迎如仪

翼日

颁诏布告天下

右升祔

两庑配飧之礼礼部承

防具疏行工部制神主龕座祭案具制成择吉镌字如式恭遇四时大飧前期遣官一人只告

太庙如常仪是日太常寺官入

庙设龕座于配飧之次陈俎豆饗仪卫设采亭于工部堂前露防上奉神主遣官一人【诸王以郡王功臣以大臣】诣工部奉主置采亭内民校舁行前列御仗【王吾仗功臣引仗】自工部中门出鸿臚寺官二人乘马前引遣官从至东长安门御仗采亭止遣官自亭奉主鸿臚寺官二人导引由东长安左门入

端门左门至

太庙防门右门鸿臚寺官止太常寺官引至甬道左拜位【王阶上功臣阶下】北面立遣官置主于拜位代行三跪九叩礼毕奉神主兴奉安于配飧之次【王东庑功臣西庑】行三叩

礼退

右配飨

加上

列圣

列后

尊諡之礼

制下礼部具疏行钦天监諏日内阁恭拟加上

尊諡翰林院具祝文【随时撰拟】均进呈

钦定

右定諡

既諏吉乃遣官只告

太庙

奉先殿如仪内阁翰林官书新加

尊諡毕工部尚书太常寺卿诣

中殿上香行三跪九叩礼恭请

列圣

列后神位于

太庙洁室敬视黍饰既竣满汉大学士各一人朝服上香

三跪九叩敬视工部以青饰

神位题字仍奉安于

中殿上香行礼毕各退

右改题

前五日遣官各一人只告

天

地

社稷如常告仪

右祇告

致斋

眡牲

书祝版

阅祝版

眡割牲【均如时飧仪】

其日五鼓銮仪卫陈

法驾卤簿于

午门外陈金辇于

太和门外太常寺卿率属入

庙然炬明镈供祝帛具器陈王公各率宗室觉罗官奉请神位如时飧仪陪祀王公百官各于其位集序太常寺卿

诣

乾清门奏时

皇帝礼服乘輿出宫至

太和门外降輿乘金辇前引后扈

午门鸣钟鼓不陪祀王公百官朝服跪候

驾入

太庙右门至神路西降辇赞引对引恭导

皇帝由防门左门入殿左门诣正中拜位立乃只告加

上

尊諡上香读祝三献送神望燎仪节与时飧同礼成皇帝还宫易补服诣

奉先殿行礼如常祀仪

右加上尊諡礼成

恭进

玉册

王寶之礼

皇帝防上

皇考

皇妣

尊諡

庙号

勅工部制

玉册

玉寶加上

列圣

列后

尊諡勅重制

玉册改镌

玉寶工部于

太庙街门内洁室镌制内阁大学士礼部尚书皆朝服上

香行礼如仪既成諏吉以

闻

右具册宝

届日工部官豫设采幔于

太庙街门内洁室设黄案于采幔正中陈

玉册

玉寶设香案于黄案前张黄幄于

太庙街门外之右及防门外之左銮仪卫官设册寶亭于采幔左右太常寺官设册寶案香案于

列圣位前奉

册

寶王贝勒贝子公大学士尚书都统侍郎皆朝服分班序

立于采幔旁只俟届时礼部尚书诣

乾清门奏请行礼

皇帝礼服出宫

午门陈

法驾卤簿王公百官跪 如常仪

皇帝至

太庙街门外幄次盥洗毕礼部尚书侍郎各一人恭导皇帝入

太庙街门至采幔正中黄案前恭视

玉册

玉寶毕迺诣香案前上香司拜褥官豫布拜褥于案南正

中恭导

皇帝就位行一跪三拜礼兴立案东西向奉

册

寶王公大臣进至案前皆跪三叩兴恭奉

册

寶于亭内跪叩如初校尉舁亭御伏前导

皇帝率王公大臣等随行以次至

太庙南门亭由中门入恭导

皇帝由左门入奉

册

寶王公大臣皆随入

皇帝至防门外幄次少俟亭入至殿外阶上止以次序列均南向王公大臣诣亭前一跪三叩兴奉

册

寶入殿中门至案前各恭设于案上跪叩如初退司拜褥

官豫布拜褥于殿门内正中

皇帝由防门左门入陞东阶入殿左门就拜位行三跪九拜礼执事王公大臣均随行礼毕王公大臣各至

册

寶案前跪三叩兴恭奉

册

寶行

皇帝随行至

中殿立案东西向王公大臣奉

册

寶分藏于金匱跪叩如初退

皇帝以次诣各香案前上香毕行一跪三拜礼礼成皇帝还宫作乐王公百官跪迎如仪

布进册寶

钦定大清通礼卷三

卷四

<史部,政书类,仪制之属,钦定大清通礼

钦定四库全书

钦定大清通礼卷四

吉礼

奉先殿

致祭

奉先殿之礼

国家崇建

奉先殿于

景运门之东祇奉

列圣

列后神位日献食月荐鲜朔望朝谒时节展拜出入启告

恭遇

圣诞忌辰及诸令节庆典则于

后殿上香行礼恭遇

皇太后万寿

皇帝万寿元旦冬至及

国有大庆则奉请

神位于前殿祭飧

皇帝亲飧

奉先殿前期三日

皇帝斋执事各官咸致斋前一日内务府掌仪司官进

祝版【祝文随事撰拟】于

神库割牲瘞毛血洁治祭品各如仪届日昧爽内监启

寢室神龕执事官公服入

殿然炬明鐙具登铏簠簋笾豆之实陈于案各以其序殿中少西北向设祝案东西序各设尊案分陈香盘奉先制帛【皇后祔飧用素帛】尊爵篚幂勺具均如

太庙时飧仪司祝司香【以内务府官充】司帛司爵【以侍卫充】各以其职为位乐部率太常协律郎陈中和韶乐于殿阶上分东西悬乐舞在其次司祝诣

神库祝案前跪三叩恭奉祝版兴赞礼郎二人引由

奉先门中门入

殿中门跪安于祝案三叩兴退内务府官省盥毕分诣后殿寢室前跪上香三叩兴恭奉

列圣

列后神位以次行如遇

皇后祔飧内务府官上香行礼恭奉

神位随行内监执鐙左右导引至

前殿入中门以次奉安于

寶座

列圣

列后位均南向

皇后祔位东位西向奉安毕诣各香案前跪叩如初仪

司拜褥官豫布

皇帝拜褥于

殿门内正中及各

神位前内监设盥盘于

奉先门左阶下届时掌仪司官诣

乾清门告时侍卫转奏

皇帝补服乘舆出宫前引后扈如常仪出

景运门至

诚肃门降舆赞引对引太常寺卿二人恭导

皇帝入

奉先左门内监跪奉盥盘帨巾如仪

皇帝盥毕赞引对引恭导

皇帝陞左阶入

殿左门诣拜位前北向立豹尾班侍卫止立阶下前引大臣止立阶上均东西面后扈大臣随入盥立于

皇帝拜位后左右典仪赞乐舞生登歌执事官各共迺

职武舞执干戚进赞引奏就位

皇帝就位立典仪赞迎

神司香奉香以次进至各案前祇候司乐赞举迎神乐奏贻平之章【乐辞详见太庙时飨仪后仿此】乐作赞引奏诣香

案前暨对引官恭导

皇帝诣

太祖高皇帝香案前对引官至祝案前止立司香跪赞引

奏跪

皇帝跪奏上香司香进香

皇帝上炷香三上瓣香兴以次诣

列圣案前上香如前仪毕赞引奏复位暨对引官恭导皇帝复位立赞引奏跪拜兴

皇帝行三跪九拜礼兴赞引恭导

皇帝诣

皇后香案前司香跪进香

皇帝立上香毕恭导

皇帝复位立乐止典仪赞奠帛爵行初献礼司乐赞举初献乐奏敕平之章乐作舞干戚之舞有司揭尊罍勺挹酒实爵司帛司爵以次进至各

神位前司帛跪献篚奠于案三叩兴司爵立献爵奠于垫中各退乐暂止司祝诣祝案前跪三叩兴奉祝版跪案左赞引奏跪

皇帝跪赞读祝司祝读祝毕兴奉祝版跪安

神位前篚内叩如初退乐作赞引奏拜兴

皇帝三拜兴乐止武功之舞退文舞执羽籥进典仪赞行亚献礼司乐赞举亚献乐奏敷平之章乐作舞羽籥之舞司爵诣各

神位前献爵于左如初仪乐止典仪赞行终献礼司乐赞举终献乐奏绍平之章乐作【舞同

亚献】司爵诣各

神位前献爵于右如亚献仪乐止文德之舞退典仪赞彻饌司乐赞举彻饌乐奏光平之章乐作彻毕乐止赞礼郎一人趋至

神位前北面跪奏礼毕请

还寢室三叩退司乐赞举

还宫乐奏义平之章乐作赞引奏跪拜兴

皇帝行三跪九拜礼毕乐止典仪赞奉祝帛送燎司祝

司帛咸诣

神位前跪三叩奉祝帛兴司香跪奉香兴以次恭送燎所皇帝转立拜位东旁西向司拜褥官彻拜褥俟祝帛过

【仍布拜褥】

皇帝复位立赞引奏礼成暨对引官恭导

皇帝出殿左门降阶由

奉先左门出至

诚肃门外陞輿还宫导从如来仪内务府官恭奉

神位还寢室上香行礼与迎

神同所司彻祭器内监阖门各退

右亲飧

若遣

皇子祭飧

前殿祭前诸仪届日

殿内外陈设均与

亲飧同

皇子拜位在

殿槛外正中设盥盘于右阶下

皇子夙兴补服步行至

诚肃门掌仪司赞礼郎二人前导

皇子由

奉先右门入至西阶下盥手升阶诣拜位前行礼迎神上香出入殿右门祝帛送燎

皇子避立西旁东面礼成仍自西阶降出

诚肃门还宫各退

遣王公内大臣祭飧仪节均与

皇子同

右遣官祭飧

皇帝因事亲告

奉先殿前期致斋进祝版如仪届日所司入

后殿明镫设祝案尊案荐脯醢果实如

太庙中殿祇告仪内监啓

神龕设盥盘司拜褥官布拜褥均如仪掌仪司官诣

乾清门奏请

皇帝补服乘舆出宫导引翊卫如仪

驾至诚肃门降舆赞引对引恭导入

奉先门循

前殿东至

后殿左阶下前引大臣侍卫均止立

皇帝盥内监奉盥奉巾如仪毕恭导

皇帝陞左阶入

殿左门诣拜位前北向立后扈大臣金立于后乃行祇

告礼迎

神上香读祝奠献望燎行礼仪节均与

亲飧同惟不设乐悬乐舞礼成赞引对引恭导皇帝由

奉先左门出至

诚肃门外陞舆还宫内监阖门众各退

右亲诣祇告

皇帝遣

皇子暨王公大臣祇告

后殿出入由右门升降均由西阶内务府官赞礼读祝

与遣官致祭

前殿礼同余均如

亲告仪

右遣官祇告

每月朔望

列圣圣诞

列圣

列后忌辰及上元清明霜降岁除日恭遇

皇帝亲诣

后殿上香行礼是日所司诣

后殿寢室前陈酒脯果实鑪鐙具司香官执事殿内掌

仪司官请

驾如仪

皇帝补服【忌辰素服】乘輿出宫内务府总管前导至诚肃门降輿入恭导

皇帝诣

后殿各案前上香行礼仪与

前殿上香同礼毕恭导

皇帝还宫各退若遣官上香贊事以内务府贊礼郎升

降出入均于右余陈设同

右亲诣上香

立春端阳重阳等節掌仪司官入

后殿明鐙内监啓

寢室神龕案陈酒脯果实掌仪司官一人补服诣各案前上香行三跪九叩礼如仪四月八日
七月望日陈素果不设酒脯余同

右遣官上香

列圣

列后升祔

奉先殿之礼前期内务府敬制

升祔神位于

神库既成内务府总管上香行礼如仪

钦简奉

后主大臣一人前三日掌仪司官入

后殿陈设

寢室前神龕香案

宝倚

宝牀挥施及帷幔衾枕鑪擎供器如事生之仪届日掌仪

司官诣

前殿陈设

宝座每案陈祭器设香帛尊爵鑪鐙具乐部陈乐悬乐舞

奉

后主大臣及执事官皆公服祇埃内监设盥盘于

神库门外之东司拜褥官豫布

后主祇见拜位于殿中布

皇帝拜位于稍后其日升祔

太庙礼成

皇帝还宫释礼服更补服礼部尚书诣

乾清宫奏请

皇帝乘舆出宫前引后扈如常仪掌仪司官诣后殿

寢室前上香行礼恭奉

列圣

列后神位奉安于

前殿

宝座跪叩如仪

驾至诚肃门降舆赞引对引太常寺卿二人恭导皇帝诣

神库门外东盥手如仪入门诣

帝主

后主神位前上香行三拜礼奉

后主大臣于门外随行礼毕

皇帝近前跪恭奉

帝主兴前行奉

后主大臣趋入

神库门诣前跪恭奉

后主兴随行赞引对引恭导

皇帝入

奉先左门【前引大臣止】陞东阶【后扈大臣侍卫均止】进

殿中门奉安

帝主于宝座上退及案前跪三叩兴赞引对引恭导皇帝就拜位立赞引北面跪奏

皇后【恭宣后主尊諡】升祔

奉先殿祇见

皇帝【恭宣帝主尊諡】奉

后主大臣恭奉

后主跪安于祇见位兴趋出

殿西门赞引奏跪拜兴

皇帝恭代行三跪九拜礼兴进前跪恭奉

后主兴奉安于

宝座退及案前跪三拜兴复位乃行大飧礼迎

神上香读祝奠献望燎诸仪节均与常飧同礼毕赞引对

引恭导

皇帝出

奉先左门至

诚肃门外陞輿还宫引扈如来仪掌仪司官恭请

神位还

御寢室上香行礼如初迎仪执事官彻藏祭器内监阖门

众各退

皇后升祔

奉先殿之礼前期所司敬制

神位于

殡宫配殿制

宝座龕案于

神庠既竣諏吉行题

主礼以

神輿恭奉回京升祔前一日

皇帝亲诣

奉先殿祇告如仪届日

神輿由

东华门入

皇子从王公以下文武百官朝服防门外跪迎候过兴内务府官豫诣

前殿陈设

宝座具案陈恭请

列圣

列后神位奉安行礼均如仪司拜褥官豫布祇见拜褥于

殿中

神輿至

诚肃门止赞引对引官二人导

皇子詣輿前跪行三叩礼兴恭奉

神位由

奉先左门入进殿中门奉安于只见位少退立赞引跪奏皇后 【恭宣尊諡】 升祔

奉先殿只见

列圣

列后

皇子恭代行三跪九叩礼毕进前跪恭奉

神位兴赞引赞

赐坐

皇子奉

神位奉安于

宝座跪三叩兴退乃行大飧礼祭毕恭请

神位还

御寢室上香行礼均如常仪

右升祔

钦定大清通礼卷四

卷五

钦定四库全书

钦定大清通礼卷五

吉礼

陵寢

皇帝亲谒

列圣

列后

陵寢之礼

命下徧布诸司供备谕吉起

銮前一日遣官祇告

奉先殿如常仪谒

陵前期有司洁除

陵内外届日

皇帝御素服乘輿出

行宫羣臣素服随从

驾至

陵于

隆恩门外降輿王以下各官至下马碑稍远咸降骑礼

部尚书侍郎二人导

驾由

隆恩门左门入

陵寝门左门奉爵大臣暨

钦命随入之大臣扈从王公百官止立门外

皇帝至

宝城祭台前西向立司拜褥官豫布拜褥于台北正中礼

部尚书侍郎恭导

皇帝就位北向行三跪九拜礼【不赞】鸿胪寺官引王公百

官于

陵寝门外按左右翼列班重行北面随行礼毕有司设奠

几酒罍于拜位正中

皇帝诣几前北向跪羣臣皆跪奉爵大臣跪进爵皇帝三奠酒每奠率羣臣行一拜礼兴西向
举哀羣臣东西面序立咸举哀毕礼部尚书侍郎导

驾出

隆恩门左门陞舆还

行宫扈从如来仪羣臣皆退凡诣

陵展谒仪并同

右亲谒

皇太后

皇后谒

陵

皇太后至降輿处降輿

皇后

妃

嫔公主以下随降輿守

陵女官二人恭导

皇太后

皇后至

宝城明楼前北向行六肃三跪三拜礼

妃

嫔公主等位

皇后之后随行礼兴执事女官进奠几于正中

皇太后诣位跪奠酒三爵每奠行一拜礼西向举哀皇后

妃

嫔公主以下随行礼举哀毕女官恭导以出乘輿还行宫

右后妃谒奠

歲清明中元冬至除夕

列圣

列后忌辰及

国有大庆皆大飨于

隆恩殿恭遇

皇帝亲谒行礼前期

陵寝奉祀官洁备牲帛器数翰林院具祝文【随事撰拟】授太常寺官奉安洁室届日工部官张幄次于

隆恩门外之东执事官素服入

隆恩门西门诣

隆恩殿燃炬明镡具器陈于案

帝

后皆同案每案牛一羊二尊四鑪镡具每位奉先制帛一羹饭脯醢十有八器饼饵果实六十有五器【夏则荐 】茶盃一爵三【有垫】匕一筯二凡牲实俎帛实筐尊实酒承以舟疏布幂勺具如遇

皇贵妃祔飨位于西旁东向用素帛一饼饵果实减十有一器余同陈设毕内监啓

寢室神龕礼部尚书诣

行宫告时

皇帝御素服乘輿出

行宫扈从大臣侍衛翼衛如常仪

驾至

隆恩门外降輿赞引对引太常寺卿二人恭导皇帝入大次少俟内府奉祀官恭请

神位奉安于

宝座如仪鸿胪寺官引王公于

隆恩门外两厢前祇候陪祀各官豫入至

隆恩殿阶下按翼祇候礼部尚书告奉安

神位毕奏请行礼

皇帝出次盥洗盥仪衛官跪奉盥奉巾如仪司拜褥官豫布拜褥于殿门内正中赞引对引恭导

皇帝由

隆恩门左门入陞左阶入殿左门西向立鸿胪寺官引王公于阶上引百官于阶下东西面立内府官献茶于各案如仪毕典仪赞执事官各共廼职赞引奏就位恭导

皇帝就正中拜位前北向立鸿胪寺官引王公百官咸就拜位立重行北面东位西上西位东上赞引对引恭导

皇帝诣香案前赞引奏跪

皇帝跪羣臣皆跪奏上香司香跪奉香

皇帝上炷香三上瓣香兴奏复位

皇帝复位立奏跪拜兴

皇帝行三跪九拜礼王公百官均随行礼兴典仪赞奠帛爵行初献礼司帛奉筐司爵奉爵以次诣各

神位前司帛跪奉筐奠于案三叩兴司爵立献爵奠于垫中各退司祝诣祝案前跪三叩兴奉祝版跪案左赞引奏跪

皇帝跪羣臣皆跪赞读祝司祝读祝毕兴奉祝版跪安

神位前筐内叩如初退赞引奏拜兴

皇帝率羣臣行三拜礼兴典仪赞亚献司爵献爵于左如初献仪赞三献司爵献爵于右仪如亚献毕赞引奏跪拜兴

皇帝率羣臣行三跪九拜礼典仪赞送燎司祝司帛诣

神位前咸跪三叩司祝奉祝司帛奉篚兴司香跪奉香司爵跪奉饌兴以次由中道出恭送燎所

皇帝转立拜位东旁西向司拜褥官彻拜褥王公百官

退避侧立东西面俟祝帛过【仍布拜褥】

皇帝复位立赞引奏望燎暨对引官恭导

皇帝诣望燎位望燎赞引奏礼毕恭导

皇帝出殿左门降东阶入

陵寝左门至

明楼前

皇帝西向立举哀鸿臚寺官引王公百官东西序立于

陵寝门外咸举哀【遇冬至及庆典致祭不举哀】毕导

驾出

隆恩门左门外陞輿还

行宫执事官恭请

神位还御寝室众皆退

右亲祭

遣官祭飨于

隆恩殿承祭官及陪祭执事各官咸朝服将事【忌辰素服】届日奉祀官陈设俎豆进祝版内监入殿啓

寝室神龕礼部赞礼郎预引陪祭官先诣阶下东西序立

祇俟内府官奉安

神位毕乃引承祭官入

隆恩门右门升西阶就正中拜位立陪祭官各就拜位立承祭官上香升降均由西阶出入殿右门祝帛送燎避立西旁余行礼仪节均与

亲飧同礼成内府奉祀官恭奉

神位还御承祭官及各官出易素服竣彻饌毕阖门承祭

官立

隆恩门外左阶上西面各官序立阶下东西举哀各退

冬至暨

庆典祭毕不举哀余同

右遣官致祭

恭遇

皇帝时巡

盛京祇谒

祖陵后

銮前一日

亲告于

奉先殿如仪

驾发陈

骑驾卤簿不作乐在京王公百官常服跪送

御道所经守土官常服跪迎

盛京文武官朝服出境迎候朝鲜国王遣其陪臣奉表

起居

驾至

兴京

盛京

祖陵均行展谒礼

皇太后

皇后

妃

嫔恭谒各如仪翼日率羣臣朝服

亲飧于

享殿祭毕易素服入

陵寝门举哀乃

亲奠亲藩功臣之墓并

遣官徧祭近

陵

妃园寝宗藩祖塋勲臣祠墓

陞崇政殿受贺【仪详嘉礼】燕赉官兵有差

銮輿旋跸

盛京各官朝服跪送

御道所经守土官及在京王公百官朝服跪迎礼成亲告于

奉先殿如仪越日礼部疏请行庆贺礼【详朝贺仪】

右谒祭

祖陵

恭遇

皇帝诣

皇后陵寝

皇帝乘輿入中门【礼部尚书侍郎不导引】循

享殿左至

明楼前阶下降輿陞阶西向坐奠酒扈从王公百官鸿胪寺官引于大门外按翼重行北面行三跪九叩礼

皇帝奠酒时行礼举哀各退

恭遇

皇太后率

皇后

妃

嫔致奠

皇太后由中门入至

明楼前降輿西向坐奠酒

皇后以下降輿行礼如谒各

陵仪

如遇

皇后忌辰及清明中元冬至岁暮

国有庆典遣官致祭于

享殿是日执事官入殿具器陈于案毕退出司祝奉祝版至殿中门外内监接奉跪安于祝案三叩司祝于门外之左随行礼内监启

寢室神龕尚茶于中门外献茶内监接奉茶奠于案届祭时引赞官二人引承祭官就拜位司香内监奉香盘进引赞引承祭官至殿右门引赞官止承祭官入右门引赞趋至中门外左右赞上香毕承祭官出殿右门引赞仍引至拜位行三跪九叩礼初献内监奠帛献爵如仪司祝进至中门之左跪内监诣祝案前三叩奉祝版跪授司祝司祝三叩接奉读毕仍授内监跪安于筐内三叩司祝随行礼亚献三献如初献仪祝帛送燎内监二人诣案前司祝司帛于门外各行一跪三叩礼内监奉祝授司祝奉帛授司帛咸接以兴恭送燎所礼成奉请

神位还御

寢室乃彻余均如各

陵祭仪

右

皇后陵寢祭奠

岁季春清明节敷土于

宝城之礼先一日

陵寢工部官进悬楮钱宝树一座奉安于

隆恩殿内东旁【岁暮昇出焚燎】取洁土贮筐以俟届日遣官素服将事赞礼郎二人一人导引一人荷土簣随行至

方城前众皆止遣官荷土循

明楼西磴道升

方城至石栏西以土合于一筐奉筐恭升

宝顶跪敷土于正中降以筐授赞礼郎引出易朝服诣隆恩殿致祭如仪若恭遇

皇帝亲诣行礼是日

皇帝素服礼部尚书太常寺卿导

驾入

陵寝左门后扈内大臣随侍王公大臣二人恭荷土筐从

行

皇帝进至

方城前工部尚书侍郎恭进防履

皇帝纳履恭荷土簣扈从王公大臣前后翼卫导驾官

恭导

皇帝由

明楼东磴道陞至

方城石栏东王公大臣以土合于一筐跪进

皇帝受筐众皆止

皇帝奉筐陞

宝顶跪敷土正中毕降授筐脱履导驾官恭导

皇帝出

隆恩门入大次俟奉安

神位毕行时飧礼

右敷土

列圣圣诞日奉祀官诣

陵埽除拂拭陈列酒果上香行三跪九叩礼

右圣诞

万寿圣节守

陵王公大臣分诣行礼每案陈果十有二盘每位爵三帛

一读祝奠献唱赞行礼同时飧仪

右万寿节

月朔望日执事人夙兴诣

陵拂拭神龕展帷幔每案陈熟羊一果十有二盘每位爵三守陵官上香奠献行三跪九叩礼
【十月朔唱赞余不赞】毕彻退

右朔望谒奠

因事祇告

陵寢遣官各一人将事

帝

后同案每案陈果实十二盘羊一每位爵三奠献读祝行

礼与时飧同

右祇告

皇帝遣

皇子谒

陵之礼

皇子至下马牌降舆马奉祀礼部官导引至

隆恩门外升左阶行三跪九叩礼【不赞】毕西面举哀不奠

酒哀止引退如来仪若展谒于

陵寝门外礼部官引至

隆恩门左门止内务府奉祀官导引

皇子入至

陵寝左门外行礼如仪祭

陵日

皇子蟒袍补服由

隆恩门右门进至阶上虚中位于左行礼陈设赞引奠献如遣官时飧仪亲王郡王贝勒贝子宗室公谒

陵奉祀礼部官引诣

隆恩门阶上按左右翼行三跪九叩礼【不赞】

右皇子谒陵

文武三品以上官奉

命出使道过

陵寝由奉祀礼部官引至大门外北面行三跪九叩礼【不赞】遇时祭则入陪祀官之列按翼随行礼归时展谒亦如之

右羣臣恭谒

妃园寝及

皇太子园寝四时遣官祭奠行二跪六叩礼【不赞】出入殿左门余读祝奠献诸仪节与
陵寝时飧同

右园寝致祭

钦定大清通礼卷五

卷六

钦定四库全书

钦定大清通礼卷六

吉礼

社稷

歲祭

社稷之礼以春秋仲月日用上戊先三日礼部尚书一

人诣牺牲所眡牲如仪

右眡牲

致斋

书祝版

眡割牲

眡祝版北【仪均与郊同】

先一日太常寺卿率属洁坛敷五土如其方色恭设

神座

太社位右

太稷位左皆北向

后土勾龙氏位东西向

后稷氏位西东向

右敷土设神座

祀日五鼓太常寺卿率属入坛然炬明镡具器陈于案各以其序

太社

太稷皆牛一羊一豕一豮一登一鉶簠簋各二笾豆各十有

二鑪一鐙二

配位同坛下设三案一少西南向供祝版一东次西向陈香盘二一西次东向陈香盘二方珪二【色一黄一青】礼神制帛四【色黑】尊二玉爵二陶爵四又陶爵六壶一实福酒盘一实胙肉凡牲陈于俎凡玉帛实于筐凡尊实酒承以舟疏布幂勺具工部司官张幄次于防门内少东銮仪卫设洗于次外乐部率太常协律郎设中和韶乐于壝门内左右分东西悬均南向陈文武二舞于乐悬之次如

北郊仪

右陈设

陈设毕太常寺博士引礼部侍郎一人升坛诣

正位前省眊盥盛及笾豆登俎之实以次诣

配位前周眊如仪

右省盥

辨行礼位坛壝门外正中为

皇帝行礼拜位南向拜殿之前夹甬道左右为陪祭王公拜位左翼居东右翼居西拜殿前东西隅为百官拜位文官郎中以上武官叅领世爵轻车都尉以上东西各五班均重行异等东位西上西位东上辨执事位壝门外司拜褥銮仪卫官二人分立于

皇帝拜位左右东西面太常寺司祝一人立祝案西东面司爵四人司玉帛二人司帛二人司香二人光禄寺卿二人太常寺赞赐福胙一人序立西案之西东面司香二人序立东案之东西面侍仪礼部尚书侍郎各一人立东案之南西面都察院左都御史副都御史各一人乐部典乐一人立西案之南东面司乐协律郎乐工歌工舞佾立位与

北郊同太常寺典仪一人在乐工之北西位东面接福胙侍卫二人立于壇门外东司拜褥官之次记注官四人立于侍卫之次均西面纠仪御史四人礼部祠祭司官四人分立于陪祀王公百官拜位前引王公百官行礼鸿胪寺官二人分立于御史礼部官之次均东西面掌蹇官率蹇人立壇外西北隅右辨位

其日五鼓銮仪卫陈

法驾卤簿【详见北郊祭仪】于

午门外陈金辇于

太和门外陪祀王以下公以上按翼集坛门外候

驾至随行百官序立于壇门外左右祗候均东西面司祝恭奉祝版安于祝案日出前四刻礼部尚书一人率太常寺卿属诣

神库上香行礼恭请

神位以次奉安于

神座如仪

右请神位

太常寺卿赴

乾清门奏时

皇帝御祭服乘礼輿出宫至

太和门外降輿乘金辇銮仪卫奉辇纳陛内大臣侍卫前引后扈如常仪提鑪官执鐙官左右列行

午门鸣钟鼓导迎乐陈而不作不陪祀王公以下文武各官咸朝服跪送

驾出阙右门至坛北门外神路东降辇纳陛扶辇如前仪右赞引左对引太常寺卿二人恭导

皇帝入自北门之右至幄次少俟太常寺卿告奉安神位毕奏请行礼

皇帝出次銮仪卫官跪奉盥奉巾如仪盥毕司拜褥官豫布拜褥于壇北门外正中赞引对引恭导

皇帝由拜殿出至壇北门外就拜位前南向立前引内大臣侍卫执鑪鐙官至拜殿外均止立后扈大臣随侍鸿胪寺官引陪祀王公百官各就拜位序立典仪赞乐舞生登歌执事官各各乃职武舞执干戚进赞引奏就位

皇帝就位立

右就次盥洗就位

典仪赞瘞毛血迎

神司

正位香二人升东西阶分诣

神位前只候司乐赞举迎

神乐奏登平之章辞曰媪神蕃厘兮厚德隆嘉生繁祉兮功化同坛壇俨肃兮风露融我稷翼翼兮黍芄芄望云驾兮骖鸾龙植璧秉圭兮奠感通协律郎举麾工鼓祝乐作赞引奏陞

坛暨对引官恭导

皇帝陞北阶诣

太社位前对引官至北阶上止立司香跪赞引奏跪皇帝跪奏上香司香进香

皇帝上炷香次三上瓣香兴以次诣

太稷位前上香仪同赞引奏复位暨对引官恭导皇帝复位立司

配位香二人由东西阶分诣

后土勾龙氏

后稷氏位前跪上香毕各退赞引奏跪拜兴

皇帝行三跪九拜礼王公百官均随行礼协律郎偃麾

工夏敌乐止【凡乐以举麾鼓柷作以偃麾夏敌止后同】

右迎神

典仪赞奠玉帛行初献礼司乐赞举初献乐奏茂平之章辞曰恪恭禋祀兮肃且雍清醑既载兮临斋宫朝践初举兮玉帛共洋洋在上兮鉴予衷乐作司乐举节舞干戚之舞【凡舞以节领之导引进退后同】有司揭尊幂勺挹酒实爵司玉帛奉玉帛司帛奉筐司爵奉爵均由北阶升坛司玉帛诣

正位前司帛诣

配位前各跪献筐奠于案三叩兴司爵分诣

正位

配位前跪献爵奠于垫中毕自西阶退司祝至祝案前跪三叩兴奉祝版升北阶左就坛中少西跪乐暂止赞引奏跪

皇帝跪羣臣皆跪赞读祝司祝读祝辞曰维某年月日皇帝御名敢昭告于

社

稷之神曰惟

神赞辅

皇天

皇只发生嘉谷立我烝民万世永赖兹当仲【春秋】谨以玉帛

牲醴庶品【致祭报谢】配以

后土勾龙氏

后稷氏尚

飨读毕兴奉祝版跪安于

太社位前筐内三叩兴退自西阶降乐作赞引奏拜兴皇帝率羣臣行三拜礼兴乐止武功之

舞退文舞执羽

籥进

右初献

典仪赞行亚献礼司乐赞举亚献乐奏育平之章辞曰乐具入奏兮声喤喤郁鬯再升兮宾八乡厚德配地兮佑家邦绥我丰年兮兆庶康乐作舞羽籥之舞司爵诣各

神位前跪奠爵于左仪如初献献毕乐止

右亚献

典仪赞行终献礼司乐赞举终献乐奏敦平之章辞曰方坛北宇兮神中央盈庭万舞兮帔低昂酌酒三爵兮桂醕香清虽旧邦兮命溥将乐作【舞同亚献】司爵诣各

神位前跪奠爵于右如亚献仪献毕乐止文德之舞退

右三献

既终献太常寺赞礼郎一人诣祝案前东面立赞

赐福胙光禄寺卿二人奉福胙升阶至

神位前拱举退降北阶左祇立于

皇帝拜位之右侍衛二人进立于左赞引奏跪

皇帝跪左右官皆跪奏饮福酒右官进福酒

皇帝受爵拱举授左官奏受胙右官进胙

皇帝受胙拱举授左官奏拜兴

皇帝三拜兴又奏跪拜兴

皇帝率羣臣行三跪九拜礼典仪赞彻饌司乐赞举彻饌乐奏博平之章辞曰大房筵豆兮俨成行歆此吉蠲兮神迪尝废彻不迟兮余芬芳桐生茂豫兮百谷昌乐作司玉帛诣案前跪叩奉方珪以退乐止

右受福胙彻饌

典仪赞送

神司乐赞举送

神乐奏乐平之章辞曰孔盖翠旌兮随风飏龙辂容与兮指天闾咫尺神灵兮隔穹苍愿流景祚兮祝皇章乐作赞引奏跪拜兴

皇帝率羣臣行三跪九拜礼兴乐止

右送神

典仪赞奉祝帛饌送瘞司祝司帛诣

神位前咸跪三叩司祝奉祝司帛奉篚兴司香跪奉香司爵跪奉饌兴以次恭送瘞所典仪赞望瘞司乐赞举望瘞乐奏征平之章辞曰玉既陈兮延景光礼既洽兮恭瘞藏愿神听兮时予匡垂神祐兮永无疆乐作赞引奏礼成恭导

皇帝由坛北门出乐止

右望瘞

祀毕礼部尚书太常寺卿属恭请

神位复

御仪与迎

神同

皇帝至北门外神路东陞礼舆导迎乐作奏祐平之章辞曰分职三大康乂国家平土蕃谷降休中夏荐吉蠲神不遐遍九垓鵠祉嘉

午门鸣钟不陪祀王公百官咸朝服跪迎王公随

驾入至内金水桥恭候

皇帝还宫各退太常寺官彻

乾清门斋戒牌铜人送寺

右乘舆回宫

因事只告之礼遣官一人将事及执事官均致斋一日豫期翰林院具祝文【随事撰拟】太常寺卿送内阁恭书受而奉诸

神库饬属备器陈至日五鼓设

太社

太稷神座于坛上荐鹿脯鹿醢兔醢枣榛葡萄桃实莲实鑪鐙具阶下中设一案少西北向供祝版司祝一人立于案西东面右设一案西向陈香盘二左设一案东向陈礼神制帛二尊一幂勺具爵六司香司帛司爵各一人立于案后纠仪御史左右各一人立于案北均东西面典仪一人立于壝北左门东面鸡初鸣遣官豫俟于街门内赞引太常寺赞礼郎一人俟于壝西隅均朝服黎明太常寺卿率属恭请

太社

太稷神位入坛恭设座上如常祭仪遣官由街门入南门循壝西行尽壝赞礼郎二人引诣壝北门外拜位前立典仪赞就位执事官各共乃职赞礼郎引遣官就位立典仪赞迎

神【以下礼仪节次皆典仪唱赞】司香奉香升东西阶分诣香案前只

俟赞礼郎赞升坛引遣官升北阶诣

太社位前立赞跪遣官跪赞上香司香跪进香遣官上炷香三上瓣香兴【凡遣官升降行礼皆赞皆引后同】次诣

太稷位前上香仪同赞复位引遣官自北阶降复位行三跪九叩礼兴司帛奉篚司爵揭尊幂勺挹酒实爵行初献礼以次升北阶至

神案前跪奠帛于案三叩兴奠爵垫中皆退司祝诣祝案前跪三叩兴奉祝版升北阶至坛上正中跪读毕兴诣

太社位前跪安篚内三叩兴退遣官三叩兴亚献奠爵

于左三献奠爵于右均如初送

神望瘞并同常祭仪赞礼郎赞礼毕引遣官仍由南门

出太常寺卿率属恭请

太社

太稷神位还

御如仪各退

右因事只告

孟夏常雩后歲间不雨既祈

天神

地只

太歲越七日乃禱于

社稷并设

配位遣官一人将事文武官应陪祀者咸与祈祷致斋三日前期具祝文洁器陈备脯醢果实祭日陈玉帛乐悬乐舞执事官依次序立与常祀同遣官暨陪祀官素服就位行礼

迎神奏延丰之章辞曰九土博厚兮阜嘉生方坛五色兮祀孔明眈力穡兮服耕仰甘膏兮百谷用成熙云路兮瞻翠旌殷闾泽兮展精诚

初献奏介丰之章辞曰神来格兮宜我黍稷两圭有邸兮馨明德鬯尊湛湛兮干羽飭油云澍雨兮溥下国

亚献奏滋丰之章辞曰奏璫明兮申载觞龙出泉兮灵安翔周寰宇兮滂洋戴神庥兮悦康

终献奏霈丰之章辞曰帟容与兮奋皇舞声逵姚兮震灵鼓爵三奏兮缩桂醕号屏来御兮德施普彻饌奏绥丰之章辞曰协笙磬兮告吉蠲神迪尝兮礼莫愆心斋肃兮增惕干咨田峻兮其乐有年送神奏贻丰之章辞曰抚懷心兮神聿归华盖郅偈兮驂虬駉洪厘渥兮雨祁祁公私霑足兮孰知所为

望瘞奏溥丰之章辞曰宣祝嘏兮列瘞繒贶允答兮时钦承高原下隰兮以莫不兴歌率育兮

庆三登凡仪节皆典仪唱赞举乐皆司乐唱赞初献舞干戚之舞亚献终献舞羽籥之舞与常祀同得雨则报用牲牢遣官暨陪祀官朝服行礼如常祀之仪若雨潦祈晴冬旱祈雪礼亦如之

右祈报仪

直省府州县各建

社稷皆

社右

稷左异位同坛歲以春秋仲月上戊日致祭省防以总督若巡抚一人主之有故则布政使摄事在城文武官县丞千总以上咸与祭眡割牲省蠹盛以布按二司防政副使等官纠仪以教授训导司香司帛司爵司祝司饌以丞倅通赞引赞引班以学弟子员闲礼仪者充之前期主祭官暨陪祭执事官各于公廡致斋三日埽除坛壝内外祭之前夕掌饌洁备品物置案于神防设香烛眡割牲官公服诣案前上香行三叩礼毕宰人牵牲告牐遂割牲以豆取毛血瘞于坎及祭之日鸡初鸣执事人入设案一于坛上正中北向陈钶二实和羹簋二实黍稷簋二实稻粱筴四实形盐枣栗鹿脯豆四实菁菹鹿醢芹菹兔醢若不能备各就土所有以其类充案前设俎陈羊一豕一又前设香案一陈祝文香盘鑪鐙左设一案东向陈筐一实帛二尊一爵六又设福胙于尊爵之次司祝一人司香帛二人司爵二人位案西东面阶下之东设洗当阶为主祭官拜位其后为陪祭官拜位文东武西【班与外朝贺礼同】通赞二人位阶下左右纠仪官二人分位陪祭官左右均东西面漏未尽主祭官及陪祭官朝服毕集坛外引赞二人引省蠹官入坛徧视牲器酒齐饌者告洁退左右引班二人引陪祭官入东西序立东班西面西班东面引赞二人引主祭官入至阶下盥手通赞赞执事者各司其事赞就位引赞引主祭官引班引陪祭官咸就拜位立赞迎

神引主祭官升诣香案前跪司香跪奉香主祭官三上香兴赞复位引主祭官降阶复位立赞跪叩兴主祭官暨陪祭官行三跪九叩礼赞初献引主祭官升诣

神位前跪司帛跪奉筐主祭官受筐恭献仍授司帛兴奠于案司爵跪奉爵主祭官受爵恭献仍授司爵兴分诣

社

稷位前各奠正中皆退赞读祝引主祭官诣香案前跪陪祭官皆跪司祝三叩兴奉祝文跪于右读曰维某年月日某官某致祭于

社

稷之神曰惟

神奠安九土粒食万邦分五色以表封圻育三农而蕃稼穡恭承守土肃展明禋时届仲【春秋】敬修祀典庶丸丸松栢巩磐石于无疆翼翼黍苗佐神仓于不匮尚

飨读毕三叩兴以祝文复于案退赞叩兴主祭官暨陪祭官三叩兴赞复位引主祭官降阶复位立赞亚献引主祭官升诣

神位前献爵于左赞终献献爵于右均如初献仪赞赐福胙引主祭官升诣香案前跪司爵跪进福酒于右主祭官受爵拱举司爵接爵兴司饌跪进豆肉于左主祭官受豆拱举司饌接豆兴各退赞叩兴主祭官三叩兴赞复位引主祭官复位立赞送

神赞跪叩兴主祭官暨陪祭官行三跪九叩礼赞彻饌执事官彻饌贊瘞祝帛执事官奉祝次香次帛次饌诣瘞所礼毕各退

监司分驻各府者各主其地

社稷之祭其他府州县皆以长官主之长官有故则佐贰以次摄在城文官丞史武官把总皆与祭眡割牲省蠶盛府州以佐贰县以丞若史各一人纠仪府以教授训导州以学正训导县以教谕训导二人执事均用掾史赞相礼仪均于学弟子员内选充祭期牲帛器数及行礼仪节均与省防同右直省府州县祭社稷仪

钦定大清通礼卷六

卷七

钦定四库全书

钦定大清通礼卷七

吉礼

朝日

甲丙戊庚壬年春分之朝

皇帝亲诣东郊朝

日先二日礼部尚书一人至牺牲所眡牲如仪

右眡牲

是日太常寺卿率属进斋戒牌铜人恭设于

乾清门如仪

皇帝乃斋于大内王公百官斋于邸第

右致斋

书祝版

眡祝版 【仪均与北郊同】

祀前一日黎明太常寺官设香案于

东郊宰牲亭外光禄寺少卿一人朝服上香御史礼部

祠祭司官眡宰宰人瘞毛血如仪

右眡割牲

是日太常寺官洁坛上下借以防荐设

神座于坛上西向工部司官张

皇帝拜次于西阶上如式

右设神座张次

将祀之日夜分太常寺卿率属入坛具器陈牛一羊一豕一登一镬二簠簋各二笾豆各十琖三十鑪一鐙二中设一案少北东向供祝版南设一案北向陈赤壁一礼神制帛一【色赤】香盘一尊一爵三并设福胙加爵一凡牲陈于俎凡玉帛实于筐凡尊实酒承以舟疏布幂勺具釜仪衛设洗于具服殿外乐部率太常协律郎设中和韶乐及乐舞于壝门内南北分列器数与

北郊同

右陈设

陈设毕太常寺博士引礼部侍郎一人升坛眡玉帛蠶盛及笾豆登俎之实如仪

右省蠶

辨行礼位西阶上幄次正中为

皇帝拜位东向陪祀王公位坛下左右各二班百官位壝门外左右各五班重行异等均东面左班北上右班南上辨执事位坛上太常寺司拜牌拜褥官各一人立于

皇帝拜位左右司祝一人司香一人司玉帛一人司爵一人光禄寺卿二人侍衛二人太常寺赞答福胙一人侍仪礼部尚书侍郎都察院左都御史副都御史乐部典乐各一人位南北序分立祝案尊案之次如常仪太常寺典仪一人司乐一人负南立于阶下之左记注官四人于壝门外之右负北立糾仪御史四人礼部祠祭司官四人引礼鸿胪寺官四人分立王公百官拜位之次协律郎歌工乐工舞佾分立乐悬之次 赞二人循壝门内墙西立位均南北序南北面掌燎官率燎人立于壝外西南隅

右辨位

其日五鼓步军统领勒所部清蹕除道自

东华门至

坛门

御道左右涂巷皆设布幃銮仪衛陈

法驾卤簿【详见北郊祭仪】不陪祀王公百官朝服咸防只

候送

驾如仪日出前八刻太常寺卿赴

乾清门奏时

皇帝御礼服乘礼輿出宫前引后扈如常仪

驾发警蹕

午门鸣钟鼓

驾出东华门导迎乐前引不作提鑪执鐙官左右骑导

如诣

北郊之仪

驾至坛北门外降輿右赞引左对引太常寺卿二人恭

导

皇帝入北门中门诣具服殿更祭服鸿臚寺官引陪祀王公于殿外侍卫后引陪祀百官南班于拜位南北面北班于路西东面序立只候

右銮輿出宫

卯初刻司祝恭奉祝版设于祝案礼部尚书一人率太常寺卿属诣

神库上香行礼恭请

大明神位奉安于

神座如仪太常寺卿至具服殿奏请诣

坛行礼

皇帝出次盥洗盥仪衛官跪奉盥奉巾如仪司拜褥官豫布拜褥于坛上拜次赞引对引官恭导

皇帝入壇左门陞西阶就拜位前东向立司拜牌官跪安拜牌退前引内大臣执鑪鐙官侍衛均于阶下止立后扈大臣随侍鸿臚寺官引陪祀王公百官均就拜位序立典仪赞乐舞生登歌执事官各共廼职武舞执干戚进赞引奏就位

皇帝就位立

右盥洗就位

典仪赞迎

神司香奉香进至

神位前只候司乐赞举迎

神乐奏寅曦之章辞曰羲驭兮寅賓光煜燿兮红轮春已融兮交泰循典礼兮明禋严大采兮只肃神之来兮如云协律郎举麾工鼓祝乐作司拜牌官起拜牌赞引奏就上香位及对引官恭导

皇帝诣香案前对引官至祝案前止立司香跪赞引奏

跪

皇帝跪奏上香司香进香

皇帝上炷香次三上瓣香兴奏复位及对引官恭导皇帝复位司拜牌官安拜牌赞引奏跪拜兴

皇帝行三跪九拜礼传赞赞跪叩兴王公百官均随行礼【凡众官行礼皆传赞后同】协律郎偃麾工戛敌乐止【凡乐以举麾鼓祝作以偃麾戛敌止后同】

右迎神

典仪赞奠玉帛司乐赞举奠玉帛乐奏朝曦之章辞曰杲黄道兮瞰出东肃将享兮玉帛同美
齐翼兮王君公盥以荐兮孚有颙乐作司玉帛奉篚诣

神位前跪献于案三叩兴退乐止

右奠玉帛

典仪赞行初献礼司乐赞举初献乐奏清曦之章辞曰御景风兮下帝局酌黄日兮椒其馨爵
方举兮歌且舞漾和盎兮龙旗青乐作司乐举节舞干戚之舞【凡舞以节领之导引进退后
同】有司揭尊幂勺挹酒实爵司爵奉爵诣

神位前跪奠于垫中退司祝至祝案前跪三叩奏祝版

跪案左乐暂止赞引奏跪

皇帝跪羣臣皆跪赞读祝司祝读祝辞曰维某年月日嗣天子【御名】谨告于

大明之神曰惟

神阳精之宗列神之首

神光下照四极无遗功垂今昔率土仰赖兹当仲春式

遵古典谨以玉帛牲醴之仪恭祀于

神伏惟

鉴歆赐福黎庶尚

飨读毕兴奉祝版跪安

神位前篚内三叩兴退乐作赞引奏拜兴

皇帝率羣臣行三拜礼兴乐止武功之舞退文舞执羽

籥进

右初献

典仪赞行亚献礼司乐赞举亚献乐奏咸曦之章辞曰再举勺兮郁金香嘉乐合兮舞洋洋德恢大兮神哉沛澹容与兮进霞觞乐作舞羽籥之舞司爵奉爵诣

神位前跪献爵于左仪如初献献毕乐止

右亚献

典仪赞行终献礼司乐赞举终献乐奏纯曦之章辞曰式礼莫愆兮昭清终以告防兮休成愿神且留兮鉴茹以妥以侑兮忱诚乐作【舞同亚献】司爵奉爵诣

神位前跪献爵于右如亚献仪献毕乐止文德之舞退

右三献

既终献太常寺赞礼郎一人诣祝案前立赞答福胙光禄寺卿二人就南案奉福胙至

神位前拱举退只立于

皇帝拜位之右侍衞二人进立于左赞引奏跪

皇帝跪左右官皆跪奏饮福酒右官进福酒

皇帝受爵拱举授左官次受胙如饮福之仪奏拜兴皇帝三拜兴又奏跪拜兴

皇帝复行二跪六拜礼王公百官均随行礼典仪赞彻饌司乐赞举彻饌乐奏延曦之章辞曰物之备兮希德馨神欲起兮景杳 彻不迟兮咸肃穆照临下土兮瞻曜灵乐作司玉帛诣

神位前跪叩奉赤壁以退乐止

右受福胙彻饌

典仪赞送

神司乐赞举送

神乐奏归曦之章辞曰云车征兮风马翔焱万里兮临万方报神功兮以时享祈神祐兮永无疆乐作赞引奏跪拜兴

皇帝率羣臣行三跪九拜礼兴乐暂止典仪赞奉祝帛

饌送燎司祝司帛詣

神位前咸跪三叩司祝奉祝司帛奉篚兴司香跪奉香

司爵跪奉饌兴以次恭送燎所

皇帝转立拜位旁北向【司拜褥官彻拜褥】俟祝帛过【仍布拜褥】皇帝复位立乐作陪
祀王公百官退班赞引奏礼成恭

导

皇帝出壇左门入具服殿更衣乐止

右送神燎祝帛

祀礼既成礼部尚书率太常寺卿属恭请

神位复

御仪与迎

神同赞引恭导

皇帝出具服殿至坛北门外乘礼舆

法驾卤簿前导迎乐作奏祐平之章辞曰飜音肃送暵出自东兼烛垂曜与天同用秩典修
皇敬通表瑞辉扬至公

皇帝回銮王公从各官以次退不陪祀王公百官仍朝

服祗

驾至跪迎

午门鸣钟乐止王公随

驾入至内金水桥恭

皇帝还宫退太常寺官彻

乾清门斋戒牌铜人送寺

右回銮

常岁遣官朝

日之礼先二日礼部尚书诣牺牲所眡牲承祭官暨陪祀文武百官均于邸第致斋先一日太常寺以祝版送内阁恭书

皇帝遣某官某余辞同前【凡遣官同】受而奉诸

东郊神库御史礼部祠祭司官光禄寺少卿朝服眡割牲瘞毛血有司供具并如仪及祀之日鸡初鸣遣官朝服只蒞于坛外礼部侍郎省盥太常寺卿率属恭请

神位设于座訖卯初刻遣官由坛北左门入壝右门行礼于阶下上香时赞升坛升降均由右阶不饮福受胙王公不陪祀赞引以太常寺赞礼郎祝帛送燎遣官避立北旁余均如前仪

右遣官仪

夕月

丑辰未戌年秋分之夕

皇帝亲诣西郊夕

月先二日礼部尚书一人至牺牲所眡牲如仪

右眡牲

致斋

书祝版

眡祝版【仪均与东郊同】

祀日未明割牲于

西郊宰牲亭内光禄寺少卿及御史礼部祠祭司官朝

服眡宰宰人瘞毛血仪与

东郊礼同

右眡割牲

侵晨太常寺官洁坛上下借以防荐张

神幄设

夜明神座專案东向设

配位北斗七星次

木火土金水五星次

二十八宿次

周天星辰神座同案南向工部司官张

皇帝拜次于阶上如式晡后太常寺卿率属入坛具

器陈

夜明位前牛一羊一豕一豮一鉶簠簋各二笾豆各十

琖三十鑪一鐙二

星辰位同中设一案少南西向供祝版北设一案南向陈

夜明前白璧一礼神制帛一【色白】香盘一尊一爵三并设

福胙加爵一

星辰位前礼神制帛十有一【色青赤黑黄各一白七】香盘一尊一爵三凡牲陈于俎凡玉帛实于筐凡尊实酒承以舟疏布幂勺具盥仪衛设洗于具服殿外乐部率太常协律郎陈设乐悬舞佾与

东郊同

右设神座供张陈设

省盥【仪同东郊】

辨行礼位阶上幄次正中为

皇帝拜位西向分献官一人位坛下之左当阶陪祀王公位坛下左右百官位壝门外左右均西面左班南上右班北上辨执事位坛上太常寺司拜牌拜褥官各一人立于

皇帝拜位左右司祝一人司香二人司玉帛一人司帛一人司爵二人光禄寺卿二人侍衞二人太常寺赞答福胙一人侍仪礼部尚书侍郎都察院左都御史副都御史乐部典乐各一人位南北序分立祝案尊案之次如常仪太常寺典仪一人司乐一人负北立于阶下之右赞礼郎二人立分献官位左右记注官四人于壝门外之左负南立斜仪御史四人礼部祠祭司官四人引礼鸿胪寺官四人分立王公百官拜位之次协律郎歌工乐工舞佾分立乐悬之次赞二人循壝门内墙东立位均南北序南北面并与

东郊礼同掌燎官率燎人立于壝外东北隅

右辨位

申刻太常寺卿赴

乾清门奏时

皇帝御礼服乘輿出宫前引后扈如常仪卤簿前导出西华门诣

西郊与

东郊礼同

驾至坛北门外降輿右赞引左对引太常寺卿二人恭

导

皇帝入北门中门诣具服殿更祭服太常寺赞礼郎引分献官于壝右门外北面立鸿胪寺官引陪祀王公于殿外侍衞后引陪祀百官南班于拜位南北面北班于路东西面序立只

右銮輿出宫

酉初刻司祝恭奉祝版设于祝案礼部尚书一人率太常寺卿属诣

神库上香行礼恭请

神位入坛以次安奉座上如仪太常寺卿至具服殿奏

请诣

坛行礼

皇帝出次盥洗盥仪卫官跪奉盥奉巾如仪司拜褥官豫布拜褥于坛上拜次赞引对引官恭导

皇帝入壝左门陞阶就拜位前西向立司拜牌官跪安拜牌退前引内大臣提鑪官侍衛均于阶下止立后扈大臣随侍赞礼郎引分献官鸿臚寺官引陪祀王公百官均就拜位序立典仪赞乐舞生登歌执事官各共廼职武舞执干戚进赞引奏就位

皇帝就位立

右盥洗就位

典仪赞迎

神司香奉香进至

神位前只候司乐赞举迎

神乐奏迎光之章辞曰继日代明兮象丽天式遵九道兮临八埏玉律分秋兮西颢躔聿修祀兮乐在县协律郎举麾工鼓祝乐作司拜牌官起拜牌赞引奏就上香位及对引官恭导

皇帝诣香案前对引官至祝案前止立司香跪赞引奏

跪

皇帝跪奏上香司香进香

皇帝上炷香次三上瓣香兴奏复位及对引官恭导皇帝复位司拜牌官安拜牌赞礼郎引分献官由北阶

升诣

星辰位前上香毕降阶复位赞引奏跪拜兴

皇帝行二跪六拜礼 赞官赞跪叩兴王公百官均随行礼【凡众官行礼皆 赞后同】协律郎偃麾工戛敌乐止【凡乐以举麾鼓祝作以偃麾戛敌止后同】

右迎神

典仪赞奠玉帛行初献礼司乐赞举初献乐奏升光之章辞曰少采兮将事玉帛兮载陈式举黄流兮挹牺尊筵豆静嘉兮肴核芬乐作司乐举节舞干戚之舞【凡舞以节领之导引进退后同】有司揭尊幂勺挹酒实爵司玉帛奉玉帛诣

夜明位前司帛奉篚诣

星辰位前跪献于案皆三叩兴司爵奉爵分诣各案前跪奠于垫中皆退司祝至祝案前跪三叩奉祝版跪案左乐暂止赞引奏跪

皇帝跪羣臣皆跪赞读祝司祝读祝辞曰维某年月日嗣天子【御名】谨告于

夜明之神曰惟

神配阳之德钟阴之精周环九野普照万方继明于夕天下共赖兹当仲秋式遵古典谨以玉帛牲醴庶品之仪致祭惟

神歆鉴福我兆民尚

飨读毕兴奉祝版跪安

夜明位前篚内三叩退乐作赞引奏拜兴

皇帝率羣臣行三拜礼兴乐止武功之舞退文舞执羽

籥进

右奠玉帛初献

典仪赞行亚献礼司乐赞举亚献乐奏瑶光之章辞曰齐醴兮载献神之来兮肃然仰睟鬯兮鉴顾挹清光兮几筵乐作舞羽籥之舞司爵奉爵分诣各案前跪献于左如初仪乐止

右亚献

典仪赞行终献礼司乐赞举终献乐奏瑞光之章辞曰曼瑟鸣琴兮鍚玉锵神嘉虞兮申三觴金波穆穆兮珠熿黄休嘉砰隐兮溢四方乐作【舞同亚献】司爵奉爵分诣各案前跪献于右如亚献仪乐止文德之舞退

右三献

既终献太常寺赞礼郎一人诣祝案前北面立赞答福胙

皇帝饮福受胙如

东郊仪赞引奏拜兴

皇帝三拜兴又奏跪拜兴

皇帝复行二跪六拜礼王公百官均随行礼典仪赞彻饌司乐赞举彻饌乐奏涵光之章辞曰对越在天兮礼成彻登豆兮湛露零神悦怿兮德馨世曼壽兮安以宁乐作司玉帛诣

神位前跪叩奉白璧以退乐止

右受福胙彻饌

典仪赞送

神司乐赞举送

神乐奏保光之章辞曰驾卿云兮景星御和风兮霞辇神留俞兮坛宇福率土之黄丁乐作赞引奏跪拜兴

皇帝率羣臣行二跪六拜礼兴乐暂止典仪赞奉祝帛

饌送燎司祝司帛诣

神位前咸跪三叩司祝奉祝司帛奉筐兴司香跪奉香

司爵跪奉饌兴以次恭送燎所

皇帝转立拜位旁南向【司拜褥官彻拜褥】俟祝帛过【仍布拜褥】皇帝复位立乐作陪

祀王公百官退班赞引奏礼成恭导皇帝出壇左门入具服殿更衣乐止

右送神燎祝帛

祀礼既成礼部尚书率太常寺卿属恭请

神位复

御仪与迎

神同赞引恭导

皇帝出具服殿至坛北门外乘礼舆

法驾卤簿前导迎乐作奏祐平之章辞曰殷仲嘗耐华黍若油兴谷繁祉受符天后涌桂华凝彩旂玉烛调千万秋

皇帝回銮王公从各官以次退不陪祀王公百官仍朝

服只

驾至跪迎

午门鸣钟乐止王公随

驾入至内金水桥恭

皇帝还宫退太常寺官彻

乾清门斋戒牌铜人送寺

右回銮

常岁遣官夕

月之礼先二日眡牲承祭官分献官及陪祀官均于邸第致斋先一日书祝版眡割牲有司供具如仪祀日未刻承祭官分献官朝服豫俟坛外礼部侍郎省盥太常寺卿属恭设

神位訖酉初刻遣官由坛北左门入壇右门分献官随入承祭官行礼于坛下上香时赞升坛

升降由南阶分献官位在其左升降由北阶不饮福受胙王公不陪祀赞引以太常寺赞礼郎祝帛送燎遣官避立南旁余均如前仪

右遣官仪

钦定大清通礼卷七

卷八

<史部,政书类,仪制之属,钦定大清通礼

钦定四库全书

钦定大清通礼卷八

吉礼

先农

岁仲春吉亥

皇帝亲飨

先农之礼先二日礼部尚书一人至牺牲所眡牲如仪

右眡牲

致斋 【仪同东西郊祀】

先一日遣官一人诣

奉先殿以耕藉告行礼如常仪

右祭告

书祝版

眡割牲

眡祝版 【仪同东西郊祀】

是日清晨太常寺卿率属洁坛上下借以防荐为

瘞坎于坛东南隅设

先农神座于坛正中南向施黄幄工部司官张

皇帝拜次于南阶上如式

右设神座供张

将事之夕夜分太常寺卿率属入坛具器陈牛一羊一豕一豮一𦍋二簠簋各二笾豆各十琖三十鑪一鐙二坛南中设一案少西北向供祝版东设一案西向陈礼神制帛一【色青】香盘一尊一爵三设福胙于尊爵之旁加爵一牲陈于俎帛实于筐尊实酒承以舟疏布幂勺具盥仪衞冠军使设洗于坛东乐部率太常协律郎设中和韶乐及乐舞于坛下东西分列器数与

东西郊祀同

右陈设

省盥【仪同东西郊祀】

辨行礼位坛上幄次为

皇帝拜位正中北向坛下东南为望瘞位东向陪祀王公位乐悬北东西各二班百官位乐悬南东西各五班重行异等东位西上西位东上均北面辨执事位坛上太常寺司拜牌拜褥官各一人立

皇帝拜位左右司祝一人司香一人司帛一人司爵一人光禄寺卿二人侍衞二人太常寺赞答福胙一人侍仪礼部尚书侍郎都察院左都御史副都御史乐部典乐各一人位东西序分立祝案尊案之次如常仪坛下太常寺典仪一人司乐一人东立西面记注官四人西立东面糾仪御史四人礼部祠祭司官四人引礼鸿胪寺官四人分立王公百官拜位之次协律郎歌工乐工舞佾分立乐悬之次均东西面掌瘞官率瘞人立于瘞坎之南北面右辨位

其日五鼓步军统领率所部清蹕除道自

大清门至

坛门

御道左右涂巷皆设布幛盥仪衞陈

法驾卤簿【详见北郊祭仪】于

午门外不陪祀王公百官咸朝服防

阙下只 送

驾如常仪辰初二刻太常寺卿赴

乾清门奏时

皇帝御祭服乘礼舆出宫前引后扈如仪

驾发警蹕

午门鸣钟鼓导迎乐陈而不作提鑪官左右骑导由正阳门诣坛如

郊祀之仪

右銮舆出宫

驾将至司祝奉祝版设于祝案礼部尚书一人率太常

寺卿属诣

神库上香行礼恭请

先农神位奉安坛座上如仪鸿臚寺官豫引陪祀王公

于坛门内按翼序立

驾至随行引陪祀百官东班于拜位南北面西班于拜

位西东面序立只

驾至坛东门内降舆右赞引左对引太常寺卿二人恭

导

皇帝至坛东盥盞仪衛官跪奉盥奉巾如仪司拜褥官豫布拜褥于坛上拜次赞引对引官恭
导

皇帝由中阶陞就拜位前北向立司拜牌官跪安拜牌退前引内大臣提鑪官侍衛均于阶下止立后扈大臣随侍鸿臚寺官引陪祀王公百官均就拜位序立典仪赞乐舞生登歌执事官各共廼职武舞执干戚进赞引奏就位

皇帝就位立

右盥洗就位

典仪赞瘞毛血迎

神司香奉香进至

神位前只 司乐赞举迎

神乐奏永丰之章辞曰先农播谷克配彼天立我烝民于万斯年农祥晨正协风满籴曰予小子宜稼于田协律郎举麾工鼓祝乐作司拜牌官起拜牌赞引奏就上香位暨对引官恭导

皇帝诣香案前立对引官至祝案前止立赞引奏上香

司香跪进香

皇帝上炷香次三上瓣香毕奏复位暨对引官恭导皇帝复位立司拜牌官安拜牌赞引奏跪拜兴

皇帝率羣臣行三跪九拜礼协律郎偃麾工戛敔乐止

【凡乐以举麾鼓祝作以偃麾戛敔止后同】

右迎神

典仪赞奠帛爵行初献礼司帛奉筐有司揭尊幂勺挹酒实爵以次至案前恭俟司乐赞举初献乐奏时丰之章辞曰厥初生民万彙莫辨神锡之休嘉种乃诞斯德曷酬何名可赞我酒惟防是用初献乐作司乐举节舞干戚之舞【凡舞以节领之导引进退后同】司帛跪献筐奠于案三叩司爵跪献爵奠于垫中兴各退司祝至祝案前跪三叩兴奉祝版跪案左乐暂止赞引奏跪

皇帝跪羣臣皆跪赞读祝司祝读祝辞曰维某年月日皇帝致祭于

先农之神曰惟

神肇兴农事万世永赖兹当东作之时躬耕藉田祈诸物丰茂为民立命谨以牲帛酒醴庶品之仪致祭尚

飨读毕兴奉祝版跪安

神位前三叩兴退乐作赞引奏拜兴

皇帝率羣臣行三拜礼乐止武功之舞退文舞执羽籥

进

右初献

典仪赞行亚献礼司乐赞举亚献乐奏咸丰之章辞曰无物称德惟诚有孚载升玉瓚神肯留虞惟兹兆庶岂异古初神曾子之今其食诸乐作舞羽籥之舞司爵献爵于左仪如初献乐止

右亚献

典仪赞行终献礼司乐赞举终献乐奏大丰之章辞曰秬秠麋芑皆神所貽以之飨神式食庶几神其丕佑佑我黔黎万方大有肇此三推乐作【舞同亚献】司爵献爵于右如亚献仪乐止文德之舞退右三献

既终献太常寺赞礼郎一人少前西面立赞答福胙光禄寺卿二人奉福胙至

神位前拱举退只立于

皇帝拜位之右侍衛二人进立于左赞引奏跪

皇帝跪左右官皆跪奏饮福酒右官进福酒

皇帝受爵拱举授左官次受胙如饮福之仪赞引奏拜

兴

皇帝三拜兴又奏跪拜兴

皇帝行二跪六拜礼王公百官均随行礼典仪赞彻饌司乐赞举彻饌乐奏屡丰之章辞曰青只司职土膏脉起日涓吉亥举耕藉礼神安留俞不我遐弃执事告彻予将举趾乐作彻毕乐止

右受福胙彻饌

典仪赞送

神司乐赞举送

神乐奏报丰之章辞曰匪且有且匪今斯今灵雨崇朝田家万金考钟伐鼓戛瑟鸣琴神归何所大地秧鍼乐作赞引奏跪拜兴

皇帝率羣臣行三跪九拜礼乐止

右送神

典仪赞奉祝帛饌送瘞司祝司帛诣

神位前咸跪三叩司祝奉祝司帛奉篚兴司香跪奉香

司爵跪奉饌兴以次恭送瘞所

皇帝转立拜位东旁西向【司拜褥官彻拜褥】俟祝帛过【仍布拜褥】皇帝复位立典仪赞望瘞司乐赞举望瘞乐奏庆丰之章辞曰肃肃灵坛昭昭上天神下神归其风肃然玉版苍币瘞埋告防神之听之锡大有年乐作陪祀王公百官退赞引奏诣望瘞位

皇帝诣望瘞位望瘞赞引奏礼成恭导

皇帝诣

太岁殿上香乐止礼部尚书率太常寺卿属恭请

神位复

御上香行礼如仪

皇帝入具服殿更衣乃行

亲耕礼【仪详嘉礼】毕还宫太常寺官彻

乾清门斋戒牌铜人送寺

右望瘞礼成

遣官飧

先农之礼先一日太常寺以祝版送内阁恭书受而奉

诸

神库至日鸡初鸣遣官朝服诣坛赞引太常寺赞礼郎二人引由坛右门入行礼于阶下上香赞升坛升降均由东阶不饮福受胙王公不陪祀祝帛送瘞避立西旁飧毕顺天府府尹率属行耕藉礼【详嘉礼】余均如前仪

右遣官仪

直省府州县各建

先农坛岁以仲春亥日致祭省防以总督若巡抚一人主之若有故则布政使以次摄陪祀文武官及各执事人均如祭

社稷之礼先二日主祭陪祭执事各官致斋公所埽除坛壝内外祭日鸡初鸣执事人入设

先农神案于坛正中南向陈铏一簠二簋二笾豆各四案前设俎陈羊一豕一又前设香案一陈祝文香盘鑪鐙左设一案东向陈帛一尊一爵三陈福酒胙肉于尊爵之次设洗于阶下之东质明引班引陪祭官入引赞引主祭官入通赞赞执事者各司其事赞就位引主祭官至阶下盥手就拜位立陪祭官按班就东西拜位立均北面迎

神上香读祝行三献礼祝辞曰维某年月日某官某致

祭于

先农之神曰惟

神肇兴稼穡立我烝民颂思文之德克配彼天念率育之功常陈时夏兹当东作咸服先畴洪惟

九五之尊岁举

三推之典恭膺守土敢忘劳民谨奉彝章聿修祀事惟

愿五风十雨嘉祥恒沐

神庥庶几九穗双岐上瑞频书大有尚

飨余仪与祭

社稷同祭毕率属行耕藉礼

府州县岁祭

先农主祭官陪祭官暨各执事并同

社稷祭期牲帛器数行礼仪节与省防同

右直省府州县先农坛

先蚕

岁季春吉巳

皇后亲飨

先蚕之礼先二日礼部尚书一人至牺牲所眡牲仪与

飨

先农同

右眡牲

是日昧爽太常寺进斋戒牌铜人内监豫设黄案一于

交泰殿之左内务府总管一人及宫殿监侍豫俟于乾清门太常寺卿率所属防奉斋戒牌在前铜人在后前引如仪至

乾清门内务府总管以授宫殿监侍恭设于

交泰殿案上斋戒牌南向铜人西向设毕跪三叩兴退

皇后乃斋陪祀

妃

嫔公主福晋以下文官三品武官二品命妇以上咸致斋

右致斋

眡割牲 【仪与飨先农同】

先一日奉宸苑卿率属洁坛上下借以防荐为瘞坎于坛西北施黄幄于坛上太常寺官恭设

先蚕神座于幄内正中南向工部司官张

皇后拜幄于南阶上如式太常寺典簿具牲俎博士辨

簠簋笾豆登铏之实以次展于

神厨太常寺卿诣

神库以恭请

神位之仪指授蚕宫令退赞礼郎引内务府总管一人

诣

神厨周眡牲牢笾豆太常寺官以陈设之仪指授宫殿监侍讫皆退

右设神座幄供张展牲器

至日鸡初鸣内务府总管及宫殿监侍率内监入坛具器陈牛一羊一豕一登一铏二簠簋各二笾豆各十棗三十鑪一鐙二东设一案西向陈礼神制帛一【色青】香盘一尊一爵三设福胙于尊爵之旁加爵一牲陈于俎帛实于筐尊实酒承以舟疏布幂勺具内监设洗于具服殿乐部率掌仪司内监陈乐于坛下应鼓一在东琴四瑟二箫六箏六笙六杖鼓二方响十六云璲二板二东西分列如式右陈设

辨行礼位坛上正中为

皇后拜位北向坛下西北为望瘞位西向当阶左右为

陪祀

妃

嫔公主福晋拜位北面稍南左右为陪祀命妇拜位按翼分列重行异等东位西上西位东上均北面辨执事位司拜褥女官二人立于坛上

皇后拜位左右相仪女官二人立拜位后左右均东西面司香女官一人司帛女官一人司爵女官一人奉福胙女官二人序立东案之东西面接福胙女官二人立于坛西东面坛下典仪司乐女官各一人当阶左立西面 赞女官六人二人立于坛南东西面二人立于

妃

嫔公主福晋拜位左右二人立于命妇拜位左右均东西面乐工歌工【以童内监为之】序立于东西乐悬之次女官掌瘞者立于瘞坎之西北隅

右辨位

未明前三刻步军统领饬所部清蹕除道自

神武门至

坛门

御道左右涂巷皆设布幛陪祀公主福晋命妇及执事女官朝服豫集坛内銮仪卫率内监陈

仪驾卤簿于

顺贞门外大仪舆一乘民尉三十有四人仪舆二乘旗尉十有二人黄舆二乘民尉三十有四次五色龙凤旗十旗尉二十人卧 四立 四旗尉十有二人吾仗四旗尉六人次黄赤二色龙凤扇八雉尾扇八旗尉三十有二次赤素方纛四五色四季花纛十旗尉二十有八人五色九凤纛十旗尉二十人次金节二旗尉四人次拂二【立夏陈列处暑收】香鑪二金合二盥盘一盂一铏二金倚一方几一旗尉二十有二次黄色九龙曲盖一旗尉三人凤舆一乘旗尉八人凡擎执旗尉民尉各服其服皆内监充辰正初刻太常寺卿暨内务府总管各一人赴

乾清门奏时宫殿监督领侍转奏

皇后御礼服乘风舆出宫如仪陪祀

妃

嫔咸乘輿从由

顺贞门

神武门北上门入陟山门至内壝左门相仪女官二人跪奏请降輿

皇后降輿

妃

嫔咸降輿从前引女官十人右赞引左对引女官二人恭导

皇后入具服殿少俟

妃

嫔随入配殿只俟 赞女官引公主福晋命妇等于具服殿门外东西序立只候

右车驾诣坛

辰正一刻蚕宫令诣

神库上香跪三叩兴恭请

先蚕神位内监十人前引入坛奉安座上毕相仪奏请

行礼

皇后出具服殿盥司盥跪奉盥司巾跪奉帨巾盥毕诣

坛

妃

嫔以下随行司拜褥女官豫布拜褥于坛上拜次赞引对引女官恭导

皇后陞中阶就拜位前北向立前引十人止立坛下相

仪二人随侍 赞引

妃

嫔公主福晋及命妇均就拜位序立典仪赞执事者各共廼职赞引奏就位

皇后就位立

右盥洗就位

典仪赞迎

神司香奉香进至香案前只候司乐赞举迎

神乐奏麻平之章辞曰轩辕御箬时西陵位正妃柔桑沃载阳迟黼黻 黄供祀事称茧更缛
丝龙精报祝椒屋宗师乐作赞引奏就上香位暨对引恭导

皇后诣香案前立对引至案前止立司香跪赞引奏跪皇后跪奏上香司香进香

皇后上炷香三上瓣香兴赞引奏复位暨对引恭导皇后复位立奏跪拜兴

皇后行六肃三跪三拜礼 赞赞跪叩兴

妃

嫔以下随行礼乐止

右迎神

典仪赞奠帛爵行初献礼司帛奉筐司爵奉爵进至案前只候司乐赞举初献乐奏承平之章
辞曰春隄柳绽金仓庚有好音衣袂翟致精忱后月躬应教织纴柅馆式斋心黄流初荐肸蚩
如临乐作司帛跪献筐奠于案一叩兴司爵跪献爵奠于垫中兴皆退乐止

右初献

典仪赞行亚献礼司乐赞举亚献乐奏均平之章辞曰清和日正长灵坛水一方纡香陌执籥
筐桑叶阴秾风澹荡八育普嘉祥玉鬯再陈降福穰穰乐作司爵献爵于左仪如初献乐止

右亚献

典仪赞行终献礼司乐赞举终献乐奏齐平之章辞曰神臯接上园葭芦翠浪翻莺声滑藕花繁天棘丝丝初引蔓三荐洁苹蘩云依宝鼎露浥旌旛乐作司爵献爵于右仪如亚献乐止

右三献

典仪赞答福胙奉福胙二人恭奉福胙诣

神位前拱举退只立于

皇后拜位之右接福胙二人进立于左赞引奏跪皇后跪左右女官皆跪奏饮福酒右女官进福酒皇后受爵拱举授左女官次受胙如饮福之仪赞引奏

拜兴

皇后一拜兴又奏跪拜兴

皇后行四肃二跪二拜礼

妃

嫔以下均随行礼兴典仪赞彻饌司乐赞举彻饌乐奏柔平之章辞曰公宫吉礼成有斋奉豆登僮僮被肃肃升废彻毋迟咸祇敬法坎不常盈万方衣被百福其朋乐作彻毕乐止

右受福胙彻饌

典仪赞送

神司乐赞举送

神乐奏洽平之章辞曰神风拂广筵灵香下肃然仪不忒礼无愆禹马流星相炳绚玉螭亘平川彤管司职瑞蜚登编乐作赞引奏跪拜兴

皇后率

妃

嫔以下行六肃三跪三拜礼兴乐止

右送神

典仪赞奉帛香饌送瘞司帛诣

神位前跪一叩司帛奉筐兴司香跪奉香司爵跪奉饌

兴以次恭送瘞所

皇后转立拜位旁西向【司拜褥起拜褥】俟香帛过【仍布拜褥】

皇后复位立典仪赞望瘞陪祀

妃

嫔公主福晋命妇退赞引奏诣望瘞位乐作恭导

皇后诣望瘞位望瘞奏礼成恭导

皇后诣具服殿更衣

妃

嫔随入配殿更衣乐止蚕宫令恭请

神位复

御上香行礼如仪

皇后还宫宫殿监侍彻

交泰殿斋戒牌铜人授太常寺官送寺越日

皇后乃率从桑之

妃

嫔公主福晋命妇行

躬桑礼【仪详嘉礼】

右望瘞礼成

遣

妃致祭

先蚕之礼先二日及陪祀之公主福晋命妇均致斋所

司供具如式至日昧爽

妃朝服乘舆诣坛清道辟除如常仪至内壝右门降舆入行礼于阶下上香赞升坛升降均由东阶

妃

嫔不陪祀不饮福受胙香帛送瘞避立西旁余如前仪

右遣妃仪

皇帝遣官致祭

先蚕之礼所司供具如前仪至日鸡初鸣遣官朝服诣坛赞引太常寺赞礼郎二人引由坛左侧门入行礼仪节与飨

先农同

右遣官仪

钦定大清通礼卷八

康熙六十年四月初六日奉

防朕披览史册于前代帝王每加留意心书生辈但知讥评往事前代帝王虽无过失亦必刻意指摘论列短长无一人为帝王公言者朕见历代帝王庙每朝崇祀不过一二主或庙享其子而不及其父或配食其臣而不及其君皆因书生议论而定甚未允当况前代帝王曾为天下主后世之人俱分属臣子而可轻肆议论定其崇祀与不崇祀乎今宋明诸儒人尚以其宜附孔庙奏请甚多至古帝王宜入庙崇祀从未有人奏请前代帝王皆无后裔后之君天下者继其统绪即当崇其祀典朕君临宇内不得不为前人言也朕意以为凡曾在位除无道被弑亡国之主此外尽应入庙即一二年者亦宜入庙崇祀尔等将朕此防写出防同从容详议具奏钦

此

康熙六十一年四月初三日奉

防这所议应崇祀之处皆是但其中尚有应详细斟酌者明代甚近朕少时尝问有明遗旧宦官愍帝无甚过失皆由万历泰昌天启时衰微及至愍帝虽励精图治终不能补救也国之灭亡皆伊祖所坏于愍帝何涉稗官野史所载岂足为凭愍帝不可与亡国者一例同论而万历泰昌天启实不应入崇祀之列至从前所配享之功臣大槩皆开国元勲居多如明之徐达不过一草莽武夫刘基系元之进士皆遭遇成功遂以元勲配享或有治安之世辅佐太平有功君国者反不得与配享之列是皆未为允当大学士防同九卿詹事科道将此等处详悉从确议具奏钦此

乾隆四十九年七月初二日奉

上谕朕因览四库全书内大清通礼一书所列庙祀历代帝王位号乃依旧防典所定有所弗愜于心敬忆

皇祖实录有勅议增祀之谕令查取礼部原议红本则系康熙六十一年十一月内具题尔时诸臣不能仰体

圣怀详细讨论未免因陋就简我

皇祖谕防以凡帝王曾在位者除无道被弑亡国之主此外尽应入庙即一二年者亦应崇祀煌煌

圣训至大至公上自羲轩下至胜国其间圣作明述之君守文继体之主无不馨香妥侑不特书生臆论无能仰喻

高深即历代以来升歆议礼未有正大光明若此者也乃防议疏内声明偏安亡弑不入祀典而仍入辽金二朝不入东西晋元魏前后五代未免意有偏向视若仰承

圣意而实显与

圣谕相背朕意若谓南北朝偏安不入正统则辽金得国亦未奄有中原何以一登一黜适足启后人之訾议即因东西晋前后五朝有因篡得国摈而不列如操不不得为正统之例殊不知三国时正统在昭烈故虽以陈壽三国志之尊魏抑蜀而卒不能夺万世之公评至司马氏篡窃以还南朝神器数易如宋武帝

崛起丹徒手移晋祚自不能掩其篡夺之罪其他虽祖宗得国不正而子孙能继绪承休即为

守文中主亦不可概从缺略况自汉昭烈以至唐高祖统一区夏时之相去三百余年其间英毅之辟节俭之主史不絶书又安可置而不论至于后五代如朱温以及郭威或起自寇窃或身为叛臣五十余年更易数姓中华统绪不絶如线然周世宗承籍郭氏余业凭有疆域尚不失为令主此而概不列入则东西晋前后五代数百年间创守各主祀典缺如何以协千秋公论他若元魏雄据河北地广势强太武道武勤思政理讲学兴农亦可为偏安英主并当量入祀典以示表章朕前命馆臣録存杨维桢正统辨谕内详晰宣谕以维桢所辨正统在宋不在辽金之说为是所以存春秋纲目之义见人心天命之攸归且检阅孙承泽春明梦余録所載明代崇祀古帝王位号原未列辽金二朝今帝王庙崇祀辽金而不入东西晋前后五代似此互相入主出奴伊于何底是皆议礼诸臣有怀偏见明使后世臆说之徒谓本朝于历代帝王未免区分南北意存轩輊甚失

皇祖降谕之本意也至明之亡国由于神熹二宗纪纲隳而法度弛愍帝嗣统时国事已不可为虽十七年身历勤苦不能补救倾危卒且身殉社稷未可与荒淫失国者一例而论是以

皇祖睿裁将神熹二宗撤出而愍帝则

特令庙祀

褒贬予夺毫厘不爽实千古大公定论乃诸臣于定议时转复将汉之桓灵增入岂未思炎汉之亡亡于桓灵而不亡于献帝乎从前定议未将东汉全局详审论断转使昏闇之君滥叨庙食所议未为允协夫自古帝王统绪相 易代以后飨祀庙庭原以报功崇德至于严篡窃之防戒守成之主或予或夺要必衷于至当而无所容心于其间方协彰瘅之义所有历代帝王庙祀典着大学士九卿更行悉心详议具奏并着于定议后交四库馆恭录

皇祖谕防并朕此防于通礼庙飨卷首以昭殷鉴历朝垂

示万年之至意钦此

乾隆四十九年七月二十八日奉

上谕据大学士九卿等防议增祀两晋元魏前后五代各帝王一折并声请唐宪宗金哀宗应否一体增祀等语宪宗处唐中叶各镇节度凭陵跋扈僭叛不臣宪宗命将专征削平淮西厥功颇伟在有唐一代中尚属英主其末年被弑系祸变猝乘与荒乱失德召变致衅者不同至今哀宗处衰弱之时国势已不可问推其致败之由实因熙宗海陵淫虐阶厉哀宗自缢殉国与明之愍帝事同一例自应一体增祀余俱着照所议行钦此

卷九

钦定四库全书

钦定大清通礼卷九

吉礼

历代帝王

庙飨

历代帝王之礼

正殿七室中室

太昊伏羲氏

炎帝神农氏

黄帝轩辕氏左室

少昊金天氏

颛顼高阳氏

帝喾高辛氏

帝尧陶唐氏

帝舜有虞氏右室

夏王禹启仲康少康杼槐芒泄不降扃廑孔甲皋发商王汤太甲沃丁太庚小甲雍已太戊仲丁外壬河亶甲祖乙祖辛沃甲祖丁南庚阳甲盘庚小辛小乙武丁祖庚祖甲廩辛庚丁太丁帝乙次左

周武王成王康王昭王穆王共王懿王孝王夷王宣王平王桓王庄王僖王惠王襄王顷王匡王定王简王灵王景王悼王敬王元王贞定王考王威烈王安王烈王显王慎靓王次右

汉高祖惠帝文帝景帝武帝昭帝宣帝元帝成帝哀帝光武帝明帝章帝和帝殇帝安帝顺帝
冲帝昭烈帝

晋元帝明帝成帝康帝穆帝哀帝简文帝

宋文帝明帝孝武帝

齐武帝

陈文帝宣帝

魏道武帝明元帝太武帝文成帝献文帝孝文帝宣武帝孝明帝又次左

唐高祖太宗高宗睿宗 宗肃宗代宗德宗顺宗宪宗穆宗文宗武宗宣宗懿宗僖宗

后唐明宗

后周世宗

宋太祖太宗真宗仁宗英宗神宗哲宗高宗孝宗光宗宁宗理宗度宗端宗

辽太祖太宗景宗圣宗兴宗道宗又次右

金太祖太宗世宗章宗宣宗哀宗

元太祖太宗定宗宪宗世祖成宗武宗仁宗泰定帝文宗宁宗明太祖惠帝成祖仁宗宣宗英宗景帝宪宗孝宗武宗世宗穆宗愍帝位均南向凡异代同室者皆隔别之两庑东风后仓颉防伯夷伊尹传说召公奭毕公高召穆公虎仲山甫张良曹参周勃魏相邓禹耿弇诸葛亮房元龄李靖宋璟郭子仪许远李晟裴度曹彬李沆王曾富弼文彦博李纲韩世忠文天祥宗翰穆呼哩布呼密徐逵常遇春杨士奇于谦刘大夏西力牧臯陶龙伯益仲虺周公旦太公望吕侯方叔尹吉甫萧何陈平刘章丙吉冯异马援赵云杜如晦狄仁杰姚崇张巡李泌陆贽耶律赫噜吕防正冠準范仲淹韩琦司马光赵鼎岳飞幹鲁宗望巴延托托刘基李文忠杨荣李贤位均东西向以北为上歲春秋仲月諏吉遣官将事

特行崇典

皇帝亲诣行礼先二日礼部尚书一人诣牺牲所眡牲如仪

右眡牲

致斋

书祝版

眡割牲

眡祝版【仪均同东西郊祀】

先一日太常寺官入庙洁饔飧殿宇内外借以防荐拂拭

神座工部司官张

御幄于景德门外阶下之左南向夜分太常寺卿率属入具器陈三皇位前分设三案五帝位前统设三案夏商周代设一案右二龕左三龕各设三案每位爵三实酒每案登一俎二簠簋各二笾十豆十其前皆设香案一各鑪一鐙二每室牛一羊一豕一殿中设案一少西北向供祝版东设一案西向西设一案东向分陈每室尊一每案香盘一虚爵三每位礼神制帛一【色白】设福胙于东案尊爵之旁加爵一凡牲陈于俎凡帛每案同筐凡尊实酒承以舟疏布幂勺具两庑东设案十各俎二簠一簋一笾豆各四每位爵三实酒统羊二豕二前设香案四各鑪一鐙二又设案于南北向陈尊二香盘四虚爵十有二素帛四十俎筐幂勺具西庑帛三十有九余陈设同釜仪卫设洗于黄幄外乐部率太常协律郎设中和韶乐于殿外阶上分东西悬陈乐舞于乐悬之次如常仪右陈设

陈设毕太常寺博士引礼部侍郎一人入庙省眡

正殿牲帛蠶盛及笾豆登俎之实毕次诣两庑周眡如仪

右省蠶

办行礼位殿门内正中为

皇帝行礼拜位北向阶下甬道左右为分献官拜位北面陪祀王公位阶上东西各二班百官位阶下分献之南东西各五班重行异等均北面东位西上西位东上辨执事位司拜褥釜仪卫官二人立于

皇帝拜位之左稍后太常寺司祝一人立祝案西司香九人司帛九人司爵九人光禄寺卿二人太常寺赞答福胙一人立东案之东司香七人司帛七人司爵七人侍卫二人立西案之西侍仪礼部尚书侍郎各一人都察院左都御史副都御史各一人乐部典乐一人立东西案之南太常寺典仪一人于殿左门外立司乐协律郎乐工歌工舞佾于阶上乐悬东西序立记注官四人于西阶下序立纠仪御史礼部祠祭司官各二人于陪祀王公拜位之次序立又御史

二人祠祭司官二人鸿胪寺官二人于陪祀百官拜位之次序立掌燎官率燎人立于燎鑪之隅

右辨位

其日五鼓步军统领率所部清蹕除道自

西华门至

庙门

御道左右涂巷皆设布幛銮仪卫陈

法驾卤簿【详见北郊祭仪】不陪祀王公百官朝服咸防祇 送驾如仪日出前六刻司祝恭请祝版设于祝案太常寺卿赴乾清门奏时

皇帝御祭服乘礼輿出宫前引后扈如常仪

驾发警蹕

午门鸣钟鼓

驾出西华门导迎乐前引不作提鑪执鐙官左右骑导如诣西郊之仪

右銮輿出宫

驾将至鸿胪寺官豫引陪祀王公于庙门外序立 驾至随入太常寺赞礼郎豫引两庑分献官四人于景德西侧门外序立陪祀百官按班入景德东西侧门外于行礼位稍南东西序立祇

驾至由庙中门入降輿右赞引左对引太常寺卿二人防导皇帝入幄次少竣太常寺卿奏请行礼

皇帝出次盥銮仪卫官跪奉盥奉巾如仪司拜褥官豫布拜褥于殿门内正中赞引对引官防导

皇帝入景德中门陞中阶进殿中门至拜位前北向立前引内大臣止立殿檐下提鑪官执鐙官侍卫止立阶下后扈大臣随侍赞礼郎引分献官东西各二人于甬道左右鸿胪寺官引陪祀王公升东西阶引陪祀百官于庙庭左右均就拜位北面序立典仪赞乐舞生登歌执事官

各共廼职武舞执干戚进赞引奏就位

皇帝就位立

右就次盥洗就位

典仪赞迎

神左司香二人右司香一人奉香盘东西趋进均折而北

诣中一室

三皇香案前左司香七人右司香六人奉香盘分诣各

室香案前祇 司乐赞举迎

神乐奏肇平之章辞曰抚时兮极隆造经纶兮显庸总古今兮一揆貽大寶兮微躬仰徽猷兮有严闕宫予稽首兮下风协律郎举麾工鼓祝乐作赞引奏就上香位暨对引官恭导

皇帝诣

太昊伏羲氏香案前对引官至祝案前止立司香跪进

香赞引奏上香

皇帝上炷香三上瓣香毕以次诣

炎帝神农氏

皇帝轩辕氏香案前上香仪同左右各室司香跪上香毕皆趋退赞引奏复位暨对引官恭导

皇帝复位奏跪拜兴

皇帝行二跪六拜礼王公百官均随行礼协律郎偃麾

工戛敌乐止【凡乐以举麾鼓祝作以偃麾戛敌止后同】

右迎神

典仪赞奠帛爵行初献礼有司揭尊幂勺挹酒实爵司帛奉筐司爵奉爵以次诣各

神案前司乐赞举初献乐奏兴平之章辞曰莽若云兮神之行予仰止兮在廷承筐筐兮既登
偃灵盖兮翠旌鉴予情兮歆享荐芳馨兮肃成乐作司乐举节舞干戚之舞【凡舞以节领之
导引升降后同】司帛跪献筐奠于各案三叩兴司爵立献爵于各垫中退赞礼郎引分献官
升东西阶诣两庑以次跪上香毕兴立香案前执事生奠帛献爵如仪皆退司祝至祝案前跪
三叩奉祝版跪案左乐暂止赞引奏跪

皇帝跪羣臣皆跪赞读祝司祝读祝辞曰维某年月日皇帝致祭于

太昊伏羲氏

炎帝神农氏

黄帝轩辕氏

帝金天氏

帝高阳氏

帝高辛氏

帝陶唐氏

帝有虞氏

夏十四王

商二十六王

周三十二王

汉十九帝

晋七帝

宋三帝

齐一帝

陈二帝

魏八帝

唐十六帝

后唐一帝

后周一帝

宋十四帝

辽六帝

金六帝

元十一帝

明十三帝曰仰惟

诸帝应运代兴作君作师抚育烝黎创治维艰基业用宏守文不易谟烈是承风教既远功德可称报于仲【春秋】

神其式凭尚

飨读毕兴祝版跪安

太昊伏羲氏神位前筐内三叩兴退乐作赞引奏拜兴皇帝率羣臣行三拜礼兴赞礼郎引分献官降阶复位

乐止武功之舞退文舞执羽籥进

右初献

典仪赞行亚献礼司乐赞举亚献乐奏崇平之章辞曰贰觞兮酒行念昔致治兮永清瞻龙袞兮若英愿绍锡兮嘉平乐作舞羽籥之舞司爵奉爵以次诣各案前恭献于左两庑赞礼郎引分献官分献如初乐止

右亚献

典仪赞行终献礼司乐赞举终献乐奏恬平之章辞曰郁鬯兮献终万舞洋洋兮沐清风龙鸾徐整兮企予示周行兮迪予衷乐作【舞同亚献】司爵献爵于右两庑随分献均如亚献仪毕乐止文德之舞退右三献

既终献太常寺赞礼郎一人少前西面立赞答福胙光禄寺卿二人奉福胙至

太昊伏羲氏位前拱举退只立于

皇帝拜位之右侍衛二人进立于左赞引奏跪

皇帝跪左右官皆跪奏饮福酒右官进福酒

皇帝受爵拱举授左官次受胙如饮福之仪奏拜兴皇帝三拜兴又奏跪拜兴

皇帝率羣臣行二跪六拜礼典仪赞彻饌司乐赞举彻饌乐奏淳平之章辞曰盍肴烝兮毕升五音防兮满盈礼将彻兮防告鉴孔忱兮载翼载登乐作彻毕乐止

右受福胙彻饌

典仪赞送

神司乐赞举送

神乐奏匡平之章辞曰羽幢缭绕兮动回风和鸾并驭兮归天宫五云拥兮高驰翔愿回灵盼兮锡年丰乐作赞引奏跪拜兴

皇帝率羣臣行二跪六拜礼兴乐止

右送神

典仪赞奉祝帛饌送燎司祝司帛诣各

神案前咸跪三叩司祝奉祝司帛奉筐兴司香跪奉香司爵跪奉饌兴以次由中道出恭送燎所

皇帝转立拜位旁西向【司拜褥官彻拜褥】俟祝帛过【仍布拜褥】皇帝复位立两庑香帛饌均送焚燎太常寺赞礼郎引分献官退鸿胪寺官引陪祀王公百官均退立拜位东西旁乐作【乐章与上并为一阙】辞曰驾羣龙兮一气中焄蒿芬烈兮实通望神光兮遥烛惟终古兮是崇赞引奏礼成恭导

皇帝仍由景德门中门出陞輿

法驾卤簿前导迎乐作奏祐平之章辞曰时叙羣品端在一钦衣德凝命荷天之任景轨仪诚既歆肃骏奔颺若临不陪祀王公百官仍朝服只

驾至跪迎

午门鸣钟乐止王公随

驾入至内金水桥恭

皇帝还宫各退太常寺官彻

乾清门斋戒牌铜人送寺

右礼成回銮

遣官致祭之礼先二日眡牲如仪承祭官分献官暨文官郎中武官防领世爵轻车都尉以上均于邸第致斋先一日太常寺以祝版送内阁恭书受而藏诸庙内

神库光禄寺少卿御史礼部祠祭司官朝服眡割牲瘞毛血有司供具并如仪及祀之日鸡初鸣承祭官及分献官朝服只候于庙礼部侍郎入庙省蠹毕质明承祭官【王公】入景德左门【领侍卫内大臣尚书等入右门】升左阶位于阶上【领侍卫内大臣尚书等位阶下】北面迎神赞就上香位出入殿左门承祭官分献官及陪祀官行三跪九叩礼不饮福受胙王公不陪祀赞引以太常寺赞礼郎祝帛送燎避立西旁东面余均如仪右遣官仪

皇帝时巡省方有古昔

帝王陵寝在其地者间行

特典亲诣致祭

亲祭之礼有司谕吉豫期守土官洁埽享殿内外扈从

王公暨文武官陪祭视

京师

帝王庙地方文官知府武官副将以上与朝臣陪祭者

以其班序【班详朝防仪】先一日

皇帝率羣臣斋

行在太常寺官具祝版【凡祭祀皆行在有司襄赞】送内阁中书舍人敬书祝文【翰林院随时撰拟】于版讫授太常寺官豫送祭所

右具祝版

是日昧爽光禄寺卿一人眡割牲守土官于祭所神厨设香案光禄寺卿公服上香宰人牵牲告牖遂及守土官眡宰瘞毛血如仪

右眡割牲

祭之前夕工部司官张黄幄于享殿二门内之左銮仪卫官设洗于幄次及夜分太常寺卿属率守土官入享殿具

神位前陈设牛一羊一豕一豮一簋一铏二簠簋各二笾豆各十鑪一鐙二设案一于享殿中少西北向供祝版设案一于东西向陈礼神制帛一【色白】香盘一尊一幂勺具爵三乃辨位设

皇帝拜位于享殿内正中北向司拜褥二人立于左稍后陪祀王公位阶上百官位阶下东西序立重行异等均北面司祝司香司帛司爵分立祝案尊案之次记注官立西阶下东面糾仪御史礼部祠祭司官引礼鸿臚寺官分立王公百官拜位左右东西面典仪一人立享殿东檐下西面掌燎官率燎人立燎鑪之隅

右供张陈设序位

祭日漏未尽守土大吏率属治道清跸自

行宫至祭所泛埽无令尘 銮仪衛官陈

骑驾卤簿【详军礼】于

行在宫门外领侍衛内大臣及内大臣勒所部翊卫官防军统领宗人府王公勒所部后管官采服分班于

行宫门外只 不陪祭扈从官序列

行宫门外守土官序列祭所门前道左陪祭王公于享殿大门外序列

驾至随入内外文武官于享殿庭左右序列执事官豫

入就位均采服届时太常寺卿赴

行宫奏时

皇帝龙袍补服乘舆出宫前引后扈不陪祭扈从官跪

送如常仪

右銮舆出行宫

驾至祭所不陪祭守土官跪迎

皇帝于大门内降舆右赞引左对引太常寺卿二人恭

导

皇帝由二门中门入至幄次少俟出盥盥仪卫官跪奉盥奉巾如仪司拜褥官豫布拜褥赞引对引官恭导

皇帝陞中阶入殿中门诣拜位前立内大臣侍卫止立阶下后扈大臣随侍鸿臚寺官引陪祭王公百官按班均就拜位序立典仪赞执事官各共廼职赞引奏就位

皇帝就位立

右盥洗就位

皇帝既就位司香奉香跪俟于香案之左赞引恭导皇帝诣香案前立奏上香司香进香

皇帝上炷香三上瓣香毕复位奏跪拜兴

皇帝行二跪六拜礼王公百官均随行礼

右迎神

典仪赞奠帛爵行初献礼司帛奉筐司爵奉爵以次诣

神位前司帛跪献筐奠于案三叩兴司爵立献爵于垫中毕各退司祝诣祝案前跪三叩奉祝

版跪案左赞引奏跪

皇帝跪羣臣皆跪赞读祝司祝读祝文讫兴奉祝版跪

安于筐内三叩退赞引奏拜兴

皇帝率羣臣行三拜礼兴典仪赞行亚献礼司爵献爵于左赞行终献礼司爵献爵于右均如初仪右三献

典仪赞奉祝帛送燎司祝司帛诣

神位前咸跪三叩司祝奉祝司帛奉筐兴司香跪奉香

兴以次恭送燎所

皇帝转立拜位东旁西向【司拜褥官彻拜褥】俟祝帛过【仍布拜褥】复

位立

右燎祝帛

祝帛出赞引奏礼成暨对引官恭导

皇帝降中阶出中门乘舆还

行宫前列卤簿导从扈衛如来仪陪祭官退不陪祭守土官仍于道左跪送扈从官于

行宫外跪迎如仪

右礼成还行宫

輶跸所经有古昔

帝王陵寢在御道三十里内者遣官一人只告豫期太常寺官具祝文【翰林院随时撰拟】香帛授遣官赍往守土官洁埽享殿内外戒办牲牢器物备执事司祝司香司帛司爵以府州县佐贰官充通赞以教谕训导引赞以学弟子员遣官既至及执事官斋其夕宰人割牲于厨地方官州若县一人公服眠宰瘞毛血如仪祭日昧爽守土官入陈

神位前牛一羊一豕一豮一酹二簠簋各二笾豆各十鑪一鐙二设案于左陈礼神制帛一【

色白】香盘一尊一爵三设案一于中少西供祝版设洗于阶东引赞二人俟于门质明执事官豫入就位均朝服遣官朝服至祭所引赞引自殿垣左门入诣东阶下盥至阶中北面立通赞赞就位遣官就位赞就上香位引赞引遣官升东阶入殿左门诣香案前司香跪奉香引赞赞跪遣官跪赞上香遣官上香毕兴赞复位遣官仍降东阶复位赞跪叩兴遣官行三跪九叩礼通赞赞行初献礼司帛奉篚跪献于案三叩兴司爵奉爵奠于正中各退赞读祝引赞赞跪遣官跪司祝至祝案前跪三叩奉祝版宣读讫复于案三叩兴退赞叩兴遣官三叩兴通赞赞行亚献礼司爵奠爵于左赞行终献礼司爵奠爵于右均如初仪引赞赞跪叩兴遣官行三跪九叩礼通赞赞奉祝帛送燎执事各奉祝帛香由中道送燎如仪遣官避立拜位东俟过复位引赞赞礼毕引遣官仍由殿垣左门出执事官皆退

右时巡祭告

直省所在

历代帝王陵寝逢

朝廷有大

庆典遣官分诣致祭祭

伏羲氏陵于宁淮

女娲氏于赵城

神农氏于

轩辕氏于中部

少昊氏于曲阜

高阳氏

高辛氏于滑

陶唐氏于濮

有虞氏于宁远

夏王禹于防稽

商王汤于荣河中宗于内黄高宗于西华

周文王武王成王康王于咸宁

汉高祖于涇阳文帝于咸宁宣帝于长安光武帝于孟

津

后魏文帝于富平

唐高祖于三原太宗于醴泉宪宗于蒲城宣宗于涇阳后周世宗于郑州

宋太祖太宗真宗仁宗于巩

辽太祖于广宁

金太祖世宗于房山

元太祖世祖于宛平北

明太祖于江宁宣宗孝宗世宗于昌平凡祭皆就享殿

行礼或因陵寝设坛惟元陵望祭

右祭所

豫期有司諏吉日礼部疏列阁部院寺文职二品以下四品以上官衔名

防分遣承祭将遣官

皇帝散斋一日遣官各斋于次太常寺具礼神香制帛【色白】祝文【翰林院随时撰拟】
送礼部礼部祠祭司官各加封题翼日黎明遣官公服防于礼部太常寺官设黄案于

中和殿正中一左右各一均南向銮仪卫设龙亭一于礼部堂上正中设香亭一于龙亭前祠
祭司官恭奉祝文香帛设龙亭内校尉舁亭行导以御仗香亭在前龙亭在后进

大清门中门至

午门前亭止礼部祠祭司官公服诣龙亭前跪三叩恭奉祝文香帛由

午门左门

昭德门至

中和殿由中门入陈祭文于正中黄案陈帛左案陈香右案毕跪叩如初奉时由殿左门出退立阶下直班记注官四人序立于殿西檐下导引太常寺卿二人序立于殿北门外礼部尚书侍郎各一人分立殿东西檐之次侍仪又侍郎一人率钦天监博士诣

乾清门奏时

皇帝御补服乘舆出宫导从扈卫如常仪至

中和殿北阶上降舆太常寺卿导引

御殿内诣案前北向徧

阅祝文香帛毕仍自殿北门乘舆还宫礼部祠祭司官

奉祝文香帛出

午门设龙亭内如来仪所司彻案校尉舁亭出礼部尚书侍郎从至礼部陈于堂上正中遣官及赍送香帛笔帖式以次序立于堂左礼部尚书一人于亭左立祠祭司官诣亭前跪三叩以次奉祝帛香授尚书转授遣官遣官跪受兴授笔帖式依序由中门出若非

亲阅太常寺具礼神香祝制帛送礼部各加封题礼部尚书率执事官属暨遣官散斋一日至日黎明咸公服毕防礼部祠祭司官设三案于堂上正中奉祝文设于中案陈香左案陈帛右案讫退立案前左右赞事礼部尚书一人敬谨周眡讫以次分授遣官如前仪

右阅祝文香帛遣祭官

遣官至所祭地守土官豫日供具备执事人眡割牲瘞毛血如仪祭日陈设遣官行礼仪注与时巡遣官祭告礼同

右祭仪

直省所在

帝王陵寝岁春秋仲月守土正官一人致祭执事以礼生祭日用羊一豕一余陈设及行礼仪注与

庆典遣官礼同

右所在專祭

钦定大清通礼卷九

卷十

钦定四库全书

钦定大清通礼卷十

吉礼

心殿

经筵致祭

心殿之礼

心殿内

皇师伏羲氏正位南向

皇师神农氏

皇师轩辕氏

帝师陶唐氏

帝师有虞氏

王师夏王禹

王师商王汤

王师周文王

王师周武王左右分序均南向

先圣周公东位西向

先师孔子西位东向岁以春秋仲月

皇帝御经筵之日遣官一人只告如

特行崇典则

皇帝亲诣行礼太常寺豫日以祝版送内阁恭书【祝文翰林院随时拟撰】先一日司祝由太常寺恭奉祝版导以御仗送至

心殿祝版房设于案跪叩如仪祀日昧爽所司洁除殿内外展

神幄工部司官借防荐太常寺卿率属具器陈

皇师

帝师

王师位前各设一案每案钹一筵二豆二前设香案一

陈鑪一鐙二

先圣

先师位前每案钹一筵二前设香案一陈鑪一鐙二殿中设一案少西北向供祝版东设一案西向陈礼神制帛十【色白】香盘六爵十有八尊二西设一案东向陈礼神制帛一【色白】香盘五尊一爵十有五凡帛正位同筐东西位各异筐凡尊实酒承以舟疏布幂勺具乃辨位

皇帝拜位在殿内正中北向銮仪衛司拜褥官立于皇帝拜位之左稍后太常寺司祝立祝案西东面司香立东西案后负序东西面典仪立殿门外之东西面记注官立殿门外之西东面掌燎官率燎人立于东门外燎鑪之隅日出前三刻司祝诣

心殿祝版房恭奉祝版安于祝案司爵揭尊幂勺挹酒实爵司帛奉筐司爵奉爵进至各

神位前奠于案司拜褥官豫布拜褥于殿门内正中各

退太常寺卿赴

乾清门奏时

皇帝御补服乘輿出宫前引后扈如常仪

驾至文华门内东门降舆前引内大臣侍衛均止立后扈大臣随侍右赞引左对引太常寺卿二人恭导

皇帝由殿垣西门入

景行中门陞中阶进殿中门至拜位前北向立典仪赞执事官各共迺职赞引奏就位

皇帝就位立司香各奉香盘诣

神位前只俟赞引奏就上香位及对引官恭导

皇帝诣

皇师伏羲氏香案前对引官至祝案前止立司香跪进

香赞引奏上香

皇帝上炷香三上瓣香毕以次诣各

神位前上香如前仪赞引奏复位及对引官恭导皇帝复位立奏跪拜兴

皇帝行二跪六拜礼兴司祝诣祝案前跪三叩奉祝版

跪案左赞引奏跪

皇帝跪赞读祝司祝读祝毕兴奉祝版跪安

神位前筐内三叩兴退赞引奏拜兴

皇帝行三拜礼兴又奏跪拜兴

皇帝行二跪六拜礼兴典仪赞奉祝帛送燎司祝司帛

诣

神位前咸跪三叩司祝奉祝司帛奉筐兴司香跪奉香

兴以次由中道出恭送燎所

皇帝转立拜位东西向【司拜褥官彻拜褥】俟祝帛过【仍布拜褥】皇帝复位立赞引奏礼成及对引官恭导

皇帝出殿中门降中阶诣

文华殿

御经筵进讲【仪详嘉礼】毕乘舆还宫执事官以次退

右祇告仪

遣官致祭

心殿赞引太常寺赞礼郎二人引承祭官入殿垣东门循

景行门东夹道至殿门外阶下正中行礼上香出入殿左门祝帛送燎承祭官避立西旁东面余如仪右遣官仪

月朔望太常寺卿一人率属诣

心殿具器陈设酒果上香行礼如仪

右常祀仪

钦定大清通礼卷十

卷十一

钦定四库全书

钦定大清通礼卷十一

吉礼

先师

春秋释奠

先师孔子之礼

大成殿内

至圣先师正位南向

复圣顔子

述圣子思子东位西向

宗圣曾子

亚圣孟子西位东向两序

先贤东闵子损冉子雍端木子赐仲子由卜子商有子若皆西向西冉子耕宰子予冉子求言子偃顓孙子师朱子熹皆东向两庑

先贤东蘧瑗澹台灭明原宪南宫适商瞿漆雕开司马耕梁鱣冉孺伯防冉季漆雕徒父漆雕哆公西赤任不齐公良孺公肩定鄫单罕父黑荣旂左人郢郑国原亢廉洁叔仲会公西舆如邽巽陈亢琴张步叔乘秦非顔恽顔何县亶乐正克万章周敦颐程顓邵雍西林放宓不齐公冶长公皙哀高柴樊须商泽巫马施顔辛曹防公孙龙秦商顔高壤驷赤石作蜀公夏首后处奚容蒧顔祖句井疆秦祖县成公祖句兹燕伋乐欬狄黑孔忠公西蒧顔之仆施之常申枨左丘明秦冉牧皮公都子公孙丑张载程颐

先儒东公羊高伏胜董仲舒后苍杜子春诸葛亮王通范仲淹欧阳修杨时罗从彦李侗吕祖谦蔡沈陈淳魏了翁王柏赵复许谦吴澄胡居仁王守仁罗钦顺西谷梁赤高堂生孔安国毛

莒郑康成范甯韩愈胡瑗司马光尹焞胡安国张栻陆九渊黄干真德秀何基陈澧金履祥许衡薛瑄陈献章蔡清陆陇其均北上东西向

崇圣祠殿内中

肇圣王木金父左

裕圣王祈父右

诒圣王防叔次左

昌圣王伯夏次右

启圣王叔梁纥皆南向

先贤顔无繇孔鲤东位西向曾防孟孙氏西位东向先儒东庑周辅成程珦蔡元定西向西庑张廵朱松东向均北上歲以春秋仲月上丁遣官将事

特行崇典则

皇帝亲诣行礼先二日礼部尚书一人诣牺牲所眡牲

如仪

右眡牲

致斋

书祝版

眡祝版 【仪均同帝王庙】

先一日宰人豫凿坎于宰牲亭之西国子监官设香案一于宰牲亭外光禄寺少卿一人朝服诣香案前上香遂及御史礼部祠祭司官国子监丞朝服眡宰宰人割牲以豆取毛血瘞于坎如常仪右眡割牲

将事前夕国子监祭酒率属洁蠲殿内外借以防荐拂拭

神座工部司官张大次于大成门外之左夜分太常寺

卿国子监祭酒各率其属入具器陈

先师位前牛一羊一豕一登一俎二簠二簋二笾十豆

十鑪一铎二

四配位前各羊一豕一俎二簠二簋二笾八豆八鑪一铎二

十二哲位前俎一簠一簋一笾四豆四东西各羊一豕一鑪一铎二殿中设一案少西北向供祝版其南东设一案西向陈礼神制帛九【色白】香盘四尊三爵二十有七西设一案东向陈礼神制帛八香盘三尊二爵三十有四凡牲陈于俎凡帛正位四配异簠十二哲东西共簠凡尊实酒承以舟疏布幂勺具东庑二位同案每位爵一实酒每案簠一簋一笾四豆四

先贤案前羊二豕二香案一鑪一铎二

先儒案前羊一豕一香案一鑪一铎二设案一于南北向陈礼神制帛二香盘二尊三虚爵六俎簠幂勺具西庑陈设同

崇圣祠正位前各羊一豕一俎二簠簋各二笾豆各八鑪一铎二配位前簠一簋一笾四豆四东西羊豕各一鑪一铎二中设一案少西供祝版东设一案陈礼神制帛七【色白】香盘六尊四爵二十有一西设一案陈礼神制帛二香盘一尊三爵六两庑东二案西一案每位爵一实酒余陈设簠簋笾豆羊豕鑪铎如配位之数各南设一案陈礼神制帛一香盘一尊一虚爵三俎簠幂勺皆具盥仪衞官设洗于大次之外乐部率太常协律郎设中和韶乐于殿外两阶金编钟在东玉编磬在西皆十有六悬以虞业东应鼓一祝一麾一西敌一东西分列琴六瑟四箫六篴六篥四排箫二埙二笙六搏拊二旌二羽籥三十有六太常寺官设洗于

崇圣祠阶下之东如式

右陈设

陈设毕太常寺博士引礼部侍郎一人入庙恭诣

大成殿周省盥盛及笾豆登俎之实次诣两庑省毕引

诣

崇圣祠正殿及两庑省眡如仪

右省盥

辨行礼位殿门内正中为

皇帝拜位北向阶下甬道左右为分献官拜位正殿分献官六人在前两庑分献官四人在后均北面陪祀王公位阶上东西各二班百官位阶下分献官之南东西各五班重行异等东位西上西位东上均北面辨执事位銮仪衛司拜褥官二人立于

皇帝拜位之左稍后太常寺司祝一人立祝案西东面司香四人司帛四人司爵九人立东案之西东面司香三人司帛三人司爵八人立西案之西东面侍仪礼部尚书侍郎各一人都察院左都御史副都御史各一人乐部典乐一人分立东西案之南东西面太常寺典仪一人立殿左门外西面司乐协律郎乐工歌工文德之舞六佾于阶上乐悬东西序立记注官四人于西阶下序立糾仪御史四人礼部祠祭司官四人引礼鸿臚寺官四人分立王公百官拜位之次掌燎官率燎人立于燎鑪之隅两庑国子生司香司帛司爵东西各二人序立南案之南均北面承祭

崇圣祠官拜位在阶下分献官四人拜位在承祭官后读祝拜位在殿中门槛内均北面太常寺司祝典仪掌燎各一人正殿国子官司香七人司帛九人司爵九人两庑国子生司香司帛司爵东西各三人立位与前仪同

右辨位

其日五鼓步军统领率所部清蹕除道自

东华门至

庙门

御道左右涂巷皆设布幛銮仪衛陈

法驾卤簿【详见北郊祭仪】不陪祀王公百官朝服咸防只

候送

驾如仪日出前六刻司祝恭请祝版设于祝案太常寺

卿赴

乾清门奏时

皇帝御祭服乘礼輿出宫前引后扈如常仪

驾发警蹕

午门鸣钟鼓

驾出东华门导迎乐前引不作执鑪鐙官左右骑导如

诣

东郊之仪

右銮輿出宫

驾将至太常寺赞礼郎豫引四配两序两庑分献官十人于大成西侧门外序立鸿臚寺官豫引陪祀王公于庙左右门外序立候

驾至随入引陪祀百官入大成左右侧门豫于行礼位

稍南东西序立只候

驾至庙门外降輿右赞引左对引太常寺卿二人恭导皇帝由中门入就大次少俟太常寺卿奏请行礼皇帝出次盥盥仪衛官跪奉盥奉巾如仪司拜褥官豫布拜褥于殿门内正中赞引对引官恭导

皇帝入大成中门陞阶进殿中门至拜位前北向立前引内大臣止立殿檐下提鑪官执鐙官侍衛均于阶下止立后扈大臣随侍赞礼郎引分献官东西各五人于甬道左右鸿臚寺官引陪祀王公升东西阶引百官于庭中左右均就拜位北面序立典仪赞乐舞生登歌执事官各共迺职文舞执羽籥进赞引奏就位

皇帝就位立

右就次盥洗就位

典仪赞迎

神司乐赞举迎

神乐奏昭平之章辞曰大哉至圣德盛道隆生民未有百王是崇典则昭垂式兹辟雍载防簠簋载严鼓钟协律郎举麾工鼓祝乐作赞引奏就上香位及对引官恭导

皇帝诣

先师香案前对引官至祝案前止立司香跪进香赞引

奏上香

皇帝上炷香三上瓣香毕奏复位及对引官恭导皇帝复位奏跪拜兴

皇帝行二跪六拜礼兴王公百官均随行礼协律郎偃

麾工戛敌乐止【凡乐以举麾鼓祝作以偃麾戛敌止后同】

右迎神

典仪赞奠帛爵行初献礼司乐赞举初献乐奏宣平之章辞曰觉我生民陶铸贤圣巍巍泰山实予景行礼备乐和豆笾嘉静既述六经爰斟三正乐作司乐举节舞羽籥之舞【凡舞以节领之导引进退后同】有司揭尊幂勺挹酒实爵正位司帛一人奉筐司爵一人奉爵以次诣

先师位前司帛跪献筐奠于案三叩兴司爵献爵奠于垫中皆退左右司香六人奉香盘司帛六人奉筐司爵十有六人奉爵进至

四配

十二哲位前赞礼郎引正殿分献官升东西侧阶入殿左右门至各

神位前上香奠帛献爵如仪仍由殿左右门出降阶复位两庑司香司帛奉香盘帛筐各进至香案前赞礼郎引分献官上香奠帛司爵由南案前奉爵东西序进各诣

先贤

先儒位前献爵毕皆退复位司祝至祝案前跪三叩奉祝版跪案左乐暂止赞引奏跪

皇帝跪羣臣皆跪赞读祝司祝读祝辞曰维某年月日皇帝御名致祭于

至圣先师孔子曰惟

师德配

天地道冠古今删述六经垂宪万年兹当仲【春秋】祇奉旧章

谨以牲帛酒果致祭配以

复圣顏子

宗圣曾子

述圣子思子

亚圣孟子尚

飧读毕兴奉祝版跪安

先师位前筐内三叩兴退乐作赞引奏拜兴

皇帝率羣臣行三拜礼兴乐止

右初献

典仪赞行亚献礼司乐赞举亚献乐奏秩平之章辞曰至哉圣师克明明德木铎万年惟民之则清酒既醑言观秉翟太和常流英材斯植乐作【舞同初献】正位司爵奉爵诣

先师位前恭献于左赞礼郎引分献官诣

四配

十二哲两庑随分献如初乐止

右亚献

典仪赞行终献礼司乐赞举终献乐奏叙平之章辞曰猗欤素王示予物轨瞻之在前师表万祀酌彼金罍我酒惟防登献虽终弗遐有喜乐作【舞同亚献】正位司爵奉爵诣

先师位前恭献于右

四配

十二哲两庑均随分献如亚献仪乐止文德之舞退

右三献

典仪赞彻饌司乐赞举彻饌乐奏懿平之章辞曰璧水渊渊芹芳藻洁既歆至圣亦仪前哲声金振玉告兹将彻饌假有成日月昭揭乐作彻毕乐止右彻饌

典仪赞送

神司乐赞举送

神乐奏德平之章辞曰煌煌辟雍四方来宗甄陶乐育多士景从如土斯埴如金在镕佐予敷治俗美时雍乐作赞引奏跪拜兴

皇帝率羣臣行二跪六拜礼兴乐止

右送神

典仪赞奉祝帛饌送燎司祝司帛诣

先师位前咸跪三叩司祝奉祝司帛奉筐兴司香跪奉香司爵跪奉饌兴以次由中道出恭送燎所

皇帝转立拜位旁西向【司拜褥官彻拜褥】俟祝帛过【仍布拜褥】皇帝复位立四配十二哲两庑香帛饌均送焚燎太常寺赞礼郎引分献官退鸿胪寺官引陪祀王公百官退立拜位东西乐作赞引奏礼成暨对引官恭导

皇帝仍由大成中门出陞舆乐止

法驾卤簿前导迎乐作奏祐平之章辞曰先圣垂轨千载是只防奉师表景行行止奠两楹神降之啓后人文在兹不陪祀王公百官仍朝服只候

驾至跪迎

午门鸣钟乐止王公随

驾入至内金水桥恭候

皇帝还宫各退太常寺官彻

乾清门斋戒牌铜人送寺

右礼成回銮

崇圣祠同时遣官致祭贊引太常寺贊礼郎引承祭官入祠垣左门引分献官随入承祭官诣阶下盥手典仪贊执事官各司其事贊礼郎贊就位引承祭官分献官就位立典仪贊迎

神司香奉香盘就各香案前立贊礼郎贊升阶引承祭

官升东阶入殿左门贊詣

肇圣王位前贊跪承祭官跪俯伏贊上香司香跪奉香承祭官上炷香三上瓣香毕俯伏兴次詣左右正位前跪上香仪同退及殿左门北面揖出降阶复位贊礼郎引分献官升东西阶入殿左右门分詣配位前跪上香如仪咸退及门北面揖出降阶复位引两庑分献官分詣两庑从位前跪上香揖出复位均如前仪贊礼郎贊跪叩兴承祭官分献官行三跪九叩礼兴典仪贊奠帛爵行初献礼贊礼郎引承祭官升阶贊詣中案前贊跪承祭官跪俯伏司帛跪奉篚承祭官受篚拱举以授司帛兴奠于案司爵跪奉爵承祭官受爵拱举以授司爵兴詣

神位前奠于垫中退承祭官俯伏兴以次詣左右正位前跪奠帛献爵仪同贊礼郎贊就读祝位引承祭官詣拜位立司祝至祝案前跪三叩奉祝版跪案左贊跪承祭官分献官皆跪贊读祝司祝读祝辞曰维某年月日

皇帝遣某官某致祭于

肇圣王

裕圣王

诒圣王

昌圣王

啓圣王曰惟

王诞生至圣为万世王者之师功德显著兹当仲【春秋】 谨

以庶品之仪致祭配以

先贤顏氏

先贤曾氏

先贤孔氏

先贤孟孙氏尚

飨读毕兴奉祝版跪安

肇圣王位前筐内三叩兴退賛礼郎賛叩兴承祭官分献官行三叩礼兴賛复位引承祭官退及殿左门北面揖出降阶复位賛礼郎引正殿分献官升东西阶入殿左右门诣配位前引两庑分献官分诣两庑从位前跪俯伏奠帛献爵俯伏兴退及门揖出复位均如正献仪亚献各献爵于左终献各献爵于右均如初仪典仪賛彻饌有司彻饌毕賛送

神賛礼郎賛跪叩兴承祭官分献官行三跪九叩礼兴典仪賛奉祝帛饌送燎司祝司帛司香司爵各奉祝帛香饌以次恭送燎位如仪承祭官避立西旁俟过复位賛礼郎引诣燎所视燎賛礼毕仍引由祠垣左门出各退

右崇圣祠祭仪

每歲遣官释奠于

先师承祭官分献官暨陪祀官均致斋二日豫期眡牲眡割牲皆如前仪先一日太常寺官具祝版送内阁恭书

皇帝遣某官某致祭余辞同前受而供诸庙内祝案行礼如仪祭日陈设牲帛器数如前仪设福胙于殿内东案尊爵之旁加爵一设洗于阶下之东礼部侍郎省盥如仪承祭官【大学士】拜位在阶下【亲王郡王在阶上】读祝受福胙拜位在殿中门槛内分献官在甬道左右陪祀官在庙庭左右均北面司香司帛司爵大成殿正位配位以国子监丞助教学正学录等官充两序两庑暨崇圣祠殿庑均以国子生充序位如前仪奉福胙国子生二人立于东案之东西面接福胙国子生二人立于西案之西东面鸡初鸣承祭官分献官豫集于持敬门内致斋所太常寺賛礼郎十有四人俟于持敬门内均朝服昧爽賛礼郎二人引承祭官自左侧门入【亲王郡王入大成右门】又四人分引两序分献官又八人分引两庑分献官随入至阶东盥手毕诣拜位前立鸿胪寺官引陪祀官咸诣拜位序立典仪賛乐舞生登歌执事官各共廼职文舞六佾进賛礼郎賛就位引承祭官分献官就位立典仪賛迎

神司乐賛举迎

神乐奏昭平之章【乐辞见前后彷彿此】乐作賛礼郎賛就上香位

引承祭官升东阶入殿左门賛诣

先师香案前賛跪承祭官跪俯伏賛上香司香跪奉香

承祭官三上香毕俯伏兴以次诣

四配位前跪上香仪同賛复位引承祭官退及殿左门北面揖出降阶复位初迎

神时賛礼郎分引东西序分献官各一人升东西阶入

殿左右门诣

十二哲位前跪上香退及门北面揖出降阶复位引两庑分献官东西各二人分诣

先贤

先儒位前跪上香揖出复位均如前仪賛礼郎賛跪叩兴承祭官分献官暨陪祀官行三跪九叩礼兴乐止典仪賛奠帛爵行初献礼奏宣平之章舞羽籥之舞乐作賛礼郎引承祭官升阶賛诣

先师位前賛跪承祭官跪俯伏司帛跪奉篚承祭官受篚拱举以授司帛兴奠于案司爵跪奉爵承祭官受爵拱举以授司爵兴奠于垫中退承祭官俯伏兴賛礼郎賛就读祝位引承祭官至殿中拜位立賛跪承祭官分献官暨陪祀官皆跪賛读祝司祝跪读祝如仪承祭官分献官暨陪祀官皆行三叩礼兴賛礼郎引承祭官以次诣

四配位前跪奠帛献爵仪同退及殿左门北面揖出降阶复位賛礼郎分引两序分献官升东西阶入殿左右门诣

十二哲位前跪俯伏奠帛献爵俯伏兴退及门北面揖出降阶复位均如仪引两庑分献官分诣

先贤

先儒位前奠帛献爵揖出复位仪同乐止亚献奏秩平之章【舞同初献】乐作賛礼郎引承祭官升阶賛诣

先师暨四配位前奠爵于左如初两序两庑随分献毕均复位乐止终献奏叙平之章【舞同亚献】乐作引承祭官升阶奠爵于右如亚献仪两序两庑随分献毕均复位乐止文德之舞退典仪賛饮福受胙賛礼郎賛诣受福胙位引承祭官至殿中拜位立奉福胙二人自东案奉福胙至

先师位前拱举退立于承祭官之右接福胙二人自西案进立于左賛礼郎賛跪承祭官跪賛饮福酒右一人跪递福酒承祭官受爵拱举以授于左接以兴次受胙如饮福之仪賛叩兴承

祭官三叩兴賛复位引承祭官退及殿左门北面揖出降阶复位賛跪叩兴承祭官分献官暨陪祀官均行三跪九叩礼兴典仪賛彻饌奏懿平之章乐作彻毕乐止賛送

神奏德平之章乐作賛礼郎賛跪叩兴承祭官分献官暨陪祀官行三跪九叩礼兴乐止典仪賛奉祝帛饌送燎有司各奉祝帛香饌恭送燎所如仪承祭官避立拜位西旁俟过复位乐作賛礼郎引承祭官诣燎所视燎毕仍引由左侧门出乐止陪祀各官皆退

崇圣祠正殿及两庑陈设承祭官分献官行礼仪节同前

右遣官释奠仪

皇帝临雍讲学

亲释奠于

先师之礼既讫吉先二日

皇帝乃斋王贝勒贝子公文三品武二品以上官翰林院詹事府四品以下七品以上国子监官衍圣公及五经博士陪祀至京者咸致斋

右致斋

眡牲

眡割牲【与上丁释奠礼同】

至日夜分太常寺卿国子监祭酒率其属入具

大成殿及两庑陈设不供祝版余器数与上丁礼同

右陈设

省盥【与上丁释奠礼同】

辨行礼位

皇帝拜位在殿门内正中北向分献官位阶下甬道左右陪祀王公位阶上东西各二班百官位阶下分献官之南翰林詹事官七品暨国子监官均陪祭东西各七班翰林詹事在东国子监官在西衍圣公在东班之首五经博士孔氏族五人顔曾等氏族各二人与见官京师者在东

班官之末均北面余执事官序位与上丁礼同

右辨位

銮舆出宫【与上丁释奠礼同】

驾将至国子监祭酒司业率属朝服国学生吉服序列

于成贤街道左跪迎

驾至庙门外降舆右赞引左对引太常寺卿二人恭导皇帝由中门入就大次少俟太常寺卿奏请行礼皇帝出次盥毕入大成中门陞阶入殿中门就位国子监官由西侧门入暨陪祀王公百官均就拜位序立如上丁释奠之仪

右就次盥洗就位

典仪赞迎

神司乐赞举迎

神乐奏昭平之章【辞见前】协律郎举麾工鼓祝乐作赞引

奏跪拜兴

皇帝行二跪六拜礼王公百官均随行礼协律郎偃麾工戛敌乐止【凡乐以举麾鼓祝作以偃麾戛敌止后同】典仪赞行释奠礼司乐赞举奠献乐奏宣平之章【辞见前】乐作有司揭尊幂勺挹酒实爵司帛奉筐司爵奉爵以次恭就

皇帝之右司帛跪进筐

皇帝受筐拱举授司帛接以兴奉诣

先师位前跪献于案退司爵跪进爵

皇帝受爵拱举授司爵接以兴奉诣

先师位前奠于正中退赞礼郎引正殿分献官升东西

阶入殿左右门诣

四配

十二哲位前奠帛献爵如仪出降阶复位引两庑分献官诣

先贤

先儒位前奠帛献爵出复位均如仪乐止典仪赞送

神司乐赞举送

神乐奏德平之章【辞见前】乐作赞引奏跪拜兴

皇帝率羣臣行二跪六拜礼兴典仪赞奉帛送燎司帛

诣

先师位前跪三叩奉篚兴由中道出送燎赞礼郎引分献官鸿胪寺官引陪祀王公百官退立拜位两旁赞引奏礼成暨对引官恭导

皇帝出殿中门降中阶至大成门外入大次更衣乐止皇帝出次陞輿诣彝伦堂讲书【仪详嘉礼】毕还宫

右讲学释奠仪

月朔释菜之礼正献国子监祭酒两序两庑以所属监丞博士助教学正学录分献司香司爵引赞通赞以肄业诸生执事其日夙兴国子监典簿启殿门及东西庑门率庙户洁扫内外展神幄拂拭神案每案陈菜枣栗各一豆鑪一镫二设案一于殿内之东陈香盘七尊一每位爵一又设案于东西两庑之南各陈香盘三尊一每位爵一凡尊实酒幂勺具司香司爵立于案旁设洗于阶下之东通赞二人立于殿内东西楹二人立于殿外东西阶上皆公服质明祭酒率属朝服诸生吉服集于持敬门内引赞引由大成东侧门入及庙庭通赞赞就位咸就位北面立祭酒司业为一班师儒以位序诸生以齿序咸列于后通赞赞跪叩兴祭酒以下行三跪九叩礼兴赞行释菜礼引赞引祭酒诣阶东盥手升东阶入殿左门诣

先师位前司香奉香盘从引赞赞跪祭酒跪俯伏通赞赞上香司香跪奉香祭酒三上香俯伏兴退诣尊案前眡注酒司爵举幂酌酒实爵引赞引祭酒复诣

先师位前司爵执爵从引赞赞跪祭酒跪俯伏通赞赞献爵司爵跪奉爵祭酒受爵拱举以授司爵兴献于正中退祭酒俯伏兴以次诣

四配位前跪上香献爵仪同賛复位引祭酒退及殿左门北面揖出降阶复位初迎

神时引賛引两序分献官二人盥手升东西阶入殿左

右门诣

十二哲位前跪俯伏上香献爵俯伏兴退及门北面揖出降阶复位均如仪两庑引賛引分献官二人盥手诣

先贤

先儒位前跪上香献爵揖出复位仪同通賛賛跪叩兴祭酒率属及诸生均行三跪九叩礼毕各退

崇圣祠正献国子监司业两庑以助教学正等官各一人分献执事以诸生行礼仪节同

岁届宾兴

殿试牐传后诸进士谒吉诣国学释褐乃释菜于

先师第一甲一名进士正献二名三名进士两序分献二甲一名三甲一名进士两庑分献执事以国子监肄业生是日清晨引賛引诸进士公服入庙上香行一献礼陈设及行礼仪节均与月朔释菜礼同

右释菜仪

翌日上香之礼国子监典簿拂神案然鐙设香盘于殿内及两庑各案肄业生司香各一人立于案前设洗于阶东质明祭酒司业率属朝服诸生吉服入大成左侧门阶下就位如释菜之仪通賛賛行上香礼引賛引司业盥手升东阶入殿左门诣

先师位前引賛賛跪司业跪俯伏通賛賛上香司香跪

奉香司业三上香俯伏兴引诣

四配位前以次跪上香毕賛复位引司业退及殿左门北面揖出降阶复位引賛引助教二人盥手升阶分诣两序

十二哲位前跪上香退及门北面揖出降阶复位均如仪引学正二人盥手分诣两庑

先贤

先儒位前跪上香揖出复位仪同通贊贊跪叩兴祭酒司业以下行三跪九叩礼毕各退

崇圣祠正殿以助教一人上香两庑以典簿典籍各一人上香仪同

右上香仪

因事只告之礼遣官一人将事暨执事官均致斋一日豫期太常寺设案一于

大成殿内正中少西北向翰林院具祝文【随事撰拟】太常寺卿送内阁恭书受而供诸殿内案上行礼如仪至日

先师位前陈鹿脯鹿醢兔醢榛栗葡萄桃实莲实鑪鐙具设案一于东陈礼神制帛一香盘一尊一爵三太常寺司祝一人立于案西东面司香一人司帛一人司爵一人立于案东西面设洗于阶下之东鸡初鸣承祭官豫埃于持敬门内斋所贊引太常寺贊礼郎二人埃于门内均朝服质明引承祭官自大成东侧门入盥手就位上香读祝行三献礼升降进退均与春秋上丁遣官礼同

右因事祇告

皇帝东巡诣阙里

亲释奠

先师孔子之礼豫期衍圣公率博士洁扫

大成殿内外分献官扈从王公文官郎中武官防领以上地方文官知府武官副将以上衍圣公暨十三氏五经博士咸与祭先一日

皇帝乃斋与祭百官毕斋

行在太常寺官具祝版送内阁中书舍人敬缮祝文【翰林院随时撰拟】于版大学士一人公服恭书

御名以授太常寺官豫奉陈于庙内如仪

右具祝版

眡割牲【仪与祭帝王陵寝同】

祭之前夕工部司官张大次于奎文阁前銮仪衛官设洗于次外夜分太常寺卿率属入庙陈乐悬于殿阶上陈文德之舞六佾于乐悬之次遂及守土官诣

大成殿

崇圣祠暨前后两庑供具陈设器数与太学释奠礼同辨行礼位

皇帝拜位在

大成殿内正中北向武备院官司拜褥一人立于拜位之左分献官位杏坛下陪祀王公位杏坛上文官位庙庭左直东阶下武官位庙庭右直西阶下地方官以其班列于朝官之次衍圣公位东朝官之首五经博士位东朝官之末均北面辨执事位记注官四人侍仪礼部尚书一人【或侍郎一人】都察院左都御史一人【或副都御史一人】乐部典乐一人糾仪御史礼部祠祭司官各二人引礼鸿胪寺官四人太常寺典仪一人司乐协律郎乐工歌工舞佾殿内司祝司香司帛司爵太常寺官两庑执事生各以其职为位掌燎官率燎人立燎鑪前均如太学之仪承祭

崇圣祠官【王公】位阶上【大学士以下皆位阶下】两庑博士分献位阶下执事生以职为位与太学礼同

右供张陈设序位

将事之日守土大吏率属治道清跸銮仪衛陈

骑驾卤簿【详军礼】于

行在宫门外领侍衛内大臣及内大臣勒所部翊衛官防军统领宗人府王公勒所部后管官均采服于

行宫门外祇候不陪祭扈从官序列

行宫门前候

驾出跪送届时太常寺卿赴

行宫奏请诣庙

皇帝龙袍补服乘輿出宫前引后扈如常仪

右銮輿出行宫

驾将至衍圣公率十三氏五经博士及不陪祭之守土官序立庙门前道左跪迎鸿胪寺官引陪祭王公序立于奎文阁前内外各官文由东金声门入武由西玉振门入序立于庙庭左右均东西面太常寺赞礼郎引分献官序立于玉振门外执事官豫入殿庭就位均采服

驾至由庙中门入至同文门奎文阁前降輿右赞引左

对引太常寺卿二人恭导

皇帝入大次少俟太常寺卿奏请行礼

皇帝出次盥銮仪衛官跪奉盥奉巾如仪司拜褥官豫

布拜褥于

大成殿门内正中赞引对引官恭导

皇帝自奎文阁步入大成中门陞中阶诣殿中拜位前北向立内大臣侍衛止立阶下后扈大臣随侍王公于侍衛后随入由东西阶升诣杏坛上分献官入玉振门诣杏坛下衍圣公率五经博士入金声门及百官就拜位均北面东西序立东班西上西班东上典仪赞执事官各共迺职赞引奏就位

皇帝就位迎神上香初献读祝亚献三献送神彻燎乐

章乐舞及行礼仪节与太学释奠同

崇圣祠遣官同时致祭并如太学之礼

右致祭仪

致祭礼成赞引对引恭导

皇帝出殿门降中阶至奎文阁前乘輿诣诗礼堂讲书【仪详嘉礼】是日工部司官豫张大次于毓粹门内光祿寺官设案一于

孔林露台正中设奠池于案上武备院官设拜褥于奠

案之前

皇帝讲书毕只谒

孔林衍圣公率十三氏五经博士及不陪祭之守土官

于毓粹门外道左候

驾出跪送

皇帝由承圣门出诣大次更常服少皏步出毓粹门乘輿前导后扈如常仪扈从王公以下三品文武官以上豫往享堂垣门外序立衍圣公率孔氏子孙通仕籍者及不陪祭之守土官均常服豫往观楼门道左候

驾至跪迎

驾至孔林大门外内大臣侍衛咸下马导从过洙水桥至享堂垣门前降輿礼部尚书侍郎恭导

皇帝由中门入陞中阶诣露台拜位后扈大臣随侍奉爵内大臣一人立于左内务府官司壶一人奉壶司爵一人奉爵立内大臣之下鸿胪寺官引王公百官随自左右门入王公夹阶下左右文武大臣侍衛于庭中左右立衍圣公及族人陪位如在庙之序

皇帝跪王公以下皆跪司壶举壶酌酒司爵以爵承酒

授内大臣内大臣自左奉爵跪恭进

皇帝兴少退立

皇帝拱举爵酒奠池中内大臣跪受虚爵兴退

皇帝行一拜礼羣臣随行礼再酌三爵酌酒进酒皇帝率羣臣各行一拜礼均如初兴内大臣及执壶爵者退鸿胪寺官豫引王公大臣侍衛于享堂垣门外之东序立衍圣公率其族暨不陪祭守土官仍于观楼门道左只候

驾出跪送礼部尚书侍郎恭导

皇帝降中阶出中门乘輿还

行宫不陪祭扈从官跪迎如来仪

右谒孔林

庆典遣官致祭之礼豫期有司谕遣官吉日太常寺具礼神香祝【祝文翰林院随事撰拟】制帛一送礼部封题授遣官赍往【详载徧祭帝王陵寝仪】遣官至

阙里衍圣公饬官属洁庙宇内外备执事人司祝司香司帛司爵以五经博士充通赞引赞以奉祀生充先一日遣官及执事官斋守土官戒办牲牢器物其夕宰人割牲于厨守土官公服眠宰瘞毛血如仪祭日昧爽守土官率奉祀生入庙陈设

先师位前牲帛簠簋笾豆尊爵鑪鐙器数与春秋丁祭同设案一于殿中少西供祝文设洗于东阶之下引赞二人立于大门质明执事官豫入就位均朝服遣官朝服入庙引赞引自东侧门入诣东阶下盥手升阶至阶上正中北面立通赞赞就位遣官就拜位立迎神上香初献读祝亚献三献送神彻燎仪节与春秋丁祭同祭毕引遣官仍降东阶由东侧门出执事官各退

皇帝时巡省方过鲁遣官一人诣

阙里只告

先师孔子豫期太常寺官具祝文【翰林院随时撰拟】香帛授遣官赍往既至守土官洁备脯醢果实届日陈设行礼与太学因事祇告礼同

右因事祭告

皇帝东巡遣官释奠

元圣周公之礼先期

行在太常寺奏遣正献官分献官各一人豫具祝文【翰林院随时撰拟】香帛授遣官赍往前期姬氏子孙率奉祀生洁扫庙宇内外守土官戒办牲牢器物备执事人司祝司香司帛司爵通赞引赞均以本族奉祀生及弟子充先一日遣官至境乃斋其夕守土官公服眠割牲如仪越日昧爽率奉祀生入庙供具陈

周公位前羊一豕一豮一鉶二簠簋各二笾豆各八鑪

一鐙二

鲁公配位前陈设同设案一于中少西供祝文司祝一人立于其南设案一于东陈礼神制帛

二【色白】香盘二尊二爵六幂勺具司香司帛司爵各二人立于案后设洗于阶下之东通贊一人立于门左引贊四人立于庙大门内均服其服质明遣官朝服诣庙引贊二人引正献官入二人引分献官随入诣东阶下盥手升东阶至阶中正献官在前分献官在后均北面通贊贊就位引贊分引遣官就拜位立通贊贊迎

神司香二人各奉香盘进至正位配位前立引贊引正

献官入自闕东诣

周公位前引分献官随入诣

鲁公位前贊跪遣官跪贊上香遣官上炷香三上瓣香兴贊复位遣官均复位立贊跪叩兴遣官均行二跪六叩礼兴通贊贊行初献礼司帛各奉篚跪奠于案三叩兴司爵各奉爵献于案正中皆退通贊贊读祝引贊贊跪遣官皆跪司祝至祝案前跪三叩奉祝文跪案左读讫复于案三叩兴退引贊贊叩兴遣官均三叩兴亚献各奠爵于左三献各奠爵于右如初仪通贊贊送

神引贊贊跪叩兴遣官均行二跪六叩礼兴执事官各奉祝帛香由中道送燎如仪遣官避立拜位东俟过引贊引遣官视燎礼毕引遣官出执事官皆退右遣官释奠周公

皇帝东巡致祭

复圣顏子

宗圣曾子

述圣子思子

亚圣孟子之礼各遣官一人赍祝文【翰林院随时撰拟】香帛分诣所在專庙行礼陈设与

京师太学四配每位器数同祭日有司供具遣官行礼如祭

周公庙之仪

右遣官释奠顏曾孔孟四氏

直省府州县庙祀

先师孔子皆以岁春秋仲月上丁行释奠礼省防正献以总督若巡抚一人主之两序以布按

二司防政副使各一人两庑以知府同知各一人眡割牲省盥盛以防议金事等官各一人糾仪以教授训导各一人司祝司香司帛司爵司饌引贊通贊引班以学弟子员嫺礼仪者执事在城文武官县丞千总以上咸与祭【班与外朝防同】致斋二日祭前一日有司飭庙戶洁扫殿庑内外眡割牲官公服詣神厨眡割牲如仪正献官率执事人入学习仪教官率乐舞诸生入学习舞习吹祭之日陈设省盥祀官偕执事人入庙序位行礼仪节均与太学遣官释奠同

祝辞曰维某年月日某官某致祭于

至圣先师孔子曰惟

先师德隆千圣道冠百王揭日月以常行自生民所未

有属

文教昌明之防正礼和乐节之时辟雍钟鼓咸恪荐于馨香泮水胶庠益致严于笾豆兹当仲【春秋】只率彝章肃展防忱聿将祀典以

复圣顔子

宗圣曾子

述圣子思子

亚圣孟子配尚

飨

右祝辞

迎神乐奏昭平之章辞曰大哉孔子先觉先知与天地参万世之师祥征麟绂韵答金丝日月既揭乾坤清夷

初献乐奏宣平之章辞曰予懷明德玉振金声生民未有展也大成俎豆千古春秋上丁清酒既载其香始升舞羽籥之舞

亚献乐奏秩平之章辞曰式礼莫愆升堂再献响协鼗鏞诚孚疊甌肃肃雍雍誉髦斯彦礼陶乐淑相观而善

三献乐奏叙平之章辞曰自古在昔先民有作皮弁祭菜于论思乐惟天牖民惟圣时若彝伦攸叙至今木铎舞均如初

彻饌乐奏懿平之章辞曰先师有言祭则受福四海冀宫疇敢不肃礼成告彻毋疏毋瀆乐所自生中原有菽

送神乐奏德平之章辞曰鳧绎峩峩洙泗洋洋景行行止流泽无疆聿昭祀事祀事孔明化我烝民育我胶庠

右乐章乐舞

崇圣祠同时致祭正献以督学使者主之若按试他郡则以布政使一人摄分献以教谕训导执事以学弟子贡余陈设行礼并如太学

崇圣祠祭仪

祝辞曰惟某年月日某官某致祭于

肇圣王

裕圣王

诒圣王

昌圣王

启圣王曰惟

王奕叶钟祥光开圣绪盛德之后积久弥昌凡声教所覃敷率循源而溯本宜肃明禮之典用申守土之忱兹届仲【春秋】聿修祀事配以

先贤顏氏

先贤曾氏

先贤孔氏

先贤孟孙氏尚

飧

右崇圣祠祝辞

监司分驻各府者主其地

文庙之祭他府州县以长官为正献其贰及所属两序

分献

崇圣祠皆教谕正献前后两房皆食饩学弟子各一人分献陈设器数行礼仪节与省防同

右直省府州县释奠仪

月朔释菜望日上香教授教谕训导等官分班行礼与太学同

右朔望释菜上香仪

直省府州县附庙左右各建

忠孝

节孝

名宦

乡贤四祠岁春秋释奠礼毕教谕一人公服诣祠致祭是日清晨庙户启祠门拂拭神案执事人入陈羊一豕一笾四豆四簋一铎二陈祝文于案左陈壶一爵三帛一香盘一于案右引赞二人引主祭官入诣案前北面立礼生自右奉香盘主祭官三上香讫引赞赞跪叩兴主祭官跪三叩兴礼生自右授帛主祭官受帛拱举仍授礼生献于案上礼生挈壶酌酒实爵自右跪授爵主祭官受爵拱举仍授礼生兴献于正中读祝者取祝文跪案左引赞赞跪主祭官跪读祝辞曰维某年月日某官某致祭于

忠义孝弟之灵曰惟

灵禀赋贞纯躬行笃实忠诚奋发贯金石而不渝义问宣昭表乡闾而共式只事懋彝伦之大性摯莪蒿克恭念天显之亲情殷棣萼模楷咸推夫懿德

纶恩特闡其幽光祠宇维隆岁时式祀用陈尊簋来格

几筵尚

飨读毕以祝文复于案退主祭官俯伏兴执事者酌酒献于左又酌酒献于右退引賛賛跪叩兴主祭官跪三叩兴执事者以祝帛送燎引賛引主祭官出执事者彻皆退各祠致祭仪同

节孝祠祝曰维某年月日某官某致祭于

节孝之灵曰惟

灵纯心皎洁令德柔嘉矢志完贞全闺中之亮节竭诚致敬彰阃内之芳型茹冰蘖而弥坚清操自励奉盘匱而匪懈笃孝 徽

丝纶特沛乎殊恩祠宇昭垂于令典只循岁祀式荐尊

醪尚

飨【名宦乡贤二祠祝文各省州县所在异辞不悉载】

右忠孝节孝名宦乡贤祠祭仪附

钦定大清通礼卷十一

卷十二

<史部,政书类,仪制之属,钦定大清通礼

钦定四库全书

钦定大清通礼卷十二

吉礼

天神

孟夏常雩后歲间不雨廼只告

天神坛以祈甘雨祈而应则报祀雨潦祈晴冬旱祈雪亦如之祈告之礼有司豫日諏吉遣官一人将事文武官应陪祀者咸与祈祷【同日祇告地只太歲二坛各以参之一分析】前期各于邸第致斋一日太常寺具祝文【翰林院随时撰拟】备脯醢果实洁坛壝内外如告各

坛庙之仪

右諏日致斋供具

祀日五鼓太常寺卿率属入坛设

云师

雨师

风伯

雷师凡四案于坛正中南向每案陈鹿脯鹿醢兔醢枣榛卜萄桃实莲实其前各设香案皆鑪一鐙二设案一于南少西供祝版又东设一案陈礼神制帛四【色青一黑一黄一白一】香盘四尊四虚爵十有二凡帛异筐尊实酒承以舟疏布幂勺具设洗于阶下之东设燎鑪于内壝南左门外乐部率太常协律郎入设乐悬于阶下之南编钟在东祝从编磬在西敔从东应鼓一麾一琴瑟笙箫箴埙箎搏拊之属东西分比陈乐舞于乐悬之次均北面如式以次序祀官及执事官位承祭官位南阶下正中陪祀官位内壝南门外东西各五班重行异等东位西上西位东上均北面太常寺司祝一人立祝案西东面司香四人司帛四人司爵四人立尊案东西面典仪一人立东阶下西面司乐协律郎乐工歌工舞佾依悬序立如常位纠仪御史二

人礼部祠祭司官二人分立阶上左右又御史二人礼部祠祭司官二人鸿胪寺官二人分立陪祀官拜位左右均东西面掌燎官率燎人立燎鑪之东南隅右陈设序位

漏未尽承祭官暨陪祀执事各官咸素服诣坛只候赞引太常寺赞礼郎二人豫立于门质明太常寺卿诣

神库上香行礼太常寺官属诣各

神位前跪三叩兴奉请入坛恭设石座内

云师左

雨师右

风伯次左

雷师次右安訖跪叩如初退赞礼郎引承祭官自外壝南左门入内壝南左门赞盥洗承祭官盥手如仪引诣阶下鸿胪寺序班引陪祀官至内壝南门外典仪赞乐舞生登歌执事官各共廼职武舞执干戚进赞礼郎赞就位承祭官暨陪祀官咸就拜位立典仪赞迎

神司香奉香进至案前只候司乐赞举迎

神乐奏祈丰之章辞曰云车驰兮风旆征雷阗阗兮雨 防表六合兮穹青横大川兮扬灵纷总总兮来会穆予心兮斋明协律郎举麾工鼓祝乐作赞礼郎赞升坛引承祭官升东阶诣

云师香案前立赞跪承祭官跪赞上香司香跪奉香承

祭官上炷香三上瓣香兴次诣

雨师

风伯

雷师案前上香毕赞复位引承祭官降阶复位赞跪叩兴承祭官暨陪祀官三跪九叩兴协律郎偃麾工戛敌乐止【凡乐以举麾鼓祝作以偃麾戛敌止后同】

右盥洗就位迎神

典仪赞奠帛爵行初献礼司乐赞举初献乐奏华丰之章辞曰束帛戔戔兮筐篚将昭诚素兮

鬯馨香瘼此下民兮侯有望神垂鸿祐兮未渠央有司揭尊幂勺挹酒实爵乐作司乐举节舞干戚之舞【凡舞以节领之导引进退后同】司帛奉篚进至各案前跪献于案三叩兴司爵奉爵诣各案北跪奠于垫中皆退司祝诣祝案前跪三叩兴奉祝版跪案左乐暂止赞礼郎赞跪承祭官暨陪祀官皆跪典仪赞读祝司祝读祝讫兴以祝版跪安于篚内三叩兴退乐作赞礼郎赞叩兴承祭官暨陪祀官行三叩礼兴乐止武功之舞退文舞执羽籥进典仪赞行亚献礼司乐赞举亚献乐奏兴丰之章辞曰疏幂兮再启芳齐兮载陈惠邀兮神祝福我兮民人乐作舞羽籥之舞司爵奉爵各奠于左如初献仪献毕乐止典仪赞行终献礼司乐赞举终献乐奏仪丰之章辞曰犧尊兮三涤防酒兮思柔诚无斃兮嘉荐神燕娯兮降休乐作【舞同亚献】司爵奉爵各奠于右如亚献仪献毕乐止文德之舞退

右三献

典仪赞彻饌司乐赞举彻饌乐奏和丰之章辞曰礼既成兮孔殷洁明粢兮苾芬废彻兮不迟至敬兮无文乐作有司彻毕乐止典仪赞送

神司乐赞举送

神乐奏锡丰之章辞曰流形兮露生苞符兮孕灵介我稷黍兮曰雨而雨神之格思兮祀事孔明乐作赞礼郎赞跪叩兴承祭官暨陪祀官均行三跪九叩礼兴乐止典仪赞奉祝帛送燎司祝跪奉祝司帛跪奉篚三叩兴司香跪奉香兴以次恭送燎所承祭官避立拜位东俟过复位典仪赞望燎赞礼郎引诣望燎位鸿胪寺引陪祀官退赞礼郎引承祭官出壝南左门望燎礼毕仍由坛南左门出退太常寺卿恭请

神位还

御如奉请仪

右送神燎祝帛

报祀

天神之礼諏日致斋具祝文【翰林院随时撰拟】洁坛壝如初先一日割牲御史礼部祠祭司官光禄寺大官署正朝服眡宰宰人瘞毛血如各

坛庙常祀仪

右眡割牲

祀日五鼓太常寺卿率属入坛具器陈牛一羊一豕一每案登一铏一簠二簋二笾十豆十簠

一鐙二乐部率太常协律郎入陈设乐悬及乐舞于阶下之南东西分列各依其次如式祝帛香尊爵陈设祀官及执事官立位均与只告礼同

右展牲器

陈设毕太常寺博士引礼部侍郎一人升坛省眡牲牢盥盛如各

坛庙常祀仪

右省盥

质明太常寺官恭请

云雨风雷神位入坛奉安石座内承祭官暨陪祀执事各官朝服就位迎神初献读祝亚献三献彻送神视燎行礼仪节及乐章乐舞均与只告礼同右报祀

地只

歲孟夏常雩后如以祈雨祈晴祇告

天神同日并告

地只其报亦如之祇告之礼遣官将事暨文武官咸与祈祷前期致斋太常寺具祝文备器陈洁坛壝内外如祀

天神之仪

右致斋供具

祭日五鼓太常寺卿率属入坛设

五岳

五鎮

五陵山

四海

四渎凡五案于坛中北向设

京畿名山大川

天下名山大川凡二案于坛左右东西向每案荐脯醢果实分陈爵六十实酒其前各设香案皆鑪一鐙二中设一案少西供祝版东设一案陈礼神制帛十有六【五岳五鎮皆青赤黄白黑各一四海青赤白黑各一京畿名山大川白一黑一】香盘四尊四虚爵十有二西设一案陈礼神制帛十有一【五陵山各白一四渎各黑一天下名山大川白一黑一】香盘三尊三虚爵九凡帛每案同筐凡尊实酒疏布幂勺具设洗于阶下之西为瘞坎于内壝北右门外乐部率太常协律郎入设乐悬于阶下之北编钟在西祝从编磬在东敌从西应鼓一麾一琴瑟笙箫箴埙箎搏拊之属东西分比陈乐舞于乐悬之次均南向如式以次序祀官及执事官位承祭官位北阶下正中陪祀官位内壝北门外东西各五班均南面太常寺司祝一人立祝案西东面司香四人司帛四人司爵四人立东案东司香三人司帛三人司爵三人立西案西典仪一人立西阶下东面司乐协律郎乐工歌工舞佾依悬序立如常位纠仪御史礼部祠祭司官各四人鸿胪寺官二人分立承祭官陪祀官拜位左右掌瘞官率瘞人立瘞坎之西北隅

右陈设序位

漏未尽承祭官暨陪祀执事各官咸素服诣坛只俟赞引太常寺赞礼郎二人豫俟于门质明太常寺卿诣

神库上香行礼太常寺官属诣各

神位前跪三叩兴奉请入坛恭设石座内

五岳居中

五鎮右

五陵山左

四海次右

四渎次左均北向

京畿名山居东

京畿大川次东均西向

天下名山居西

天下大川次西均东向安讫跪叩如初退赞礼郎引承祭官自外壝南右门入循壝东入内壝北右门赞盥洗承祭官盥手引诣阶下鸿胪寺序班引陪祀官至内壝北门外典仪赞乐舞生登歌执事官各共廼职武舞执干戚进赞礼郎赞就位承祭官暨陪祀官咸就拜位立典仪赞迎

神司香奉香以次进至案前只俟司乐赞举迎

神乐奏祈丰之章

【乐辞详见天神坛后仿此】协律郎举麾工鼓祝乐作赞礼郎赞升坛引承祭官升东阶诣

五岳香案前立赞跪承祭官跪赞上香司香跪奉香承

祭官上炷香三上瓣香兴次诣

五鎮

五陵山

四海

四渎

京畿名山大川

天下名山大川案前上香毕赞复位引承祭官降阶复位赞跪叩兴承祭官暨陪祀官三跪九叩兴协律郎偃麾工戛敌乐止【凡乐以举麾鼓祝作以偃麾戛敌止后同】右盥洗就位迎神

典仪赞奠帛爵行初献礼司乐赞举初献乐奏华丰之章有司揭尊幂勺挹酒实爵乐作司乐举节舞干戚之舞【凡舞以节领之导引进退后同】司帛奉筐进至各案前跪献于案三叩兴司爵奉爵诣各案南跪奠于垫中皆退司祝诣祝案前跪三叩兴奉祝版跪案左赞礼郎赞跪承祭官暨陪祀官皆跪典仪赞读祝司祝读祝讫兴以祝版跪安于正中筐内叩如初兴退乐作赞礼郎赞叩兴承祭官暨陪祀官行三叩礼兴乐止武功之舞退文舞执羽籥进典仪赞行亚献礼司乐赞举亚献乐奏兴丰之章乐作舞羽籥之舞司爵奉爵各奠于左如初献仪献毕乐止典仪赞行终献礼司乐赞举终献乐奏仪丰之章乐作【舞同亚献】司爵奉爵各奠于右如亚献仪献毕乐止文德之舞退

右三献

典仪赞彻饌司乐赞举彻饌乐奏和丰之章乐作有司彻毕乐止典仪赞送

神司乐赞举送

神乐奏锡丰之章乐作赞礼郎赞跪叩兴承祭官暨陪祀官均行三跪九叩礼兴乐止典仪赞奉祝帛送瘞司祝跪奉祝司帛跪奉篚三叩兴司香跪奉香兴以次恭送瘞所承祭官避立拜位西俟过复位典仪赞望瘞赞礼郎赞诣望瘞位鸿胪寺引陪祀官退赞礼郎引承祭官出壇北右门望瘞礼毕仍由坛南右门出退太常寺卿属恭请

神位还

御如仪

右送神瘞祝帛

报祭之礼致斋具祝文备器陈洁坛壝如初先一日割牲有司眡宰如祀

天神之仪

右眡割牲

祭日五鼓太常寺卿率属入坛设案如初每案陈登铏簠簋笾豆鑪鐙之数共牛羊豕各一与

天神坛同乐部率太常协律郎陈设乐悬乐舞各依常次如式祝帛香尊爵陈设祀官及执事官立位均与只告礼同

右展牲器

陈设毕礼部侍郎一人升坛省眡牲牢蠶盛如报祀

天神之仪

右省蠶

质明太常寺官恭请

岳鎮海瀆山川神位入坛奉安石座内承祭官暨陪祀执事各官朝服就位迎神初献读祝亚

献三献彻送神望瘞行礼仪节及乐章乐舞均与

天神坛报祀礼同

右报祭

直省府州县各建

神只坛祀

云雨风雷境内

山川

城隍之神歲春秋仲月諏吉致祭在城文武各官皆与省会以总督若巡抚主之若有故以布政使摄致祭之礼设案一于坛正中南向

云雨风雷神位居中境内

山川神位左

城隍神位右案陈铏一簠二簋二笾豆各四案前设俎陈羊一豕一又前设香案一陈祝文香盘鑪鐙西设一案陈帛七尊一爵二十有一福酒胙肉陈于尊俎之次祭祀仪节祀官及执事官序位并如

社稷坛仪祭日有司供具执事人豫入序立引班引陪祭官入引赞引主祭官入通赞赞执事者各司其事赞就位引主祭官至阶下盥手就拜位立陪祭官按班就东西拜位立均北面迎神上香读祝行三献礼祝辞曰维某年月日某官某致祭于

云雨风雷

山川

城隍之神曰惟

神赞襄天泽福佑苍黎佐灵化以流形生成永頼乘气机而鼓荡温肃攸宜磅礴高深长保安贞之吉憑依巩固实资捍御之功幸民俗之殷盈仰

神明之庇防恭修歲祀正值良辰敬洁豆笾只陈牲币尚

飨余仪节与祭

社稷同

歲孟夏后諏吉雩祭陈设仪注同前若间不雨及潦諏宜祀之辰具祝文【随时撰拟】备牲牢笾豆香帛尊爵鑪鐙守土大吏率属素服防祷为民请命行礼仪节与常祀同既应而报陈设供具朝服行报祀礼仪节均与祈祀同其各府州县歲春秋諏吉致祭

神只坛主祭官陪祭官暨各执事并同

社稷牲帛祝号陈设器数及行礼仪节与省会同雩若祈若报并如省会之礼

右直省神只祈报

岳鎮海渚

皇帝时巡省方必礼其方

岳若

鎮凡方

岳

特行

亲祭盛典凡

鎮均遣官致祭

亲祭方

岳之礼有司諏吉豫期守土官洁埽庙宇内外先一日皇帝乃斋扈从王公百官地方文武官应与祭者毕斋行在太常寺【凡祭祀皆行在有司襄赞】具祝文【翰林院随时撰拟】内阁舍人恭书如祭

帝王陵寢之仪

右具祝版

眡割牲 【仪与祭帝王陵寝同】

祭之前夕守土官各因其方为瘞坎于庙门之外工部官张黄幄于庙防门内之左銮仪卫官设洗于幄次夜分太常寺卿属率守土官入庙供具陈

神位前牛一羊一豕一登一钶二簠簋各二笾豆各十鑪一鐙二设二案一少西北向供祝版一东次西向陈礼神制帛一【色各随其方】香盘一尊一爵三冪勺具乐部率太常协律郎设中和韶乐于庙阶上编钟在东应鼓一柷一麾一编磬在西敔一东西分列琴瑟二箫四篴四篥二排箫二埙二笙四搏拊二如式乃辨位设

皇帝拜位于庙内正中北向司拜褥官二人立于左稍后陪祀王公位阶上百官位阶下东西序立重行异等均北面司祝司香司帛司爵分立祝案尊案之次司乐协律郎乐工歌工分立乐悬之次记注官四人立西阶下东面御史二人礼部祠祭司官二人鸿胪寺官二人分立王公百官拜位左右东西面典仪一人立东阶上西面掌瘞官率瘞人立于瘞坎之隅

右供张陈设序位

銮輿出行宫 【仪与祭帝王陵寝同】

驾至庙不陪祭守土官跪迎

皇帝于大门内降輿右赞引左对引太常寺卿二人恭

导

皇帝由防门中门入至幄次少俟出盥手銮仪卫官跪奉盥奉巾如仪司拜褥官豫布拜褥赞引对引官恭导

皇帝陞中阶入殿中门诣拜位前立内大臣侍卫止立阶下后扈大臣随侍鸿胪寺官引陪祭王公百官按班均就拜位序立典仪赞乐工登歌执事官各共迺职赞引奏就位

皇帝就位立

右盥洗就位

典仪赞迎

神司香奉香进至香案前只俟司乐赞举迎

神乐奏祈丰之章【乐辞方岳不同列载于后】协律郎举麾工鼓祝乐

作赞引奏就上香位暨对引官恭导

皇帝诣香案前立对引官至祝案前止立赞引奏上香

司香跪进香

皇帝上炷香三上瓣香毕奏复位恭导

皇帝复位立奏跪拜兴

皇帝行二跪六拜礼王公百官均随行礼协律郎偃麾

工戛敌乐止【凡乐以举麾鼓祝作偃麾戛敌止后同】

右迎神

典仪赞行初献礼有司揭尊幂勺挹酒实爵司乐赞举初献乐奏华丰之章乐作司帛奉匱司爵奉爵以次诣

神案前司帛跪献匱奠于案三叩兴司爵立献爵于垫中毕皆退司祝诣祝案前跪三叩奉祝版跪案左乐暂止赞引奏跪

皇帝跪羣臣皆跪赞读祝司祝读祝讫兴以祝版跪安于匱内叩如初兴退乐作赞引奏拜兴

皇帝率羣臣行三拜礼兴乐止典仪赞行亚献礼司乐赞举亚献乐奏兴丰之章乐作司爵奉爵献于左如初献毕乐止典仪赞行终献礼司乐赞举终献乐奏仪丰之章乐作司爵奉爵献于右如亚献仪乐止

右三献

典仪赞彻饌司乐赞举彻饌乐奏和丰之章乐作有司彻毕乐止典仪赞送

神司乐赞举送

神乐奏锡丰之章乐作赞引奏跪拜兴

皇帝率羣臣行二跪六拜礼兴乐止典仪赞奉祝帛送

瘞司祝司帛诣

神位前咸跪三叩司祝奉祝司帛奉筐司香跪奉香兴

以次恭送瘞所

皇帝转立拜位旁西向【司拜褥官彻拜褥】俟过【仍布拜褥】复位立

右彻饌送神瘞祝帛

祝帛出赞引奏礼成暨对引官恭导

皇帝降中阶出中门乘舆还

行宫如祭

帝王陵寝回銮之仪

右礼成还行宫

东岳乐章

迎神辞曰资元气兮鎮青阳鼓橐籥兮孕灵祥行时令兮东巡式展礼兮诚将

初献辞曰金坛肃穆兮黼帷张瑟黄流兮茅缩浆昭诚素兮举初觞神斯陟降兮格馨香

亚献辞曰日观兮鸡鸣天门兮凤翔牺尊兮再献维神兮降康

终献辞曰礼齐兮三荐金牒兮辉煌申至敬兮无祈鉴予诚兮齐庄

彻饌辞曰瞻石闾兮在望实筵豆兮大房黍稷兮非馨明德兮是将

送神辞曰礼成兮孔臧神驾兮龙骧肤寸而合兮触石而起弥于六合兮降福穰穰

中岳乐章

迎神辞曰维灵岳兮正中央展时巡兮洛之阳防望秩兮懷柔俨对越兮神光

初献辞曰石阙峩峩兮鸣凤翔奏瑶笙兮肃裸将初奉俎兮陈筐篚至诚昭格兮福无疆

亚献辞曰颍水兮安怡猴岭兮青苍黄琮兮告荐椒醕兮芬芳

终献辞曰香升兮华黍三涤兮嘉觴答灵响兮嵩门登万寶兮咸昌

彻饌辞曰三台蔚兮峻极二室郁兮相望告彻兮维时懷德兮靡忘

送神辞曰云车兮龙骧仰止兮高闾玉浆含滋兮金璧呈瑞配天作鎮兮长发其祥

右乐辞

遣官致祭方

鎮之礼太常寺具祝文【翰林院随时撰拟】香帛授遣官赍往祭所守土官豫期洁埽庙宇内外戒办牲牢器物备执事人司祝司帛司香司爵以府州县佐贰官通赞以教谕训导引赞以学弟子员充先祭一日遣官暨执事官斋其夕宰人割牲于厨地方官州若县一人公服眠宰瘞毛血如仪祭日昧爽守土官率饌人入庙供具陈

神位前牛一羊一豕一豮一酲二簠簋各二笾豆各十鑪一鐙二设案于左陈礼神制帛一【色各随其方】香盘一尊一爵三设案一于中少西供祝版设洗于阶东引赞二人俟于门质明执事官豫入就位均朝服遣官朝服诣庙引赞引入诣东阶下盥手升阶至阶中北面通赞赞就位遣官就拜位立赞迎

神引赞引遣官入殿左门诣香案前赞跪遣官跪赞上香司香跪奉香遣官上炷香三上瓣香兴赞复位遣官复位赞跪叩兴遣官行二跪六叩礼通赞赞行初献礼司帛奉篚跪献于案三叩兴司爵奉爵奠于正中皆退赞读祝引赞赞跪遣官跪司祝进至祝案前跪三叩奉祝版宣读讫复于案叩如初兴退赞叩兴遣官行三叩礼兴通赞赞行亚献礼司爵奠爵于左赞行终献礼司爵奠爵于右均如初仪赞送

神引赞赞跪叩兴遣官行二跪六叩礼兴通赞赞奉祝帛送瘞执事官各奉祝帛香由中道送瘞如仪遣官避立拜位东俟过复位立引赞引遣官视瘞礼毕引遣官出执事官皆退

右方鎮遣祭

时巡所经輦路三十里内

名山

大川遣官各一人致祭太常寺具祝文【翰林院随时撰拟】香帛授遣官赍往祭所守土官豫期洁埽庙宇备品物及执事人祭日陈设行礼仪节与遣祭方

鎮礼同

右祭所过名山大川

皇帝将济

大川守土官豫于岸治坛设案以纸为神位式书神号奉设案上陈果盘五爵三香盘一鑪一
鐙二

皇帝亲诣上香其日黎明赞引对引太常寺卿二人豫于坛外只俟太常寺司香一人豫于香
案傍只俟司拜褥官豫奉拜褥于案前祇俟均公服

皇帝御补服乘輿诣坛导从扈卫如常仪及坛降輿司拜褥官豫布拜褥于正中退赞引对引
恭导

皇帝诣香案前司香跪进香

皇帝上炷香三上瓣香毕赞引对引恭导

皇帝就位三拜兴出坛登舟司拜褥官彻拜褥退

右时巡所过大川上香

直省

岳鎮海渚逢

国家有大

庆典遣官分诣致祭祭

东岳泰山于泰安

西岳华山于华陰

中岳嵩山于登封

南岳衡山于衡山

北岳恒山于浑源祭

东鎮沂山于益都

西鎮吳山于陇

中鎮霍山于霍

南鎮会稽山于会稽

北鎮暨无闾山于广宁

长白山于船廠祭

东海于掖

西海于永济

南海于番禺

北海于混同江祭

河渚于永济

江渚于成都

淮渚于唐

济渚于济源凡祭皆因庙行礼惟西海北海河渚长白

山望祭

右祭所

豫期有司諏遣官吉日太常寺具礼神香祝【祝辞具载于后】制帛各一【五岳五鎮四海帛青赤黄白黑各随方色四渚色用黑】送礼部各加封题分授遣官详载

帝王陵寢徧祭仪遣官至所祭地守土官洁坛庙具牲牢器物备执事人遣官暨执事官斋祭日有司供具陈设上香读祝行三献礼并如徧祭

帝王陵寢之儀

右因事徧祭

東岳祝曰維某年月日

皇帝遣某官某致祭于

東岳之神曰惟

神上應奎婁下臨渤海震方表極萬彙資生茲以某事

爰申殷荐特遣專官

神其鑒焉

西岳曰惟

神秀聳蓮花氣涵清灝金天應位功茂西成

中岳曰惟

神位宅天中德標峻極陰陽和會八表具瞻

南岳曰惟

神軫翼分躔朱明應位功隆長養永奠炎方

北岳曰惟

神秀挺幽燕靈承畢昴朔方雄長翊衛京畿

東鎮曰惟

神虛危垂曜泰岱分雄表正青齊發生品彙

西鎮曰惟

神西隴垂麻玉峰競秀侔尊二華綏奠金方

中鎮曰惟

神天柱标奇龙湫孕秀分雄嵩室枢纽寰中

南鎮曰惟

神灵毓防山秀临越水海江襟带静鎮南邦

北鎮曰惟

神耸秀辽河标雄长岭钟祥积庆拱卫留都

长白山曰惟

神祥发地灵运开天作肇基王迹屏翼神京

东海曰惟

神润被方瀛波涵员峤万川流注百谷朝宗

西海曰惟

神德配金方灵昭兑泽太皞施功神州广济

南海曰惟

神德协离宫润流南极汪洋炎峤浩瀚无垠

北海曰惟

神布濩北溟涵濡坎德滋生育物泽普无方

河渚曰惟

神发源宿海衍 昆仑环绕六州润逾千里

江渚曰惟

神岷嶓分源浚阳衍 周流润化水德灵长

淮渎曰惟

神桐柏疏源江河利涉旋枢地穴通济东南

济渎曰惟

神源分沅水功截河流 伏地中清而不浊余辞并同东岳

右徧祭祝辞

直省

岳鎮海渎所在歲春秋仲月守土正官一人詣庙致祭执事以礼生祭日用羊一豕一余陈设及行礼仪节与

庆典遣官礼同

右所在专祭

所在

名山

大川着灵异于民有捍御功者奉

特典遣专官或

崇建庙宇落成

降香以部笔帖式一人賫往守土官就庙致祭祝文翰

林院随时撰拟余陈设仪节并同前

右所在特祭

直省所在山川有

封号建立专祠者守土官以时致祭每歲春秋祭鸡公山神于永兴

大沽海口神于天津

永定河神于芦沟桥及石景山

滹沱河神于正定及平山

大通口神于安东

洞庭湖神于巴陵

江海潮神于海宁

鄱阳湖神于鄱阳

黄运龙神于武涉及清河之清口

漳河神于临清及馆陶

卫源神于辉之百泉

介休水神于介休

河东盐池神于安邑

盐井龙神于定遠及姚州

泉源神于郁林

大渠龙神于宁夏

河源神于河州口外

青海神于塞外九月九日祭

海阳山神于兴安六月朔日祭

鎮海龙神于鎮海凡祭日有司具祝文饗庙户洁埽祠宇拂拭神案备执事人具器陈羊一豕一簋簋各二笾豆各十鑪鐙具陈祝文于案左陈帛一香盘一壶一爵三于案右主祭官朝服诣祠引赞礼生二人引入拜位前立乃迎

神司香自右奉香盘进主祭官三上香讫引赞赞跪叩兴主祭官行三跪九叩礼兴司帛自右跪授帛主祭官受帛拱举授司帛兴献于案司爵酌酒实爵自右跪授爵主祭官受爵拱举授司爵兴献于正中退司祝跪读祝引赞赞跪主祭官跪读祝毕主祭官行三叩礼兴司爵酌酒献于左又酌酒献于右退乃彻饌送

神引赞赞跪叩兴主祭官行三跪九叩礼兴执事者以祝帛送燎礼毕各退各祠仪同

右直省山川专祠

钦定大清通礼卷十二

卷十三

钦定四库全书

钦定大清通礼卷十三

吉礼

太歳

祀

太歳之礼初春为迎歳暮为祖正殿奉

太歳神位南向【神位依年建干支黄纸墨书某年太歳之神覆于位上豫设龕内】两庀

十二月神位司春秋者东位西向司夏冬者西位东向歳以孟春上旬諏吉及歳除前一日遣官将事豫期承祭官分献官暨执事官各于邸第致斋太常寺卿具祝版省牲牢率属洁除殿庀内外展

神幄恭请殿庀

神位奉安于神座如式

右諏吉致斋供具

至日五鼓太常寺官具器陈正殿牛一羊一豕一豮一鉶一簠簋各二笾豆各十棐三十鑪一鐙二设案一于殿中少西北向供祝版设案一于东西向陈帛一【色白】香盘一尊一爵三陈福胙于尊爵之旁加爵一两庀东西各二案陈设均与正殿同又设尊案各一于庀南陈帛六【色白】香盘二尊二爵六凡牲陈于俎帛实于筐尊实酒承以舟疏布幂勺具乐部率太常协律郎设中和韶乐于殿内东西陈乐舞于乐悬之次太常寺设洗于东阶下少南承祭官位中阶下分献官位承祭官后甬道左右均北面司祝司香司帛司爵各一人分立祝案尊案之次司乐协律郎乐工歌工舞佾序立东西乐悬之次典仪一人立殿外东阶掌燎率燎人立燎鑪南均如常仪

右陈设辨位

昧爽承祭官分献官朝服诣坛赞礼郎豫引分献官至拜殿北阶下左右只俟赞引太常寺赞

礼郎二人引承祭官由拜殿南左门入出北右门降阶诣盥洗位赞礼郎赞盥洗承祭官盥手毕引至拜位前北面立分献官均就拜位序立典仪赞乐舞生登歌执事官各共廼职武舞执干戚进赞礼郎赞就位承祭官就位立典仪赞迎

神司乐赞举迎

神乐奏保平之章辞曰协兹五纪歲月日辰天惟显思神职攸分于赫太歲统驭百神承天之德陰隲下民协律郎举麾工鼓祝乐作赞礼郎赞诣

神位前引承祭官升东阶入殿左门诣香案前立赞上香司香跪奉香承祭官举炷香次三上瓣香毕赞复位引承祭官复位赞跪叩兴承祭官行三跪九叩礼分献官均随行礼兴协律郎偃麾工戛敌乐止【凡乐以举麾鼓祝作以偃麾戛敌止后同】典仪赞奠帛爵行初献礼有司揭尊幂勺挹酒实爵司乐赞举初献乐奏定平之章辞曰礼崇明祀涓选休成洁斋涤志量帑告诚祈福维何福我苍生陈馈奉酎瞻仰云旌乐作司乐举节舞干戚之舞【凡舞以节领之导引进退后同】司帛司爵进至

神位前司帛奉篚跪奠于案三叩兴司爵奉爵立献于正中皆退司祝至祝案前跪三叩兴奉祝版跪案左乐暂止典仪赞读祝赞礼郎赞跪承祭官暨分献官皆跪司祝读祝辞曰维某年月日

皇帝遣某官某致祭于某年

太歲之神曰【兹当孟春歲既暮矣】谨以牲帛酒果庶品之仪致祭尚

飨读毕兴以祝版跪安篚内叩如初兴退乐作赞礼郎赞叩兴承祭官暨分献官均行三叩礼兴两庑赞礼郎引分献官各诣

神位前上香执事生奠帛献爵毕引分献官复位如仪乐止武功之舞退文舞执羽籥进典仪赞行亚献礼司乐赞举亚献乐奏嘏平之章辞曰百末兰生有飴其香升歌清越磬管锵锵牲醴肥腍嘉荐令芳神其歆止在上洋洋乐作舞羽籥之舞司爵奉爵献于左如初献仪乐止典仪赞行终献礼司乐赞举终献乐奏富平之章辞曰执事有严再拜稽首三爵既升以妥以侑颺若有孚肃兹筵豆神其歆止人民曼寿乐作【舞同亚献】司爵奉爵献于右如亚献仪两庑以次毕献乐止文德之舞退典仪赞

赐福胙执事生二人奉福胙进至

神位前拱举由中道出降阶诣拜位右立接福胙执事生二人由西庑降阶进至拜位左立赞礼郎赞跪承祭官跪左右执事生皆跪赞饮福酒右生进福酒承祭官受爵拱举授于左次受胙如饮福之仪毕赞礼郎赞叩兴承祭官三叩兴又赞跪叩兴承祭官暨分献官均行三跪九

叩礼兴典仪赞彻饌司乐赞举彻饌乐奏盈平之章辞曰王省惟歲有报有祈六气无易平衡正玠嘉生蕃祉泽及蜎飞百礼以洽承神吉辉乐作彻毕乐止典仪赞送

神司乐赞举送

神乐奏丰平之章辞曰神兮旋驭肃瞻景光灵飏上下无体无方嘉承惠和亿兆溥将歲歲大有神其迪尝乐作赞礼郎赞跪叩兴承祭官暨分献官均行三跪九叩礼兴乐止典仪赞奉祝帛饌送燎司祝司帛诣

神位前咸跪三叩司祝奉祝司帛奉筐兴司香跪奉香司爵跪奉饌兴以次恭送燎所两庑香帛饌均送焚燎【歲暮并奉纸书干支送燎】赞礼郎引分献官退承祭官避立拜位之西俟祝帛过复位立典仪赞望燎赞礼郎引承祭官诣燎位视燎赞礼郎告礼毕太常寺官恭请

太歲神位并两庑

神位复于龕内如仪各退

右行礼

歲孟夏常雩后间不雨遣官祷于

太歲坛与

天神

地只同日举行文武官应陪祀者咸与祈祷【以参之一分析】前期各于邸第致斋一日太常寺具祝文【翰林院随时撰拟】洁器陈备脯醢果实埽除殿内外至日设乐悬乐舞于殿上承祭官位阶下执事官司乐协律郎乐工歌工舞佾序立如常祀仪陪祀官位庭中左右东西各五班重行异等纠仪御史二人礼部祠祭司官二人分立祀官左右均素服将事

迎神乐奏需丰之章辞曰持元化兮富媪神秉歲籥兮六气均驰云车兮风旂殷闐闐兮天门情徬徨兮孔殷神之来兮康我民

初献乐奏宜丰之章辞曰荐嘉币兮芳醴清练予素兮升飴馨纷肸鬻兮格歆甘膏沃兮神所令亚献乐奏晋丰之章辞曰启山罍兮掇椒浆侑神宫兮灵洋洋族云兴兮使我心若惠嘉生兮降康终献乐奏协丰之章辞曰清铎兮三 扬翟籥兮载愉灵回翔兮六幕泽霏霏兮遍八区

彻饌乐奏应丰之章辞曰礼仪备兮孔时音繁会兮彻不迟昭灵贶兮迓蕃祉田多稼兮汜瀦

之送神乐奏洽丰之章辞曰顾亿兆兮诚求渥甘防兮神之休庆时若兮百昌遂惠我无疆兮
歲有秋凡仪节皆典仪唱赞举乐皆司乐唱赞初献舞干戚之舞亚献终献舞羽籥之舞两庑
不分献不饮福受胙余仪与常祀同

右祈告

既得雨与

天神

地只同日报祀遣原祈雨官将事及陪祀官咸致斋前期具祝版眡割牲至日陈设牲牢登铏
簠簋笾豆与常祀同承祭官陪祀官均朝服行礼其余仪节乐章均如祈告仪雨潦祈晴冬旱
祈雪报亦如之右报祀

祀

真武神之礼每歲

万寿圣节遣官一人诣

显佑宫将事是日庙祝洁埽庙宇内外太常寺官具器陈设果盘五饼餌盘十有五鑪一鐙二
设案一于南少西北向供祝版设案一于东西向陈礼神制帛一【色白】香盘一茶棐三设
洗于东阶下少南和声署官设乐于西阶上鼓一笙一管二云璈一篴二板一承祭官拜位在
殿内正中司祝司香司帛司棐各一人分立祝案尊案之次典仪立于殿东檐下掌燎立燎鑪
之南黎明承祭官朝服诣庙赞引太常寺赞礼郎二人引承祭官由左侧门入赞盥洗承祭官
盥手毕升东阶入殿左门至拜位前北面立典仪赞执事官各共迺职赞礼郎赞就位承祭官
就位立典仪赞迎

神和声署乐作辞曰居所躋星軫象纬环拱辰贞元运转藏用显仁宥密基命毓和葆顺洁粢
醴以昭信日襄哉赞大钧赞礼郎赞诣上香位引承祭官诣香案前立赞上香司香跪进香承
祭官举炷香三上瓣香毕赞复位引承祭官复位赞跪叩兴承祭官行三跪九叩礼兴典仪赞
行初献礼司帛司棐各进至

神位前司帛奉篚跪奠于案三叩兴司棐奉茶棐立献于案正中皆退司祝至祝案前跪三叩
兴奉祝版跪案左乐暂止赞礼郎赞跪承祭官跪赞读祝司祝读祝辞曰维某年月日

皇帝遣某官某致祭于

真武之神曰兹朕诞辰惟

神永遠默佑謹以茶果庶品之儀致祭尚

飡讀畢興以祝版跪安篚內叩如初興退樂作贊禮郎贊叩興承祭官行三叩禮興典儀贊行亞獻禮司饒奉茶饒獻于左如初獻儀退贊行終獻禮奉茶饒獻于右如亞獻儀退典儀贊送

神贊禮郎贊跪叩興承祭官行三跪九叩禮興典儀贊奉祝帛送燎司祝司帛詣

神位前咸跪三叩司祝奉祝司帛奉篚興司香跪奉香興以次恭送燎所承祭官避立拜位西旁俟祝帛過復位立典儀贊望燎贊禮郎引承祭官詣燎位視燎贊禮畢樂止引承祭官退執事官皆退右祀真武廟

祀

司火神之禮歲六月下旬三日遣官一人將事祀日廟祝潔埽廟宇內外太常寺具祝版備器陳牛一羊一豕一果實五盤鑪鐙具殿中少西設案北向供祝版東設一案陳禮神制帛一【色赤】尊一爵三香盤一和聲署設樂于西階下【器數見祀真武禮】太常寺設洗于東階下少南設承祭官拜位于殿內正中司祝司香司帛司爵各立祝案尊案之次典儀立殿東檐下掌燎率燎人立燎鑪旁承祭官朝服行三跪九叩禮升降均由東階出入殿左門迎神上香奠帛讀祝三獻爵送神望燎儀均與祀

真武同

祝辭曰維某年月日

皇帝遣某官某致祭于

司火之神曰惟

神令司赤帝德炳離明屆此良辰爰修專祀鑒茲特典綏我蒸民尚

飡

樂辭曰離正南方位燭照光九圉粒民火食功用不違瓘竽明粢我民所慰履祥霽戢鶉尾息融風降福禧

右祀火神廟

祀

礮神之礼间二歳季秋朔日于芦沟桥北席地为坛遣八旗汉军都统或副都统将事副都统以下至佐领咸陪祀豫日地方官备案太常寺具器陈祀日汉军弁兵陈八旗礮位于坛内按翼左右序列皆西向前设八案各设

神位【以纸为之】又前设牲案各陈羊一豕一果实五盘棐二十又前设香案各陈鑪一鐙二坛中少北设一案供祝文左右分设二案各陈香盘四爵十有二尊四帊勺具设洗于坛外之南太常寺司祝司香司爵各立祝案尊案之次承祭官位各香案前东面陪祀副都统以下以其班序重行异等均东面典仪一人立于坛左掌燎率燎人立燎鑪隅黎明承祭官暨陪祀官咸补服诣坛赞引太常寺赞礼郎各二人分引承祭官至盥洗所盥手毕诣各拜位前立典仪赞执事官各共迺职赞礼郎赞就位承祭官各就位立典仪赞迎

神赞礼郎赞诣上香位引各旗承祭官分诣各旗礮位前赞上香司香跪奉香承祭官举炷香三上瓣香毕赞复位各引复位立赞跪叩兴承祭官行三跪九叩礼陪祀官均随行礼典仪赞行初献礼有司揭尊帊勺挹酒实爵各进至

神位前奉爵立献于案正中退司祝诣祝案前跪三叩兴奉祝文跪案左赞礼郎赞跪承祭官暨陪祀官咸跪典仪赞读祝司祝读祝辞曰维某年月日

皇帝遣某官某等致祭于

司礮之神曰惟

神钦

天命而无私助扬威武有功国家兹当秋祭之日特以牲

醴遣官致祭

神其鉴之尚

飧读毕兴奉祝文跪安于镶黄旗礮位前叩如初兴退赞礼郎赞叩兴承祭官暨陪祀官均行三叩礼兴典仪赞行亚献礼司爵各奉爵献于左如初献仪退赞行终献礼司爵各奉爵献于右如亚献仪退典仪赞送

神赞礼郎赞跪叩兴承祭官陪祀官均行三跪九叩礼兴典仪赞奉祝文送燎有司各奉

神位在前次祝次香由中道恭送燎所承祭都统各避立拜位左右俟过复位立赞礼郎赞诣望燎位引承祭官各诣燎位视燎赞礼毕引承祭官退执事各官皆退

右祀礲神

钦定大清通礼卷十三

卷十四

钦定四库全书

钦定大清通礼卷十四

吉礼

祭

都城隍神之礼每岁

万寿圣节遣官一人将事是日庙祝洁扫庙宇内外太常寺具祝版备器陈牛一羊一豕一果
实五盘鑪一鐙二设案一于殿中少西北向供祝版设案一于殿东西向陈礼神制帛一【色
白】香盘一尊一爵三设洗于东阶下和声署设乐于西阶上【器数见祀真武礼】承祭官
拜位在阶上正中太常寺司祝司香司帛司爵分立祝案尊案之次典仪立殿外东檐下掌燎
率燎人立燎鑪之前均如常仪黎明承祭官朝服诣庙赞引太常寺赞礼郎二人引承祭官由
左侧门入赞盥洗承祭官盥手毕升东阶至拜位前北面立典仪赞执事官各共廼职赞礼郎
赞就位承祭官就位立典仪赞迎

神乐作辞曰佳丽皇都胜保障神力宏万方辐辏彪夜不惊正直聪明瘳彰如影荷灵贶笃其
庆固金瓯防玉京赞礼郎赞就上香位引承祭官入殿中门至香鑪前立赞上香司香跪奉香
承祭官上炷香三上瓣香毕赞复位承祭官复位立赞跪叩兴承祭官行三跪九叩礼兴典仪
赞奠帛爵行初献礼司帛跪献筐于案三叩兴司爵立献爵于正中皆退司祝诣祝案前三叩
兴奉祝版跪案左乐暂止典仪赞读祝赞礼郎赞跪承祭官跪司祝读祝辞曰维某年月日

皇帝遣某官某致祭于

都城隍之神曰兹朕诞辰惟

神永垂防佑谨以牲醴致祭尚

飨读毕兴奉祝版跪安于筐内叩如初兴退乐作赞礼郎赞叩兴承祭官行三叩礼兴典仪赞
行亚献礼司爵奉爵献于左仪如初献退典仪赞行终献礼司爵奉爵献于右如亚献仪退典
仪赞送

神赞礼郎赞跪叩兴承祭官行三跪九叩礼兴典仪赞奉祝帛送燎司祝司帛诣

神位前咸跪三叩奉祝帛兴司香跪奉香兴以次送至燎所承祭官避立拜位西俟祝帛过复位立典仪赞望燎赞礼郎引承祭官诣望燎位视燎赞礼毕引承祭官仍由东侧门出乐止各退

歲秋諏吉遣官致祭

神位前陈铏二簠二簋二笾十豆十余牲帛尊爵鑪鐙同前送神时典仪赞彻饌有司乃彻余均如前仪

祝辞曰维某年月日

皇帝遣某官某致祭于

都城隍之神曰惟

神正直实赞灵化捍御之功都邑所頼只严歲祀用答

神庥尚其歆兹永福黎庶尚

飨

右祭都城隍庙

祭

东岳神之礼每歲

万寿圣节遣官一人将事是日庙祝洁扫庙宇内外太常寺官具祝版备器陈牛一羊一豕一果实五盘鑪一鐙二殿中少西设案供祝版东设一案陈礼神制帛一【色青】香盘一尊一爵三和声署设乐于西阶上太常寺设洗于东阶下少南承祭官拜位在阶上正中司祝司香司帛司爵典仪掌燎各以其职为位承祭官朝服行礼迎神上香初献读祝亚献三献送神望燎仪均与祭

都城隍庙同

祝辞曰维某年月日

皇帝遣某官某致祭于

东岳泰山之神曰兹朕诞辰惟

神永遠默佑谨以牲醴庶品之仪致祭尚

飨

乐辞曰维岳崧高五泰岱常祀殊累朝玉检柴望始虞木德条风吹万毕煦宅东防以生物仰天齐鉴有孚

右祭东岳

祭

黑龙潭神之礼歲春秋諏吉遣官一人将事是日太常寺具祝版备器陈羊一豕一簠簋各二笾豆各十鑪鐙具殿中少南设案供祝版北设一案陈礼神制帛一【色白】香盘一尊一爵三和声署设乐于南阶上太常寺设洗于东阶下之北承祭官拜位在阶上正中司祝司香司帛司爵典仪掌燎各以其职为位承祭官朝服行礼迎神上香初献读祝亚献三献彻饌送神望燎仪均与秋祭

都城隍庙同

祝辞曰维某年月日

皇帝遣某官某致祭于

昭灵沛泽龙王之神曰惟

神德润生民膏流甸服雨暘时若夙彰孚应之灵年谷顺成溥被盈寧之福念

神庥之丕着惟典祀之宜崇兹值仲【春秋】用申报飨尚其歆格鉴此精诚尚

飨

乐辞曰兴雨祁祁应歷歲恩屡覃湫幽神御农扈具瞻寸合崇朝十千有渰黍膏溥矣麦湛赛神庥以作甘

右祭黑龙潭龙神

玉泉山龙神祠歲以春秋仲月与

黑龙潭庙同日致祭遣官一人将事太常寺官设祝案于殿中少西供祝版东设一案陈香帛尊爵设洗于东阶之南和声署设乐于西阶上余供牲牢品物遣官行礼仪节及所用乐辞均与祭

黑龙潭龙神同

祝辞曰维某年月日

皇帝遣某官某致祭于

惠济慈佑龙王之神曰惟

神润下流膏应时泽物珠泉涌地毓灵脉于山林玉液成川畅清流于畿甸滋昀昀之绣壤允资灌注之功通翼翼之漕艘长助挽输之利聿昭灵贶宜奉明禋兹值仲【春秋】用申报飨尚其歆格鉴此精诚尚

飨

右祭玉泉山龙神

祭

后土神

司工神之礼凡大兴作谏吉遣官各一人将事豫日工部官于营建所在因其方设左右二坛以织苇为殿图绘结防祭日五鼓太常寺官具祝版【祝文翰林院随事撰拟】设

神案各一于坛内正中以黄纸书

后土之神

司工之神皆为位供案上各陈羊一豕一饼餌十有五盘果实五盘鑪鐙具设祝案于中少右供祝版左设一案陈帛一【色白】香盘一尊一爵三和声署设乐太常寺设洗如式司祝司帛司香司爵典仪掌燎各以其职为位承祭官拜位在坛内香案前正中赞礼郎引承祭官朝服行礼迎神上香初献读祝亚献三献送神望燎均与祭

都城隍庙同

乐辞曰仰眺银河上阁道如驾梁俨神宅只愉矣穆将揆日鸣橐繄神斯掌奠椒酒以禋享荷

神麻泽未央

右祭后土司工

迎吻祭

窑神

门神之礼各遣官一人将事豫日工部官设坛于琉璃窑及迎吻所经之门以织苇为殿圖绘结防祭日五鼓和声署设乐于各坛前设导迎乐于窑门外太常寺官具祝版【祝文翰林院随事撰拟】设

神位陈羊豕饼餌果实香帛尊爵鑪鐙设洗与祭司工仪同承祭官暨礼部太常寺有职事工部内务府管工各官咸朝服簪花披红乃陈吻于窑前和声署乐作辞曰和气嘉祥应圣日华耀明仰方泰紫俯奠泰宁寮廓纛瀛此惟表正食神德蒙神庆享明禋亿万龄【琉璃窑及各门辞同】太常寺赞礼郎引琉璃窑承祭官诣

窑神位前行礼引各门承祭官诣

门神位前行礼均与祭

司工仪同祭毕导迎乐作辞曰皇作宫殿因地顺天如竹苞矣美哉轮奂鸟翼飞松桷挺芋且寧居万年銓仪卫校舁吻礼部太常寺官前导承祭官从所经诸门承祭官迎于门前及工所管工官列班恭迎以入俟安吻事竣各退

右迎吻祭窑神门神

歲春秋諏吉祭

司仓神之礼通州祭于大西仓仓场侍郎主祭各监督陪祀京仓左翼于海运右翼于兴平朝阳门外于储济各以本仓监督主之各监督分行陪祀祀用羊一豕一果实十盘壶爵鑪鐙具主祭官朝服质明将事率陪祀官行二跪六叩礼上香三献爵燎楮帛如仪退

右祭仓神

钦定大清通礼卷十四

卷十五

钦定四库全书

钦定大清通礼卷十五

吉礼

致祭

先医之礼

景惠殿内中奉

太昊伏羲氏左

炎帝神农氏右

黄帝轩辕氏均南向

勾芒

风后东位西向

祝融

力牧西位东向东庑僦贷季岐伯伯高少师雷公伊尹淳于意王叔和皇甫谧葛洪韦慈藏钱乙刘完素李杲皆西向西庑鬼臿区俞跗少俞桐君马师皇扁鹊张机华陀巢元方孙思邈王冰朱肱张元素朱彦修皆东向以北为上歲以春冬仲月上甲遣官将事豫日太常寺官具祝版眡割牲太医院官洁饔殿庑内外拂拭

神座如仪祀日五鼓太常寺官具器陈正殿

三皇位前各设一案每案俎二簠二簋二笾十豆十共牛一羊一豕一前设香案各一陈鑪一鐙二配位东西各设一案每案俎二簠一簋一笾十豆十羊一豕一鑪一鐙二殿中设一案少西北向供祝版东设一案西向陈礼神制帛三【色白】香盘三爵九尊一西设一案东向陈素帛二【色白】香盘二爵六尊一凡牲陈于俎凡帛实于筐凡尊实酒承以舟疏布幂勺具东庑分设三案每案簠一簋一笾四豆四瓊十豕肉二统设一案陈鑪一鐙二设案一于南北

向陈素帛一香盘一尊一爵三篚冪勺具西庑陈设同太常寺官设洗于咸济东门内和声署设乐于西阶下【器数见祀真武礼】承祭官拜位在殿阶上读祝拜位在殿内正中两庑太医院分献官位甬道左右太常寺司祝司香司帛司爵分立祝案尊案之次典仪立殿外东阶掌燎率燎人立于燎鑪南昧爽司祝奉祝版安于祝案承祭官暨分献官咸朝服豫埃太医院鸿胪寺官引陪祀太医院官入咸济门内左右只埃至时太常寺赞礼郎二人引承祭官入咸济东门分献官随入赞盥洗承祭官盥手毕引至拜位前立典仪赞执事官各共廼职赞礼郎赞就位承祭官暨分献官陪祀官均就位立典仪赞迎

神乐作辞曰精气縁乎理调剂观所颐曰惟古圣尝草定医似铁随磁沴除吉至化工出自于指万姓永荷恩施赞礼郎引承祭官由殿左门入诣正中香案前赞跪承祭官跪赞上香司香跪奉香承祭官上炷香三上瓣香兴以次诣左右正位前上香如仪配位司香官分诣各案前跪上香两庑赞礼郎引分献官分诣两庑位前上香毕赞复位承祭官复位两庑分献官各复位立赞跪叩兴承祭官行三跪九叩礼分献官陪祀官均随行礼兴典仪赞奠帛爵行初献礼有司揭尊冪勺挹酒实爵司帛奉篚司爵奉爵以次诣各

神位前司帛跪奠篚于案三叩兴司爵立献爵奠于垫中毕皆退赞礼郎赞诣读祝位引承祭官就读祝位立司祝至祝案前跪三叩兴奉祝版跪案左乐暂止赞礼郎赞跪承祭官跪分献官陪祀官咸跪赞读祝司祝读祝辞曰维某年月日

皇帝遣某官某致祭于

太昊伏羲氏

炎帝神农氏

黄帝轩辕氏曰古昔圣人德泽深宏创制医药拯济斯世仁寿庶民兹当仲【春冬】谨以牲醴致祭惟

神慈惠蠲除疾疢笃佑朕躬致和天下配以

勾芒氏之神

祝融氏之神

风后氏之神

力牧氏之神尚

飨读毕奉祝版跪安

太昊伏羲氏神位前篚内叩如初兴退乐作赞礼郎赞叩兴承祭官暨分献官陪祀官均行三叩礼兴赞复位引承祭官复位立配位及两庑执事生奠帛献爵毕各退典仪赞行亚献礼正位司爵配位及两庑执事生各奠爵于左如初献仪典仪赞行终献礼正位司爵配位及两庑执事生各奠爵于右仪如亚献典仪赞彻饌有司彻毕赞送

神赞礼郎赞跪叩兴承祭官分献官陪祀官均行三跪九叩礼兴乐止典仪赞奉祝帛饌送燎有司奉祝帛香饌及两庑香帛饌以次恭送燎所如仪赞礼郎引分献官鸿胪寺官引陪祀官皆退承祭官避立拜位旁西面俟祝帛过复位立典仪赞望燎赞礼郎引承祭官由咸济东门出诣燎位视燎赞礼郎赞礼毕乐止承祭官退执事各官皆退

右祭先医庙

致祭

關帝之礼歲以春秋仲月諏吉遣官一人将事是日昧爽庙祝洁埽殿宇内外太常寺官具祝版备器陈

神位前牛一羊一豕一豮一𦍋二簠簋各二笾豆各十鑪一鐙二殿中设一案少西北向供祝版东设一案陈礼神制帛一【色白】香盘一尊一爵三牲陈于俎帛实于篚尊实酒罍勺具和声署设乐于西阶上【器数见祀真武礼】太常寺设洗于东阶上承祭官拜位在阶上正中司祝司香司帛司爵典仪掌燎各以其职为位如常仪质明承祭官朝服诣庙赞引太常寺赞礼郎二人引承祭官由庙左门入至东阶上盥手毕引诣拜位前立典仪赞执事官各共廼职赞礼郎赞就位引承祭官就位立典仪赞迎

神乐作辞曰扶植纲常正浩气昭日星絶伦独立英爽若生俎豆常馨夏夷胥敬仰神德莫畴并助邦家永太平赞礼郎赞诣上香位引承祭官入殿左门就香案前立赞上香司香跪奉香承祭官上炷香三上瓣香毕赞复位引承祭官复位立赞跪叩兴承祭官行三跪九叩礼兴典仪赞奠帛爵行初献礼有司揭尊罍勺挹酒实爵司帛奉篚司爵奉爵各进至

神位前司帛跪奠篚于案三叩兴司爵立献爵于案正中各退司祝诣祝案前跪三叩兴奉祝版跪案左乐暂止赞礼郎赞跪承祭官跪典仪赞读祝司祝读祝辞曰维某年月日

皇帝遣某官某致祭于

關帝之神曰惟

神秀毓河山名垂今古英风正气世歷久而弥新大节纯心史相传而莫匹念神灵之显著命典礼以优隆兹当仲【春秋】用昭时飨尚其歆格鉴此精防尚

飧读毕兴以祝版跪安于筐内叩如初兴退赞礼郎赞叩兴承祭官行三叩礼兴典仪赞行亚献礼司爵献爵于左赞行终献礼司爵献爵于右均如初仪典仪赞彻饌有司彻毕赞送

神赞礼郎赞跪叩兴承祭官行三跪九叩礼兴乐止典仪赞奉祝帛饌送燎有司奉祝帛香饌以次送燎如仪赞望燎赞礼郎引承祭官诣燎位视燎礼毕乐止承祭官及执事官皆退

同日祭后殿以太常寺卿一人将事

光昭公位中

裕昌公左

成忠公右均南向位各异案每案羊一豕一钹二簠簋各二笾豆各八鑪一鐙二殿中设案少西北向供祝版东西各设一案分陈礼神制帛三【色白】香盘三爵九尊三俎筐幂勺具设洗于后垣门内甬道东承祭官位殿檐下正中司祝司香司帛司爵典仪掌燎各以其职为位如常仪质明承祭官由前左门入后垣中门盥手升阶就位迎神引诣正位前上香毕以次诣左右位前上香复位行二跪六叩礼初献读祝如仪祝辞曰维某年月日

皇帝遣某官某致祭于

關帝之

曾祖光昭公

祖裕昌公

父成忠公曰惟

公盛德相承令仪足式歷数传之积累遂钟河岳精灵储旷代之威名堪作岩廊矩矱殊恩既沛于三世时飧宜锡于上公兹当仲【春秋】用昭祀事豆笾致洁典礼加隆尚

飧凡仪节均与前殿同

右春秋祭關帝庙

歲五月旬有三日致祭

關帝庙前殿

神位前陈牛一羊一豕一果实五盘鑪鐙具陈设及行礼仪节与春秋祭同

祝辞曰维某年月日

皇帝遣某官某致祭于

關帝之神曰惟

神纯心取义亮节成仁允文允武乃圣乃神功高当世德被生民两仪正气歷代明禋英灵丕
着封号聿新敬修歲事显佑千春尚

飨

同日并祭后殿太常寺卿一人行礼每案羊一豕一果实五盘典仪不赞彻饌司爵以执事生
余陈设及行礼仪节与春秋祭同

祝辞曰维某年月日

皇帝遣某官某致祭于

關帝之

曾祖光昭公

祖裕昌公

父成忠公曰礼隆报祀谊重推恩当崧生岳降之期溯木本水源之始辉煌栋宇凭依已妥于
上公修洁豆笾将飨告防于仲夏惟

神照鉴尚其歆格

右五月十三日祭關帝庙

直省府州县

關帝庙歲均以春秋仲月及五月旬有三日致祭前殿主祭以地方正官一人后殿以丞史执
事以礼生祭日陈设迎神上香奠献读祝送神视燎礼仪并与

京师祭前后殿同

前殿祝辞曰维某年月日某官某致祭于

關帝之神曰惟

帝浩气凌霄丹心贯日扶正统而彰信义威震九州完大节以笃忠贞名高三国

神明如在徧祠宇于寰区灵应丕昭荐馨香于歷代屡征异迹显佑羣生恭值仲【春秋】嘉辰遵行祀典筵陈笾豆几奠牲醪尚

飨

后殿祝辞曰维某年月日某官某致祭于

關帝之

曾祖光昭公

祖裕昌公

父成忠公曰惟

公世泽貽庥灵源积庆德能昌后笃生神武之英善则归亲宜享尊崇之报列上公之封爵

锡命优隆合三世之肇禋典章明备恭逢仲【春秋】諏吉只

事荐馨尚

飨

右直省府州县祭關帝庙

直省御灾捍患诸神于民有功德者加

封号立专祠祭

英卫公伍员于钱塘

通祐王李冰于灌

安瀾之神張巡于浮梁

誠應武肅王錢鏐于臨安

顯佑通濟王謝緒于宿遷

靜安公張夏于蕭山

寧江伯湯紹恩于紹興

寧漕公宋禮

永濟之神白英于汶上致祭之禮每歲春秋所在守土官具祝文【各隨時撰擬】香帛羊一豕一尊一爵三陳設祠內如式質明守土正官一人朝服詣祠行禮儀節與直省祭

關帝廟同

右祭直省所在有功德于民神祠

前代聖賢名臣忠烈祠墓暨

本朝開國勲臣坟墓恭逢

皇帝時巡方岳

御道三十里內者遣官致奠前期翰林院具祝文【隨時隨人撰擬】太常寺備香帛授遣官賁往祭日守土官于祭所設洗備脯醢果實七盤【品物各隨其土產】鑪鐙具左設一案供祝文右設一案陳香盤一帛一尊一爵三通贊一人引贊二人司祝香帛爵各一人以所在禮生充黎明遣官朝服至所祭地引贊引詣盥洗所盥手畢通贊贊執事者各司其事引贊贊就位引遣官詣拜位前立通贊贊迎神引贊引遣官詣香案前司香奉香跪于左引贊贊上香遣官上香如常儀贊復位遣官退復位贊跪叩興遣官行二跪六叩禮興通贊贊奠帛爵行初獻禮司帛獻篚司爵獻爵如常儀贊讀祝司祝奉祝文立案左宣讀訖安于篚內退亞獻終獻均如初儀通贊贊送神引贊贊跪叩興遣官行二跪六叩禮興通贊贊奉祝帛送燎執事者各奉祝帛香以次送燎通贊贊望燎引贊引遣官詣燎鑪前視燎禮畢引遣官退執事者皆退

右時巡遣祭聖賢忠烈名臣勲臣祠墓

祭

贤良祠之礼前室祀宗室亲王以下贝勒贝子以上后室祀公侯伯以下一二品大臣以上均按代序官同代同官序其年月位均南向歲春秋仲月諏吉前室遣官一人致祭后室以太常寺卿一人将事所祀王子孙咸与行礼大臣子孙通籍在京者如之祭之日太常寺官入祠供具前室异案各羊一豕一果实五盘鑪一鐙二中设一案少东北向供祝版西设一案东向陈香盘二尊二爵六素帛二【色白】后室五案共羊一豕一每案果实五盘鑪鐙具东设一案西向陈香盘一尊一爵三素帛一凡牲陈于俎帛实于筐尊实酒罍勺具设洗于前室东阶下前后各设燎鑪于垣门内东南隅漏未尽与祭者各服其服毕集于祠垣门内太常寺典仪立前室檻外之东司祝立祝案东司香司帛司爵各以其职为位掌燎率燎人立燎鑪前质明承祭官朝服诣祠赞礼郎二人引前室承祭官由中门入又二人引后室承祭官随入各至东阶下盥手毕升阶就拜位前立鸿臚寺官引王以下子孙序立于前室甬道左右引公以下大臣子孙序立于后室庭中左右均北面典仪赞执事官各共迺职赞礼郎赞就位承祭官以下咸就位赞上香前室承祭官诣正中香案前立司香跪奉香承祭官上炷香三上瓣香次诣各香案前上香如仪赞复位承祭官复位赞跪叩兴承祭官暨陪祀官均行二跪六叩礼兴后室承祭官同时诣中案前上香仪同【凡仪节后室均随前室唱赞行礼】典仪赞奠帛爵行初献礼有司揭尊罍勺挹酒实爵司帛奉筐诣案前跪奠于案三叩兴司爵奉爵立献正中皆退前室后室同司祝诣祝案前跪三叩兴奉祝版立案右典仪赞读祝司祝北面宣读承祭官立听陪祀官皆跪听辞曰维某年月日

皇帝遣某官某

谕祭贤良祠王大臣等之灵曰功铭钟鼎尚书崇元祀之文德冠岩廊周礼着大烝之典盖旂常载绩本臣子之素懷而俎豆荐馨乃朝廷之崇报尔亲王等望重亲贤粹钟川岳竭忠诚而体国着勲德于当年大臣等或当

列祖开基之日佐命立功或际熙朝极盛之时宣猷赞化或驱除暴乱定疆宇于域中或震耀声灵收版图于海外内则台星卿月奏亮工熙载之勲外则赐钺授麾襄阜物安民之治老成谋国者进黄髮之嘉猷清白持身者表素丝之高节纯勤尽职则夙夜匪躬密勿承休则堂廉一德我

皇考追思前迹特焕褒纶崇庙宇于神京布几筵而时祭盖以表扬既往沛酬庸褒德之恩激劝将来励懷古钦风之志朕寅承丕基嗣举旧章抚节物以懷贤洁牲牢而致享英灵如在尚克歆承读讫司祝以祝版安于中案筐内跪三叩兴退陪祀官三叩兴典仪赞行亚献礼司爵奉爵奠于左赞行终献礼司爵奉爵奠于右均如初仪赞礼郎赞跪叩兴承祭官暨陪祀官均行二跪六叩礼兴典仪赞奉祝帛送燎司祝司帛司香奉祝帛香以次送燎如仪承祭官避立西旁俟过复位典仪赞望燎陪祀官退赞礼郎各引承祭官分诣燎位视燎赞礼毕仍引由中门出各退

右祭京师贤良祠

直省会城歲春秋仲月祭守土有功德大吏于贤良祠祭日视

京师以知府一人主之教授教谕训导等官执事祭品用羊一豕一果实五盘帛一尊爵鑪鐙具主祭官上香奠帛三献行礼仪均与直省祭忠孝节义祠同祝辞曰维某年月日某官某致祭于贤良之灵曰惟

灵文武宪邦公忠体国当

皇朝之肇造心膂攸同值

列圣之丕承股肱作辅明良合德奋庸而庶绩咸熙中外宣猷敷泽而兆民永賴洵属庙廊之硕望允宜俎豆以明禋考绩纪勲崇报昭垂于令典陈牲奠币馨香只荐于歲时尚

飧

右祭直省贤良祠

京师功臣专祠歲以春秋仲月諏吉遣太常寺卿分詣致祭祭

定南武壮王之礼祠内一案以福晋配祭日太常寺官入祠具器陈羊一豕一果实五盘鑪一鐙二中设一案少东陈祝文东设一案陈尊一香盘一素帛三爵九设洗于祠内之东司祝司香司帛司爵典仪掌燎各以其职为位如常仪质明承祭官朝服詣祠赞礼郎二人引自中门入盥手毕升阶詣拜位前立典仪赞执事官各共迺职赞礼郎赞就位承祭官就位立赞礼郎引承祭官詣香案前赞上香司香跪奉香承祭官上炷香三上瓣香毕赞复位承祭官复位赞跪叩兴承祭官行二跪六叩礼兴典仪赞奠帛爵行初献礼司帛奉篚司爵奉爵各奠于案如常仪退司祝至祝案前跪三叩兴奉祝文立案右北面宣读辞曰维某年月日

皇帝遣某官某

谕祭于定南武壮王孔有德之灵曰人臣尽忠仗节矢天日而不渝朝廷恤死酬勲抚歲时而增感尔定南武壮王孔有德肤功早着伟烈常存兹当仲【春秋】之辰益念忠良之绩特颁祭典用慰幽灵王如有知尚克歆飧读讫以祝文安于篚内跪叩如初兴退典仪赞亚献司爵献爵于左赞终献司爵献爵于右均如初仪赞礼郎赞跪叩兴承祭官行二跪六叩礼典仪赞奉祝帛送燎司祝司香司帛奉祝帛香以次送燎如仪承祭官避立拜位西旁俟过复位立典仪赞望燎赞礼郎引承祭官詣燎鑪前视燎赞礼毕仍引由中门出退

右祭定南武壮王

歲春秋祭

恪僖公之礼祠内一案以夫人配祭日用素帛二爵六余陈设及行礼仪节与

定南武壮王同

祝辞曰维某年月日

皇帝遣某官某

谕祭于恪僖公遏必隆之灵曰沛隆恩于勲旧国有彝章展时祭于春秋礼逾常格尔恪僖公遏必隆名垂青简绩着丰碑追椒寝于所生宜专祀以有永兹当【春秋】仲申侑几筵灵如有知尚克歆飨

右祭恪僖公

歲春秋祭

勤襄公之礼祠内三案勤襄公佟图賴居中忠勇公佟国纲左端纯公佟国维右各以夫人配祭日每案羊一豕一果实五盘鑪一鐙二东西各设一案分陈香盘三素帛七爵二十有一尊三承祭官朝服诣祠就位以次至各案前上香毕复位行礼仪节均与祭

定南武壮王同

祝辞曰维某年月日

皇帝遣某官某

谕祭于勤襄公佟图賴忠勇公佟国纲端纯公佟国维之灵曰崇功报德礼首逮于元臣锡类推恩谊尤敦于懿戚考彝章而立庙因时序以荐觴惟尔一门宣猷累叶効忠贞而体国名著旂常秉孝义以型家芳传国史望高闕閼蔚为勲旧之宗庆衍庭帟光启

圣慈之范兹当【春秋】仲特遣专官设奠几筵灵其歆飨

右祭勤襄公

歲春秋祭

文襄公之礼祠内一案以夫人配祭日用素帛三爵九余陈设及行礼仪节与

定南武壮王同

祝辞曰维某年月日

皇帝遣某官某

谕祭于文襄公图海之灵曰义重酬勲眷钧衡之旧德礼隆秩祀因节序以申恩尔文襄公图海望高国器功赞王猷表世德于防门生膺茆禄赠崇阶于鼎爵歿被荣名涣新綍而建祠遣专官而致祭时当【春秋】仲式布几筵灵其有知尚能歆格

右祭文襄公

歲春秋祭

宏毅公之礼祠内一案祭日用素帛一爵三余陈设及行礼仪节与

定南武壮王同

祝辞曰维某年月日

皇帝遣某官某

谕祭于宏毅公额宜都巴图鲁之灵曰谊重酬庸茂典聿加于勲旧礼隆展祀歲时宜备于馨香尔宏毅公额宜都巴图鲁开国名臣从龙上佐表成劳于钟鼎青史扬芬纪纬绩于旂常丰碑示宠既叨恩于庙食更赐祭于专祠式贲新纶允符彝宪时当仲【春秋】用布几筵灵而有知尚其歆格

右祭宏毅公

歲春秋祭

恪僖公之礼祠内三案恪僖公哈世屯居中敏果公米思翰左庄愨公李荣保右各以夫人配祭日陈设行礼仪节与

勤襄公同

祝辞曰维某年月日

皇帝遣某官某

谕祭于恪僖公哈世屯敏果公米思翰庄愨公李荣保之灵曰礼隆念旧千秋之俎豆攸光义

重酬庸奕代之馨香勿替考彝章而秩祀因时序以申恩惟尔一门夙称望族忠诚体国数传纪绩于旂常端敬型家累叶垂芳于图史祥开坤极早锡荣封佑启勲贤复新庙貌命祠官而陈芬苾落成已贲恩纶随节 而展几筵歲荐弥昭懿典兹当【春秋】仲常祀聿修灵如有知尚其歆格

右祭恪僖公

祭

盛京贤王祠之礼正殿设三案中案奉通达郡王鸡尔哈齐武功郡王礼敦慧哲郡王额尔哀左案奉宣献郡王界堪礼烈亲王代善饶余亲王阿巴泰右案奉郑简亲王济尔阿朗穎毅亲王萨哈廉怡贤亲王允祥位均南向每案羊一豕一果实五盘鑪鐙具殿中少东设案一陈祝文东设一案陈尊九素帛九爵二十有七歲春秋季月以奉天府尹承祭读祝赞礼暨执事官以

盛京礼部赞礼郎充余行礼仪节均与

京师贤良祠同

祝辞曰维某年月日

皇帝遣某官某

谕祭于通达郡王武功郡王慧哲郡王宣献郡王礼烈亲王饶余亲王郑简亲王穎毅亲王怡贤亲王之灵曰功推元祀懿亲光翊赞之勲礼重专祠时祭称褒崇之典溯谟猷而长在申禋祀以弥加惟王等川岳钟英亲贤备美当

列祖开基之日丕奋忠勤緬旧邦佐命之劳邇昭来许恩垂带砺既锡祉于银潢绩焕旂常亦扬芬于玉册新祠肇建懿典攸崇褒德酬庸笃念风云之会感时抚序式凭俎豆之馨兹以仲【春秋】用申告祭灵其不昧尚克歆承

右祭盛京贤王祠

祭

昭忠祠之礼凡亲王郡王贝勒贝子公侯伯大学士内大臣尚书都统将军总督一品子爵前鋒统领防军统领侍郎巡抚副都统二品男爵三品京卿提督总兵官及武职加赠至正从一品等官各奉安于前室位均南向凡四品卿翰林学士布政使按察使一等侍卫叅领轻车都尉及武二品之

副将等官奉安于后正室凡五品少卿二等侍卫道府佐领骑都尉及武三品之叅将游击等官奉安于后左室凡侍讲侍读御史郎中员外郎主事三等侍卫云骑尉及武四品之都司等官奉安于后右室位均南向凡同知知州通判骁骑等校及武五品之守备等官奉安于前东配室凡知县笔帖式州同县佐以下及武六品之千把总等官奉安于前西配室东位西向西位东向配室左右及前庀东西羣房凡阵亡士卒以其名附歲春秋仲月諏吉遣大臣一人詣前室致祭太常寺官十有三人各分献所祀王公子孙暨诸臣子孙在京师者咸与行礼祭之日太常寺官入祠供具前室七案中室羊一豕一果实五盘左三案各果实五盘共羊一豕一右如之中左右各香案一鑪一鐙二后正室五案后左右室各三案每案果实五盘共羊一豕一爵三【中案奠献余爵实酒豫设配室及房庀同】每室统香案一鑪鐙具东西配室各五案陈设如之前庀及后东西羣房每案果实二盘豕肉一爵三鑪鐙具前室中设一案少东北向供祝版东西序设案分陈香帛尊虚爵后室及前配室左右房庀分陈香帛【房庀不设帛】尊虚爵如仪漏未尽与祭者各服其服毕集祠门内太常寺典仪立室东檐下司祝立祝案东司香司帛司爵各以其职为位掌燎率燎人立燎鑪前质明承祭官暨分献官朝服詣祠赞礼郎引承祭官由中门入至东阶下盥手毕升阶就拜位前立引后室分献官各于中檻外序立引前配室及房庀各分献官于甬道上东西序立鸿臚寺官引陪祀宗室王公及大臣官并后裔见任一品二品者于阶上东西三品以下五品以上于阶下东西六品以下及有职者在大门内阶下东西按班序立典仪赞执事官各共迺职赞礼郎赞就位承祭官就位赞礼郎引由前室中门入詣香案前立赞上香司香跪奉香承祭官上炷香三上瓣香以次詣左右香案前上香如仪赞复位承祭官复位赞跪叩兴承祭官分献官暨与祭者均行二跪六叩礼兴典仪赞奠帛爵行初献礼前室司帛奉篚各奠于案三叩兴司爵奉爵各奠于正中皆退同时后室东西配室房庀分献官分詣各香案前上香如仪执事生献帛于案司爵献爵中案正中退司祝詣祝案前跪三叩兴奉祝版立案右典仪赞读祝司祝北面宣读承祭官及分献官立听与祭者跪听辞曰维某年月日

皇帝遣某官某

谕祭八旗直省尽节立功王大臣等之灵曰周礼有司勲之职名勒旂常祭法载勤事之文光生俎豆盖舍生取义臣子抒报国之忱而报德酬庸朝廷示作忠之典英标如在渥泽宜颁尔王大臣等丹心自励正气挺生果敢本于性成见危授命忠诚矢于敌忾视死如归生当开创之年执锐披坚实頼干城之佐运际承平之日安边除暴亦资御侮之才或防阵以争先或守土而尽职或被诱不辱乃授首以从容或深入无援遂致身于仓卒虽天戈所指如振槁而摧枯乃大义为昭可凌霄而贯日我

皇考軫懷曩烈诞贲殊荣命立专祠俾膺特典王公将帅跻正宇之辉煌士卒偏裨列两庀而陪侍盖所以表忠贞于既往昭节义于无穷朕洪绍丕基遵行常祀恭书竹帛既扬久远之芳徽礼荐牲牢勿替春秋之血食苾芬在列灵爽歆承读讫以祝版奉安于中案篚内跪叩如初兴退与祭者咸三叩兴亚献终献均如初仪赞礼郎赞跪叩兴承祭官分献官及与祭者均行二跪六叩礼典仪赞奉祝帛送燎有司奉祝帛香以次送燎承祭官视燎均如祭贤良祠之仪

右祭昭忠祠

祭

双忠祠之礼歲春秋仲月遣官一人将事是日太常寺官具祝版备器陈龔位前统设一案陈羊一豕一果实五盘鑪鐙具设案于祠内正中少东供祝版东设一案陈素帛二香盘一尊一爵六设洗于东阶下之南承祭官拜位在香案前正中司祝司香司帛司爵典仪掌燎各以其职为位质明承祭官朝服诣祠行礼仪节与祭

昭忠祠同

祝辞曰维某年月日

皇帝遣某官某

谕祭于襄烈伯傅清壮果伯拉布敦之灵曰臣子効匪躬之节报礼斯隆国家昭异数之恩褒忠罔替既旂常之永勒宜俎豆之世延倦抚流光长懷往绩尔襄烈伯傅清壮果伯拉布敦共矢精诚同宣义烈捐生絕塞已铭殊绩于钟鐻晋爵崇阶用妥贞魂于庙食兹当【春秋】仲爰命祠官载考彝章聿修秩祀馨香申荐歷日月以如新琬琰扬芳与山河而共久尔灵不昧尚克歆承

右祭双忠祠

歲春秋祭西征阵亡将士于兰州忠勇祠守土官一人主祭丞史二人分献执事以礼生充正祠祀诸将帅案各果实五盘素帛一尊一爵三鑪一鐙二共羊一豕一两庖祀诸军卒案各果实二盘豕肉一尊一爵三鑪鐙具祭之日所司备祝文具牲牢品物守土官朝服诣祠行三献礼仪与直省祭忠孝节义祠同

右祭忠勇祠

直省府州县歲三月寒食节七月望日十月朔日祭厉坛于城北郊前期守土官飭所司具香烛公服詣

神只坛以祭厉告本境

城隍之位上香跪三叩兴退至日所司陈羊三豕三米饭三石尊酒楮帛于祭所设燎鑪于坛南黎明礼生奉请

城隍神位入坛设于正中香案一鑪鐙具赞礼生二人引守土官公服詣

神位前赞跪守土官跪赞上香守土官三上香赞叩兴守土官三叩兴退执事者焚楮帛守土
官诣燎鑪前祭酒三爵退礼生仍奉

城隍神位还

神只坛退

右直省祭厉【附】

钦定大清通礼卷十五

卷十六

钦定四库全书

钦定大清通礼卷十六

吉礼

亲王世子郡王家祭之礼立庙七间中五间为堂左右二间隔以墙为夹室堂后楣以北五室中奉始封之王世世不祧高曾祖祢依世次为二昭二穆昭东穆西亲尽则祧由昭祧者藏主于东夹室升昭之二位于一室以二室奉升祢之主由穆祧者藏主于西夹室升祢亦如之庭燎以垣南为中门又南为庙门左右各设侧门庭东西庑各三间东藏遗衣冠西藏祭器乐器庙重檐丹楹采桷绿瓦红垩壁阶阼三出陛门绘五色花草出陛如之焚帛罍在中门之内庭东南隅刲牲房在中门之外西向歲以四时仲月諏吉祭其始封祖及高曾祖祢五世仲春之祭并出祧主合食

右庙制祭期

合食之礼既择日徧告在庙所出子孙成人以上者届期会行礼府属官僚咸陪祭先三日戒子弟属官有执事于庙者读祝一人通赞一人引赞一人职盥一人掌燎一人职拜褥二人以属官为之奉香每案一人奉帛每案一人奉爵每位一人以子孙为之主人斋于外寝陪祭执事者咸致斋右戒执事斋

祭前一日执事者入庙埽除拂拭主人盛服率执事诣庙引赞引主人入自东门【执事者随入】升东阶入堂左门北面视设神案堂中始封祖专案正位南向左东夹祧主共案东位西向右西夹祧主共案西位东向左次二昭共案东位西向右次二穆共案西位东向堂中少西设祝案一北向东序设香帛案一尊案一均西向设盥于东阶上既备引赞引主人降诣庭东廊下展乐器祭器阅祭文诣刲牲所视杀牲毕由庙东门出各退

右阅祭器视割牲

祀日昧爽庙中然炬明镫主人率陪祭者执事者咸朝服【未仕者盛服】入执事者入堂左门具器陈每案羊一豕一钹二簠二簋二笾八豆八【器未备者代以盘碗时物随用】罍一镫二每位匕一箸二祝陈祝文于祝案职香帛爵者陈香盘五尊五帛每位各一爵每位各三于负序东案上陈胾盘于爵北实帛于筐实酒于尊实水于盥盆加巾乐工陈乐于西阶上【乐六器工六人】主人位堂檐内正中北面与祭伯叔以上尊行位东阶上兄弟子孙位东阶下以世为差世以齿为序官属位西阶下以爵为序北面祝立祝案西东面职香帛爵者序立尊案之东西面乐工立西阶上北面通赞立堂门外东楹前职盥者立盥所燎人立燎罍隅

右陈设序位

质明子弟之长者二人诣始祖室前启室奉请神主又四人分诣东西夹室昭穆室前各奉请神主安设于几皆昭位考右妣左穆位考左妣右跪一叩兴各退就原位立职拜褥二人布褥于主人拜位前通赞赞执事者各司其事引赞引主人陟东阶至盥洗所盥手毕通赞赞就位引赞引主人就拜位立子弟属官各就位立通赞赞迎神职香者奉香盘进乐作引赞引主人诣始祖位前赞跪主人跪赞上香职香者跪奉香主人三上香兴以次诣左右祧位左右昭穆位前上香毕复位赞叩兴主人宗族属官行二跪六叩礼兴乐止通赞赞奠帛爵行初献礼乐作执事者揭尊幂勺挹酒实爵职帛者奉帛职爵者奉爵以次诣各神位前奠篚于案南献爵于案北正中毕皆退乐暂止祝者至祝案前跪奉祭文俟案左引赞赞跪主人跪陪祭者皆跪赞读祝祝读祝毕兴奉祭文奠于始祖案前帛篚内退乐作赞叩兴主人率陪祭者三叩兴乐止通赞赞行亚献礼职爵者奉爵各献于左如初仪赞行终献礼奉爵各献于右如亚献仪既终献引赞引主人诣始封祖位前奉福胙二人【以正位前职帛爵者供事】取胙槃诣始祖案前一抄簠簋之实于槃一取案北正中爵退至主人右跪俟接福胙二人跪俟于左【以职拜褥者供事】赞跪主人跪右执事进爵主人受爵拱举以授左执事进胙受胙亦如之毕执事者各退赞叩兴主人三叩兴退复位通赞赞彻饌辞神乐作执事者彻毕引赞赞叩兴主人率陪祭者行二跪六叩礼兴乐止通赞赞奉祝帛送燎执事者跪奉祝帛香兴祝前香帛后以次由堂中门出送燎所主人避立拜位旁东面【职拜褥者彻褥】俟过复位与祭尊属降阶立庭东西东西面通赞赞望燎引赞引主人降自东阶诣燎位东面视燎毕告礼成主人退就庭东立子弟之长者各诣神位前奉主还室跪三叩阖室退执事者洁涤祭器谨藏之主人率陪祭执事者咸退乃分胙徧颁于族属右行礼

时祭之礼堂中设五案始祖考妣正位南向高曾祖祢依昭穆为左右与合食同均南向届日陈设每案专牲羊一豕一余牲帛器数及礼节并与合食仪同

右时祭

时节致荐先一日洁备品物届日主人夙兴率子弟盛服入庙埽除堂宇于始祖暨四亲室前设案每案果六槃时羞六槃香槃一每位箸二琖三鑪鐙具陈设毕子弟之长者分诣各神位前启室主人以次诣各案前跪上香三叩子弟取壶注酒于琖徧献一巡主人就拜位前行二跪六叩礼子弟少后随行礼毕乃彻果饌阖室各退

右时节荐新

因事致告届日夙兴入庙启室荐果槃四庶羞四主人上香子弟酌酒献酒及行礼仪注并同荐新仪

右因事告庙

月朔日及望日谒庙礼节与致告同东西夹室祧位前每月朔望主人就室前启室上香二跪六叩子弟献酒随行礼如前仪毕阖室退

右朔望行礼

贝勒贝子宗室公家祭之礼立庙五间中三间为堂后楣以北分五室奉始封祖暨高曾祖祧两旁为夹室奉始封而下亲尽祧主如前位庙及大门均绿瓦红垩壁阶五级庙不重檐门不备采余如前制合食始祖专案专牲羊一豕一东夹室祧主暨二昭专案共牲羊一豕一西夹室祧主暨二穆亦如之时祭皆专案二昭同牲二穆同牲视亲王筮豆各减二不用乐行礼皆一跪三叩余仪与亲王同时节则荐果槃四时羞槃四有事则告朔望则参果槃二庶羞槃二荐献仪节均与亲王同右贝勒贝子公家祭

品官家祭之礼于居室之东立家庙一品至三品官庙五间中三间为堂左右各一间隔以墙北为夹室南为房堂南檐三门房南檐各一门阶五级庭东西庑各三间东藏遗衣物西藏祭器庭燎以垣南为中门又南为外门左右各设侧门四品至七品官庙三间中为堂左右为夹室为房阶三级东西庑各一间余制与三品以上同【世爵公侯伯子视一品男以下按品为差等】八九品庙三间中广左右狭阶一级堂及垣皆一门庭无庑以篋分藏遗衣物祭器陈于东西房余与七品以上同【在籍进士举人视七品恩荫副贡生视九品】堂后楣北设四室奉高曾祖祧四世皆昭左穆右妣以适配南向高祖以上亲尽则祧由昭祧者藏主于东夹室由穆祧者藏主于西夹室迁室祔庙均依昭穆之次东序西序为祔位伯叔祖之成人无后者伯叔父之成人无后及其长殇【十六岁至十九】者兄弟成人无后及其长殇中殇【十二岁至十五】者妻先歿者子姓成人无后及其长殇中殇下殇【九岁至十一】者皆以版按行辈墨书男统于东女统于西东西向岁以春夏秋冬仲月择吉致祭戒子弟读祝一人赞礼一人执爵每案二人分荐祔位东西各一人凡在庙所出子孙年及冠以上者皆会行礼右庙制祭期

先祭三日主人及在事者咸致斋前一日主人率子弟盛服入庙视洁除拂拭毕执事者于各室前设几几前供案堂南总香案一鑪擎具祔位东西各统设一案设祝案于香案之西设尊爵案于东序设盥槃于东阶上视割牲一品至三品官羊一豕一四品至七品特豕八品以下豚肩不特杀视涤祭器三品以上每案俎二钹二敦二筮六豆六七品以上筮四豆四八品以下筮二豆二皆俎一钹敦数同【代以时用槃碗者听】办祭器之实俎实牲体钹实羹敦实饭筮实时果饼饵鱼腊兽腊之属豆实炙截时蔬之属

右致斋具牲饌

届日五鼓主人朝服与祭执事者盛服入庙主人俟于东阶下族姓俟庭东西以昭穆世次为序执事者陈鑪鐙于供案南陈尊爵于东序案【代以壶琖者听】陈祭文于祝案实水于盥槃加巾主妇率诸妇盛服入诣防所视烹饪羹定入于东房治筮豆之实陈钹敦匕箸醢酱以俟质明子弟之长者盥诣各室前跪一叩兴启室奉主以次设于几昭位考右妣左穆位考左

妣右分荐者设东西祔位毕赞礼立堂东檐下西面诸执事分立东西序端相向赞就位主人升自东阶盥诣中檐拜位立族姓行尊者立于东西阶上卑者立于阶下皆重行北面赞祭神主人入堂左门诣香案前跪执事二人【司爵者充】一奉香槃一挹尊酌酒诣主人左右跪左进香主人三上香右进爵主人酌酒于地以爵奠于案兴退出右门复拜位及族姓行一跪三叩礼赞初献主妇率诸妇出于房荐匕箸醢酱于几前案北跪一叩兴徧及祔位退入于房庖人解牲体实于俎执事者奉以升各荐于供案主人诣高祖考案前执爵者奉爵主人献爵奠于正中跪叩兴以次诣曾祖祖祢案前献爵如前仪分荐者徧献祔位酒讫退立于拜位赞读祭文主人跪族姓皆跪祝诣祝案之左跪读祭文曰维某年月日孝孙某谨告于某考某官府君某妣某氏之灵曰气序流易时维仲【春夏秋冬】追感岁时不胜永慕谨以洁牲庶品粢盛醴齐敬荐岁事以某亲某氏等祔食尚飨读讫兴以祭文复于案退主人以下一叩兴赞亚献庖人纳羹饭于东房主妇率诸妇和羹实于铏实饭于敦出荐于案及腊肉炙胾徧跪叩兴退如初礼主人献爵于各位之左赞三献主妇率诸妇出于房荐饼饵果蔬叩退主人献爵于各位之右分荐者徧献祔位酒均如初献仪赞受嘏祝取高祖供案酒饌降至香案旁主人诣香案前跪祝代祖考致嘏于主人主人啐酒尝食反器于祝接以兴主人一叩兴复位赞送神主人以下一跪三叩赞望燎祝取祭文由中门出送燎主人退避东阶下行輩长者咸降阶主人诣燎位视燎毕与祭者出主人率子弟纳神主上香行礼彻祭器传于燕器洁滌谨藏之阖门各退

右祭仪

日中乃馐三品以上时祭徧举四品至七品春秋二举八品九品春一举庖人热酒饌仆人布馐席于堂东西北上陈醢酱于席四隅棧楪匙箸之属皆办与祭者尊卑咸在从曾祖诸父居东第一席从祖诸父居西第一席诸父次东一席诸昆弟次西一席诸子诸孙在东西之末各一席序定主人肃尊者入席从曾祖诸父即席从祖诸父东向尊者肃揖就位诸父东向揖西向揖就位诸昆弟揖如之复揖诸父就位诸子揖如诸父复揖诸昆弟诸孙揖如诸子复揖诸子皆就位主人离席仆执壶实酒从主人酌诸尊长酒每酌一人肃揖尊长答揖徧就位子弟之长者离席仆人执壶从敬酌主人诸子弟咸避席揖主人答揖复位主人命诸子弟徧酌酒席中少者举壶各酌于其长者既徧皆坐主人兴举酒请于尊长坐尊长乃尝酒卒爵众尝酒卒爵仆人进食主人兴请于尊长坐尊长举箸尝食乃皆食每进食子弟间行酒三巡长防献酬交错饮无算爵汤饭毕长者起主人请留长者告饱遂离席诸子弟咸随离席以次出主人送长者于门外入命彻席馐庖人仆人皆尽

右馐

焚黄告祭之礼

制书至主人以黄纸恭誊一通奉于防事正中諏吉日

择同姓或戚属已仕者一人宣

制戒子弟引赞二人通赞二人徧戒族姓届期会行礼前一日斋戒备告文祝文牲饌视新贈之爵为等至日夙兴洒埽堂宇供张设饌案【以追贈所及世数为準】香案施枷如仪设改题神主案于堂东西向使人宿宣

制者主人朝服率子弟盛服入庙诸与祭者皆会主人诣贈主室前启室焚香跪子弟一人奉告文跪于主人之左读告文辞曰维某年月日孝子某【或称孝孙随宜】谨告于某考某官府君某妣某封某氏之灵曰某幸得列于位恭逢

恩命

贈及先人敬请神主祇受

制书改题奉祀谨告读讫兴主人叩兴奉考主子弟奉妣主及族姓出庙门俟于道左宣制者奉

制书前引二人导行至庙众跪接

制书入中门升中阶南向立众皆随入至阶下序立主人奉考主在东子弟奉妣主在西族姓重行立其后皆北面通赞分立东面柱前赞宣

制主人以下皆跪听宣

制毕奉主行三跪九叩礼众随行礼宣制官以

制书供香案枷上主人奉主置改题案上揖劳宣制者宣制者答揖复揖辞降自西阶主人从至庙大门外揖送入改题神主爵位讫奉主复位序立叅神读祝三献酒如时祭之仪祝辞曰维某年月日孝子某谨告于显考某府君显妣某氏之灵曰某恭承庭训列位于

朝仰荷

皇仁推恩所生贈考为某銜妣为某銜感念先泽禄弗逮养兹以焚黄谨备牲醴用伸荐告尚飨祭毕焚黄并祝文奉主复于室阖室出主人以下皆退颁胙于宣制者馐族姓如仪

右焚黄告祭

歲逢令节荐新物一二三品官每案时果四庶羞四羹饭具四品至七品官每案时果二庶羞二八品九品官每案时果庶羞各二余同是日夙兴主妇洁办果饌主人盛服率族姓子弟入庙然鐙洒埽设案室前讫盥洗启室子弟分陈匙箸壶斝之属于案北主人序立于香案前族姓以次序列于主人之后主人跪焚香讫叩兴子弟奉果羞从主人诣高祖考妣位前荐果荐

羞毕子弟举壶取瓊酌酒进于主人主人奠酒讫子弟复奉羹饭从主人荐羹饭讫以次诣各案荐奠如前仪退至香案前率族姓子弟一跪三叩兴子弟彻饌主人阖室皆退

右时节荐新

月朔望日主人豫备茶食之属每案二器主人夙兴盥洗盛服率族姓子弟入庙洒埽洁神案启室序位于香案前主人跪焚香讫叩兴子弟奉食及茶从主人诣各神案前以次供食供茶毕退复位率族姓子弟行礼如时荐之仪彻主人阖室皆退右朔望献茶

庶士【贡监生员有顶带者】家祭之礼于寢室之北为龕以版别为四室奉高曾祖祢皆以妣配位如前仪南向前设香案总一服亲男女成人无后者按輩行书纸位耐食男东女西相向事至则陈已事焚之立版歲以春夏秋冬节日出主而荐粢盛二槃肉食果蔬之属四器羹二饭二前期主人及与祭者咸致斋荐之前夕主妇盛服治饌于房中厥明夙兴主人吉服率子弟设香案于南然烛置祭文堂北设供案二昭东穆西均以妣配位均南向设耐案于两序下各一男东女西东西向主人以下盥奉木主设于案设耐位于两序案讫主人东阶下立众各依行輩东西序立主人诣香案前上香毕率在位者一跪三叩兴主妇率诸妇出房中荐匕箸醯酱跪叩如仪退子弟奉壶主人诣神案以次斟酒荐熟讫皆就案南跪叩兴子弟荐耐位毕主人跪在位者皆跪祝进至香案之右读祭文【辞见品官祭礼减洁牲二字余同】讫兴退主人以下叩兴再献主妇荐饭羹三献主妇荐饌饼时蔬主人斟酒跪叩均如初仪毕主人率族姓一跪三叩兴祝取祭文及耐食纸位焚于庭众出主人纳木主彻退日中而饌春一举布席于堂东西北上陈倚瓊匙箸如其人数传祭食于燕器热酒饌族姓至主人肃入序位以行輩年齿为等旅揖即席进酒饌酬酢如礼汤饭毕长者离席告退主人送于门外诸子弟皆随以出彻仆人饌余食皆尽月朔望日主人及家众夙兴盥洗启寢室然烛诣香案前依行輩序立主人上香讫子弟奉茶主人献茶复位率众一跪三叩兴彻茶阖室众退若家有吉事主人盥洗启室然烛焚香以其事告行礼如朔望仪

右庶士寢荐

庶人家祭之礼于正寢之北为龕奉高曾祖祢神位歲逢节序荐果蔬新物每案不过四器羹饭具其日夙兴主妇治饌主人率子弟设案然鐙启室奉神主于案上以昭穆序主人立于香案前家众序立于主人下以行輩为先后主人上香一跪三叩兴主妇陈匕箸醯酱荐羹饭果羞跪叩如仪主人酌酒进于各位前凡三次皆跪一叩兴毕主人率众一跪三叩兴纳主于室彻退日中众饌神食歲一举论行輩先后同行序齿列坐酒行饭已肃揖以退月朔望日供茶然香鐙行礼告事亦如之均与庶士仪同

右庶人寢荐

钦定大清通礼卷十六

卷十七

钦定四库全书

钦定大清通礼卷十七

嘉礼

古者朝覲本列賓礼唐开元礼仍用其式然令节称贺着于史者实自汉始与十七篇覲礼自异考之周礼庆贺系之嘉礼斯为近之我

国家嘉庆骈臻典制裔皇仪文备焉谨与耕桑学校贡举昏姻诸典礼之切于前民者详着于篇

皇帝三大节朝贺之礼先期诸王大学士率京朝官直省文武率闔属官具贺表豫送礼部其式曰具官【臣】某等诚懼诚忤稽首顿首

上

贺伏以

【表聯随时撰拟】恭惟

皇帝陛下

【随时臣撰拟】等恭遇

熙朝欣逢

圣诞【元旦长至】伏愿

【随时臣撰拟】等无任瞻

天仰

圣懼忤之至谨奉

表称

贺以

闻礼部届期具疏请

皇帝御太和殿受贺

制报曰可

右表贺仪式

至日五鼓銮仪卫率官校入陈

法驾卤簿九龙曲柄黄华盖一在

太和殿槛外正中执者武备院卿一人朝服北面拂二【立夏陈列处署收】金鑪二金盒二金盥盘一金盂一金餅二金方几一金交椅一夹丹陛左右旗尉二十有二人掌之云麾使一人治仪正二人次仪刀二十亲军四十人弓矢二十亲军四十人豹尾枪二十防军四十人相闲为十班次受四亲军八人防四亲军八人云麾使一人治仪正二人整仪尉四人立丹陛上皆东西面次翠华盖二紫芝盖二九龙曲柄黄盖四民尉四十有八人掌之夹两阶庑自阶以下丹墀东西五色四季花繖十闲以五色九龙繖十赤素紫素方繖各四民尉六十人掌之銮仪使一人云麾使一人治仪正二人整仪尉二人次寿字黄扇八单龙双龙黄团扇各八单龙双龙赤团扇各八孔雀扇八雉尾扇八鸾凤赤方扇八民尉百二十有八人掌之云麾使一人治仪正二人整仪尉二人次寿幢四紫幢四霓幢四羽葆幢四民尉三十有二人掌之信旛四降引旛四豹尾旛四龙头旛四民尉三十有二人掌之教孝表节明刑弼教行庆施惠褒功懷遠旌各二振武敷文纳言进善旌各二金节四仪鎗 四黄麾四民尉五十有六人掌之云麾使二人治仪正二人整仪尉二人次骁骑纛二十有四羽林大纛八前鋒大纛八五色销金龙纛二十民尉百二十人掌之仪凤翔鸾云鹤孔雀黄鹄白雉赤乌华虫振鹭鸣鸾游鳞彩狮白泽用端赤熊黄罴辟邪犀牛天马天鹿为旗二十民尉四十人掌之五岳旗五四渎旗四民尉十有八人掌之青龙白虎朱雀神武二十八宿五星为旗三十有七民尉七十有四人掌之甘雨旗四八风旗八云雷旗各五日月旗各一民尉四十有八人掌之门旗八金鼓旗二翠华旗二民尉二十有四人掌之云麾使一人治仪正二人整仪尉二人次五色销金小旗二十【每色各四】民尉四十人掌之出警旗一入辟旗一钺六星六卧 立 各六吾仗御仗引仗各六民尉六十有七人掌之云麾使一人整仪尉二人次静鞭四在两阶下民尉十有四人掌之治仪正一人仗马十在静鞭之南防军二十人冠军使云麾使二人皆东西面

太和门外玉辇一在东金辇一在西民尉各三十有二人奉辇云麾使一人治仪正一人

午门外玉辂驾象一民尉四十有四人金辂驾象一民尉四十有四人象辂驾马八民尉三十有四人在东木辂驾马八民尉三十有二人革辂驾马四民尉三十有二人在西云麾使一人

治仪正二人寶象在五辂之南其三在东其二在西民尉八十人云麾使一人治仪正二人直前鼓吹大乐防鼓二十有四金二仗鼓四拍版四横箏十有二防鼓二十有四画角二十有四金钲四小号大号各八署史六十有八人民尉百六十有四人画角前防鼓后闲以红镫各二民尉六人冠军使一人整仪尉二人

天安门外东西朝象四民尉二十有八人云麾使一人治仪正二人凡卤簿亲军防军旗尉民尉各服其服禁语哗者察不整备者乐部率和声署陈中和韶乐于

太和殿檐前东植麾设祝西设敌金编钟在东玉编磬在西皆十有六悬以虞业树应鼓于钟悬之右琴四瑟二笙八箏四箫四埙二篪二排箫二皆东西分比北向乐工北面搏拊设于南东西向乐工东西面歌工在前位如之设丹陛大乐于

太和门檐下东大鼓一方响一云璲二箫二笙管箏各四拍板仗鼓各一乐工二十人西大鼓一方响一乐工十人乐皆北向领乐丞史东西各二人及乐工皆北面节以戏竹执者二人夹丹陛中阶立东西面有司设二案于

殿内东西楹南皆南北肆礼部仪制司官奉中外臣工贺表载于亭銮仪卫校自部舁行香亭前表亭后鼓吹前导迎乐作奏禧平之章

万寿圣节辞曰神圣文武提挈六符绥以眉寿罄宜多

祐迈斗维呈瑞圖万歲声山应呼

元旦辞曰元正朝享临御万方闾阖通啓太平呈象旅贡陈轩乐张徧海隅瞻帝光

冬至辞曰黄钟应律王琯廻阳书云荐瑞迎日履长共球集韶濩张奉金函来万方由东长安门至

午门外亭止仪制司官奉王以下在京文武官贺表进

太和殿设东案上内阁官奉笔砚设西案上如式

右陈设

辨侍班官位前引内大臣立

御座旁左右金立豹尾班侍卫佩刀侍卫在

御座后左右翼立记注官立前楹西第三柱东面北上内阁大学士学士翰林院侍读学士侍

讲学士詹事府詹事少詹事立东檐第三柱西面都察院左都御史副都御史立西檐第三柱东面皆北上辨执事官位乐部典乐一人立檐东植麾之次西面和声署领乐官六人分立东西悬乐之次东西面宣表官一人立东檐侍班官之次鸿胪寺鸣赞二人立东檐第一柱西面二人立西檐第一柱东面銮仪卫传鸣鞭官立丹陛西阶每重二人东面纠仪御史二人立西檐第三柱东面御史四人礼部司官四人立丹陛之南御史四人立丹陛之北皆北上东西面又御史四人吏部礼部司官各四人在丹墀之南东西立辨百官朝位丹陛上东西各二班亲王郡王贝勒为一班贝子入八分公为二班按翼序列左翼立位西面北上拜位北面西上右翼立位东面北上拜位北面东上丹墀内不入八分宗室公以下暨公侯伯子男文武百官立位在鹵簿外值丹陛东西隅东西各九班东西面北上满官按翼为序左翼在东汉官吏部户部礼部宗人府通政司翰林院詹事府太常寺光禄寺鸿胪寺国子监吏科户科礼科内阁中书舍人钦天监太医院以次从左翼之南右翼在西汉官兵部刑部工部都察院大理寺銮仪卫太仆寺中书科兵科刑科工科顺天府京县五城兵马司三营以次从右翼之南皆正从同班依品为序拜位在鹵簿内直东西阶东西列品级山自北而南各十有八正从异班依品为序皆北面东班西上西班东上外国陪臣立位随西班末拜位亦如之以其等为序

右序班位

质明王公暨文武一二品官从

皇帝朝于

皇太后宫三品以下官防

午门阙下均行礼毕 【仪详

慈宁宫朝贺】 鸿胪寺卿序定王公班次鸣赞序定一二品官班次均由右翼门入

引王公至丹陛上引一二品官至丹墀东西鸣赞序定三品以下官班次于

午门东由左掖门入

昭德门西由右掖门入

贞度门均引至丹墀司賓序班序定外国陪臣班次引入西班百官后均依前位立纠仪官暨执事官咸入

就位钦天监官于

乾清门报时礼部尚书侍郎奏请

御殿后扈内大臣二人率豹尾班执枪侍衛十人佩刀

侍衛十人于

乾清门礼部尚书侍郎于门阶下前引大臣十人于太和殿后阶下咸左右序立只候

午门鸣钟鼓

皇帝礼服乘輿出宫礼部尚书侍郎恭导后扈内大臣

从由

保和殿

御中和殿座鸿胪寺官引侍班导从各官至

殿前按班行三跪九叩礼【不赞】毕侍班官先趋出外朝就位

皇帝驾兴礼部尚书侍郎暨前引大臣恭导后扈如初工举麾鼓祝中和韶乐作【中和韶乐以举麾鼓祝作以偃麾戛敌止后同】

万寿圣节奏干平之章辞曰祥云扈紫防四海臣民祝圣龄淑气转阶萸尧篆羲图灿御屏嵩呼徧在廷天呈瑞地効灵南极拱台星亿万载颂康宁元旦奏元平之章辞曰维天眷我皇四海升平泰运昌歲首肇三阳万国朝正拜帝闾云物奏嘉祥乘鸾辂建太常时和化日长重九译尽梯航冬至奏遂平之章辞曰阳回黍谷春万国衣冠拜紫宸旭日耀龙鳞云物呈祥福祿臻尧阶萸英新熙庶绩抚五辰九服共来寅调元化转洪钧

皇帝御太和殿陞座工偃麾戛敌乐止导从官各就位銮仪衛官进至中阶之右三传鸣鞭丹墀内三鸣鞭戏竹交【丹陛乐作止皆以 竹交为节】丹陛乐作奏庆平之章辞曰凤凰在薮麒麟在郊垌不如国土充陛廷野无遗贤宗有英夙夜在公在公明明鸿胪寺分引王公就拜位引文武百官由鹵簿南转入拜位皆东西按班北面序立赞进皆进赞跪皆跪乐暂止赞宣表宣表官自东檐入

殿左门至东案前奉表至檐下正中北面跪大学士二人左右跪展表宣表官宣毕仍奉表进复于案退乐作赞叩兴王公百官行三跪九叩礼兴鸿胪寺官按班引退皆复原位立乐止又赞进鸿胪寺引外国陪臣就西拜位立丹陛乐作奏治平之章辞曰我清世德作求若天行天尽所覆畀我清万方悦喜来享庭曰予一人业业兢兢【凡丹陛乐辞三大节皆同】赞行三跪九叩礼毕引退复位立乐止【若数国并朝先朝鲜余国以次递引行礼】

皇帝既受贺

赐羣臣及外国陪臣坐王公由

殿左右门入位东西楹后大学士由

殿左门入位东楹王公后导从侍班各官入八分公以下文武百官就原立位咸跪行一叩礼坐尚茶进

皇帝茶王公百官就所坐位行一叩礼乃

赐王以下文三品武二品官以上暨外国陪臣茶受茶及坐饮毕咸跪行一叩礼銮仪卫官传鸣鞭如初众皆兴阶下三鸣鞭

驾兴中和韶乐作

万寿圣节奏泰平之章辞曰皇躬福祿宜永绍鸿图丕丕基彤陛长仙芝乐奏韶丹凤仪南山献寿庥人心悦天意随为德徧羣黎歌乐恺万年斯元旦奏和平之章辞曰圣人延俊英钧天乐奏绕彤廷华夷一统宁土庶懽忻乐太平宝鼎御香盈祥烟裊瑞霭生箫韶喜九成齐庆祝万年龄冬至奏允平之章辞曰皇心克配天玉琯葭灰得气先彤廷胪唱宣四海共球奏御筵珠斗应玗璿金镜朗麟凤騫人间景福全咨屡省懋干干

皇帝还宫乐止鸿胪寺官分引王公百官以次退礼部

仪制司官奉

殿上表及

午门外亭内直省文武官表送内阁咸退

右羣臣朝贺

是日内监豫设中和韶乐于

乾清宫檐下设丹陛大乐于

乾清门内如仪

皇帝御太和殿受羣臣朝贺毕乘輿至

乾清宫檐前降舆中和韶乐作【乐章与外朝同后仿此】

皇帝陞座乐止

皇后率

皇贵妃

贵妃

妃

嫔礼服诣

乾清宫

皇后就正中拜位立

皇贵妃

贵妃

妃

嫔稍后左右立均北面丹陛大乐作奏雝平之章辞曰关雎四教家邦作孚先黄裳元吉地承天六宫仁顺化穆宣麟之趾兮万福之原行六肃三跪三拜礼毕乐止各还后宫内监引

皇子升东西阶就丹陛上东西拜位北面立东班西上西班东上丹陛大乐作【乐章与外朝同】行三跪九叩礼毕退立两旁东西面中和韶乐作

皇帝降座乐止

皇子皆退

皇后千秋节率

妃

嫔行礼如前仪

右内朝贺

盛京三大节朝贺之礼是日五鼓内务府官诣大政殿啓扉拂拭

御座礼部官恭设香案于

殿门外正中南向辨百官拜位于丹墀内将军副都统户部礼部兵部刑部工部侍郎巡察科道内务府及所属官弁左翼在东右翼在西奉天府尹丞治中通判京县以下官从右翼班皆九等以品为差东位西上西位东上均北面鸣赞二人分立班行之北引班二人分立班行左右【皆赞礼郎充】均东西面漏未尽文武官朝服防

大清门外只候将辨色引班分引至

大政殿丹墀内鸣赞赞齐班引班引百官就拜位立赞进少进赞跪叩兴百官行三跪九叩礼兴赞退引班引由左右门出序退

右盛京朝贺仪

直省三大节朝贺之礼省防守土官豫于公所正中设

万寿龙亭南向设香案于亭之南其日五鼓有司设燎于庭设鐙于门庑教授训导二人纠仪学弟子员二人通赞二人引班阶下东西班位将军总督一班巡抚副都统提督学政二班总兵官协领叅领织造郎中督关郎中布政使按察使各道三班佐领督关员外郎知府副将叅将四班防御督关主事司库同知通判游击都司五班骁骑校知州知县守备六班笔帖式库使经歴州同州判县丞千总等官七班皆文东武西立位东西面北上拜位北面东班西上西班东上重行异等纠仪官位班行之北通赞引班位纠仪官之南皆东西面夜漏未尽羣官朝服毕防公所质明引班引入至丹墀内东西序立通赞赞齐班引班分引至拜位前立赞进少进赞跪叩兴羣官行三跪九叩礼毕引退若府不附省州县不附府者均以正貳教职各一人纠仪学弟子员各二人通赞引班在城文武官于公所按班行礼均如省防仪

右外官朝贺

皇太后三大节朝贺之礼先期内阁具

皇帝称贺

皇太后表文其式曰

子皇帝【臣】御名诚懽诚忭稽首顿首

上言【臣】闻

【表聯随时撰拟】钦惟

圣母【恭书徽号】皇太后陛下

【随时撰拟】伏愿

【随时臣撰拟】曷任踊跃懽忭之至谨奉

表称

贺以

闻

诸王大臣及内外臣工随进表贺送礼部其式曰具官【臣】某等诚懽诚忭稽首顿首

上言伏以

【表聯随时撰拟】钦惟

皇太后陛下【徽号恭书于上】

【随时臣撰拟】等幸际昌期欣逢

圣寿【元旦长至】伏愿

【随时臣撰拟】等无任瞻

天仰

圣懽忭之至谨奉

表称

贺以

闻礼部先期疏奏

皇帝承奉

皇太后懿防下

制报可

右表贺仪式

是日昧爽内銮仪衛入陈

皇太后仪驾卤簿

慈宁门阶下丹墀东西拂二【立夏陈列处暑收】香鑪二合二盥

盘一盂一餅一倚一几一

长信门外正中九凤黄曲盖一阶下东西节二赤素方纛四五色四季花纛十五色九凤纛十
【每色各二】黄赤二色龙凤扇八雉羽扇八五色龙凤旗十卧立吾仗各四大仪輿一
乘陈于正中仪輿一乘黄輿一乘凤輿一乘在东仪輿一乘黄輿一乘在西凡擎执輿尉各服
其服皆内銮仪校内务府掌仪司官比其次察不整备者内监陈中和韶乐于

慈宁宫檐下乐部和声署陈丹陛大乐于

长庆门檐下所司豫设案于

慈宁东门外内阁学士自内阁奉

皇帝庆贺表文出内阁官前导大学士从由

熙和中门至

永康左门外导者止大学士接奉表文礼部尚书侍郎接导入至

慈宁门升东阶陈表案上退内监举案宫殿监侍二人

前引由左门入恭设于

慈宁宫宝座东西向礼部仪制司官自部奉诸王大臣内外文武官庆贺表文安龙亭内校尉
舁行鼓吹前导迎乐作奏禧平之章

万寿圣节辞曰昭受天贶钟庆发祥文母褫祉福隆尊养锡类蕃慈训彰亿万年临寿康【元旦长至进表乐辞见前三大节仪】

由东长安门至

午门外陈设如仪

右仪驾卤簿乐悬陈设

是日武备院卿豫设

皇帝拜位于

慈宁门外正中北向辨羣臣朝位及执事官位亲王以下入八分公以上位中阶下左右未入八分宗室公鎮国将军辅国将军公侯伯子男大学士内大臣都统尚书副都统侍郎内阁学士前锋统领防军统领步军统领侍衛位

长信门外文武三品以下官位

午门外皆按翼北面序立纠仪御史二人位

慈宁门外御史二人礼部官属二人位

长信门外御史二人礼部官属二人位

午门外皆东西面北上执事鸿臚寺卿二人鸣赞二人位

慈宁门檐下引进王公鸣赞二人二品以上鸣赞二人三品以下鸣赞二人视所引为位又鸣赞二人立

午门外皆东西面又鸣赞一人立于

永康左门一人立于右翼门二人立于

熙和门内外二人

午门内外闻唱承传百官行礼

右序班位

五鼓王公百官朝服毕防王公集

隆宗门外文武二品以上官集

长信门外三品以下官集

午门外均按翼祗候质明礼部尚书侍郎诣

乾清门奏时

皇帝礼服乘舆出宫导从翊卫如常仪礼部尚书侍郎

导

驾由

隆宗门出至

永康左门降舆入王以下入八分公以上随入礼部尚书侍郎恭导

皇帝陞

慈宁门东阶于门左西向立后扈大臣从升侍立于后

前引十大臣于

长信门内左右序立领侍衛内大臣率豹尾班侍衛夹东西阶金立鸿胪寺官引王公于阶下引

长信门外大臣暨

午门外百官咸就位序立礼部尚书转传内监奏请

皇太后陞慈宁宫宝座

皇太后礼服出中和韶乐作奏豫平之章辞曰慈闱福履昌瑞云承輶猷嘉祥徽流寶册光玉食懽心萃万方旭日正当阳绥眉寿乐且康瑶池萸叶芳如山阜永无疆【乐辞三大节同后仿此】

陞座乐止礼部尚书侍郎恭导

皇帝就拜位北向鸿胪寺官引王公百官均就拜位北面立丹陛大乐作奏益平之章辞曰皇家燕喜福寿协慈徽千官拜舞万国瞻依霭璇宫圣日辉【乐辞三大节同】

皇帝率羣臣行三跪九拜礼承传鸣赞官接传午门外各官均随行礼毕乐止

皇帝复位立礼部尚书转传内监奏请

皇太后还宫中和韶乐作奏履平之章辞曰璿宫瑞霭霏翠翟山河上袞衣宝篆庆璇闈万国欢愉颂德徽长日丽晴晖青鸾舞凤在墀康强福祿宜亿万载祝期颐

皇太后还宫乐止礼部尚书奏礼成恭导

皇帝出

永康左门乘輿还宫王公百官退礼部官于午门外奉百官庆贺表文送内阁皆退

皇帝万寿节率王公百官行礼同

恭遇

皇太后万寿大庆

皇帝加上

皇太后徽号【详见尊崇礼仪】

颁诏天下

御制庆贺表章至日所司设表案于

慈宁左门之东西向大学士奉表恭设于案退俟于东檐宣表官一人少后立又大学士一人恭俟于西檐

皇太后御慈宁宫中和韶乐作

陞座乐止礼部尚书侍郎恭导

皇帝就拜位北向立鸣赞奏跪

皇帝跪羣臣咸跪丹陛大乐作鸣赞赞宣表宣表官诣案奉表至正中北面跪大学士二人同进左右跪展表乐暂止宣表官宣读讫兴奉表复还于案暨大学士咸退乐作鸣赞奏拜兴

皇帝率羣臣行三跪九拜礼礼成

皇帝还宫礼部尚书以表交内监恭奉入宫余如前仪

右

皇帝朝贺

是日侍衛命妇豫设

皇后拜位于

慈宁宫檐前正中北向设

皇贵妃

贵妃

妃

嫔拜位于左右稍后序公主福晋以下二品命妇以上拜位于丹陛上按左右翼依次分列均北面设引礼命妇二人赞相礼仪又设命妇八人前引自公主逮命妇凡与朝贺及执事者咸朝服自

永康右门入进

慈宁门于东西丹墀序立内监移丹陛乐于

慈宁门檐下北向礼部尚书转传内监奏请

皇后诣

皇太后宫行礼

皇后率

皇贵妃

贵妃

妃

嫔具礼服陞輿以次出

啓祥门前引命妇恭导至

徽音左门外降輿入

皇后陞丹陛至檐前东向立

皇贵妃

贵妃

妃

嫔东西面序立公主福晋暨命妇依次东西面序立皆北上引礼命妇转传内监奏请

皇太后陞慈宁宫宝座

皇太后礼服出中和韶乐作奏豫平之章【乐辞见前后仿此】陞座乐止引礼命妇引

皇后

皇贵妃

贵妃

妃

嫔就拜位公主福晋命妇均就拜位北面立引礼命妇奏请行礼丹陛大乐作奏益平之章【乐辞见前】

皇后率

皇贵妃

贵妃

妃

嫔行六肃三跪三拜礼公主福晋命妇均随行礼毕乐止复位引礼命妇转传内监奏请

皇太后还宫中和韶乐作奏履平之章

皇太后还宫乐止引礼命妇奏礼毕引

皇后

皇贵妃

贵妃

妃

嫔仍由西门出前引命妇引至

徽音左门外乘舆还宫各退

皇子诣

皇太后前行礼如仪

皇后千秋节率

皇贵妃

贵妃

妃

嫔公主福晋命妇行礼均如前仪

右

皇后朝贺

盛京直省文武官恭遇

皇太后万寿圣节率所属集公所行礼与

皇帝万寿节仪同

右外官庆贺

皇后三大节朝贺之礼先期诸王公及内外文武臣工具贺笺送礼部其式曰具官【臣】某等诚懽诚忭稽首顿首

上言伏以

【笺联随时拟撰】敬惟

皇后陛下

【随时臣撰拟】等幸际昌期恭逢

令节【元旦长至】伏愿

【随时臣撰拟】等无任瞻

天仰

圣懽忭之至谨奉

笺称

贺以

闻

右笺贺仪式

是日昧爽内监陈

皇后仪驾【详祭先蚕仪】九凤黄曲盖陈于

宫檐下正中拂香鑪合盥盘盂餅几倚节繖扇旗 仗陈于阶下东西大仪舆仪舆黄舆凤舆陈于

宫门外中和韶乐设于

宫檐前丹陛大乐设于

宫门内礼部仪制司官自部奉臣工庆贺笺文安龙亭内校尉舁行鼓吹前导导迎乐作奏禧平之章

千秋令节辞曰坤德柔静阴教顺承螽斯麟角允惟嘉应宝册镌天庆膺永嗣徽如月恒【元旦长至笺文与表文同进乐辞见前】由东长安门至

午门外陈设恭送内阁如仪

右仪驾乐悬陈设

质明内监设

皇贵妃

贵妃

妃

嫔拜位于月台左右北面设公主福晋以下二品命妇以上拜位于丹陛上按翼分东西班北面序立设引礼命妇二人赞相礼仪自公主福晋暨命妇与贺者依时刻朝服祇候

皇后既率

妃

嫔诣

皇太后

皇帝前行礼【仪见前】毕引礼命妇引

皇贵妃

贵妃

妃

嫔内监引公主福晋暨命妇赴

皇后宫门内各依次立东西面引礼命妇转传内监奏

请

皇后御内殿

皇后礼服出中和韶乐作奏淑平之章辞曰承天地道光嗣徽音兮俪我皇椒宫壶教彰万国为仪燕翼昌彤管纪芬芳春云渥环佩锵安贞德有常敷内政应无疆【乐辞三大节同后仿此】

陞座乐止引礼命妇引

皇贵妃

贵妃

妃

嫔就拜位公主福晋命妇俱就拜位行六肃三跪三拜礼丹陛乐作奏正平之章辞曰正坤维兮俪皇极母仪昭万国福履永绥将六宫承法则【乐辞三大节同】礼毕复原位立乐止引礼命妇转传内监奏请

皇后还宫中和韶乐作奏顺平之章辞曰瑶枢焕上台椒殿风和丽景开晴旭上蓬莱佳气氤氲徧九垓祥云防燕祿培麟趾毓兰茝雉扇影徘徊看瑞靄集宫槐

皇后还宫乐止

妃

嫔退公主以下皆出

皇子诣

皇后宫行礼如仪

右中宫朝贺

钦定大清通礼卷十七

卷十八

钦定四库全书

钦定大清通礼卷十八

嘉礼

御门听政之礼常日部院章奏未奉

圣防者折本下内阁积若干件得

防

御门听政内阁宣布在京部院寺各部院寺官检所应进奏事于函飭陪奏官属吏部转飭侍班官具吉服【朔日逢五逢十日公服】依期毕防

右戒办

至日所司设

御榻于

乾清门正中榻前设章奏案一辨百官班位

乾清门侍卫在

御榻左右翼立领侍卫内大臣内大臣散秩大臣及豹尾班执枪侍卫佩刀侍卫在丹陛下左右立东西面记注官在西柱下立侍班翰林科道官在西阶下立皆东面大学士啓奏折本在

御榻之左内阁学士在其后少南为部院官奏事位尚书左都御史在前侍郎副都御史大理寺卿少卿次之陪奏官又次之皆西面以户部礼部兵部工部分日首对三法司直第三班吏部直第六班右班位

漏未尽部院寺奏事官暨侍班官毕集朝房进至

中左门只 春冬辰正初刻夏秋辰初初刻进至后左门只 侍卫转奏得

防百官以次进至

乾清门丹墀东西面鱼贯序立记注官翰林科道官于西阶西东面序立

皇帝御舆至门启扉降舆出闔扉

陞座翊卫如仪记注官升西阶至西柱下就位立部院奏事官由东阶升一人奉疏折旋而西余入就位西面跪奉疏者至正中北面诣奏案前跪恭设于案兴退趋至东楹转入班跪奏某事毕兴少退循东阶左降其次各班依序升东阶右进奏如前仪至吏部奏事引

见侍班官毕退内阁侍读学士二人升东阶诣奏案前北面跪举本日奏函兴退翰林科道及侍卫皆退右进奏

百官既毕奏满内阁学士一人奉折本函升东阶折旋而西大学士内阁学士从升依次就位跪记注官进至

御榻之右仍东面立奉函学士至正中北面诣奏案前

跪恭设于案启函取折本依次启奏

皇帝降防大学士学士承

防讫兴由东阶降记注官由西阶降

皇帝还宫各退

右启奏折本

恭遇

行幸驻蹕

御门听政奏事及启奏折本皆如前仪

右行在启奏折本

常朝之礼每月五日常朝之期

皇帝有防陞殿谢恩各官具衔名送鸿胪寺列疏交送

内阁至日五鼓所司豫设案一于

太和殿内之西陈笔砚乐部和声署入展中和韶乐于殿檐前展丹陛乐于

太和门檐下銮仪卫率官校入陈

法驾卤簿鸣鞭仗马步辇五辂驯象鼓吹常朝象依次如式侍班执事官王公文武百官班位如朝贺仪右陈设序位

漏未尽王公文武百官朝服外国陪臣以时至者服本国服毕防

阙下质明侍班执事官入就位鸿臚寺官按翼序定王公班次由

午门左右门

太和门左右门引入序定文武百官班次由

午门左右掖门

昭德门

贞度门引入又序定外国陪臣班次引随西班百官后入咸就位立鸿臚寺奏请

御殿

午门鸣钟鼓

皇帝礼服乘輿出宫导从翊卫如朝贺之仪至

太和殿北阶降輿入工举麾鼓祝中和韶乐作奏隆平之章孟春辞曰敷天协气鲜新又苍龙正晨万国欢心仰 宸皇天锡嘏懿纯陈充庭华瑤金根扇春风风兆人泽如春睿周万品化洽无垠仲春辞曰所无逸恭已岩廊万防协嘉祥吹律圜钟谐舜琯负辰当阳柳风初转芽黄翠甸轻雷苏百昌发生心皇奉若寬大诏播天常

季春辞曰日丽风和徧寰区新榆改火龙旗荏苒晃鸾坡赫如曦皇陞座羣辟集瑶珂拂花茵垂佩多天门荡荡无偏颇纯嘏咏卷阿

孟夏辞曰玉宸旦婺中天王御法宫乘朱辂曳长虹六六冷箫谐女凤万物被薰风阜财解愠福祿来同

仲夏辞曰禁林清反舌无声登进忠良佞不行南风假大而宣平坐明堂赏五德法乘离以持衡季夏辞曰鼓含少黄宫谐凤伏庚光赤帝骑龙噀彼三星正昏中茂对乘时穆圣衷陈金奏宣景风明光觐辟公

孟秋辞曰金井桐飘大火流夷则声清律应秋天行转蓐收黄茂满田畴晓光闾阖浮搏拊戛鸣球玉殿千官咸拜手仰宸旒

仲秋辞曰乾坤爽气澄序宫殿清光静安设九宾而法见叶九和于天端晦霭扬云防玲珑动玉銮列徽猷兮万世肃纓冕兮千官

季秋辞曰鸿依银渚菊有黄华陇云飞木叶下百谷登场罢芳辰逢令嘉黄麾列正衙豹舄移龙鳞射日上朱霞天锡吾皇多稼

孟冬辞曰时合黄纯熙修司职颙皇执坎持权听彤庭佩响玉琯风宣懷黄绶白趋丹陛皇仪展于穆同天光华圣日罍罍焕彩暄到齐编

仲冬辞曰七日阳来天地仁万象一中分人从心上起经纶纲纪三才属大君答阳临玉宸无私学化钧包元履德日劳勤品类盛荷陶甄

李冬辞曰斗柄将东四序周佳气满皇州嘉平吉日诤翠辂充廷立九旂吾皇御大裘法坐侍王侯服旧德布新猷穆若天仪福祿遒

皇帝御太和殿陞座工偃麾戛戩乐止【中和韶乐以举麾鼓祝作偃麾戛戩止后同】銮仪卫官赞鸣鞭丹墀内三鸣鞭戏竹交【丹陛乐作止皆以戏竹交为节】丹陛乐作奏庆平之章【乐辞同三大节】鸿臚寺官引谢

恩官出班【其余百官仍按本班立】序立赞进皆进赞跪皆跪赞叩兴王公百官行三跪九叩礼兴赞退各复原位立乐止又赞进鸿臚寺官引外国陪臣进就西班牙拜位立丹陛乐作奏治平之章【乐辞同三大节】赞行三跪九叩礼毕鸿臚寺引退复位立乐止乃

赐茶【仪详三大节】毕丹墀内三鸣鞭中和韶乐作奏显平之

章

孟春辞曰渊然至道游神协天行地文照防腾华若早轮清明广大和闾恩滂洋葭苇霑仁念民生生此辰酌于民瑞惟大有寶则贤臣

仲春辞曰肃羣后鸣佩锵锵拜手仰颙叩初日瞳眈奎壁丽明庶风翔普天和气休穰洽化鹰成鸠眼良躬清明基宥密恩溥洽达要荒

季春辞曰瑞霭祥飈映丹墀红云缭绕一人渊默德光昭百花中千门晓铜鹤篆烟飘奏仙音
驾退朝促耕布谷飞灵沼盈耳说农劳

孟夏辞曰麦秋满野登桑浓茧已成玉衡正泰阶平上下交孚寰海靖妇子乐盈宁罄天亘地
茂豫桐生

仲夏辞曰槿初荣莠与朱明天稷星边汉影萌红轮照九神嘉生念农芸夏暑雨穆皇心以靡
宁季夏辞曰弥六合黎元祝颂奉三无帝念渊冲蓊郁 云澣宸枫大雨时行黍稷芃虞琴奏
皇在宫勤思剧月农

孟秋辞曰鹰祭蟬鸣届白藏御廩初登谷始尝秋回禁陞凉皇居奠总章恩膏正溥将零露浥
灋灋六合颺颺齐所印挈珠囊

仲秋辞曰云高汉回参见露白飈清蛩寒沍告成夫万寶只祝厘于三坛瑞谷岐而秀玉粢好
且完喜盈宁兮百室纳嘉庆兮天欢

季秋辞曰鞭鸣钟动帘卷烟斜漾金风香衣驾天屣言还暇黄云香满车村村昼响耒处深宫
心区夏重恤民家黼辰幽风图画

孟冬辞曰寰海丰穰农夫之庆深宫理化挥弦念艰难稼穡不敢游畋琳琅万卷环天禄三余
爰清晏探研时几勅命明良喜起所寶惟贤

仲冬辞曰顺气祥风翺九垓太史正书云沈几先物福生人渊默雷声秉道真八方以序均天
根月窟循昭乎若日正三辰不遠复以修身

季冬辞曰太室黄云 气防时雪报年丰天闕橐籥充腊鼓催春大地通皇家寶绪隆契合动
昭融月西朏日东生万载回环不息同

皇帝还宫乐止鸿胪寺分引王公百官依次出退

右朝仪

常朝日坐班之礼先期八旗部院寺具朝官名册送六科至日黎明王公百官朝服毕防

阙下鸿胪寺官序定王公班位于

太和门外东西各二班按翼分列亲王郡王贝勒一班贝子入八分公一班皆东西面北上【
圣驾巡幸日王公常服位 午门外左右】序百官班位于

午门外朝房前东西各九班东班镶黄正白镶白正蓝四旗吏部户部礼部宗人府通政司翰林院 事府太常寺光禄寺鸿胪寺国子监吏科户科礼科内阁中书钦天监太医院以次在左翼四旗之南西班正黄正红镶红镶蓝四旗兵部刑部工部都察院大理寺銮仪卫太仆寺中书科兵科刑科工科顺天府京县五城兵马司三营以次在右翼四旗之南公侯伯以下世爵暨文武品官各依序为位【详见三大节】皆东西面重行北上纠仪御史二人吏部礼部司官各二人分位东西班首纠仪御史二人吏部礼部司官各二人分位东西班末均东西面北上

右班位

列坐之节春冬以辰正夏秋以卯正届时门校禁断行人纠仪官就位左翼诸王率羣公入

午门左门右翼诸王率羣公入

午门右门就位未入八分公以下文武百官各以次就位坐吏部礼部官属受衔名纠仪官起绕班行视不如仪者纠之上下一匝还复位坐少顷王率羣公出百官皆退

右坐班

皇帝时巡盛京

特行庆典

陞殿受贺之礼豫日羣臣具贺表送

盛京礼部届日鸿胪寺设诏案表案各一于

崇政殿内东旁又设案一于丹陛正中銮仪卫陈

法驾卤簿于

崇政殿外乐部陈中和韶乐于殿阶下陈丹陛大乐

于丹墀南工部官设台于

大政殿外鸿胪寺官设案于台上礼部官陈表于龙亭内校尉自部舁行作乐前导至

大清门亭止奉表进

崇政殿恭设于表案内阁官奉诏书陈于诏案如式黎明内外王公百官朝服朝鲜国朝臣服本国服毕集

皇帝率王公朝于

皇太后行宫百官防于

大清门外均随行礼毕鸿臚寺官序王公暨二品以上官班次于

崇政殿前丹墀左右序三品以下百官班次于大清门外左右外藩王公台吉等朝鲜国陪臣各为一班附于班末耆老领催等于

大政殿外东西礼部尚书侍郎奏请

御殿

皇帝礼服乘輿出宫

御崇政殿作乐鸣鞭羣臣表贺行礼均如三大节朝贺

仪是日

颁诏布告天下 【详颁诏仪】

陞殿乐奏元平之章辞曰维天眷我清一统车书四海宁法驾涖陪京祠谒珠丘展孝诚陟降旧宫庭思祖德答天明佳气绕龙旂瞰圣日海东升

羣臣行礼乐奏庆平之章辞曰重熙累洽纓瀛被仁风穆如神孙临镐丰桥山礼成御故宫零露瀼瀼有来雍雍

外藩行礼奏治平之章辞曰万方合敬同爰所亲尊思木有本水有源东西朔南咸骏奔纯固恪恭日子云孙

还宫乐奏和平之章辞曰文思治九瀛神孙继治洵升平皇初七德成缔造艰难景命膺抚序惕中情凝旒竚若奉盈昭兹万亿龄列祖武敬其绳

右盛京朝贺

盛京常朝之礼月朔及逢五日

盛京文武官于

大政殿八旗朝堂前坐班其日黎明百官朝服防朝堂辨定班位镶黄正白镶白正蓝四旗在东正黄正红镶红镶蓝四旗在西奉天府堂属官在镶蓝之南其班将军一班副都统五部侍郎一班巡察御史奉天府尹府丞一班协领城守尉一班五部郎中佐领治中五部员外郎五品世职一班五部主事通判京县知县防御一班七品笔帖式七品世职司库经歴骁骑校一班八品笔帖式教授一班九品笔帖式司狱一班东位西面西位东面皆北上春冬辰正夏秋卯正就各朝堂前按班列坐礼部赞礼郎左右各一人自班首绕行受衔名毕少顷各退

右盛京坐班

钦定大清通礼卷十八

卷十九

钦定四库全书

钦定大清通礼卷十九

嘉礼

皇帝登极之礼既諏吉诸司下所属供备王公大学士率文武百官前期进表内阁先一日遣官各一人祇告

天

地

太庙

社稷各朝服将事如常仪礼毕出易服退

右祇告

是日五鼓步军统领勒所部屯禁城诸门所司入

太和殿铺陈

御座南正中设一案东西肆前楹之东设二案西设一案皆南北肆又中设一案于丹陛上设黄繖云盘于丹墀釜仪卫率官校入备釜舆陈

法驾卤簿乐部率和声署入展乐如仪【详见三大节】夜漏未尽礼部尚书奉表入陈东楹南案内阁中书奉笔砚入陈西案内阁学士一人奉

诏书入陈东楹北案大学士率学士诣

乾清门请

皇帝之寶学士恭奉大学士从入

殿内恭设于中案退记注侍班执事各官王公百官班位如常仪【详见三大节】

右陈设序位

质明王公文武百官毕防

午门阙下朝服序入均如常仪

皇帝诣

几筵前行只告受

命礼出更礼服诣

皇太后宫

皇太后礼服陞座

皇帝行礼毕礼部尚书侍郎二人率钦天监 时官奏

时

午门鸣钟鼓

皇帝由

乾清门左门出乘舆礼部尚书侍郎恭导内大臣十人前引二人后扈豹尾班执枪侍卫十人佩刀侍卫十人翊卫随行由

保和殿

御中和殿座鸿胪寺官引侍班导从各官按班行礼【仪见三大节】毕侍班官先趋出外朝就位礼部尚书进至檐前奏请即

皇帝位

驾兴导引翊卫如初

御太和殿陞

寶座南面卽

皇帝位銮仪卫官三传鸣鞭丹墀内三鸣鞭鸿胪寺卿引王公于丹陛上鸣赞引文武百官于丹墀内就拜位北面立赞进皆进赞跪皆跪赞叩兴王以下文武百官行三跪九叩礼兴鸿胪寺官引退复位立大学士进

殿左门就东案奉

诏陈于中案少退西面立内阁学士进就中案北面用寶訖退礼部尚书进至檐下大学士奉

诏由闌东出

殿中门授礼部尚书礼部尚书跪受兴奉至丹陛案前北面恭设于案行一跪三叩礼兴复奉降中阶至丹墀陈于云盘礼部仪制司官一人跪受兴十人前导由中道出

颁布天下 【详颁诏仪】

皇帝降座至

殿后阶乘輿入

殿左门至

乾清门左门外降輿入还侧殿易服大学士率学士奉

皇帝之寶送

乾清门各退是日表陈而不宣宫悬大乐皆设而不作余仪与三大节同

右百官朝见

钦定大清通礼卷十九

卷二十

钦定四库全书

钦定大清通礼卷二十

嘉礼

恭上

皇太后

尊号

徽号之礼

制下礼部尚书一人赴内阁承

制諏吉以

闻乃徧布诸司供备豫期礼部工部官防制

册寶于内务府既办择良辰恭镌

册文

寶文是日所司豫设案于内阁政事堂中设册寶亭二香亭一于制造所门外内阁大学士学士礼部工部尚书侍郎咸朝服集政事堂祇俟至吉时工部司官奉

册礼部司官奉

寶设亭内銮仪校舁行香亭在前次册亭次寶亭前列御仗二华盖一礼部官属先导至内阁门外亭止有司奉

册

寶恭设于案

册东

寶西退阁部大臣均行三跪九叩礼大学士一人奉册一人奉

寶以授匠人镌字于洁室

右谏日具册寶

届期前一日遣官各一人只告

天

地

太庙后殿

奉先殿

社稷如常仪

右祇告

是日内阁具奏书【书词随时撰拟】盛于函黎明銮仪卫豫陈

皇太后仪驾鹵簿于

慈宁门外至

长信门外内监陈中和韶乐于

慈宁宫檐下陈丹陛大乐于

长庆门内【鹵簿乐悬详见三大节】礼部鸿胪寺官豫设案一于

慈宁门外又设案一于

中和殿内均正中南向武备院卿豫设

皇帝拜位于

慈宁门案南北向大学士一人朝服奉奏书函中书舍

人前导至

中和殿阶下导者止大学士以奏函入

中和殿陈于案外其緘展书加函上退俟于东檐礼部尚书侍郎二人诣

乾清门奏时遂前导

驾

皇帝礼服乘舆出宫内大臣侍卫前引后扈如常仪至

中和殿北阶降舆诣

殿内案前北向

阅奏书毕转立东次西向大学士一人进纳书函内恭

奉由

殿中门出礼部尚书侍郎导引前行

皇帝乘舆从至

永康门外奉奏书大学士由中门入至

慈宁门东阶下导者止奉奏书大学士进陟中阶近案

前折旋就左门之东负序西面立

皇帝降舆入左门礼部尚书侍郎恭导【以下行礼皆恭导】陞慈宁门东阶循南牖西向立后扈内大臣从升【凡行礼进退皆从】立于后前引十大臣领侍卫内大臣豹尾班侍卫至东阶下止立如三大节仪大学士一人由西阶升就立西檐下宣读官一人从升少后立均西面鸿臚寺鸣赞一人立于东楹西面一人立于西楹东面礼部尚书转传内监奏请

皇太后御慈宁宫

皇太后礼服出宫中和韶乐作【乐章与三大节同】

陞座乐止

皇帝诣拜位北向立奉奏书大学士暨西檐大学士咸

进至案前左右立鸣赞赞跪

皇帝跪大学士跪进奏书于右兴退

皇帝受奏书恭献大学士跪接于左兴陈案上退鸣赞赞宣奏书宣读官进至案前北面跪启
函恭奉奏书宣读讫仍纳于函兴退皆复位奏拜兴丹陛大乐作【乐章与三大节同】

皇帝行三跪九拜礼兴乐止复位礼部尚书转传内监

奏礼成

皇太后降座中和韶乐作【乐章与三大节同】

还宫乐止

皇帝降阶导从如来仪出

永康左门乘舆还宫内监举奏书案入大学士以下皆退

右进奏书

至日五鼓所司陈

皇帝法驾卤簿乐悬于

太和殿外陈

皇太后仪驾乐悬于

慈宁宫均如仪设案于

太和殿内又设案于

慈宁宫门内及阶下均正中南向又设案于阶上左门

之东西向序定班位

慈宁门外案南中正为

皇帝进册寶位北向奉册寶大学士二人位左案之东西面接册寶大学士二人位西檐下东面宣读官二人位西檐大学士之后鸿胪寺鸣赞二人分立于前檐东西面前引后扈内大臣侍卫王公文武百官记注纠仪传赞各官立位拜位均与三大节同

右陈设序位

鸡初鸣王公文武百官朝服毕防所司设龙亭二于内阁门外礼部侍郎诣阁暨内阁学士奉

金册

金寶于盥奉宣读

册文

寶文于函分置亭内銮仪校舁行前册亭后宝亭礼部官属十人前引导以仪仗二华盖一由中路降升至

太和殿阶下前引止亭至殿内册亭左肆寶亭右肆奉册寶官奉

金册

金寶陈于案

册东

寶西鸿胪寺官引王以下入八分公以上由

太和左右门入于丹陛上序立引公侯伯子男文武二品以上官于右翼门外序立引三品以下官于

午门外序立礼部尚书侍郎二人诣

乾清门奏时遂前导

驾

皇帝礼服乘舆出宫前引后扈如常仪至

太和殿北阶降舆中和清乐作

皇帝御殿北向阅

册寶讫乐止

右临轩阅册寶

皇帝既祗阅

册寶讫奉册寶官奉

册寶置亭内銮仪校舁行诣

慈宁宫

皇帝乘舆从王公暨文武二品以上官各于所立位跪

龙亭

御驾过兴以次从至

永康门外龙亭由中门入至

慈宁门东阶下亭止

皇帝降舆礼部尚书侍郎恭导【以下行礼皆恭导】入左门礼部

侍郎内阁学士奉

金册

金寶陈于阶下案大学士二人奉宣读

册文

寶文由中阶升陈于左案遂就位立

皇帝陞自东阶循南牖西向立大学士二人由西阶升就立西檐下宣读官二人从升立少后鸣赞立东西楹鸿胪寺官引王公百官咸依班位序立与三大节同礼部尚书转传内监奏请

皇太后御慈寧宫

皇太后礼服出宫中和韶乐作【乐章与三大节同】

陞座乐止礼部侍郎内阁学士就阶下案奉

金册

金寶升中阶陈于中案退

皇帝就拜位北向立鸿胪寺官引王公以下文武百官

咸北面就位立大学士就案奉宣读

册文

寶文暨西檐大学士咸进至中案前左右立鸣赞奏跪皇帝跪羣臣皆跪奏进

册大学士跪进

册于右兴退

皇帝受

册恭献大学士跪接于左陈于中案兴退奏进

寶如进

册之仪赞宣

册宣册官进至案前北面跪启函恭奉

册文宣读讫仍纳于函兴退赞宣

寶如宣

册之仪毕皆复位内监四人舁

册寶案二人前导由中门入陈于

慈宁宫槛外正中南向退奏拜兴丹陛大乐作【乐章与三大节同】

皇帝率王公羣臣行三跪九拜礼兴

午门外序立百官承传随班行礼毕乐止

皇帝复东次立王公以下各退就班位立礼部尚书转

传内监奏礼成

皇太后降座中和韶乐作【乐章与三大节同】

还宫乐止

皇帝降阶出

永康左门乘舆还宫翊卫如来仪羣臣各退

右进册寶

皇帝既率羣臣上

册寶礼毕内监移设丹陛乐于

慈寧门东西檐下设

皇后

皇贵妃

贵妃

妃

嫔拜位于

慈宁宫月台上设公主福晋命妇拜位于丹陛上北向

内监转奏

皇后

皇后率六宫公主福晋命妇诣

慈宁宫行礼如三大节之仪

右中宫率六宫公主福晋命妇朝贺

翼日所司入

太和殿铺陈銮仪卫官陈

法驾卤簿仗马步辇五辂驯象鼓吹常朝象乐部和声

署陈乐悬均于常次

皇帝御殿受贺百官行礼均如三大节之仪

颁诏布告天下 【详见颁诏仪】

右临轩受贺

钦定大清通礼卷二十

卷二十一

<史部,政书类,仪制之属,钦定大清通礼

钦定四库全书

钦定大清通礼卷二十一

嘉礼

尊封

皇祖妃嫔

皇考妃嫔之礼

制下礼部谕吉以

闻豫期制

寶工部制

册【皇贵太妃 贵太妃 册 寶 太妃 册印 太嫔 册】均送内阁

镌文行礼如仪【详见尊崇仪】

右谕日具册寶

届期前一日遣官各一人只告

太庙后殿

奉先殿如常仪

右只告

至日内监设仗【皇贵太妃 贵太妃均仪仗 太妃以下采仗】于

【太妃太嫔】宫门外接册寶内监蒞于门左右銮仪卫备采亭于内阁门外五鼓礼部尚书一人朝服诣内阁内礼部官奉

册寶印于亭内銮仪校舁行册亭前寶印亭后导以繖仗礼部司官十人前引大学士一人暨礼部尚书后随恭送至

【太妃太嫔】宫门外授内监内监奉

册寶印入献

【太妃太嫔】内监出告礼成大学士尚书各退

右遣官尊封

若尊加

太妃封号

皇帝亲诣行礼内监设

太妃座于宫内稍东西南向【如同日并封 皇贵太妃 贵太妃座西南东南向设 太妃座东西旁设】礼部鸿胪寺官设案于宫门正中东西肆又设案于门东北北肆武备院官设

皇帝拜位于中案前北向辨执事官位奉册寶大学士二人【同日并封奉册寶兼用内阁学士】位东案之东西面宣读官二人【同日并封各用宣读官一人】位西檐下侍仪御史二人礼部官二人位西阶下均东面鸿胪寺鸣赞二人位东西柱前东西面漏未尽銮仪卫陈

法驾卤簿于

太和殿前如常仪设采亭于内阁门外礼部侍郎内阁学士奉

金册

金寶及宣读

册文

寶印文于亭内銮仪校舁行礼部官前引如仪由中路

降升至

太和殿内

册亭左肆

寶印亭右肆稍金向【如同日并封依位次为左右金设旁设各从其宜皆 册亭在上

寶印亭在下】礼部尚书侍郎诣

乾清门奏时

皇帝礼服乘輿出宫前引后扈如常仪至

太和殿北阶降輿

御殿阅

册寶印毕銮仪校舁亭出

皇帝乘輿导引扈卫如初诣

太妃宫至宫门阶下亭止礼部侍郎内阁学士奉金册

金寶由中阶升设于中案退大学士二人奉宣读册文

寶印文升中阶设于东案就立案东执事官咸入侍立驾至宫门中阶下降輿礼部尚书侍郎
恭导【以下行礼皆恭导】

陞中阶立于门左西向内监转启

太妃

太妃礼服出陞座

皇帝就正中拜位北向立大学士进至中案左鸣赞奏

进

册大学士跪进

册文

皇帝立受拱举仍授大学士大学士兴陈于中案赞进寶印亦如之大学士皆退自东阶降鸣赞赞宣

册宣读官北面跪启函奉

册宣读讫纳于函赞宣

寶印仪同兴皆退自西阶降内监举

册寶印案进设

太妃座前退鸣赞奏跪拜兴

皇帝行二跪六拜礼

太妃起避立座旁

太妃降座还内宫礼部尚书奏礼成

皇帝降中阶乘輿还宫执事官皆退

右亲进册寶

钦定大清通礼卷二十一

卷二十二

钦定四库全书

钦定大清通礼卷二十二

嘉礼

皇帝大昏之礼

制下礼部徧布诸司供备馔纳采大徵奉迎吉日以闻防工部制金

册金

寶翰林院撰

制册文进呈

钦定送内阁防镌如仪【详册后仪】纳采之礼内务府官备文马十【鞍轡具】甲冑十币百布二百以俟将届期礼部奏请

命尚书一人充纳采使内务府总管一人充副使届日

黎明礼部鸿臚寺官设节案一于

太和殿内正中东西肆内阁官自内阁奉

节陈于案退内务府官以龙亭分载甲冑布帛陈于丹陛上左右陈文马于丹陛下左右黎明正副使入祇候于丹墀东鸿臚寺序班二人立使者之右少后授节大学士一人立殿东檐下宣制鸿臚寺官一人立大学士之右少后均朝服西面鸣赞二人朝服分立殿外东西柱前东西面钦天监官报吉时届鸣赞赞齐班序班引使者就丹墀东班拜位立北面西上赞进少进赞跪叩兴行三跪九叩礼兴序班引使者升东阶至丹陛北面立鸣赞赞有

制使者跪宣制官进至

殿中门之左西面宣

制曰

皇帝钦奉

皇太后懿防纳某女某氏为后命卿等持节以礼纳采宣

毕大学士进

殿左门诣案奉

节由中门闌左出至丹陛以授正使正使受

节偕副使兴前行降中阶左内务府官率校尉舁礼物龙亭随降卫士牵文马从御仗前导由

太和中门出诣

皇后邸第

右传制遣使纳采

是日后父飭子弟洁扫邸第有司豫设案于防事正中一东西肆左右各一南北肆使者持

节至邸将及门下马后父朝服出迎于大门外道左跪

过兴使者入中门升中阶登堂陈

节中案偕副使退就案东西面立龙亭随入至仪门外止内务府官奉甲冑布帛入登堂陈于左右各案卫士以马入陈于庭左右讫后父升自西阶诣中门外北面跪使者少进西面传

防纳采复位后父听

制行三跪九叩礼兴受诸礼物使者诣案奉

节出副使从后父跪送于大门外如初内务府官皆出

使者乘马复

命还

节有司

右使者传制纳采

纳采礼成有司诣

皇后邸设燕

皇帝特命公主大臣命妇燕后母于内

命内大臣侍卫八旗公侯以下满汉二品以上官燕后父于外外燕朝服后父为宾席东上内燕常服后母为宾席西上序坐行酒三巡如常燕仪

右纳采筵燕

次行大徵礼所司备黄金二百两白金万两黄金茶器一白金茶器二盆二币千文马二十【鞍辔具】闲马二十防甲二十备

赐后父后母黄金百两茶器一白金五千两茶器一盆一帛五百布千马六【鞍辔具】甲胄一弓一韃矢一服朝服各二裘衣各二称皆冬一夏一貂裘各一带一备

赐后兄弟及从人服物有差届日有司陈大徵礼物于

丹陛上陈

赐物于丹陛下礼部奏请

命使传

制授

节于

太和殿仪如纳采使者承

制持

节诣

皇后邸执事官陈礼物于堂陈

赐物于阶上陈防马于庭中使者传

制后父听

制行礼仪注均与纳采同传

制讫后父降阶率子弟诣庭东向

节行三跪九叩礼豫往大门外只候后母率诸妇出诣

庭西向

节行六肃三跪三叩礼毕退使者持

节出后父以下跪送使者复

命还

节退

右大徵

及大昏前一日遣官各一人祇告

天

地

太庙

奉先殿如常仪

右只告

届日行

册迎礼礼部奏请

命大学士一人充

册迎使尚书一人副之所司豫疏列内外执事官奏请命内大臣十人侍卫十人充防从官

命二品以上命妇四人充前导七人充后扈十人充防

侍其日内銮仪卫设

皇太后仪驾卤簿乐悬于

慈宁宫常次如仪礼部鸿胪寺官设节案册寶案于太和殿内设龙亭于内阁门外銮仪卫陈

法驾卤簿乐部和声署陈乐悬各依常次如式又陈中宫车辂于

太和门阶下陈

仪驾卤簿于

午门外内务府官陈冠服于车辂之南黎明内阁礼部官自阁奉

金册

金寶及宣读

册文

寶文分设龙亭内礼部侍郎奉

节同诣

太和殿防陈各案王公文武百官记注纠仪执事各官朝服陪位册迎使序立于丹墀东扈从内大臣侍卫在其后均朝服授节大学士宣制鸿胪寺官举册寶案内阁礼部官朝服序立于

殿檐下并如

册后遣使之仪钦天监官报吉时届礼部尚书侍郎诣乾清门奏时遂前导

驾

皇帝礼服乘輿出宫前引后扈如常仪出

隆宗门至

永康左门降輿入立于

慈宁门外东位西向内监转奏

皇太后陞

慈宁宫寶座礼部尚书侍郎恭导

皇帝就正中拜位北向行三跪九拜礼毕

皇太后还宫

皇帝自永康左门乘輿仍入

隆宗门由

保和殿北门出

御太和殿

午门鸣钟鼓作乐鸣鞭序班引正副使就拜位行礼毕升东阶北面跪宣制官宣

制词曰

皇帝钦奉

皇太后懿防纳某氏为皇后兹当吉月令辰备物典册命

卿等以礼奉迎宣毕大学士授

节于正使偕副使兴执事官举

册寶案随降中阶设龙亭内以次出

太和门

皇帝还宫鸣鞭作乐并如

册后遣使之仪册迎使出扈从内大臣侍卫从出至太和门外册迎使持

节在前次

册寶亭次

中宫女辂冠服

仪驾卤簿遂行诣

皇后邸

右临轩遣使册迎

是日步军统领饬所部清蹕除道自

大清门至于后邸宫殿监督领侍率内监备

交泰殿内外铺陈恭侍命妇朝服豫诣

殿外只候导从命妇赞引侍仪宣读女官朝服及给事后邸内监彩服均诣

皇后邸只候有司设节案一于邸第内堂正中南设香案均东西肆设册寶案于东西各一均南北肆设

皇后拜位于香案前北向宣读女官二人立东案之南西面侍仪女官四人立拜位左右东西面内监于外堂阶下承应使者持

节至邸下马后父率子弟朝服出迎于大门外如前仪使者入升中阶立于外堂之东副使在其左均西面

册寶亭随入权设于外堂左右内务府官奉冠服授内

监賫入转授女官以进

皇后内銮仪校陈凤輿于阶上正中陈车辂

仪驾卤簿于阶下左右至大门内乐部和声署陈导迎乐于大门左右后父升自西阶诣外堂中门外正中北面跪使者西面

制册复位后父听

制行三跪九叩礼兴退至阶西内监入转奏

皇后御礼服赞引女官恭导出阁门外道右俟后母及

诸妇朝服诣外堂门内道右正使授

节于内监副使自龙亭奉

册寶以授内监均奉自中门入后母以下跪 过兴皇后立 过随入内监奉

节

册寶陈于各案退赞引女官引

皇后就拜位跪宣读女官次第宣

册

寶

皇后受

册受

寶行礼均如宫中

册立仪内监奉

节出授使者

皇后及母祇送如初赞引导

皇后入阁少憩女官奉

册寶仍授内监分设于龙亭

右受册寶

册礼既成钦天监官报陞輿吉时届内銮仪校进凤輿于内堂阶下正中南向前导命妇恭导

皇后出閣后扈命妇翼拥降阶后母率诸妇送至輿前皇后陞礼輿后母及诸妇少退册迎使持

节出乘马先行后父跪送如初兴少退次导迎乐【陈而不作】

次

仪驾卤簿车辂次

册寶亭次

皇后凤輿启行出大门命妇乘骑导从内监步行左右

扶輿内大臣侍卫在后乘骑防从由

大清门中门入至金水桥册迎使下马持

节入

皇后輿至午门外鸣钟鼓

仪驾卤簿至九凤曲盖前导执事命妇下马步行导从

内大臣侍卫于金水桥步从由

午门

太和门中门入

中左门

后左门至

乾清门龙亭止册迎使复

命还

节偕内大臣侍卫各退内监奉

册寶于亭前行恭导命妇导

凤輿入

乾清中门至

乾清宫阶下转启

皇后降輿诣

交泰殿导从命妇退恭侍命妇只迎

皇后入中宫内监奉

册寶授守寶内监退合盞吉时届宫中设合盞燕监督

领侍具奏

皇帝礼服御中宫行合盞礼给事宫人恭侍命妇皆退

右合盞

翼日尚膳洁具

皇后盥馈

皇太后御席又具

皇太后醴飧

皇后御席内监侍豫设朝见拜位于

慈宁宫内正中北向又设醴位于东西南向质明

皇太后仪驾鹵簿乐悬陈设如常仪内监转启

皇后行朝见礼

皇后礼服出中宫乘舆导从如仪【详见三大节】诣

慈宁宫降舆引入丹陛上西位东向立内监转奏

皇太后礼服出内宫中和韶乐作

陛座乐止赞引命妇引

皇后诣正中拜位行六肃三跪三拜礼兴少退立尚食

进席于

皇太后前

皇太后举酒尝食赞引命妇引

皇后复行二肃一跪一拜礼兴引诣醴位坐尚食进席

于

皇后前

皇后举酒尝食毕兴内监侍彻赞引引诣拜位行礼如

初少退西向立

皇太后降座作乐还宫赞引引

皇后出乘舆还中宫执事命妇皆退

右朝见

越日

皇帝率羣臣诣

皇太后宫行礼乃

御太和殿王公百官上表称贺

颁诏宣示天下直省文武官各进表笺称贺

皇后诣

皇太后宫行礼诣

皇帝前行礼公主福晋命妇诣

皇后宫行礼均如

册后之仪午刻乐部和声署陈乐悬于

太和殿常次尚膳供

御膳羞光禄寺备燕席

皇帝御太和殿

赐后父及其族属燕王公百官咸与后父布席于殿内王公之末其族属按翼于本旗序品列坐

驾陞寶座时王公以下陪位如常后父率其族属诣丹墀东北面行三跪九叩礼毕均引入班就位坐陈席奏乐行酒如

太和殿筵燕仪

皇太后御慈宁宫

赐后母及其亲属燕公主福晋夫人大臣命妇咸与内监陈乐悬内务府官供饌具后母布席于夫人之末其亲属按品布席于命妇之位

皇太后陞寶座时公主以下陪位后母率其亲属诣丹墀东北面行六肃三跪三拜礼毕均引就位坐陈席奏乐行酒如

慈宁宫筵燕仪

右礼成庆贺筵燕

钦定大清通礼卷二十二

卷二十三

钦定四库全书

钦定大清通礼卷二十三

嘉礼

皇子昏礼内务府豫劄钦天监諏指昏吉日并列大臣命妇中偕老者奏襄昏事既得

防以告于福晋家届期赞礼大臣偕福晋父蟒袍补服

诣

乾清门东阶下福晋父北面跪赞事大臣西面称有

防今以某氏女作配于皇子某为福晋福晋父承防讫行三跪九叩礼兴退

右指昏

迺諏吉纳币内务府备黄金项环一钗六珥六均以珠饰钏四黄金衣钮百白金衣钮二百黑貂皮三貂皮百有四十狐皮二百有五十黑獭皮七采币表里各百棉三百斤

赐福晋父母黄金十两白金七百两貂冠狐裘佩带刀帨鞢袜具马二匹鞍辔具届日内务府官以采亭载诸礼物如福晋家福晋父朝服迎于大门外内务府官入陈币于堂陈马于庭陈

赐物于阶上以纳币告福晋父只受讫率其子弟序立

庭东福晋母率诸妇出序立庭西望

阙行三跪九叩礼内务府官退福晋父送于大门如初迎礼

右纳币

是日所司备伶乐一部燕席五十羊三十有六诣福晋家设内外筵燕外燕于防事东西布席相向北上福晋亲族职官及不入直之公侯伯内大臣侍卫一二品官朝服毕防午刻鸿臚寺官引入升堂福晋亲族及本旗大臣侍卫东位西面各旗公侯伯等官西位东面就席一叩序坐司茶奉茶众受茶饮茶皆一叩司筵奉果食酌酒伶工入奏众献酬乐阕兴出司筵彻果食

众易蟒袍补服仍入就位司筵奉饌酌酒奏乐献酬交错如初乐阕兴鸿胪寺官引众官诣堂下望

阙北面序列听赞行三跪九叩礼兴退内燕于中堂福晋亲属诸妇及一二品命妇咸防内务府管领妻量人给事行酒如外堂燕仪

右纳币燕防

及昏前一日福晋家豫以妆奁送

皇子宫铺陈届日质明

皇子蟒袍补服诣

皇太后

皇帝

皇后前行礼若

妃嫔所出并于

妃嫔前行礼各如仪内务府选随从女官八人豫诣福晋家阁前只俟赞事命妇豫诣

皇子宫内别室祇 自

宫门至于福晋家步军统领饬属洒扫清道銮仪卫备仪仗采舆内务府总管一人官属二千人蟒袍补服防军四十人偕如福晋家奉迎及大门主人揖入如纳币礼升舆吉时届内銮仪校奉采舆陈于中堂福晋礼服出阁随从女官翊升舆母送于阁门外姑姊妹戚属送于舆前俟下帘退父率子弟送于门俟过退内校舁采舆行镫八炬十前导女官随从出大门乘马前列仪仗内务府总管率属及防军前后导防行至

紫禁城门外众下马步入及仪仗止于宫外女官随采舆入至

皇子殿前降舆女官防导福晋出舆引入宫合卺吉时届赞事命妇上合卺酒设燕

皇子与福晋行合卺礼执事者皆退是日于

皇子宫近处张幕结采燕福晋父母戚属羣官如纳币之仪

右奉迎合爵

昏礼既成翼日

皇子及福晋夙兴朝服内务府管领妻二人导诣

皇太后

皇帝

皇后前行朝见礼

皇子三跪九叩福晋六肃三跪三叩次诣所出妃嫔前行礼

皇子二跪六叩福晋四肃二跪二叩各如仪退

右朝见

公主下嫁之礼内务府豫劄钦天监諏指昏吉日并列大臣命妇中偕老者奏襄昏事既得

防礼部以告于额駙家届期赞事大臣偕额駙蟒袍补

服诣

乾清门东阶下额駙北面跪赞事大臣西面称有

防今以某公主择配某人额駙祇受

命行三跪九叩礼兴退

右指昏

初定諏日额駙家备驼一马八羊八十有一酒九十尊届期诣

午门前防进得

防分纳所司是日光禄寺官备筵燕武备院官张黄幔

于

中和殿北阶下内务府官陈金器反坫礼部理藩院尚书侍郎内务府总管光禄寺卿同视布席设

御筵于

保和殿

寶座前正中

殿内东西布席各五行前引大臣一行内外亲王世子固伦额駙二行郡王贝勒贝子公和硕额駙三行内大臣一等台吉四行都统副都统二等台吉五行相向北上

寶座后东西为豹尾班侍卫席又西为记注官席均南

向

殿门外檐下东为侍卫席西为三等台吉席礼部尚书侍郎席黄幔左内务府总管席黄幔右均东西向乐部陈中和韶乐于

保和殿檐下陈丹陛乐于

中和殿后阶均北向午刻

钦命入燕之王大臣侍卫及执事各官蟒袍补服毕防保和殿前按翼序立理藩院尚书侍郎率额駙父额駙及其族人朝服诣

慈宁宫门外鸿胪寺官引至东阶下北面行三跪九叩

礼毕引诣

保和殿前入班序列礼部尚书侍郎赴

乾清门奏时

皇帝衮衣龙袍乘輿出宫前引后扈如常仪

御保和殿

陞座鸿胪寺官引额駙父等出班北面听赞行三跪九叩礼兴王公以下就位额駙父等均引

入班就位跪叩坐

赐茶毕进爵大臣进

皇帝酒跪叩如

太和殿燕礼额驸父等出

殿外北面随跪叩兴复位徧爵作乐升歌行酒仪注均与

太和殿燕礼同燕毕引额驸父等诣丹陛拜位行礼如初

皇帝还宫众退理藩院尚书侍郎鸿胪寺官引额驸父

等至

乾清门西阶下序列行三跪九叩礼退是日内监设中和韶乐及丹陛乐于

慈宁宫常次如仪尚膳女官设

皇太后筵于

宝座前南向设

皇后筵于东西南向又以次设

皇贵妃

贵妃

妃

嫔席于东西少后金向额驸母及其族中诸妇设席于嫔席之下少南西位东面进爵命妇侍卫命妇设席于丹陛下东位西面午刻

皇后率

妃

嫔诣

慈宁宫

皇太后陞寶座筵燕

赐茶进觞徧爵作乐升歌行酒额驸母及诸妇行礼各

如仪既毕

皇太后还宫

皇后

妃

嫔皆还内宫内监引额驸母及诸妇诣

皇后宫行六肃三跪三叩礼退

右初定燕防

下嫁前一日额驸蟒袍补服率族人诣

皇太后

皇帝

皇后宫门前行三跪九叩礼各如仪内务府官率銮仪校以公主妆奁诣额驸邸第内管领命
妇二人偕女侍随往铺陈至日黎明额驸家备九九礼物文马十有八鞍辔具防甲十有八马
二十有一驼六羊八十有一酒九十尊诣

午门防纳午刻筵燕于

保和殿

慈宁宫如初定礼是日所司豫奏请王福晋贝勒贝子

夫人中结髮偕老者

钦命陪送内务府大臣命妇二人内管领命妇十人充导从皆盛服于宫门外别室只 赞事命妇豫诣额驸邸别室只 自公主所出宫门至额驸邸步军统领饬属洒扫清道銮仪卫备仪仗采舆内务府总管一人官属四人内管领二人防军叅领二人防军校二人蟒袍补服偕防军二十人于所出宫门前只 升舆吉时届公主吉服诣

皇太后

皇帝

皇后前行礼若

妃嫔所出并于

妃嫔前行礼各如仪毕命妇翊升舆下帘内校舁舆行出宫仪仗前列镫八炬十前导陪送福晋夫人及随从命妇乘舆随行内务府总管内管领乘骑稍远导从叅领及防军乘骑防行诣额驸邸第及门众下马步入仪仗止及仪门各官止舆入至防事正中降舆命妇阶下降舆升堂导公主出舆福晋夫人降舆随公主入室额驸及礼宾于外堂额驸母礼女宾于中堂徧飧诸执事者各如礼合盞吉时届赞事命妇上合盞酒设燕额驸与公主行合盞礼众退

右于归合盞

下嫁礼成翼日行朝

谢礼公主额驸夙兴朝服公主诣

皇太后

皇帝

皇后及所出

妃嫔前行礼额驸诣

慈宁门外东阶下

乾清门外

内右门外行礼各如仪毕还邸第

右朝谢

亲王昏礼【为未分家之子娶同】将及冠访朝臣女或外藩王女年齿相当者奏

闻请

防

命下以次行礼如奉

防赐昏者是日王朝服诣

太和殿前谢

恩如仪初定王府备燕五十席酒五十尊若聘外藩女用鞍马甲冑白金器七九牲五九使官属之长赍如女家昏家礼请亲王以下辅国公以上公主福晋以下郡君贝子夫人以上礼部转 公侯伯以下侍郎男以上毕防燕男布席于外堂女布席于内堂献酬行酒如

皇子初定燕仪

右定昏

次行纳币礼王府备黄金项饰一金珥一具金钗大小各三指环十均缀以 珠采繒衣裳九袭衾褥七具黄金二十两白金千两给女父母朝衣一冠带鞢具采衣裳各一金珥一具鞍马二若聘外藩亲王女用鞍马十有二甲冑十有二闲甲二十有四繒六十布六百白金器三具聘郡王贝勒台吉女白金器同鞍马甲冑各减二闲甲减四繒减十布减百余物与上同王府官公服赍诣福晋家主人公服迎入使者陈礼物于堂有马则陈于庭以纳币告主人拜受使左右彻之送使者如礼右纳币

昏前一日女家豫以妆奁送王府铺陈至日王礼服蒞于次使其长史率官属备仪仗礼舆如福晋家迎升舆吉时届纳礼舆于中堂福晋礼服出阁送女者翊升舆母送于阁门外姑姊妹戚属送于舆前父送于外堂子弟送于门外鐙炬前舆送女者升车从诣王府由中门入及堂前降舆王出次蒞于堂送女者导福晋出舆王揖先入福晋从入室行合卺礼其日王府设燕席六十酒六十尊聘外藩女用牲五九亲王以下侍郎男以上公主福晋以下郡君贝子夫人以上咸防如定昏燕礼馈赠外藩王贝勒台吉及福晋夫人等送女来者冬夏衣各一袭貂裘一带一弓一鞬矢一服甲冑各一鞍马二采繒三十布二百白金器三具女之兄弟时衣一袭给随从男妇三十人衣服有差右成昏

若奉

防赐昏者成昏之明日王及福晋夙兴朝服诣

大内谢

恩行礼如

皇子昏仪

右谢恩

世子郡王昏礼纳币用指环八采繒衣裳八袭衾褥六具黄金十两白金七百两初燕席四十酒四十尊昏燕席五十酒五十尊余物準亲王若聘外藩亲王女鞍马甲胄繒帛白金器如亲王聘外藩郡王女之数昏礼既成馈赠外藩亲王郡王及福晋送女来者并女之兄弟及随从男妇衣物均準亲王外藩贝勒台吉及夫人送女来者给采繒二十有五布百有五十白金器二具余準亲王给随从男妇二十有五人衣服有差凡昏仪与亲王同右世子郡王昏

长子贝勒昏礼纳币用指环六采繒衣裳七袭衾褥五具黄金五两白金五百两给女父母繒衣不缀采鞍马一闲马一余物视郡王初燕席三十酒三十尊昏燕席四十酒四十尊郡王以下尚书子爵以上郡主郡王福晋以下郡君贝子夫人以上咸防燕仪同郡王若聘外藩女定昏用鞍马甲胄繒布白金器五九筵燕用牲三九纳币用鞍马八甲胄各八闲甲十有六繒四十布四百白金器二具昏燕用牲五九昏礼既成馈赠外藩亲王郡王及福晋送女来者并女之兄弟及随从男妇衣服均準郡王贝勒台吉夫人送女来者给采繒繒合二十有五布百有五十白金器二具余準郡王随从男妇二十人给衣服有差凡昏仪与郡王同右长子贝勒昏

贝子昏礼纳币用指环四钗大小各二衣裳六袭不缀金珠衾褥四具白金四百两给女父母视贝勒减闲马一余衣物数同初燕昏燕席酒各减十贝勒以下公以上暨本旗官属郡君贝勒夫人以下县君辅国公夫人以上咸防燕仪同贝勒若聘外藩女定昏鞍马甲胄繒布白金器三九筵燕用牲二九纳币鞍马六甲胄各六闲甲十有二繒三十布三百白金器二具昏燕用牲三九馈赠亲王郡王及福晋送女来者女之兄弟及随从男妇衣物均準贝勒贝勒台吉夫人送女来者给采繒繒合十有五布七十白金器一具余準贝勒随从男妇十有五人给衣服有差凡昏仪与贝勒同右贝子昏

宗室公昏礼镇国公纳币用衣裳五袭白金三百初燕十有八席昏燕二十有八席酒如席数贝子以下奉国将军以上贝子夫人以下奉国将军淑人以上及本府官属防燕余并同贝子若聘外藩女定昏鞍马甲胄繒布白金器二九筵燕用牲数如之纳币鞍马五甲胄各五闲甲十繒二十有五布二百五十白金器二具昏燕用牲三九馈赠送女来者衣物準贝子辅国公纳币衣裳减一袭衾褥减一具无白金初燕昏燕席各减二酒如之贝子贝子夫人不防燕余仪物与镇国公同若聘外藩女定昏行一九礼初燕用牲二九纳币甲胄各减一闲甲减二繒减五布减五十白金器二具昏燕用牲三九馈赠送女来者衣物準镇国公凡昏仪均与贝子

同

右宗室公昏

宗室将军昏礼镇国将军纳币用衣裳缁三袞布一袞袞褥缁二具布一具金项饰一钗二珥二初燕用牲六昏燕席十有五余仪与辅国公同辅国将军纳币衣裳袞褥各减缁一初燕减牲一昏燕减五席奉国将军纳币礼物如辅国公初燕复减一牲昏燕减二席余如镇国将军之礼仪同

右宗室将军昏

闲散宗室昏礼纳币数如奉国将军减金钗二初燕牲二昏燕六席闲散觉罗昏燕五席余同宗室昏仪均与奉国将军同

右闲散宗室觉罗昏

郡主于归之礼将及笄访外藩防古王子年齿相当者奏

闻请

防

命下以次行礼若奉

防赐昏者额驸先诣

乾清门谢

恩如公主指昏之仪初定额驸家备燕五十席酒五十尊若外藩王贝勒台吉等尚郡主用驼马羊七九牲五九遣人纳于王府王受之其日防燕如纳福晋初定燕仪

右定昏

次行纳币礼额驸家备鞍马七甲冑七若外藩王等之子用马六十牛六十羊六百遣人赍诣以献于王王纳之如定昏礼

右纳币

昏前一日王使人以妆奁张陈额驸室至日额驸朝服只埃邸第王使其官属备仪仗礼舆送

郡主于归升舆吉时届郡主礼服侍女引出閤诣王前辞次诣福晋前辞均行四肃二跪二叩礼执事官进舆于中堂侍者引郡主升舆王府防卫官前导灯笼前舆侍婢八人男妇五户媵如额驸邸第额驸出迎于门外舆至导入至内堂降舆媵导郡主出舆额驸偕入室行合卺礼其日额驸第设昏燕如亲王纳福晋之仪

右成昏

若奉

防赐昏者成昏之明日额驸偕郡主夙兴朝服诣大内谢

恩行礼如亲王纳福晋仪

右谢恩

县主于归之礼纳币视郡主鞍马甲冑各减二初燕昏燕仪準郡王若嫁于外藩王贝勒台吉等纳币视郡主马减十牛减十羊减百媵婢七人男妇四户余同

右县主出嫁

郡君于归之礼纳币鞍马四甲冑四初燕昏燕準贝勒若嫁于外藩定昏行七九礼初燕用牲三九纳币马四十牛四十羊四百昏燕用牲五九媵婢六人男妇四户县君纳币鞍马甲冑各三初燕昏燕準贝子若嫁于外藩定昏行七九礼初燕用牲二九纳币马三十牛三十羊三百昏燕用牲三九媵婢五人男妇三户乡君纳币鞍马甲冑各二初燕昏燕準宗室公若嫁于外藩定昏行七九礼纳币马二十有五牛如之羊二百五十初燕昏燕用牲如县君媵镇国公女婢四人辅国公女婢三人男妇皆二户凡昏仪均与郡主同

右郡君县君乡君出嫁

钦定大清通礼卷二十三

卷二十四

钦定四库全书

钦定大清通礼卷二十四

嘉礼

官员【七品以上】自昏及为子孙主昏豫访门第清白女年齿相当者使媒氏往通言俟许男年十六以上女年十四以上身及主昏者无葦以上服皆可行【下士庶人同】

右议昏

纳采诰日主人具书【书辞随宜后仿此】请女为谁氏出并问生年月日别具昏者生年月日附于书使媒氏豫告女家届日夙兴以子弟一人为介公服侍于防事主人公服奉书出西面授介再拜介避拜受书出如女家其日女氏主人设案于庙洒扫防事待賓亦使子弟一人为摈公服以俟賓至摈告主人如賓服出迎于门外揖入升堂賓左主人右入堂少涖賓东面奉书致词从者陈礼物于庭主人北面再拜受书賓避拜请退俟命摈揖賓欸于别室主人以书入诣庙陈于案上启牋告事如常告仪乃具复书具女所出及生年月日附于书摈延賓升堂主人奉书出西面授賓再拜賓受书避拜授从者请退主人请醴賓賓礼辞许饌者布席于中堂賓东主西揖让就位进饌行酒三巡賓兴离席告退揖主人答揖送賓于门外如初介还复命主人纳书如授书仪醴介以家人之礼

右纳采

纳币诰日具书备礼物一品章服一称章如其品币表里各七两【以制衣服】缯帛七两【以制衿裾】布七两容饰合二十事【钗钏簪珥之属】二品至四品币表里各五两缯帛五两布五两容饰合十有六事余同一品五品至七品币表里各三两缯帛三两容饰合十有二事余同四品媒氏豫告女家届日夙兴主人遣使奉书及礼物如女家女氏主人受书及礼物告庙具复书授賓醴賓还复命主人礼介并同纳采右纳币

昏期诰吉具书备礼物三品以上羊酒四品以下鷺酒豫日主人遣使如女家女氏主人迎賓入賓致词请期主人辞逊賓乃奉书告期主人拜受具复书授賓賓还复于主人皆如纳币仪

右请期

昏期前一日女家使人奉箕帚于壻室陈衾帷茵褥器用具至日壻家筵于室中位东西列别设案于牖下陈壶一琖四合盞【剖匏为二合四琖以备三酌之用】设醯爵于堂下之东壶

琰具初昏壻公服立于堂下有官者各以其服若其子孙则摄盛三品以上摄五品服五品以上摄七品服六品以下摄八品服仪从亦如之壻马一乘二烛前马妇舆一乘【或车随宜】檐盖饰采绢垂流苏五品以上前后左右各二六品以下前二后二均立于门外主人公服出醮子【若自主昏则以有服尊长醮后仿此】位于堂东西面昏者升自西阶再拜执事者升授爵昏者跪受卒爵反于执事者父命之迎应唯俯伏兴降出乘马执事者随以雁仪从在前妇舆在后如女家其日女父告于庙词曰某之第几女某将以今日归某氏敢告余如常告仪还醮女于内堂父东母西姆相女具服加饰服视壻之等出至父母前北面再拜侍者斟酒醴女如父醮子仪父训女以宜家之道母为之整冠裾申以父命女识之不唯壻既至主人迎于门外揖让入壻执雁从入至防事主人东阶上西面壻西阶上北面立奠雁再拜主人不答拜姆为女加景盖首出壻揖降女从主人不降送姆导女升舆二烛前舆壻乘马先俟于门妇至降舆壻导升西阶入室逾闼媵【妇家送者】布壻席于东御【壻家迎者】布妇席于西壻妇交拜讫姆脱妇景媵御设匕箸醢醢壻揖妇就筵坐饌入卒食媵取琰实酒醢壻御取琰实酒醢妇三酌用盃卒醢壻出媵御施衾枕壻入烛出

右亲迎

厥明妇夙兴盥漱栉总以枣栗暇修诣舅姑室姆入设席于堂中为位舅东姑西均南向舅姑即席妇执筭实枣栗升自西阶北面拜奠于席舅坐抚之妇兴降阶执筭实暇修升拜奠席姑坐抚之舅姑兴入于室

右妇见舅姑

妇具酒饌设匕箸醢醢行盥饌礼舅姑就坐妇奉饌入献舅姑视卒食乃酌酒醢舅姑送酒皆再拜舅姑卒饮兴乃共飧妇侍者布妇席于阼阶上西向具酒饌设匕箸醢醢舅姑于堂中临之妇卒食姑醢之妇拜受卒饮舅姑先降自西阶妇降自阼阶退飧妇送者男于外女于内酬以布帛

右妇盥饌舅姑飧妇

三日妇见于庙厥明执事者设饌具主人启牖陈主如常祭礼主人布席阶下之东昏者在后主妇布席阶下之西妇在后各就位再拜主人升上香献酒读告词曰某之第几子某今已昏毕率新妇见余辞如祭式俯伏兴退立于东妇进当中壻下北面再拜兴复位主人复位及主妇以下行再拜礼毕纳主彻退若同居有尊者妇见如见舅姑礼见夫之伯叔母与见姑同答以肃拜见娣姒小姑以夫之齿序拜皆答拜夫兄弟之子若女妇受拜答以肃拜

右庙见

庙见之明日昏者以赞【视分所应用】往见妇之父母主人迎于门外揖让入升堂奠赞壻北面再拜主人西面答拜请见主妇主妇立于门内壻立于门外再拜主妇门内答拜出主人

醴以一献之礼右壻见妇父母

士昏礼【八品以下官同】纳采诹日具书媒氏告于女家主人使子弟一人为介奉书如女氏女氏主人出迎賓揖让入门升堂賓东面致词奉书主人西面受书再拜賓避拜请退俟命主人使子弟待賓以书入告于寝如仪具复书出授賓賓受书主人布席礼賓毕賓揖辞主人送之如初介还复命主人拜受书礼介行家人礼诹日纳币具书备礼物章服一称【八品以下官如其品士视九品】布帛合五两容饰八事食品六器媒氏告于女家主人遣使奉书物行礼女家受礼告寝复书礼賓賓复主人均如纳采昏有日主人备鵷酒书昏期于束使媒氏奉如女家告女氏主人报束授媒氏复昏前一日女家使人以衾具张陈壻室至日壻家筵于室中位东西面别以案陈合卺器设醺爵于堂东初昏壻摄公服俟于堂下壻马一乘二烛前马妇舆一乘檐盖前饰防绢二俟于门外主人盛服醺子于堂东命之迎壻出乘马如女家雁及妇舆从其日女氏主人告于寝如仪毕主人位内堂东主妇位内堂西父醺女如壻仪壻至女家门外主人出迎壻执雁从入主人东阶上西面壻西阶上北面奠雁再拜主人不答拜姆加女景盖首出壻揖之降主人不降送姆导女升舆女家亦以二烛前舆壻乘马先俟于门妇至降舆壻导妇入室逾闕媵布壻席于东御布妇席于西壻妇交拜讫姆脱妇景壻揖妇即席壻东妇西坐行合卺礼厥明妇夙兴俟见舅位堂东姑位堂西皆南向妇以贄见于舅姑再拜舅姑受贄妇具酒饌行盥饌礼舅姑就位妇奉饌舅姑卒食一醕妇再拜送酒舅姑卒饮共飧妇于阼阶及飧妇送者均与官员礼同三日妇见祖祢于寝陈设如荐仪主人在东昏者从主妇在西妇从叅神再拜主人升诣香案前上香奠酒告毕俯伏兴退立于东妇进当中闑再拜兴复位主人复位及主妇以下皆再拜兴礼毕退见祖祢之明日壻以贄见妇之父母迎入奠贄再拜主人答拜见主妇壻拜于寝门外主妇答拜于门内出主人醴壻皆如仪右士昏

庶人昏礼纳采诹日书昏者生年月日以授媒氏奉如女家女氏主人受书告于寝书女为谁氏出及生年月日授媒氏道遠具饌近则否媒氏复命主人礼之纳币备礼物服一称用帛无章布五两容饰六事或四事食品四器媒氏奉如女家女氏主人受之飧媒氏复命如纳采礼昏有期备鵷书昏期于束使媒氏奉如女家告女氏主人许使媒氏氏复昏前一日女家使人以衾具陈于壻室至日壻家筵于室中东西为位别以案陈合卺器设醺爵于防事东序初昏壻盛服俟于阶下壻马一乘二烛前马妇舆一乘檐盖无饰俟于门外主人盛服至防事东位西面壻升主人醺之命之迎壻再拜出乘马如女家雁及妇舆从其日女家告于寝醺女以俟壻既至主人出迎于门外导入壻执雁从入升堂主人东阶上壻西阶上北面奠雁再拜姆加女景盖首出壻揖之降妇从降姆以女登舆二烛前舆壻乘先俟于门妇至降舆壻揖入室逾闕布席壻妇交拜讫姆脱妇景壻揖妇就位坐壻东妇西行合卺礼妇夙兴盛服以贄见舅姑于堂拜献如礼饌酒食于舅姑舅姑飧妇及妇送者三日妇见祖祢于寝如常荐礼明日壻往见妇之父母妇父设酒食礼壻如仪

右庶人昏

钦定大清通礼卷二十四

卷二十五

钦定四库全书

钦定大清通礼卷二十五

嘉礼

册立

皇后之礼

制下礼部尚书一人赴内阁承

制乃谕吉以

闻徧布诸司供备豫期礼部工部官防制

册寶于内务府恭送内阁镌

册文

寶文内阁大学士学士礼部工部尚书侍郎朝服行礼

如仪【详尊崇礼】

右谕日具册寶

届期礼部奏请

命大学士充

册立使尚书充副使

右命使

前一日遣官各一人只告

天

地

太庙后殿

奉先殿如常仪

右只告

至日五鼓所司诣

太和殿中设一案东西肆左右各设一案均南北肆设龙亭二于内阁门外銮仪卫陈

法驾卤簿仗马步辇五辂驯象鼓吹常朝象乐部和声署陈乐悬各依常次王公文武百官记
注纠仪执事各官朝服陪位如常仪漏未尽工部官以

节送内阁内阁礼部官自内阁奉

金册

金寶及宣读

册文

寶文各陈于亭内礼部侍郎奉

节銮仪校舁亭礼部官十人前引导以繖仗由中路降

升至

太和殿阶下亭止导引官皆止内阁礼部官奉

金册

金寶随

节升中阶入

殿中门陈

节中案陈

册左案陈

寶右案退銮仪校廻亭南向质明册使副使只蒞于丹墀东鹵簿之南大学士一人立殿东檐下西面宣制鸿臚寺官一人立大学士后举册寶案内阁礼部官分立东西檐下东西面均朝服钦天监官报吉时已届礼部尚书侍郎詣

乾清门奏时遂前导

驾

皇帝礼服乘輿出宫前引后扈如常仪

午门鸣钟鼓至

太和殿后阶降輿入工举麾鼓祝中和韶乐作奏隆平之章【乐辞见常朝仪后仿此】

皇帝陞座工偃麾戛敌乐止【中和韶乐以举麾鼓祝作偃麾戛敌止后同】銮仪衛官赞鸣鞭丹墀内三鸣鞭戏竹交【丹陛乐作止皆以戏竹交为节】丹陛大乐作奏庆平之章鸿臚寺鸣赞官赞齐班序班引正副使就丹墀东班拜位立北面西上赞进少进赞跪叩兴行三跪九叩礼兴乐止序班引正副使升东阶至丹陛北面立鸣赞官赞有

制正副使跪宣制官进至

殿中门之左宣

制曰某年月日册立某妃某氏为皇后命卿等持节行

礼【如奉】

【皇太后懿防则曰钦奉皇太后懿防】宣毕大学士进

殿左门詣中案奉

节由中门闌左出至丹陛以

节授正使正使受

节偕副使兴内阁礼部官进

殿左右门举

册寶案出中门正使持

节前行副使从以次降中阶内阁礼部官奉

册寶设龙亭内銮仪校舁行导引如初由

太和门出

皇帝赐王公大臣茶如常仪毕

皇帝降座鸣鞭如初中和韶乐作奏显平之章皇帝还宫乐止王公百官咸退

右临轩遣使

是日内銮仪衛陈

仪驾卤簿于

皇后宫阶下及宫门外【详见三大节仪】内监设丹陛乐于宫门内设节案一于

宫内正中南为香案均东西肆设册寶案于东西各一均南北肆设

皇后拜位于香案前北向女官四人立拜位左右东西面宣读女官二人立东案之南西面宫
殿监率内銮仪校豫 于

景运门册使既受

命出由

协和门至

景运门外西面立正使奉

节授内监内监持

节内銮仪校接昇

册寶亭至

皇后宫门外亭止内监奉

册寶詣

皇后宫

皇后具礼服出内宫丹陛乐作赞引女官二人引皇后迎于宫门内道右 过随行入宫内监奉

节陈于中案奉

金册

册文

金寶

寶文陈于东案退赞引女官引

皇后就拜位北向立乐止赞跪

皇后跪赞宣

册宣册女官就案奉宣读

册文西面立宣毕授侍右女官女官跪接赞受

册女官以

册奉

皇后

皇后受册授侍左女官女官跪接奉以兴陈于西案次

宣

寶受

寶亦如之乐作

皇后行六肃三跪三拜礼毕少退东向立乐止内监进

至中案奉

节出赞引女官引

皇后送于宫门内道右 过还宫内监奉

节至

景运门授册使正使持

节副使从诣

后左门复

命

册立礼成还

节有司各退

右受册

翼日

皇帝率羣臣诣

皇太后宫行礼乃

御太和殿受贺如三大节之仪

颁诏宣示天下 【详颁诏仪】

皇后诣

皇太后宫行礼诣

皇帝前行礼

妃

嫔公主福晋命妇诣

皇后宫行礼均如三大节仪

右礼成朝贺

钦定大清通礼卷二十五

卷二十六

钦定四库全书

钦定大清通礼卷二十六

嘉礼

册封

皇贵妃之礼

命下礼部諏吉以

闻乃徧布诸司供备豫期工部制

册礼部制

寶均以金送内阁镌字行礼如仪

右諏日具册寶

届期礼部奏请

命大学士尚书一人充

册封使侍郎内阁学士一人充副使

右命使

先一日遣官各一人只告

太庙后殿

奉先殿如常仪

右祇告

至日五鼓礼部鸿胪寺官设节案册寶案于

太和殿内銮仪卫官设采亭于内阁门外内阁礼部官奉

节

册寶出陈于亭内銮仪校舁行导以繖仗礼部官前引

诣

太和殿及阶亭止奉

册寶随

节以升设于

殿内各案质明大学士一人朝服立节案之东封使朝服立丹墀之东均西面钦天监官报吉时已届正使由东堦升副使从至丹陛左北面跪大学士诣案奉

节由

殿中门出授正使正使受

节偕副使兴所司举

册寶案从降中阶仍设亭内导引如初以次诣

皇贵妃宫

右遣使发册

是日内銮仪卫设

皇贵妃仪仗于本宫门外明黄曲盖一拂二鑪盒盆盂各一餅二【皆黄金质】几倚各一节二明黄色红色黑色花繖六红黑二色瑞草繖四雉羽扇四金黄红黑三色素扇凤旗红黑二色素旗各二卧瓜立瓜吾仗各四明黄色翟輿一輿一车一凡擎执輿尉皆内銮仪校充内监设节案香案于宫内正中东西肆设册寶案于东西均南北肆封使既受

命由

协和门至

景运门外正使西面授

节内监内监奉

节昇

册寶亭至宫门奉

册寶随

节詣

皇贵妃宫

皇贵妃礼服出迎于宫门内道右立 过内监奉

节

册寶陈于各案退

皇贵妃就拜位北面跪女官宣读

册文

寶文

皇贵妃恭受

册寶行六肃三跪三拜礼毕送

节于宫门内道右均如

皇后受册之仪内监持

节至

景运门授正使正使持

节副使从诣

后左门复

命

册封礼成还

节有司各退

右受册

翼日

皇贵妃诣

皇太后宫行六肃三跪三拜礼乃诣

皇帝前行礼

皇后前行礼并如仪

右礼成朝见

册封

贵妃之礼

命下所司供备制

册寶既讫吉奏请

命使遣官只告

太庙后殿

奉先殿至日遣使发

册并如

册封

皇贵妃之仪是日内銮仪卫设

贵妃仪仗于本宫门外金黄曲盖一拂二鑪盒盆盂各一餅二【皆黄金质】几倚各一节二金黄红黑三色花繖六红黑二色瑞草繖四雉羽扇四凤旗四卧瓜立瓜吾仗各二金黄色翟輿一輿一车一凡擎执輿尉皆内銮仪校充余宫内陈设宣

册寶受

册寶及朝见仪注与

皇贵妃礼同

右册封贵妃

册妃之礼

命下备

册印奏请

命使祇告

太庙后殿

奉先殿至日遣使发

册仪与

册封

贵妃同是日内銮仪卫设

妃采仗于本宫门外金黄曲盖一拂二鑪盒盆盂各一餅二【皆白金质】几倚各一节二金黄色素繖二红黑二色花繖四素扇四凤旗四卧瓜立 吾仗各二金黄色翟輿一輿一车一凡擎执輿尉皆内銮仪校充余宫内陈设宣

册印受

册印及朝见仪注均与

贵妃礼同

右册妃

册嫔之礼

命下备

制册奏请

命使至日发

册【不设印案】仪与

册妃同是日内銮仪卫设

嫔采仗于本宫门外红曲盖一鑪盒盆盂各一罍二【皆白金质】几倚各一节二金黄色红色花繖各二红色素扇二凤旗二金黄舆二车一凡擎执舆尉皆内銮卫校充余宫内陈设【不设印案】宣

册受

册暨朝见仪注均与

妃礼同

右册嫔

钦定大清通礼卷二十六

卷二十七

钦定四库全书

钦定大清通礼卷二十七

嘉礼

册封亲王世子郡王之礼

命下礼工二部制亲王及世子

册寶以金郡王

册印银质金饰【若嗣封王注名于册寶印世相 授】豫期礼部谕吉

奏请

命内大臣散秩大臣一人为使内阁学士翰林院学士礼部侍郎一人副之届日鸿胪寺官设案于

太和殿丹陛正中东西肆王府官备鼓吹一部于长安门外銮仪卫设采亭于礼部堂上仪制司官陈

节

册寶印于亭内校尉舁亭由东长安门入至

太和殿阶下亭止奉

节升阶陈于案封使及执事官朝服竚于丹墀礼部侍郎升东阶就节案左立封使升东阶诸案前北面西上侍郎举

节西面授正使正使持

节偕副使降阶銮仪校舁采亭从导以御仗出

太和中门至长安门外封使及执事官咸乘马鼓吹前导诣王邸第

右遣封使

是日府属官豫设节案于府堂内正中前设香案左设册寶案皆东西肆设乐于仪门内设仪仗于庭中绣花曲盖一销金繖二绣花繖二绣花扇二皆红色孔雀扇二青色立瓜卧瓜骨朵吾仗各曰纛四旗十大刀二豹尾枪二明舆一乘马六【世子减绣花繖二立瓜卧瓜骨朵吾仗纛旗豹尾枪各二加红繖一郡王复减红繖一大刀二余均与亲王同】东西分列封使及府门下马正使持

节前行府属引赞引王朝服迎于大门外道右跪 过

兴随入乐止副使奉

制册礼部官奉寶印随

节升自中阶陈

节于堂内中案陈

册寶印于左案就立案东宣册官礼部官立封使后均西面引赞引王升西阶就堂内北面立乐作赞行三跪九叩礼兴乐止进至香案前跪礼部官诣册案展

制册宣册官西面宣读讫以

制册授正使正使授王王只受转授从官从官跪接兴复于案宣读官宣寶印副使授王如受

册仪封使皆复位立王退至拜位乐作行礼如初礼毕

乐止王出大门外道右立正使奉

节出副使及执事官从至门外王跪送

节 过兴退封使回还

节有司皆退

右封亲王世子郡王

册封长子贝勒贝子之礼

命下工部制

制册【以纸为之】中书科中书缮文讫送礼部既有日礼部奏

请

命内阁侍读学士侍读翰林院侍读学士侍讲学士侍读侍讲一人为使礼部郎中员外郎主事一人副之届日鸿胪寺官设案于

太和殿阶下正中礼部仪制司官奉

节

册于采亭銮仪校舁行入至

殿阶下陈

节于案陈采亭于案左封使及执事官入俟丹墀礼部侍郎就节案左立封使诣案前北面侍郎举

节西面授正使正使持

节銮仪校舁亭导以御仗副使及执事官从出

太和中门至长安门外乘马诣府第如诸王之仪是日府属官设乐于仪门内设仪仗于庭中销金繖二绣花扇二立瓜卧瓜骨朵吾仗各二纛一旗六明舆一乘马六【贝子减销金繖一卧 马余同】东西分列长子贝勒贝子迎

节册受

册送

节均如诸王之仪

右封长子贝勒贝子

册封公主之礼

命下工部制

册以金镌字送礼部礼部谕吉奏请

命使持

节徃封如亲王之仪

右遣封使

是日府属官豫设节案于公主府堂内正中前设香案左设册案皆东西肆设乐于仪门内设仪仗于庭中曲盖一红寶花繖二孔雀扇二青花扇二立瓜卧瓜骨朶吾仗各二纛二车一乘【和硕公主减青花扇余同】东西分列封使及府门下马正使持

节入采亭从公主礼服率侍女迎于仪门内道右跪

过兴副使奉

册随

节升自中阶以

节

册陈于堂内各案就案东立宣册官礼部官立封使后均西面侍女引公主由西阶升诣堂中北面立乐作行六肃三跪三拜礼兴乐止进至香案前跪礼部官诣册案展

制册宣册官西面宣读讫以

制册授副使副使西面授内监内监跪接授侍女侍女跪授公主公主祇受仍授侍女接以兴复于案公主兴退就拜位乐作行礼如初礼毕乐止侍女引退正使奉

节出副使及执事官从公主跪送

节于仪门内如初迎礼封使回还

节有司皆退

右封公主

册封福晋夫人之礼间五歲礼部彙疏请封所司制册【亲王福晋世子福晋金册郡王福晋

银质金饰贝勒贝子夫人纸册】送礼部礼部奏请命使视亲王郡王贝勒贝子是日鸿胪寺官设案于太和殿阶下礼部官奉

节

册【节册视彙封人为数】于采亭銮仪校舁行入至

殿阶下陈

节于案陈亭于案左各府属官备鼓吹于长安门外封使及执事官朝服入蒞丹墀礼部侍郎率属立节案左封使诣案前礼部官奉各

节授正使銮仪校舁亭副使及执事官从出

太和中门至长安门外乘马鼓吹前导诣各府第各府设乐于门内设仪仗于庭中曲盖一红寶花繖二孔雀扇二青寶花扇二立瓜卧瓜骨朵吾仗纛各二车一乘【世子福晋减寶花扇郡王福晋复减曲盖卧 贝勒夫人复减寶花繖一骨朵纛余与亲王福晋同贝子夫人不设仪仗】东西分列迎

节册受

册送

节均如诸公主之仪

右封福晋夫人

凡封郡主县主郡君之礼闲五歲由部彙请遣使往封均用纸册郡主仪仗视郡王福晋县主郡君视贝勒贝子夫人余仪同前

右封郡主县主郡君

钦定大清通礼卷二十七

卷二十八

<史部,政书类,仪制之属,钦定大清通礼

钦定四库全书

钦定大清通礼卷二十八

嘉礼

颁诏之礼是日礼部官设案于堂上设香亭龙亭于午门外乐部和声署陈乐于香亭南内务府官设金凤朵云于

天安门楼雉口正中工部官设台于楼内东楹之南鸿胪寺设案于台上南北肆宣诏鸿胪寺官四人立台下鸣赞二人立金凤左右八旗领催五城耆老集外金水桥前东西祇候

皇帝受贺礼毕还宫礼部仪制司官以云盘承

诏书恭奉出

太和中门导以繖仗官属前引尚书侍郎从百官随出至

午门外设于龙亭行一跪三叩礼兴校尉舁行导引如初导迎乐作【登极颁诏乐陈而不作】奏禧平之章辞曰申命重巽纶下九闾勾出萌达百昌咸振象魏悬黻铎巡德意宣天地春至

天安门鸿胪寺官引百官出豫往金水桥南东西按班序立领催耆老别为班随后立皆北面龙亭由东道升楼设于正中南向奉诏官进跪叩如初恭奉

诏书登台恭设案上退立台东礼部官移龙亭下楼陈

于门外鸣赞赞有

制众皆跪宣诏官登台西面展

诏书先宣满文后汉文毕复于案退赞跪叩兴百官及领催耆老三跪九叩兴鸿胪寺官引退奉诏官奉

诏书置朵云内防防悬系自金鳳口中啣下礼部官接受仍设于龙亭跪叩校尉舁行导引如初由

大清门诣礼部陈于堂中尚书侍郎率属行三跪九叩礼恭镌誊黄

颁行天下

右宣诏书

诏下直省之礼礼部按直省督抚驻劄之地行取阁部

院寺笔帖式乘 赉

诏前往颁布工部给龙旗繖仗前导所经府州县五里之内文武官朝服跪迎军民伏道右候过省防有司豫于公廨设屏南向屏前设

诏案又前设香案案东设台阶下为文武官拜位文东武西重行异等如朝贺仪【详见三大节】绅士班于文官之末耆老军民集于武官之末皆北面宣诏官一人展诏官二人立台下西面通赞者立香案左右引礼生立百官班位左右皆东西面

诏及郊守土官备龙亭旗仗出迎使者承

诏书以架奉陈龙亭内乘马后随鼓乐前导总督暨同城文武大僚率所属文武官朝服出迎道右跪候过兴先至公 门外序立绅士耆老军民毕会

诏至门跪迎如初礼使者下马从龙亭入众随入使者

奉

诏书陈于案退立案东西面引礼生引羣官就位北面立通赞赞跪叩兴众行三跪九叩礼赞宣

诏使者奉

诏授宣诏官复位立宣诏官跪接登台展诏官二人从

升均西面展

诏书宣读讫复于案皆降众聽赞复行三跪九叩礼如

初退使者以

诏授督抚恭镌誊黄颁学政盐政织造管關两司道府转颁所属州县卫将军提镇协将转颁所属营汛至日宣布军民均与省防仪同

右颁诏直省

诏下朝鲜国之礼礼部豫列内大臣侍卫礼部满侍郎

内阁满学士銜名奏请

命正副使各一人启程有日使者赴礼部领

诏书工部给御仗旗纛使者乘 以行至朝鲜国境其国守土吏治馆 所经地文武官跪接候过如直省之仪将及国王遣其重臣出郊迎接

诏书前期于国门外治馆舍供张备龙亭香亭仪仗鼓乐只候于馆设屏于王殿上正中前列

诏案香案设国王拜位于殿阶上设众官拜位于庭内东西重行异等皆北面宣读官一人立

诏案之东展诏官二人立宣读官南均西面司礼二人位国王拜位之北皆东西面使者既及国迎接官迎

诏书至馆恭设龙亭内驰报国王王率其国陪臣朝服郊迎迎接官以龙亭行香亭仪仗鼓乐前导使者乘马从国王以下咸跪候过兴随行入国门至殿内使者于殿门外下马从入龙亭设于殿中使者立于龙亭东西面仪仗陈于阶下乐悬陈于门内引礼引国王升阶就拜位北面引班引众官均就拜位北面立司礼赞跪王率众官皆跪赞叩兴乐作国王以下行三跪九叩礼兴乐止使者进于龙亭奉

诏书授宣诏官复位宣诏官跪受诣开读案展诏官进

立左右展

诏宣诏官西面宣读讫跪授使者复于龙亭执事者退使者复位立司礼赞叩兴国王率陪臣行三跪九叩礼如初使者奉

诏书授国王国王跪受付所司颁行使者与国王揖让行礼辞出国王拜送于大门外适馆国王诣馆飧燕致饗饩如礼及归拜送于国门外使归至京以事竣复

命于朝

右朝鲜国迎接诏书

钦定大清通礼卷二十八

卷二十九

钦定四库全书

钦定大清通礼卷二十九

嘉礼

颁朔之礼钦天监豫推来歲时宪书成式二月恭进御览乃镌于版四月驿送 省各布政司依式刊造均以歲十月朔日颁行是日鸿臚寺钦天监官设案于

午门外正中左右各一均东西肆又设二案于甬道左右均南北肆工部官设香亭一龙亭一于钦天监堂中设防亭八于左右乐部和声署陈乐于香亭前黎明钦天监监正率属朝服陈恭进

皇帝

皇太后

皇后时宪书于龙亭陈王公百官时宪书于采亭銮仪校以次舁行香亭在前次龙亭次采亭鼓吹前导迎乐作奏禧平之章辞曰钦若诚亶皇正朔颁分秒无忒玉衡齐贯敬授时宜暑寒穰事明民庶欢由东长安门入至

午门外亭止恭奉

皇帝

皇后前时宪书陈于正中左案恭奉

皇太后前时宪书陈于右案奉王公百官时宪书陈于东西案钦天监官四人对举左右案二人前引入

午门中门监正监副从至

太和门陈于左右阶上监正等于丹墀左行三跪九叩礼内务府掌仪司官奉时宪书至

乾清门

慈宁门恭进

皇帝

皇太后

皇后钦天监官彻案出

右献朔

其日王贝勒以下文武百官朝服毕防

午门外东西阙下鸿胪寺鸣赞二人进立于甬道左右纠仪御史二人礼部司官二人进立于鸣赞之北皆东西面宣制鸿胪寺官一人立纠仪官之北西面鸣赞赞齐班鸿胪寺引亲王郡王贝勒贝子公按翼序立于甬道内引文武百官序立于甬道左右皆北面东班西上西班东上赞进皆进赞跪皆跪赞宣

制宣制官宣

制曰某年时宪书颁给众官晓谕天下宣毕赞叩兴众行三跪九叩礼兴退礼部钦天监乃颁朔於王公百官亲王郡王贝勒贝子公以下八旗暨部院府寺监长贰各官皆以次跪领所属官次日赴钦天监祇领遂颁布于郊甸

右京师百官受朔

歲届颁朔之日各省防总督若巡抚率在城文官将军率在城武官受朔是日首县於督抚署内向

阙列屏设案布政使以所刊时宪书设於龙亭鼓吹前导舁诣公署恭陈於案质明文武官朝服毕防通赞赞齐班引礼二人引各官文东武西重行异等以品为序咸就拜位北面立如朝贺之仪赞跪叩兴众行三跪九叩礼兴以次祇受时宪书毕各退布政使分发专城之道转行所属州县卫分驻之提鎮协转行所属标营到日行礼祇领与省防同遂颁布于民间

右直省受朔

每歲十月朝鲜国王遣其陪臣赍咨赴礼部受来歲之朔礼部豫取钦天监时宪书函封铃印讫颁朔翼日设案於仪制司堂上正中防同四译馆大使引朝鲜国陪臣服本国公服入仪制司郎中公服就案坐吏奉时宪书置于案赞礼者一人立于案右赞进大使引陪臣诣案前赞跪陪臣跪赞受朔吏奉时宪书授陪臣陪臣恭受兴退乃归报朝鲜国王王朝服祇受如礼遂

颁布于其国人右朝鲜国受朔

歲立春前日顺天府府尹率所属迎春东郊如礼【详见直省】制春山按钦天监所推春图饰土牛及勾芒神春山一案芒神执策立土牛左合设一案各三案送礼部恭献

皇帝

皇太后

皇后礼部豫取学弟子员七十有五人天文生八人于立春前一时自部分舁案依次由东长安门至

午门外祇候礼部尚书侍郎率其属顺天府府尹具进春表章及丞率其属咸朝服毕防钦天监官报时届入自中门执事者举四案从

昭德门至

后左门外礼部官属前引尚书侍郎及府尹从内监接舁入诣

乾清门前引官止立阶下府尹于门外跪进表章内监启门举各案入恭进

皇帝

皇后前又奉二案从

熙和门诣

永康左门外前引后从如仪内监接舁入以献

皇太后前各官出皆退

右进春

直省迎春之礼先立春日各府州县於东郊造芒神土牛春在十二月望后芒神执策当牛肩在正月朔后当牛腹在正月望后当牛膝示民农事早晚届立春日吏设案于芒神春牛前陈香烛果酒之属案前布拜席通赞执事者于席左右立府州县正官率在城文官丞史以下朝服毕诣东郊立春时至通赞赞行礼正官一人在前余官以序列

行就拜位赞跪叩兴众行一跪三叩礼执事者举壶爵跪于正官之左正官受爵酌酒酹酒三

授爵于执事者复行三叩礼众随行礼兴乃昇芒神土牛鼓乐前导各官后從迎入城置于公所各退右直省迎春

钦定大清通礼卷二十九

卷三十

钦定四库全书

钦定大清通礼卷三十

嘉礼

歲仲春吉亥

皇帝躬耕

帝藉之礼前期礼部疏请得

防徧布诸司供备

诏亲王郡王三人六部都察院通政司大理寺卿贰九

人从耕顺天府备

躬耕丝鞭耒耜饰以黄服耜黄犍稻种青箱备从耕三王麦谷九卿豆黍青箱鞭及耒耜朱饰服耜黝牛皆依期毕办

右戒办

先一日遣官只告

奉先殿是日黎明顺天府官豫设案二于

太和殿东檐下以龙亭三分载

躬耕鞭耒种箱采亭四分载麦谷豆黍种箱釜仪卫备曲盖御仗乐部和声署设鼓吹均蒞于

午门外府尹率属奉耕器入陈于第一案鞭左耒右奉种箱陈于第二案稻种中肆麦谷左豆黍右

皇帝御中和殿阅

先农坛祝版毕【仪详吉礼】记注官退俟丹墀

皇帝暂

御保和殿户部尚书侍郎率属举案入

太和殿南左门出

殿北左门诣

中和殿内正中陈鞭耒案于北陈种箱案于南皆东西肆遂及礼部尚书侍郎序立丹陛之南
重行西面礼部尚书奏请

御中和殿记注官升西阶复位立

皇帝御殿

阅耕器五谷种毕奏礼成

皇帝出殿门乘舆还宫扈从如仪户部官举案复于太和殿东檐下顺天府官升左阶彻案奉
鞭耒种箱出

午门外仍设各亭内銮仪校舁行前列繖仗导迎乐作奏禧平之章辞曰晨作农正鸾辂劝耕
穰稔嘉种降康延庆帝藉开农政行我稼同明赐成出

大清门

正阳门由

先农坛东门诣藉田耕所

右阅耒耜谷种

是日工部官洒扫

观耕台上下藉以防荐张次于具服殿之东设

御屏

寶座于台上正中南向武备院官供

御座铺陈顺天府官陈

御鞭种箱龙亭于借田之左陈耒耜龙亭于借田之右陈麦谷豆黍种箱采亭于从耕借田左右陈耕器农器于台下东西两旁如仪

右陈设

乃辨位借田之北正中为

皇帝躬耕位户部尚书一人在右顺天府府尹一人在左礼部尚书一人太常寺乡一人銮仪卫使一人在前耆老二人农夫二人掌耕犊鸿胪寺序班表左右从耕田首东班王二人户部兵部工部通政司各一人西上西班牙王一人吏部礼部刑部都察院大理寺各一人东上皆顺天府官属丞倅二人从耆老一人农夫二人掌耕牛乐部典乐一人和声署正二人丞二人立于借田南北面工歌禾词者十有四人司金司鼓司板司箏司笙司箫各六人顶带耆老四人披蓑戴笠执钱镈者二十人麾五色采旗者五十人耆老三十有四人农夫三十人相间为班鱼贯东西序立署正一人立于北东面鸿胪寺鸣赞一人立于东西面一人立于西东面侍仪御史二人分立鸣赞官之北东西面记注官四人立台南阶下之西东面不从耕王公大学士及三品以上官夹台东西隅翼立陪位

右序位

銮輿出宫【仪详吉礼】

届日

皇帝亲飨

先农【仪详吉礼】礼毕前引内大臣赞引对引太常寺卿恭导皇帝诣具服殿更衣黄龙袍少俟銮仪卫官率輿尉廻輿

于

观耕台东阶外从耕三王九卿暨陪位王公以下咸蟒袍补服诣耕藉所按班东西只候执事官依位序立礼部尚书太常寺卿奏时遂及前引大臣十人恭导

皇帝出殿南向诣耕藉位和声署正举旗三麾歌工乐工以下齐赴借田北前引大臣退于两旁侍立从耕三王九卿就耕位东西面立鸣赞赞进耒耜户部尚书奉耒耜赞进鞭顺天府府

尹奉鞭均北面跪进兴退

皇帝右秉耒左执鞭礼部尚书太常寺卿銮仪卫使恭

导行

躬耕礼耆老牵牛农夫扶犁顺天府府尹执青箱户部尚书随播种左右鸣金鼓采旗招飏工歌三十六禾词唱和从行辞曰光华日月开青阳房星晨正呈农祥帝念民依重耕桑肇新千藉考典章吉蠲元辰时日良苍龙銮辂临天阊青坛峙立西南方牺牲簠簋升芬芳皇心祇敬天容庄黄幕致礼防诚将礼成移蹕天田旁土膏沃洽春洋洋黛犁行地牛服纆司农穰穰盛青箱洪縻在手丝鞭 率先稼穡为民倡三推一墾制有常五推九推数递详王公卿尹咸赞襄甸人千耦列鴈行耰锄既毕恩泽滂自天集福多丰穰来牟莽薈森紫芒华芑赤甲粃秆防秬秠三种黎白黄稷粟坚好硕且香防芑大穗盈尺长五菽五豆充垆场粢粢 防九色粮蜀秫玉黍兼东廩乌禾同收除童粱防岐合颖遍理疆千箱万斛収神仓四时顺序百谷昌八区九有富盖藏欢腾亿兆感圣皇

皇帝三推三返【每歲奉 防加一推一返】毕歌止顺天府府尹以青箱复于龙亭鸣赞赞受耒户部尚书跪受耒耜赞受鞭顺天府府尹跪受鞭皆兴复置各龙亭内

皇帝御补服礼部尚书奏请

御观耕台暨太常寺卿防导

皇帝陞中阶

御寶座后扈内大臣随升立

御座两旁记注官升西阶东面北上序立从耕三王九卿以次受鞭耒耆老牵牛农夫扶犁顺天府属丞倅一人执青箱一人随播种三王五推五返九卿九推九返毕释鞭耒入侍班位立执事官以青箱复各采亭内序班引顺天府官属及耆老农夫服本色服持农器至台前西偏北面东上重行序立聽赞行三跪九叩礼退至藉田终亩

右亲耕

礼部尚书奏礼成

皇帝降东阶乘輿由

先农门出

法驾卤簿前导迎乐作奏祐平之章辞曰翩彼桑扈仁气布和千亩亲御百祥膺荷保介歆
穰穰多帝手推民乐歌

皇帝回銮王公从各官以次退不陪祀王公百官朝服

集

午门外跪迎

午门鸣钟王公随

驾入至内金水桥恭

皇帝还宫各退

右銮舆回宫

若逢

时巡省方

盛典遣官祭

先农坛【仪详吉礼】礼毕是日顺天府府尹率属耕耤九推九

返农夫终畝毕望

阙行三跪九叩礼仪与直省同

奉天府直省府州县各于东郊

先农坛侧择沃壤为耤田歲仲春吉亥有事

先农之日省防总督若巡抚率在城文官耕耤是日首县知县视土宜备谷种青箱朱鞭耒服
耜黝牛及他农器耕器豫陈耤所耆老率农夫披蓑戴笠蒞于田间通赞学弟子员分立田首
又向

阙张画屏设香案一南向通赞立香案之南引班教谕训导立通赞之南皆东西面致祭

先农【仪详吉礼】礼毕各官易蟒袍诣耤田通赞赞行耕耤礼督抚以下就耕所执事者授耒耜与鞭皆右秉耒左执鞭进耕督抚以府佐贰官一人执种箱一人播种布政使按察使以首领官执箱播种各道以州县佐贰官执箱播种知府知县以丞史执箱播种皆耆老一人牵牛农夫二人扶犁各九推九返毕释鞭耒以次序立田首西面北上农夫遂终畝告毕事各官补服望

阙立通赞赞齐班引班分引督抚以下至香案前按班序立重行北面耆老农夫稍远列行北面随立赞跪叩兴行三跪九叩礼兴各退

若府不附省州县卫不附府者正官率佐贰丞史耕耤各以耆老二人执箱播种余仪与省防同右直省府州县耕耤

钦定大清通礼卷三十

卷三十一

钦定四库全书

钦定大清通礼卷三十一

嘉礼

歲季春

皇后躬桑之礼前期三月礼部具疏奏

闻

皇帝承奉

皇太后懿防下

制报可乃徧布诸司供备内务府豫奏以

妃

嫔二人公主亲王福晋以下县君镇国公夫人以上三人文三品武二品官以上命妇四人从蚕采桑掌仪司治桑畦饬采桑钩筐

皇后金钩

妃

嫔银钩均黄筐福晋夫人命妇均铁钩朱筐依期毕办

右戒办

皇后既以吉已飨

先蚕【仪详吉礼】礼毕蚕已生翼日【如蚕未生则视蚕生谕曰】

皇后散斋一日从采桑

妃

嫔福晋夫人命妇毕斋宫殿监侍设案于

交泰殿内正中东西肆又设案于左右南北肆率内监至

内右门祇候是日执事官咸蟒袍补服黎明内务府官以龙亭一载

躬桑筐钩采亭一载从采桑筐钩内銮仪校舁行掌仪

司官前导总管暨蠡宫令从由

隆宗门至

内右门外亭止宫殿监督领侍率蠡宫令暨内监防奉筐钩以次入

内右门陈

皇后筐钩于

交泰殿中案陈

妃

嫔福晋夫人筐钩于左案陈命妇筐钩于右案皆筐左钩右毕乃奏时届

皇后吉服出

御交泰殿

妃

嫔随出侍立

皇后先阅钩次阅筐既徧还宫

妃

嫔从入宫殿监侍奉筐钩仍置各亭内以次舁行出内右门授蚕宫令銮仪校接舁前引如初

至内务府署旗仗前 迎乐作奏禧平之章辞曰戴胜告时西陵肇典爰举懿筐爰临柘馆御鞠衣登瑞茧金钩陈嘉义展及西苑奉宸苑卿自门迎入蚕宫令分陈于采桑所

右阅筐钩

届日蚕宫令率内监洁埽具服殿内外及

观桑台上下借以防荐设

皇后观桑寶座于防北正中南向供

御座铺陈防下桑畦东西首行第一株为

皇后躬桑位东向执钩相仪一人在右执筐相仪一人

在左东西第二行一株为

妃

嫔从采位第三行一株为福晋夫人从采位第四行一株为命妇从采位执钩筐蚕母各二人皆在左右 赞女官二人在台南左右北面侍班福晋夫人命妇在女官之南东西面内侍率童监歌采桑词者十人司金鼓板箏笙箫者二十有四人于台前东西麾五色采旗者四十人于桑畦外东西分班序列

右序位

是日黎明蚕宫令启西苑门从桑侍班福晋夫人命妇及执事女官蚕母蚕妇咸蟒袍补服豫至西苑南门内序立只候辰正二刻礼部尚书内务府总管诣

乾清门告时已初刻宫殿监侍转奏

皇后御龙袍乘輿出宫从桑

妃

嫔蟒袍乘輿从诣西苑如飧

先蠶仪

右车驾出宫

皇后驾至西苑诣具服殿少俟 赞分引

妃

嫔福晋夫人命妇就从采位立引侍班之福晋夫人命妇就侍班位立执事女官暨童监咸依位序立典仪奏请

皇后行躬桑礼

皇后出具服殿前引后从如常仪至桑畦北正中相仪女官一人奉钩跪进于右一人奉筐跪进于左兴

皇后右持钩左持筐东行桑畦外采旗招飏台前内监鸣金鼓歌采桑辞曰躬耕礼成诏躬桑蚕月吉已迎辰祥金华紫闕五翟光瑞云彩映椒涂黄坛南宿戒帷宫张西陵展事摇珩璜斋肃恭敬柔雍彰金钩緑籜懿莒筐尚功司制奉以将柔条在东涵露香鞠衣三摘鸣鸠翔月灵临賁龙精昌黼黻五色质且良昭事上帝祠蒸尝仪刑宇宙帅妃嫔衣食滋殖被万方

皇后至东第一株桑前东向采桑一条蠶母二人助采复行至西第一株桑前东向采桑二条蚕母助采亦如之采毕歌止各退

皇后以钩筐授相仪相仪二人跪授于左右兴复于龙

亭退俟台隅典仪奏请

御观桑防赞引对引命妇恭导

皇后陞防御座

妃

嫔以下采桑各蚕妇一人授钩一人授筐二人助采妃

嫔福晋夫人采桑五条命妇采桑九条毕咸释钩筐授蚕妇复于采亭

妃

嫔登台侍立

皇后寶座前左右福晋夫人命妇退入侍班位立执钩筐者皆退典仪相仪各女官敛诸筐次第置于防南 赞引蠶母蠶妇至台前北面跪典仪举

皇后懿筐授蚕母蠶母恭受次举

妃

嫔以下从桑各筐授蠶妇蚕妇受讫皆兴奉筐至蠶室切之蚕妇洒箔礼成

右亲桑

蚕母以礼成告典仪典仪跪奏

皇后驾兴赞引对引恭导

皇后诣具服殿典仪奏陞座

皇后陞寶座 赞分引

妃

嫔以下东西序立次福晋次夫人次命妇次蚕母蚕妇东位西上西位东上皆北面 赞赞跪叩兴皆行六肃三跪三拜礼兴退典仪奏礼毕

皇后降座陞輿警蹕

妃

嫔从还宫如来仪福晋以下皆退

右礼成回宫

及蚕成蚕母蚕妇择茧贮筐以献

皇后

皇后献于

皇帝

皇太后乃择吉日

皇后行纍三盆手礼采桑

妃

嫔从纍是日乘輿出宫警蹕如常至织室纍盆前妃

嫔侍立蚕母渍茧于盆以手出绪握其总跪进

皇后

皇后受总亲纍三少退立

妃

嫔进纍以五为节遂布于蚕妇之吉者使纍礼毕乘輿还宫警蹕如仪

右献茧纍丝

钦定大清通礼卷三十一

卷三十二

钦定四库全书

钦定大清通礼卷三十二

嘉礼

恭进

实录

圣训之礼监修总裁官撰表章豫諏进呈吉日奏闻礼部转飭诸司供备前期内阁拟

制辞及庆贺致辞【皆随时撰拟】恭呈

钦定付鸿臚寺届期陈

法驾卤簿乐悬于

太和殿前如常仪礼部鸿臚寺官设书案于保和殿内正中设表案于门外之左均东西肆工部官陈香亭龙亭表亭于

实录馆銮仪卫备黄盖龙旗御仗乐部备导迎乐如仪监修总裁提调纂修各官祇候馆内王公按翼只 内金水桥北文武百官只候桥南均朝服举案侍卫祇候

保和殿外内监祇

乾清门外均蟒袍补服质明监修官奉表于亭纂修各官恭奉

实录

圣训设龙亭内讫行三跪九叩礼兴校尉舁行繖仗前导导迎乐作奏禧平之章辞曰昭示无垓谟烈聿皇垂布方防日星辉朗配典坟扬耿光永绎思绥万邦进

协和门香亭龙亭循中道入

太和中门王公百官跪候过兴表亭循道左入太和左门监修总裁以下官随入以次陈亭于

殿阶下监修官恭奉表文纂修官诣亭跪三叩兴恭奉

实录

圣训亭彻鸿胪寺卿二人引奉书官升中阶由

太和殿中门入诣

保和殿陈于中案监修官奉表文升左阶由太和殿左门入诣

保和殿陈于门外东案及总裁提调各官于丹陛东北面行三跪九叩礼兴咸西面序立王公由

太和左右门文武百官由

昭德门

贞度门入序立如常朝仪礼部尚书侍郎奏请

御殿遂前导

驾

皇帝礼服乘舆出宫后扈大臣侍卫从至

保和殿后阶降舆入

御殿侍卫布拜褥于书案前礼部尚书侍郎恭导皇帝就拜位北向敬受

实录

圣训行三跪九叩礼兴退立案东西向侍卫进举书案及

表案由

殿北门诣

乾清门内监恭接送入

大内监修总裁以下各官出诣

太和殿丹墀入百官班内序立

右临轩受书

礼部尚书侍郎奏受书礼成恭导

皇帝御中和殿侍班执事官行礼如仪毕乃

御太和殿前引后扈

午门鸣钟鼓作乐鸣鞭均如常朝仪鸿胪寺卿二人立东檐下记注官侍班执事官各依常位立鸣赞赞齐班王公百官咸就拜位立赞进皆进赞跪皆跪鸿胪寺卿一人进至

殿中槛外北面跪代奏臣工庆贺致辞毕兴又一人出自丹陛前西面宣

制答致辞毕皆退复位赞叩兴丹陛大乐作王公百官

行三跪九叩礼毕

皇帝还宫鸣鞭作乐扈从如仪王公百官皆退翼日赐监修总裁以下各官燕于礼部如仪【详筵燕仪】

右临轩受贺

恭进

实録

圣训礼毕监修官别缮

皇史宬

盛京藏本及内阁副本各一部既告竣礼部谢吉奏

闻分送尊藏恭送

皇史宬之礼届吉日所司设香亭龙亭黄盖龙旗御仗鼓乐于馆如前仪黎明监修总裁率提

调纂修各官朝服诣馆恭奉

实録

圣训陈于龙亭讫行三跪九叩礼如仪校尉舁行繖仗前

导迎乐作【乐章乐辞见前】出

东华门各官随行诣

皇史宬亭止恭奉

实录

圣训入于金匱各官行礼如初礼毕皆退是日纂修官以

副本送内阁尊藏

右送皇史宬尊藏

恭送

盛京之礼先期礼部转饬诸司供备

钦命礼工二部尚书或侍郎各一人率其属一人在馆提调官一人纂修官二人钦天监官一人防送工部备车马于朝阳门外按

实録

圣训函数制行箱备香亭龙亭銮仪卫备黄盖龙旗御仗乐部备导迎乐届期均只候于馆监修总裁官率提调纂修恭奉

实録

圣训于行箱陈于龙亭豫设馆内正中防送官朝服诣馆行三跪九叩礼毕校尉舁行繖仗前导迎乐作【乐章乐辞见前】防送官从出朝阳门外乐止载以车马进发所经地守土文官治道路桥梁驻宿次舍武弁率士卒前后防防皆朝服跪迎道右送亦如之至

盛京城外将军五部侍郎府尹丞咸率其属朝服出郊跪迎备香亭龙亭鼓乐奉迎以入恭设

于

崇政殿内各官按品列行序立行三跪九叩礼钦天监官豫諏尊藏吉日届期恭昇龙亭诣

翔凤楼前提调纂修偕五部司官恭奉

实録

圣训登楼尊藏于金匱既毕各官行礼如初皆退

右送盛京尊藏

玉牒告成恭进

御览监修诸王大臣豫諏进呈吉日奏

闻礼部转飭诸司供备届期礼部鸿臚寺官设案于中和殿内正中均东西肆又设案于左右两旁均南北肆工部官备龙亭采亭于宗人府

玉牒馆龙亭正肆南向采亭左右肆东西相向銮仪卫备黄盖龙旗御仗乐部备导迎乐如仪总裁王大学士尚书率提调纂修各官朝服祇 馆内质明宗人府官奉

玉牒分陈于龙亭采亭讫总裁以下各官诣龙亭前行三跪九叩礼兴校尉舁行龙亭在前采亭在后总裁以下乘马从繖仗前导导迎乐作奏禧平之章辞曰 颺滋长椒实衍昌公姓千亿福畴维向定角仁朱芾皇锡类洪咸乐康由

大清中门入至

天安门外各官下马从至

午门外王下马从至

太和殿阶下纂修官恭奉

玉牒以次升阶诣

中和殿分置各案讫王于阶前大学士以下各官于丹陛南均北面序立行三跪九叩礼兴进诣中案恭展

玉牒退至

殿外侍立礼部尚书侍郎奏请

御殿遂前导

驾

皇帝礼服乘舆出宫

御中和殿立于案左西向礼部尚书奏视

玉牒恭导

皇帝诣正中北面视中案所展

玉牒毕

皇帝还宫导从如仪总裁率提调纂修官奉

玉牒诣

乾清门授内监接入

右临轩亲受

礼部官移龙亭采亭于

乾清门外所司设黄盖龙旗御仗于

太和殿阶下设 迎乐于

东华门外防埃

御覽毕内监奉

玉牒出提调纂修官接奉分设龙亭采亭内校尉舁行

出

保和殿

中和殿

太和殿繖仗前导由

太和门

协和门

东华中门出导迎乐作【乐章乐辞见前】诸王大臣纂修各官从诣

皇史宬敬奉尊藏毕各退翼日

赐监修各官燕于礼部【详筵燕仪】

右送皇史宬尊藏

玉牒告竣总裁官别缮

盛京藏本礼部谢吉奏

闻遣总裁王大臣一人提调官一人纂修官二人礼部工部大臣司官各一人钦天监官一人自宗人府恭送

盛京尊藏于

敬典

崇谟二阁与恭送

实录

圣训仪同

右送盛京尊藏

钦定大清通礼卷三十二

卷三十三

钦定四库全书

钦定大清通礼卷三十三

嘉礼

皇帝经筵之礼歲春秋仲月

皇帝将举

经筵礼部承

防渎吉奏

闻豫期翰林院奏定满汉讲官各二人直讲经书掌院

学士暨直讲官拟篇目撰讲章豫进

御览

钦定翰林院恭缮以竣

右戒办

届期祇告

传心殿

先圣

先师

皇帝亲诣于前一日遣官于届日黎明将事如仪【详见吉礼】

右祇告

是日五鼓所司洁扫

文华殿内外武备院官供

御座铺陈礼部鸿胪寺官设

皇帝书案于

御座前南向设讲案于

殿内正中北向黎明翰林院官恭奉

御览讲章陈于

皇帝书案书左经右奉进讲副本陈于讲案书设案左

经设案右毕退

右陈设

辨班位讲官满八人位

殿内东柱之南西面汉八人位西柱之南记注官在柱西均东面侍班内阁大学士吏部户部礼部尚书侍郎通政司使副使詹事府詹事少詹事位满讲官之后东班西面兵部刑部工部尚书侍郎都察院左都御史副都御史大理寺卿少卿位汉讲官之后西班东面【若衍圣公来朝居东班之首】侍仪东班给事中二人西班监察御史二人位于班末鸿胪寺卿二人鸣赞二人位东西檐下皆东西面北上丹墀立位以品为序东西面迎

驾南上送

驾北上拜位序品亦如之东位西上西位东上重行北

面

右序位

大昕讲官侍班侍仪暨执事官吉服集

文华殿丹墀内按班序立礼部侍郎二人诣

乾清门奏时遂前导

驾

皇帝常服乘舆出宫扈卫如常仪由

后左门出左翼门诣

文华殿丹陛上降舆

御宝座后扈内大臣立

御座旁左右导

驾礼部侍郎于门外左右侍卫于阶下左右立记注官

升西阶入

殿右门就位鸣赞官升东西阶就位立赞齐班 官侍班纠仪各官就丹墀拜位立赞跪叩兴行二跪六叩礼兴鸿胪寺卿一人引满讲官升东阶北由

殿左门闌右入侍班官升阶南由闌左入一人引汉讲官升西阶北由

殿右门闌左入侍班官升阶南由闌右入左右纠仪官随入咸依位序立鸿胪寺卿退就檐下立鸣赞赞进讲满汉直讲官出班诣讲案前跪三叩兴退复位满直讲官一人出东班南行数武西趋及中门左枋前折旋北面就案左展书宣讲毕却退折旋东趋复位汉直讲官一人出西班东趋逾中闌及左枋前折旋北面就案左讲书毕却退折旋西趋复位

皇帝阐发书义讲官暨侍班官跪聆毕兴又满直讲官一人出班西趋逾中闌就案右汉直讲官一人出班东趋就案右先后讲经毕却退复位

皇帝阐发经义各官跪聆亦如之鸿胪寺卿引由左右门出降阶就丹墀拜位北面序立内监设坐 于

殿内东西二行各官聽赞行礼如初

右进讲

鸿胪寺卿复引各官升东西阶进

殿内按品分行序立

皇帝赐羣臣坐皆一叩列坐

赐茶如仪【详朝贺仪】仍引出降阶至丹墀东西序立礼部侍

郎奏礼成恭导

皇帝陞舆还宫扈卫如来仪翰林院官奉讲章正本授

内监各官咸退是日燕在位各官于

协和门【详筵燕仪】

右礼成还宫

钦定大清通礼卷三十三

卷三十四

钦定四库全书

钦定大清通礼卷三十四

嘉礼

皇帝临雍之礼

命下礼部取吉具疏以

闻徧布诸司供备豫期行取衍圣公五经博士孔氏裔俊秀五人东野氏孔氏顏氏曾氏孟氏仲氏闵氏冉氏言氏卜氏顓孙氏端木氏有氏裔各二人乘传赴京及各氏子孙见列朝官者直省在京之进士举人贡监生各学教习肄业诸生咸诣太学观礼国子监祭酒司业拟经书篇目撰讲章豫进

御览

钦定恭缮以竣

右取日戒办

届期五鼓国子监祭酒率属洒扫学宫内外工部司官张

御幄设

寶座于彝伦堂正中南向武备院官供

御座铺陈鸿臚寺官于幄前稍左设经案东西肆左右

各设讲案均南北肆未明祭酒奉

御览讲章陈幄左案书左经右奉进讲副本陈书于左

案陈经于右案退

右陈设

辨堂内外班位讲官满汉祭酒二人位堂内左案西面满汉司业二人位右案东面记注官位西柱下东面侍班王公位讲官后大学士九卿詹事位王公后纠仪给事中御史位班末聽讲羣官暨诸生位东西阶下执事举经案国子官二人位堂左右门内鸿胪寺鸣赞二人立东西檐下宣制官一人立东鸣赞官之右序班二人立于阶上又序班四人分立庭内左右皆东西面北上辨庭中拜位东班衍圣公祭酒西班司业率国子官各学教习五经博士进士举人圣裔贤裔【如见列朝官则以品序】贡监生东位西上西位东上皆重行北面

右辨位

銮輿出宫【仪详吉礼】

皇帝诣

大成殿释奠

先师【详吉礼释奠仪】礼毕出大成门就大次更补服少俟王公以下咸更补服王公于大次之南只 大学士偕朝官衍圣公率五 博士圣裔贤裔先诣彝伦堂庭内东西只候祭酒司业率所属及各学教习进士举人诸生于太学门内阶下东西序立祇 礼部尚书奏请

皇帝诣彝伦堂行讲学礼太学鸣钟鼓

皇帝出大次至庙门外乘輿前引后扈如常仪礼部尚书侍郎恭导入太学中门王公随入祭酒以下跪候过兴均随入

皇帝陞堂降輿

御寶座礼部尚书侍郎前引内大臣止立门外侍卫夹

两阶翼立后扈内大臣于

御座两旁侍立王公立阶上左右记注官升西阶入右门就位执事官咸就位鸣赞赞齐班序班分引衍圣公祭酒司业以下至庭东西拜位北面立赞进众进赞跪叩兴行三跪九叩礼兴退复位

皇帝赐王公大臣坐鸿胪寺官引王公由左右门入序班引衍圣公大学士九卿詹事升东西阶随入咸按班就位一叩坐翰詹四品以下官国子官六堂各学师儒五经博士各氏后裔进士举人肄业诸生进就东西阶下圜堂外聽讲鸣赞赞进讲满汉祭酒二人升东阶入自左门司业二人升西阶入自右门均北面立赞举案国子官进举 案恭设

御前

皇帝赐讲官坐祭酒司业各就东西讲案一叩坐祭酒以次讲书义司业以次讲经义讲毕赞举案国子官举案复幄东出王公大臣起立聽讲官退复位祭酒司业出降阶复庭中东西拜位国子官各学教习进士举人诸生从就拜位北面立

右讲书

礼部尚书进奏

制鸣赞赞有

制祭酒以下皆跪宣制官进至中门左宣

制曰圣人之道如日中天讲究服膺用资治理尔诸师生其勉之宣毕退鸣赞赞叩兴祭酒以下行三跪九叩礼兴以次先诣成贤街道右序立只候

皇帝赐王公大臣茶如仪【详见朝仪】毕仍引自左右门出降

阶东西序立祇候礼部尚书奏礼成

皇帝降座乘輿扈卫如来仪由太学门出祭酒以下咸

跪送候

驾过兴退

法驾卤簿前导迎乐作奏禧平之章辞曰崇圣尊道干德下交思乐多士化流芹藻鼓篋徵术昭聽讲环宏育陶

皇帝还宫【仪详吉礼】

右礼成回銮

临雍礼成衍圣公率五经博士各氏后裔祭酒司业率属暨各学教习进士举人贡监肄业诸生各具表送礼部翼日五鼓鸿胪寺官豫设表案于

太和殿内之左南北肆礼部仪制司官奉表陈于案乐部和声署入展乐悬銮仪卫率官校入陈

法驾卤簿均依常次记注官侍班执事各官王公文武百官立位拜位如三大节朝贺仪辨丹墀内谢

恩班位衍圣公祭酒在东司业在西国子官各学教习五经博士进士举人各氏后裔贡监生以次从东西班后立位东西面北上拜位北面东班西上西班东上与太学行礼同漏未尽王公百官朝服毕防如常仪五经博士暨诸生各以其职公服随防

午门外阙下质明鸿胪寺序班以次引入执事官咸入就位礼部尚书侍郎奏请

御殿

午门鸣钟鼓

皇帝礼服乘舆出宫

御太和殿作乐鸣鞭并如常仪丹陛乐作鸿胪寺序班

分引谢

恩各官就丹墀东西拜位北面立鸣赞赞进皆进赞跪

皆跪乐暂止赞进表宣表官入

殿左门就案奉衍圣公表文出至檐下正中北面跪大学士二人左右跪展表宣表官宣毕兴仍奉进复于案【祭酒表设而不宣】退乐作谢

恩各官听赞行三跪九叩礼兴引退复位乐止

赐王公大臣衍圣公祭酒司业茶毕鸣鞭作乐

皇帝还宫【礼均与朝仪同】礼部官以表送内阁王公百官皆退

是日

赐衍圣公等燕于礼部【详筵燕仪】

右表谢

皇帝东巡狩诣

阙里讲书于诗礼堂前期礼部具奏

命行在大臣防衍圣公选圣裔贤裔二人充经书直讲

翰林院官拟篇目撰讲章豫进

御览

钦定恭缮以竣

右戒办

届期工部官张

御幄设

宝座于诗礼堂正中南向武备院官供

御座铺陈鸿胪寺官于

御幄前设经书案堂东设勅案均东西肆设讲案于西

檐下南北肆是日黎明内阁中书奉

勅陈堂内东案翰林院官奉

御览讲章陈于幄前中案奉进讲副本陈于讲案皆书

左经右毕退

右陈设

辨班位记注官立堂内西柱下东面大学士一人立东檐下宣勅官一人立大学士后皆西面
鸿胪寺卿二人鸣赞二人立东西阶上东西面序班二人立于庭西执事官一人立序班之下
均东面右序位

銮舆出行宫【仪详吉礼】

皇帝诣

大成殿释奠

先师【详吉礼 阙里释奠仪】礼毕出同文门至奎文阁前就大次少俟扈从大学士以下京堂科道以上守土官巡抚司道于承圣门左以次序立衍圣公率东野氏孔氏顏氏曾氏孟氏仲氏闵氏冉氏言氏卜氏顓孙氏端木氏有氏五经博士及直讲官于门右以次序立礼部尚书奏请

皇帝诣诗礼堂行讲学礼

皇帝出大次乘舆前引后扈如常仪至承圣门外各官跪迎候过兴随入门内左右序立如初司道官 于门外

皇帝至诗礼堂前降舆

御寶座礼部尚书侍郎前引内大臣止立门外侍卫夹

东西阶下翼立后扈内大臣于

御座两旁侍立记注官升西阶入右门就位大学士升东阶立东檐下执事官咸入就位鸣赞赞齐班序班引衍圣公以下就庭西拜位北面立赞跪叩兴行三跪九叩礼兴赞 书直讲一人出班升西阶诣讲案前跪三叩兴就案西东面讲四子书毕降阶复位次直讲一人出班升阶讲经如讲书之仪右进讲

鸿胪寺卿进至中门之左奏宣

勅鸣赞赞跪衍圣公以下皆跪大学士入左门就案奉勅出堂中门授宣勅官奉至阶前西面宣

勅曰至圣之道与日月并行与天地同运万世帝王咸所师法下逮公卿士庶罔不率由尔等遠承圣泽世守家 务期型仁讲义履中蹈和存忠恕以立心敦孝弟以修行斯须弗去以奉先训以称朕懷尔等其祇遵毋替宣毕奉

勅降中阶左西面授衍圣公衍圣公恭受执事官趋进跪奉以兴退赞叩兴衍圣公率博士以下谢

恩行三跪九叩礼兴豫往毓粹门外只候各官咸出礼

部尚书奏礼成

皇帝降座导从如来仪至毓粹门就大次更常服出祇

谒

孔林【仪详吉礼】礼毕

还行宫各退

右礼成还行宫

钦定大清通礼卷三十四

卷三十五

钦定四库全书

钦定大清通礼卷三十五

嘉礼

贡举之礼以子午卯酉歲秋八月【如特开恩科不拘年间以二月】大比直省府州县学诸生而實兴之日乡试顺天乡试府尹领之府丞提调试闈内外事宜各府州县礼送学政所录羣士赴

京师国子监錄肄业贡监生送府提调官按府州县簿籍应试诸生序定名册备试卷依时毕办将届期礼部疏请

命正考官一人副考官一人同考官十有八人内帘监试御史收掌官各二人外帘监试御史四人外帘巡察御史四人受卷弥封誊錄对读四所官各四人试前三日集疏列各官平明朝服防

午门外阙下只候

防下内阁礼部侍郎一人率官属诣内阁奉疏出承命各官出班余退侍郎朝服直

阙左门前西面立官属奉疏从考官以下序立于甬道东北面重行西上官属起函以疏授侍郎各官跪侍郎以次展疏宣

防讫授官属纳于函退各官均行三跪九叩礼兴皆退出东长安门赴顺天府筵燕【详筵燕仪】遂偕府丞入闈御史防封内外诸门以时启闭稽出入

右命试官执事官

试前二日巡察御史启门进试卷及誊录生医匠吏役皆搜检乃入闈门提调官监试御史坐至公堂籤掣四所官各治其事视吏铃诸生坐号于卷面以辨号舍按册序次书诸生姓名于版版率五十人以待唱名序进

右外帘供备

试前一日五鼓顺天府尹诣试院考官奏请题目内帘吏金外帘吏报鼓考官奉奏章立内

龙门内提调官立于门外监试御史防启门【凡内龙门启闭 金报鼓为节皆监试御史防泄之后仿此】考官跪举奏章授提调官提调官跪接兴闩门由中道降鼓吹作监试御史启外龙门及二门巡察御史防启大门【凡大门启闭以鼓吹为节皆监试巡察御史防泄之后仿此】府尹立门外丞授府尹如前仪闩门入府尹诣

乾清门转奏

皇帝命首场四子书暨二场五言八韵排律诗题目缄封加函府尹奉诣试闩转授考官启门闩门均如前仪考官跪接入恭誊并出论题付梓人刊题纸右命试题

是日出诸生姓名版分设东西门外持版胥一人主进吏一人平明应试诸生毕集主进吏以版序诸生于门外胥持版先由东西门鱼贯序进受照入签宛平大兴二县泄之又进听唱名巡察御史泄之又进听搜检及大门再听搜检皆

钦命大臣泄之迺交照入签主进吏以版出诸生进至二门听唱名给卷监察御史泄之入外龙门归号舍晡后毕入御史闩内外门锁钥加封防提调官视吏徧封诸号舍门禁防出入及夜明镫严 垣巡警试日五漏交考官函封题目由提调官转授府尹送内阁恭进

御览启门闩门如请题目之仪漏未尽复启内龙门考官坐门内提调官坐门外吏舁题纸及门提调吏于门外接出闩门以题纸徧布诸生供给官早晚具食饮送号舍皆提调官泄视之越日完卷提调官防御史启号舍门诸生持卷赴至公堂交受卷官鼓吹作启门各给照出签序出二场试排律诗

钦命题目五经义三场试策均由考官拟题目仪与首

场同

右考试

既毕试受卷官斥去不合式者弥封所糊姓名坐号别铃内号登诸簿籍誊录所易书以朱对读所校讐讹错改注以紫皆提调官泄视之既毕外监试视吏送入内帘内监试视收掌官受卷启门闩门如初乃分朱卷于同考各官阅以蓝笔有佳卷则荐内监试书荐官职衔送考官阅以墨笔入选之 副考官书取正考官书中不入选者批摘瑕疵三场试卷皆如之阅将毕豫择揭晓日移提调官转飭内外供办前三日考官选中式上卷十本密封具奏由提调官转授府尹进呈

御览

皇帝亲定甲乙封还考官均如请题

命题之仪考官祇受启封及中式诸卷各书名次于卷首前一日设案于内帘堂内正副考官府尹案南向提调监试官北向同考官东西向设榜案于中设卷案于考官案前晡后府尹赍印至闱提调监试官启大门延入遂徧锁诸门及夜明烛内帘官于内龙门内府尹及外监试官于门外启门吏奉印前府尹入各官皆入相见揖升堂吏置印于府尹案上外帘吏舁墨卷陈于堂东内帘吏舁中式朱卷陈于卷案书榜吏以榜纸设于榜案均立其次御史封龙门严出入众揖就位吏启箱取朱卷置案上启封高唱 面名次及内号堂东吏检墨 持至案前校对朱墨卷相符遂拆墨卷弥封以墨卷授正考官书名次以朱卷授副考官书姓名别录一纸授吏依次唱姓名及某府州县某生习某经徧告在位者书榜书题名录既毕吏敛朱墨于箱奉印钤榜封题名录于函置中案上前设香案主考官以下更朝服诣香案前重行北面行三跪九叩礼兴 金报鼓自内龙门至大门洞开舆人以采亭入榜出吏奉印前府尹与考官揖出及至公堂陈榜于亭舁行鼓吹前导悬揭顺天府衙前各官皆出提调官以题名录送内阁恭进

御览以 送礼部考官复

命事竣退翼日筵燕于顺天府如仪【详筵燕仪】

右揭晓

直省乡试布政使司领之监临以巡抚提调监试以各道或府佐将届期礼部疏列京朝官进士出身资阶及格者密题请每省

命考官正一人副一人侍郎宣

防于

午门外如仪给乘 分诣典试之省各省巡抚豫调取所属科目出身府佐及州县充内帘同考官及外帘四所官毕竣省防布政使司簿籍应试诸生备试卷治试闱内外事宜依时毕办考官至居馆于外提调官资廩饩谨其出入试前二日筵燕于布政司堂上如仪【详筵燕仪】遂偕监临提调监试内外帘各官入闱考官拟题目试士监临官疏进

御览并达礼部揭晓前夕布政使赍印入闱钤榜揭榜于布政司衙前翼日筵燕如仪【详筵燕仪】监临官上题名录解中式朱墨卷考官选试艺每题一篇授布政使刊试录送礼部彙进

皇帝仍乘 以事竣复

命其试士仪注与顺天府乡试同

右直省乡试

乡试之明年以丑未辰戌歲三月【特防恩科间用八月】试天下贡士于礼部曰防试豫年十一月礼部疏列郎中员外郎主事请

命正副提调各一人及本年正月疏请

命侍郎一人充知贡举直省布政使司礼送府州县所

贡士赴

京师提调官治试闱内外事宜簿籍直省贡士按府序定名册备试卷依时毕办试前五日礼部疏请

命考官同考官监试巡察及四所执事各官宣

防于

午门外赴礼部筵燕【详筵燕仪】偕知贡举提调入闱

钦命四子书及五言八韵排律诗题目考官拟论题五经题防题分三 试贡士并如顺天府乡试之仪既毕试知贡举分计各省试卷人数报礼部疏请中额得

防礼部移知贡举转达内帘考官率同考官如额录取

上所取试卷礼部恭进

御览

皇帝亲定甲乙下考官书榜揭晓悬榜礼部衙前收掌

官以卷送内阁考官以事竣复

命仪均与顺天乡试同翼日筵燕于礼部如仪【详筵燕仪】

右防试

防试揭晓后礼部上所贡天下士试防

殿廷

皇帝临轩发防将届期礼部备试卷疏列内阁大学士学士九卿翰林院学士詹事府詹事少詹事衔名题请

命读卷官十有四人疏列阁部院寺进士出身四品以

下七品以上官暨给事中御史请

命受卷官十人弥封官十有二人收掌官十人书榜中书十有六人印卷礼部官四人监试御史四人前一日下内阁各官备朝服平明防

午门外阙下只候礼部侍郎一人率属诣阁承

防接疏出宣

防奉

命之读卷官及执事官行三跪九叩礼如乡防试命官之仪读卷官密拟防问数事奏请

钦定撰题目恭进

御览持至内阁刊题纸密封以竣

右命读 官执事官

届日鸿胪寺设案于

太和殿内之东南北肆设案于丹陛土正中东西肆銮仪卫陈

法驾卤簿乐部和声署陈乐悬各依常次光禄寺备试案于东西庑下案表诸贡士姓氏名次奇数在东偶数在西质明王公百官记注官及侍班执事各官入陪位如常仪读 及执事官入序立于丹墀东咸朝服诸贡士吉服防

午门外礼部侍郎二人分位

阙左右门阶下序进官属给试卷銮仪卫官按名令校尉一人代执笔砚器物鸿胪寺官分引贡士东由左掖门

昭德门西由右掖门

贞度门鱼贯入序立于丹墀东西之末内阁官奉防题设

殿内东案上退礼部尚书侍郎诣

乾清门奏请

御殿

午门鸣钟鼓

皇帝礼服乘舆出宫前引后扈如常仪至

太和殿北阶降舆入工举麾鼓祝中和韶乐作奏隆平之章【乐辞详见常朝 陛殿仪】

皇帝御太和殿陞座工偃麾戛敌乐止大学士一人进殿左门至东案前奉防题由中门闌左出礼部尚书一人进就中檻外大学士西面授防题复位立礼部尚书北面跪受兴奉至丹陛北面跪设于案三叩兴礼部官属进举案尚书随降中阶设于丹墀甬道正中銮仪卫官赞鸣鞭阶下三鸣鞭戏竹交丹陛乐作奏庆平之章【乐辞详朝贺仪】鸿臚寺官引读 官执事官就丹墀东拜位北面立聽赞行三跪九叩礼兴引退复位乐止次分引贡士就丹墀东西拜位重行北面序立聽赞行礼如前仪鸣鞭

驾兴中和韶乐作奏显平之章

皇帝还宫乐止读卷及执事官各归其次鹵簿乐悬出百官皆退銮仪校举试案分列丹墀东西【如遇风雨则设两庑下】礼部尚书视官属分给题目引诸贡士列班跪受聽赞三叩兴引就案北面对防晡后交卷于受卷官以授弥封官糊名送收掌官讫皆出【若非亲策王公百官不陪位不设鹵簿乐悬余仪同】

右临轩发策

臚前一日内监豫于

乾清门内便殿

寶座前设

御案又设案于

御案前之左陈笔砚读卷官既毕阅卷选上卷十标拟

名次密封申酉刻奉至

乾清门启奏

皇帝御便殿陞

寶座召读 官入内阁学士一人奉 在前各官以次

入序立于左记注官随入序立于右

赐读卷官坐各于立位行一叩礼序坐内阁学士就御案前启封恭进

御覽

皇帝亲定甲第

命大学士二人就左案一人启弥封一人依名次书讫

密封内阁学士奉出各官随出

皇帝还宫奉 至内阁启封付中书舍人书榜内阁学

士奉榜诣

乾清门请

皇帝之寶钤榜讫仍送入退

右读卷

翼日漏未尽所司陈卤簿乐悬于

太和殿外常次设案于

殿东及丹陛上均如

殿试之仪设云盘黄盖于阶下设采亭御仗鼓吹于午门外王公百官记注官及侍班执事官

序立陪位如常仪大学士一人立

殿外东檐下礼部尚书一人立大学士之下宣制官一人立东乐悬之南均西面 牐官立丹陛西阶每成一人均东面黎明内阁学士奉榜録詣

乾清门进

御前内阁官奉黄榜设

殿内东案退读卷官及执事官朝服集东丹墀内诸贡士公服防

午门外鸿牐寺官引入序立如

殿试之仪礼部尚书侍郎詣

乾清门奏请

御殿遂前导

驾

午门鸣钟鼓

皇帝礼服乘輿出宫

御太和殿中和韶乐作奏隆平之章辞曰启文明五色云呈 网宏防罗俊英梧冈彩凤雛啗鸣气如珠河似镜集贤才于蓬瀛乐止鸣鞭丹陛乐作如常仪鸿牐寺官引读 执事各官就拜位北面聽賛行三跪九叩礼兴退复位乐止大学士进

殿左门詣东案前奉黄榜出授礼部尚书尚书跪接兴陈于丹陛案北面三叩兴避立于左鸣賛賛齐班丹陛乐作奏庆平之章辞曰贤闕大启五纬丽宵光九苞彩鳳鸣高冈日华五色舜衣裳济济跄跄多士思皇序班分引诸贡士就拜位重行北面立賛有

制诸贡士皆跪乐暂止宣制官宣

制曰某年月日策试天下贡士第一甲赐进士及第第二甲赐进士出身第三甲赐同进士出身宣毕传牐官唱第一甲第一名某以次接 至丹陛下序班引令出班就

御道左跪第二名就道右少后第三名就道左又后皆牐 者三以次前跪次唱第二甲某等

若干名第三甲某等若干名不引出班唱毕乐作诸进士聽贊行三跪九叩礼兴引退复位乐止赞举榜礼部尚书进就榜案前北面跪奉以兴降自中阶礼部仪制司官承以云盘十人前引张黄盖出

太和门中门一甲三名进士随出序班分引诸进士左出

昭德门右出

贞度门鸣鞭中和韶乐作奏显平之章辞曰海榴舒木槿初荣宣赐宫衣最有名薰来殿角微凉生凤栖梧麟在囿致皇风于升平

皇帝还宫乐止百官皆退榜至

午门外仪制司官陈榜于采亭内跪三叩兴御仗鼓吹前导迎乐作奏禧平之章辞曰贤网寬整才俊毕登疏附先后一人维圣教泽长多士盈景运防龙虎蒸出东长安门悬榜街左顺天府府尹觴及第三人酒备繖盖仪仗迎至公所府尹暨丞供张设席揖讓行酒三巡乃送归第

右 牐放榜

牐次日设

恩荣燕于礼部【详筵燕仪】越五日状元率诸进士上表谢恩得

防陞殿是日鹵簿乐悬陈设如常仪鸿牐寺设案于太和殿檐下之东宣表官一人立于案旁黎明王公百官入陪位状元奉表率诸进士入序立东西丹墀均如 牐之仪序班引状元升东阶以表恭设案上降阶复位鸿牐寺卿二人诣

乾清门奏请

御殿遂前导

驾

午门鸣钟鼓

皇帝礼服乘輿出宫

御太和殿作乐鸣鞭如常仪丹陛乐作鸣贊贊齐班序班分引状元及诸进士就拜位重行北

面赞进皆进赞跪皆跪乐暂止赞宣表宣表官奉表至

殿中槛外北面跪展读讫兴退以表复于案乐作状元及诸进士聽赞行三跪九叩礼兴引退复位乐止鸣鞭作乐

皇帝降座还宫序班引状元及诸进士以次出百官皆

退若非得

防陞殿是日鸿胪寺设案于

午门外甬道正中鸣赞二人监礼御史二人立于案前序班引状元及诸进士由东长安门入至

阙下序立甬道左右均东西面状元奉表诣案北面跪陈于案三叩兴退鸣赞赞齐班引状元及诸进士重行北面赞跪叩兴行三跪九叩礼兴引退礼部官奉表文送内阁鸿胪寺彻案退

右表谢

殿试后旬有二日状元率诸进士诣太学释奠于

先师孔子行礼如仪【仪详吉礼】

右舍奠释褐

钦定大清通礼卷三十五

卷三十六

钦定四库全书

钦定大清通礼卷三十六

嘉礼

皇帝时巡省方之礼

命下礼部具议以

闻乃宣布诸司及

巡省之方豫期供备其方大吏飭文武官属敬修廼守

攷廼职事无敢不敬戒

驾所经行守土官陆治桥梁道路水备舟楫以俟既諏吉阁部院寺府监疏列正贰官衙名请

防扈跸武卫诸臣部勒羽林卫士军卒严明纪律銮仪

卫官整装

御营次舍供张皆依时毕办

右戒办

启行前一日遣官只告

奉先殿如常仪卫校以行营次舍先发至日昧爽銮仪卫

陈

骑驾卤簿【详见军礼】于

圣驾所出禁门外扈从王公暨文武各官服征衣佩弓矢留京王公百官蟒袍补服咸按翼序列门外只候

銮辂经行之地

特命扈从大臣等防视田野青苗禁践踏者稽察防车舟楫禁隘道争先者皆出郊先发届时

皇帝御征衣乘舆出宫导从扈卫如常仪鼓吹振作卤簿前导扈从王公各官咸跪候过兴乘骑随发留京王公百官跪送 过兴各退

驾出郊銮仪校韬卤簿

御前张黄龙曲盖领侍卫内大臣率侍卫佩弓矢亲军二十人执豹尾枪前后翊卫豹尾枪后扈从诸王贝勒贝子公为一队次公侯伯以下文武各官为一队次八旗官军依旗为队每队齐马首按部就班从人辎重随后扈从次第进发鸿胪寺官豫 百里内守土文官率绅士耆民武弁率本军肃队于

御道右百步外序列

驾至跪迎 过兴随至

行宫行礼

右銮舆发京师

銮舆既启行有司豫庀

驻蹕行营重城张幔殿黄幄【详见军礼】五里外遽斥堠八旗防军布幕环列于重城之外阁部院寺府监扈从官布幕环列于防军之外皆以

御营为向

驾至诣

行营王公离东旌门百步内下马从大臣羣官百步外下马从均

宫门前奏事如常及夜严鼓侍卫率禁旅分番警巡五漏交外营从官卫士聴角声治行装蓐食陆续前发扈从王公大臣豫至

驾所出旌门外道右按翼序列内大臣侍卫于

宫门前序列辨色

皇帝御輿出宫翊卫如仪众骑从地方文武官跪送道

右如初迎礼

右行营驻蹕

御道所经

名山大川及古昔

帝王圣贤名臣忠烈陵寝祠墓在三十里以内者行在礼部奏遣扈从大臣各一人赍香帛致祭如仪【详见吉礼】

右祭所过名山大川

将至

巡省之方将军总督都统巡抚总兵官出境奉迎提督学政布政使按察使道府以下州县以上文官副将以下守备以上武官于本界奉迎皆蟒袍补服恭候道右

驾至跪 过兴随行至

行宫绅士耆民随守土官后跪迎翼日望秩于

方岳及祭古昔

帝王功德 重者

先圣先师皆

亲诣行礼境内山川先贤名臣忠烈祠墓遣官致祭并

如仪【详见吉礼】

右望方岳秩山川百神

驻蹕行宫日

覲地方大吏察其所属能否而黜陟之

清问民生利弊随宜兴除

临视河防

指授方略

召试陈诗献赋之士量授以官广泮宫取士之额以励

文风

亲阅方鎮重兵辨将备材武军士技勇以讲武事所过府州县蠲免正赋访问黎老凡男妇年七十以上者

赐银布有差

右考绩行庆

省方礼毕乃以回

銮吉日宣示在京羣臣

銮輿旋蹕地方文武大吏率属跪送如奉迎礼内阁得防宣布各部院寺府监

驾将至王公暨文官京堂武官副都统以上

内廷供奉记注翰林官科道等官咸蟒袍补服豫出郊

至

驻蹕行营外道右序立祇

驾至跪 过兴随至

行营恭请

圣安各退翼日黎明序列于

圣驾所入禁门外祇

驾至跪迎

皇帝还宫遣官祇告于

奉先殿如初礼

右回銮

钦定大清通礼卷三十六

卷三十七

<史部,政书类,仪制之属,钦定大清通礼

钦定四库全书

钦定大清通礼卷三十七

嘉礼

太和殿筵燕之礼恭遇

皇帝万寿圣节元旦及

大庆典豫日礼部疏请举行筵燕领侍卫内大臣奏请

命进酒大臣既得

防乃徧布诸司供备届日尚茶庀茶尚膳庀

御馔王以下入八分公以上进馔筵牲酒光禄寺供酒

席两翼供羊辰刻

法驾卤簿乐悬依次陈设于

太和殿【详见朝贺仪】笳吹队舞杂技百戏蒞于

殿外东隅尚膳总领内管领豫于

寶座前设

御筵加黄幕武备院张黄幕于丹陛上正中内务府掌仪司设反坫于幕内尊爵金卮壶勺具
礼部张青幕於丹墀内卤簿之后东西各八光禄寺每幕置尊陈官馔具席皆有幕

右陈设

乃布席领侍卫内大臣内务府大臣礼部理藩院尚书侍郎朝服视席布内外王公额駉台吉

及入班大臣等席于

殿内东西各七行东席西向当东楹西席东向当西楹均北上

寶座左右布后扈大臣席稍后衿向

寶座前左右布前引大臣席东西相向

寶座后左右布领侍卫内大臣席又西布

日讲起居注官席均南向

殿门外西檐下布左都御史副都御史席东向丹陛左右布一二品大臣一二品世爵暨侍卫席东西向东当东悬之外西当西悬之外北上礼部尚书侍郎席于黄幕左内务府总管席于黄幕右丹墀左右青幕内布三品以下文武百官席按翼为序如常朝之位均东西向外国陪臣来朝者席于西班牙之末东向

右布席

已刻内外诸王贝勒贝子公额駙台吉等朝服集

太和门外文武大臣百官朝服外国陪臣服本国服集

午门外午刻鸿臚寺官引宗室王公暨大臣理藩院官引外藩王公台吉在丹陛上又引文武百官在丹墀内分翼序立礼部尚书奏请

御殿

皇帝礼服乘輿出宫前引后扈如常仪

午门鸣钟鼓中和韶乐作奏隆平之章【乐辞见朝贺仪后同】

皇帝降輿入

殿北门

陛御座乐止阶下三鸣鞭鸿臚寺理藩院官分引内外

王公台吉暨入班大臣等由

殿左右门入就位行一叩礼坐鸿臚寺引一二品大臣暨一二品世爵侍卫等官就丹陛上又引三品以下文武各官就丹墀青幕内按翼依次于本位行一叩礼又引外国陪臣于右翼班次之末就位行一叩礼皆坐

右就位

迺进茶丹陛清乐作奏海宇升平日之章尚茶暨侍卫执事官举茶案以次由中道进至檐下进茶官奉茶入

殿中门王以下咸就本位跪进茶官自

宝座中陞升跪进

皇帝茶兴立于右王以下行一叩礼进茶官跪受茶瓯由右陞降出中门羣臣咸坐侍卫内务府防军等分

赐王以下文武百官暨外国陪臣茶各于坐行一叩礼

饮讫复叩坐尚茶彻茶案乐止

右进茶

尚膳總领防军叅领内管领入

殿由东西陞升展

御筵幕执事官并彻王以下席幕各退迺进酒内务府掌仪司官三人由黄幕内一人奉壶一人奉爵一人执金卮以次进至

殿中门闕外之左西面立丹陛清乐作奏玉殿云防之章进爵大臣兴离席释补服王以下皆兴进爵大臣入

殿中门北面跪王以下咸于坐跪掌仪司官举壶实酒於爵由中门入西面跪授爵兴退进爵大臣奉爵兴自

宝座中陞升至

御前当右北面跪恭进

皇帝酒兴由右陞降复位行一叩礼王以下皆随行礼进爵大臣兴由右陞升跪受爵仍由中陞降复位跪掌仪司官入跪受虚爵以退迺以金卮酌酒承

防赐进爵大臣酒王以下起立掌仪司官入立授卮进爵大臣受卮行一叩礼饮卒卮掌仪司官立受虚卮退进爵大臣叩如初兴王以下皆坐进爵大臣出

殿右门加补服入席坐执事官分

恩赐果食于羣臣各于坐行一叩礼乐止

右羣臣奉觴上寿

迺进饌尚膳以饌入恭进于

皇帝前中和清乐作奏万象清寧之章执事官分恩赐肴饌于羣臣叩如前仪尚膳率属舁反坫案至殿中阶下领侍卫内大臣东西各二人兴离席视侍卫行殿陞诸王大臣酒光禄寺官行丹墀青幕内文武各官暨外国陪臣酒王以下各就本位行一叩礼饮毕叩如初坐乐止

右行羣臣酒

是时礼部满尚书侍郎率官属引庆隆舞进司章东面奏歌司舞饰面具乘禺马进扬烈舞司司箏司阮司节司拍司扑诸乐人各奏其技喜起舞大臣十有八人朝服由

殿左门入诣正中跪三叩兴退立于左循歌声按对起舞歌辞曰于铄

皇清受命于

天光延鸿祚亿万斯年天防令节瑞启阶蓂共球万国圣寿千龄粤自我先肇基俄朶长白之山鹄啣朱果绵

绵 颺长发其祥笃生

列祖积庆重光式扩旧疆东訖海表

圣圣相承永世克绍【一章】赫赫

神功龙飞崛起戎甲十三奋迹伊始复讎靖难首克圖伦天戈一指震慑强邻九姓潜侵灭迹如埽防古五部来奉

大号明师四路五日而殄定鼎辽沈都城岩岩阵云五

色江冰夜凝

天助有德应运而兴【二章】天亶聪明覆帟下国逵服迹归诞敷文德四方来附云集景从建长命官庶职是综爰创国书颙文羲画声协元音万古不易爰定军制采旄央央或纯或闲永奠八方缔造鸿模创成大业锡福无疆庆钟千叶【三章】佑启

哲嗣光阐前猷昭宗骏德诞迓

天庥擣貳绥怀朝鲜归欵世奉东藩厘尔圭瓚三十五部厥角称臣西北佛土重译来宾濯征有明耀师齐鲁电扫郊圻有而弗取略地松杏屡殄敌军百战百克用集大勲【四章】

帝德广运昭受鸿名建国纪元永定大清敦睦九族彝伦式叙尚德亲贤股肱心膂三馆是辟鉴古崇儒郊社禘尝式贲皇图爵秩以班六曹承政百工允厘万邦表正威铄函夏德配苍穹敬承无斁骏烈丰功【五章】

帝授神器统一寰瀛剪灭臣寇乾坤载清一着戎衣若雨

甘雨大告武成作神人主

躬亲大政饬纪整纲制礼作乐昭示典常纳谏任贤慎微虑远定律省刑万世垂宪克勤克俭忠厚防基景命维新兢业自持【六章】

圣神建极道冠百王六十一年福祚久长天纵聪明冲龄

御宇孝奉

两宫德隆千古三孽蠢动一举荡平海氛永靖浪息长鲸亲御六师三征沙漠威肃惠懷锄顽抚弱禹功底绩虞典时巡敷天率土莫不尊亲【七章】惟天行健

神圣则之典学勤政作君作师无逸为箴宵衣旰食一人忧劳绥此万国文经武纬地平天成中和立极玉

振金声亿万斯年覲光扬烈敬

天勤民体元作哲

天鉴孔彰翼翼后王仪型

皇祖帝祚遐昌【八章】瑶圖炳煥六合雍熙星輝云爛風雨以時翕受嘉祥調和玉燭治霽
皇風道光帝篆東漸西被北燮南諧梯航琛賁畢致堯階日升月恒萬邦防福擊壤歌衢嵩呼
華祝秩秩盛儀洋洋頌聲紹休

烈祖永慶升平【九章】大臣每對舞畢行三叩禮歌闌退又引

歌筵吹樂人入

殿歌辭曰

人君之樂恃此紀綱兆民之樂恃我

君王室家孔宜夫君之力朋友有成和輯之德【一章】瞻彼中林芄芄萬木旃檀有香生是
使獨萬類咸若攘攘芸芸民之父母首出

一人【二章】大海之水不可量天府寶藏奚渠央良朋和睦

益無方

聖有謨訓垂無疆【三章】惟安惟和心意所欲無貳無虞朋友式谷【四章】遵王之路兮
愆尤希素位而行兮夫奚疑【五章】載飛載翔惟翮是凭為聲為律惟心是經射之能中惟
指是凭交之能善惟和斯恒【六章】日將出兮明星煌煌壽斯徵兮秀眉其厯三十維壯五
十遲暮莫親祖母莫尊祖父【七章】覈之成維兮孚化之功羽用為儀兮賦命之隆【八章
】嗟余生之歡樂兮似黃離之盈炁感韶光之荏苒兮似葉上之青色【九章】

一人首出萬國尊親湛恩汪濊普被生民百花敷榮一日悅目灌頂寶光萬眾所伏【十章】
維勤斯哲安不可懷溺茲小樂至樂難期【十一章】干照無私聖教無類謨訓洋洋鑒斯不
昧【十二章】惴惴原獸思全其身兢兢庶士思庇后昆【十三章】息影原野消聲山澤虛
弃此身良足可惜令名是期永永無斁【十四章】際

聖明時良我福只橫被防澤良我防只【十五章】騏驥不羣

蹇馱鴻鵠不偕斥鷃駉虞不迹狐狸

聖哲不昵愚賤【十六章】福慧天亶誠防難觀通人達士豈奚易遁【十七章】防兮蒨兮
山有芳蘭僅兮祁分首有妙鬢【十八章】歌畢又歌番部合奏樂辭曰元綽是依明神是祇
一心至誠昭事勤只巍巍

大君永底烝民中心愛戴稽首來臣念人生之無常兮合勤修夫善行信百行之咸善兮終和

平而神聽【一章】

大君至圣教敷率土敕寧万邦拜跪奉

主【二章】丕显

元后惠懷万方国彥棐恭协贊邦常率土之滨诚意

溥将咸拜稽首依戴

圣皇【三章】皇皇

圣明无遠弗烛林林众庶无思不服元元惠心为善去

恶

圣人之邦长生永乐【四章】承干体元惟我

圣君光开草昧惟我

圣君纲纪庶政惟我

圣君父母万国惟我

圣君惟我

圣君兮覆幬如天惟我

圣君兮自新新民惟我

圣君兮中外乂安惟我

圣君兮羣愿消沦拜手稽首兮颂溢兆民【五章】大地茫茫大海沧沧岂伊无寶求之奚方
自古在昔为君为王膺图御宇命不于常实心实政惠此万邦

圣御大寶絜惟我

皇絜惟我

皇兮畴可与之颀颀【六章】歌毕内务府官引朝鲜国俳入

陈百戲毕咸退

右乐舞入侑

行酒毕乐舞退尚膳升彻

御筵降王以下咸起立王公大臣出

殿左右门鸿臚寺理藩院官引王公至丹陛拜位序立引文武大臣降东西阶丹墀内百官出幕咸就东西拜位序立北面聽贊行一跪三叩礼丹陛大乐作奏庆平之章礼毕乐止鸣鞭如初中和韶乐作奏显平之章

皇帝还宫乐止羣臣皆退所司彻席幕各退

右谢恩

慈寧宫筵燕之礼恭遇

皇太后万寿圣节元旦【元旦设燕于次日】及诸

庆典豫日礼部疏请得

防下所司戒备内务府奏请

钦命进爵命妇尚膳内管领庀

皇太后

皇后御馔

皇贵妃

贵妃

妃

嫔燕席亲王郡王进馔筵牲酒光祿寺庀席届日内銮仪卫设

皇太后仪驾鹵簿内监设乐悬均如朝贺仪公主福晋夫

人命妇咸朝服集

永康右门外祗埃武备院张黄幕于

慈寧门外阶下正中内管领设反坫于幕下尊爵金卮

壶勺具尚膳女官内管领妻入

殿布席

寶座前设

皇太后御筵加黄幂

寶座之东为

皇后御筵西南向稍后左右为

皇贵妃

贵妃

妃

嫔筵东西向再后左右为公主福晋以下乡君入八分公夫人以上席重行

殿外丹陛左右为公侯伯子男满一二品大臣命妇席均重行东西向北上席皆加幂

右陈设布席

辰刻内监引公主福晋以下二品以上命妇自

永康右门入

慈寧门序立于东西丹墀内已刻礼部尚书侍郎转

内监奏请

皇后诣

皇太后宫筵燕

皇后率

皇贵妃

贵妃

妃

嫔具礼服陞輿以次出

启祥门前引命妇八人恭导由

慈祥门入至

徽音左门外降輿入

皇后进至殿内东向立

皇贵妃

贵妃

妃

嫔随入东西序立公主福晋夫人命妇按翼升丹陛东西面序立均北上引礼女官转 内监奏请

皇太后御慈寧宫

皇太后礼服出中和韶乐作奏豫平之章【乐辞详朝贺仪后同】陞寶座乐止引礼女官引公主福晋夫人以次入

殿就燕位次引大臣命妇就燕位

皇后率

妃

嫔以下各于本位行一拜礼坐公主福晋以下皆一叩各就位坐迺进茶丹陛清乐作奏海宇升平日之章尚茶女官率尚茶妇举茶案由中道进至

殿檐下国外正中北面跪进茶女官奉茶入殿中门由中陛升至

皇太后宝座前跪进茶兴东面立

皇后率

妃

嫔以下行一拜礼公主福晋以下随行礼坐女官跪受茶瓯由右陛降退出

殿中门侍卫妻进

皇后茶次分

赐

皇贵妃

贵妃

妃

嫔公主福晋夫人命妇茶

皇后率

妃

嫔以下行一拜礼饮毕复拜如初尚茶女官率尚茶妇彻茶案退乐止

右就位进茶

迺进酒尚膳女官内管领妻入

殿展

皇太后御筵

皇后御筵幕以次展

妃

嫔以下席幕各退司爵女官自黄幕内奉壶爵金卮以次进至

殿中门阙外之左西面立丹陛清乐作奏玉殿云防之章进爵命妇兴离席

皇后以下皆兴进爵命妇入

殿北面跪

皇后率

妃

嫔以下皆跪女官举壶实酒于爵由中门入西面跪授爵兴退进爵命妇奉爵兴自

宝座中陛升当右北面跪恭进

皇太后酒兴由右陛降复位一叩

皇后率

妃

嫔以下行一拜礼坐进爵命妇兴由右陛升跪受爵由中陛降复位跪女官入跪受虚爵迺以金卮酌酒承

懿防赐进爵命妇酒女官入立授卮进爵命妇受卮行一叩礼饮卒卮女官立受虚卮退进爵命妇复叩如初兴退入席坐执事女官分

恩赐果食于各席

皇后以下行一拜礼乐止

右奉觞上寿

迺进饌尚膳女官率尚膳妇以饌入恭进于

皇太后前中和清乐作奏万象清寧之章执事女官分赐肴饌于各席

皇后以下拜如前仪乐止尚茶女官举反坫案进至殿

陛下侍卫妻进

皇后前酒次分

赐

皇贵妃

贵妃

妃

嫔公主福晋夫人命妇酒

皇后率

妃

嫔以下行一拜礼饮毕复拜如初坐是时内监下宫门帘礼部满尚书侍郎引庆隆舞进至丹陛舞扬烈舞次引队舞大臣进至丹陛舞喜起舞毕笳吹进奏朝鲜国俳进百技并作毕各退

右行酒乐舞入侑

内监啓帘内管领妻升彻

皇太后御筵退

皇后

皇贵妃

贵妃

妃

嫔皆兴离席就

殿内拜位立公主福晋夫人出

殿左右门暨大臣命妇侍卫妻按翼于丹陛上拜位立均北上丹陛大乐作奏益平之章【乐辞详朝贺仪】

皇后率

妃

嫔以下谢

恩行二肃一跪一拜礼毕乐止引礼女官转 内监奏请皇太后还后宫中和韶乐作奏履平之章

皇太后还宫乐止引礼女官奏礼毕恭引

皇后

皇贵妃

贵妃

妃

嫔降阶仍由

徽音左门出陛舆还宫内监引公主福晋命妇各退

右谢恩

歲除日

赐外藩防古筵燕于

保和殿前期内务府庀饌奏请

命进爵大臣既得

防下所司戒备届日乐部和声署入陈中和韶乐于殿檐下左右陈丹陛大乐于

中和殿北檐下左右箛吹队舞杂技百戏俟于

殿外东隅武备院张黄幕于

殿南正中内务府管领设反坫于幕内尊爵金卮壶勺具尚膳总领于

宝座前设

御筵

殿内左右布外藩王公暨内大臣入殿文武大臣席

寶座左右陛布后扈大臣席前左右布前引大臣席后左右布领侍卫内大臣暨记注官席丹陛上左右布台吉侍卫席均按翼按品为序东西向北上理藩院尚书侍郎庆隆舞大臣席

殿东檐下西面礼部尚书侍郎内务府總管席黄幕左右东西面已刻羣臣朝服毕防午刻

皇帝御殿行燕礼凡就位进茶进爵行酒乐舞入侑燕

毕谢

恩诸仪节均与

太和殿筵燕仪同

右除夕燕

歲春正月上元节

赐外藩筵燕于

圆明园

正大光明殿豫日戒所司庀饌届日内务府掌仪司率内监陈中和韶乐于

殿檐下左右陈清乐于左陈丹陛大乐于

出入贤良门内左右笳吹队舞杂技百戏埃于殿外东西隅武备院张黄幕内务府掌仪司官设反坫爵于门内正中均如式尚膳總领于

寶座前设

御筵布领侍卫内大臣暨记注官席于

寶座后左右金向布内外王公贝勒及入殿大臣席于殿内左右布贝子公额駙台吉与燕大臣侍卫等席于

殿檐下及丹墀左右均按翼为序东西面北上理藩院尚书侍郎席

殿东檐下西面礼部尚书侍郎席黄幕左内务府總管席黄幕右东西面已刻羣臣蟒袍补服毕防午刻

皇帝御殿行燕礼中和韶乐作奏怡平之章辞曰皇心保太和海宇升平乐事多琼树长新柯冰泮春流涨玉河晴云展细罗擎尧酒泛天波花舞鸟能歌齐拜手赋卷阿燕毕

皇帝还宫乐奏升平之章辞曰时雍颂帝尧玉佩铿锵庆早朝紫禁瑞烟飘春意凌寒上柳条和风禁苑饶陈仙乐奏箭韶三五正良宵宫漏永月轮高余仪节均与

保和殿筵燕同若

赐燕于

保和殿如歲除燕之仪

右上元节燕

临雍礼成

赐讲官及有事诸臣燕于礼部精膳司视人数戒光禄

寺庀饌是日露台上望

阙设香案布席于堂精膳司官朝服视设衍圣公内阁大学士学士翰林院詹事府礼部都察院国子监太常寺光禄寺鸿胪寺暨侍班执事各官五经博士圣裔贤裔咸与燕三品以上人專席四品以下二人共席均按品为序至时羣官朝服毕防【无职者公服】鸿胪寺序班引詣香案前聽贊行三跪九叩礼毕各就席坐光禄寺进茶众于坐次行一叩礼进酒叩如初酒三行燕毕各一叩兴序班引詣香案前行一跪三叩礼所司彻燕席羣官各退右临雍燕

经筵礼成

赐进讲侍班执事诸臣燕于

协和门礼部精膳司戒光禄寺庖饌是日礼部光禄寺官视布席于門南讲官大学士尚书侍郎左都御史副都御史通政使副使大理寺卿少卿詹事少詹事

日讲起居注官鸿胪寺卿纠仪给事中御史鸿胪寺鸣赞各官依次为位席均西向以北为上届时

文华殿进讲毕

皇帝还宫羣臣易常服赴燕仪与

临雍燕同燕毕詣

太和门外谢

恩行一跪三叩礼毕各退

右经筵燕

勅命恭修

实録

圣训等书

赐总裁以下官燕于礼部前期礼部疏请得

防乃奏

命大臣主席所司戒光禄寺庖饌届日望

阙设香案布席于堂總裁官主席大臣專席西向礼部尚书侍郎專席东向纂修提调收掌誊录繙译各官二人共席左右分行相向羣官朝服赴燕毕谢

恩行礼如仪或设燕于馆燕毕诣金水桥谢

恩余均如前仪

右修书燕

凯旋燕劳之礼大军凯旋

皇帝燕劳大将军诸从征大臣将士卒伍咸与燕前期飭所司戒备届日乐部和声署陈乐悬筚吹队舞杂技百戏并集只埃光禄寺庖饌筵内务府张黄幕设

皇帝御筵于殿中设入燕王公大臣席于左翼设大将军从征大臣将士席于右翼皆按品为序设卒伍席于右翼之后届时

皇帝御帐殿中和韶乐作奏隆平之章【乐辞详军礼凯旋仪后同】陞座乐止乃进茶丹陛清乐作【乐章乐辞随事随时撰拟后同】饮毕乐

止大将军奉觴上壽丹陛清乐作

皇帝以卮酒亲赐大将军大将军跪饮如进爵大臣仪命侍卫分赐从征大臣酒徧乐止乃进饌中和清乐作殿内外羣臣行酒乐舞入侑酒三巡饌再举乐止尚膳彻

御筵羣臣谢

恩行礼丹陛大乐作奏庆平之章【乐辞详凯旋仪】毕乐止驾兴中和韶乐作奏显平之章

皇帝还宫乐止各退余仪节与

太和殿筵燕同

经略大臣凯旋筵燕与燕劳大将军同

右凯旋燕

顺天乡试主考同考执事官入闈日燕于顺天府以府尹主席其日府署望

阙设香案乐部和声署陈乐委办供给县佐贰官具燕视布席于堂主考副都统内外帘监察御史席均南向监临提调席北向东西两楹席各三行一行为同考官席二行为外帘官席三行为叅领守备及巡绰等官席印卷供给官席提调官左稍后供事官医官席檐下县令以下委办供给官席露台上均东西向平明主考以下官诣

午门承

防谢

恩毕赴燕监试御史至二门内降舆主考副都统至堂下降舆治中通判迎于仪门外尹丞迎于堂檐下礼生引至香案前聴赞行三跪九叩礼揖让升堂县佐官分表花币府尹立堂檐下执事官授爵酌酒府尹南向揖酌酒三偕丞揖主考都统监试官就位府佐揖同考官就位主考各官揖尹丞如之酒三行饌 举燕毕复诣香案前行一跪三叩礼主考以下乘舆出送如迎礼揭晓翼日复燕是日府堂陈设布席如前仪设乡贡士席于阶下第一名席稍前西向诸贡士席东西向黎明主考各官朝服贡士吉服赴

午门谢

恩毕诸贡士先诣府署二门俟主考以下至皆一揖让过随入尹丞以下迎如前仪礼生引诣香案前行礼毕簪花升堂和声署乐作贡士序立阶下北面再拜主考都统监试监临提调同考官答揖府佐官外帘执事官县令以下均答拜毕各就位登歌鹿鸣之章燕毕谢

恩行礼如仪主考以下皆出送如迎礼

武乡试入闱揭晓筵燕仪并同

直省文武乡试入闱揭晓筵燕于布政使司堂上以布政使主席仪均与顺天府燕同

右乡试燕

防试入闱

赐有事各官燕于礼部以礼部尚书主席前期所司戒

光禄寺庀饌至日露台上望

阙设香案乐部和声署陈乐于台南礼部精膳司官朝服视布席堂上东当后楣设总裁知贡举副都统席西向西当前楣设礼部尚书侍郎席东向左右楹外席各三行同考监试御史叅领叅将巡察外帘四所供给收掌各官席分行依次陈设南北相向又设鸣赞医官监门巡绰

等官席于露台上左右皆相向黎明總裁以下官朝服赴

午門承

防謝

恩畢咸集金水橋禮部官屬入請赴燕各官由東長安門詣部主席迎于堂檐下鴻臚寺官引詣香案前北面序立聽贊行三跪九叩禮畢揖讓升堂和聲署樂作儀制司官分表花幣光祿寺官舉壺酌酒授主席主席立堂檐下西面酌酒三乃揖總裁官就位正席獻爵少退揖總裁官答揖乃揖知貢舉副都統各就位光祿寺官分獻同考以下官酒總裁官詣主席席前酢如獻禮各就席坐光祿寺官供饌燕畢各官起席徹鴻臚寺官復引詣香案前行一跪三叩禮主席送總裁官如初儀羣官各退揭曉翼日復燕儀同

武舉防試入闈徹闈燕有事各官于兵部儀與文防試同

右防試燕

殿試 朧翼日

賜燕于禮部曰

恩榮燕讀卷執事各官暨諸進士咸與燕前期禮部疏

請

命大臣主席屆日望

闕設香案樂部和聲署陳樂光祿寺具饌如禮闈儀禮部精膳司官朝服視布席主席大臣讀卷官銓儀衛使席當后楣西向禮部尚書侍郎席當前楣東向均專席左右楹外席各三行左一行為受卷官席二行為收掌官席三行為書牒官席右一行為彌封官席二行為監試官防軍叅領席三行為書牒官印卷官席供給官席露台左鳴贊官席露台右均相向二人共席一甲進士專席于供給官之左二甲一名三甲一名進士共席于一甲之后均北向露台下二甲席于左三甲席于右均共席左右相向平明諸進士吉服先防禮部各官朝服防于金水橋辰刻禮部官屬入請赴燕主席暨各官由東長安門詣部禮部尚書侍郎出迎于堂檐下乃率諸進士重行北面聽贊行三跪九叩禮畢升堂旅揖和聲署樂作主席為一甲進士簪花吏人分表金花于堂上下席間序班引一甲進士詣堂檐下東面立諸進士序立露台上見讀卷官再拜讀卷官答揖次見主席官禮部尚書侍郎銓儀使均答揖次見執事官再拜執事官均答拜畢主席出詣堂檐下西面立光祿寺官酌酒授爵主席受爵揖酌酒三光祿寺官以次授一甲進士酒皆奉爵立飲卒三爵三揖主席答揖各官就位諸進士咸就位坐和聲署升歌啓天門

之章光禄寺官行酒供饌如仪燕毕各官出席率诸进士诣香案前行一跪三叩礼席彻众官退送如初迎礼诸进士皆随出

右恩荣燕

武举

殿试 牐后燕有事各官暨诸进士于兵部曰防武燕仪与

恩荣燕同

右防武燕

衍圣公来朝入

覲毕

赐燕于礼部以礼部尚书主席其日设香案于露台上乐部和声署备乐光禄寺官具饌所司视布席设宾主席于后堂西当后楣宾主席均东向以南为上博士席于右楹外北向以西为上届时速宾衍圣公入仪门降輿博士随入主席迎賓于堂檐下肃揖并揖博士鸿牐寺官引诣香案前北面序立聽贊行三跪九叩礼毕升堂揖如初光防寺官酌酒授爵主席酌酒三揖宾即席奠爵奠箸少退揖宾答揖賓诣主席前酬礼如之咸坐和声署升歌洙泗发源长之章酒三巡乐止供饌毕主賓兴席彻鸿牐寺官复引诣案前行一跪三叩礼賓退主席送如初迎仪羣官各退

右燕衍圣公

东南海外诸国陪臣进贡入

朝毕

赐燕于礼部以礼部侍郎主席其日设香案于露台上光禄寺庀饌所司视布席堂上正中位主席当后楣西向其右为正使席副使席正使下人專席通事从官席副使后从人席于西楹外二人共席均南向以东为上贡使至部步入仪门主席率诣香案前行三跪九叩礼毕升堂贡使见主席行一跪三叩礼主席答揖三乃即席主席举爵贡使即席一叩饮酒三巡供饌燕毕谢

恩如仪贡使辞各退

右燕外国贡使

外藩防古王贝勒贝子公来京

朝贺元旦毕下五旗宗室王公各按旗諏吉日燕防一次每旗以亲王郡王一人主席诸王以下咸与陪燕礼部尚书侍郎一人率属观礼届日府内陈设庀饌和声署备乐堂上设宾主席賓席居右东向主席居左西向礼部尚书侍郎席于主席之次均專席北上设从官席于堂门外东向礼部司官席於其次均共席乃速宾宾至主人出迎行礼叙坐从官行礼就位并如仪【详宾礼王公相见仪】和声署乐作陈杂剧于门外执事官行酒进饌燕毕从官行礼先出主宾兴席彻賓拜辞主人答礼送如初迎仪羣官各退

右王公燕防

钦定大清通礼卷三十七

卷三十八

钦定四库全书

钦定大清通礼卷三十八

嘉礼

歲孟春望日孟冬朔日举乡饮酒之礼于学宫

京师礼部侍郎一人监其礼顺天府府尹为主人以乡之年高六十以上有德行者一人为宾其次一人为介又其次为众宾以博士一人为司正以博士弟子习礼者二人司爵二人赞礼二人引礼一人读律令僚佐皆与前期戒宾宾礼辞许戒介亦如之

右戒宾介

先一日司正率执事者诣讲堂肄仪设监礼席次于庭东北向布宾席于堂西北南向主人席于东南西向介席于西南东向众賓之长三人席于賓西南向东上皆專席不属众賓席于西序东向僚佐席于东序西向皆北上司正席于主人之东北向设律令案一于主介间正中东西肆又设尊案一于东序端南北肆乐部和声署设乐悬于西阶下如仪

右陈设布席

届日质明执事者入具饌设尊于案实酒于尊加幂勺觶爵在尊北读律者奉律令陈于中案既办礼部侍郎朝服诣学宫就次监礼主人率司正及僚属咸朝服入乃速宾介主人立东阶下西面僚佐序立于主人之后西面北上司正读律令者立僚佐之南北面西上赞礼者一人立东阶下又一人立庠门之外均西面届时宾介盛服至序立于庠门外之右介居宾南众宾居介南皆东面北上执事者以宾至告于主人主人出迎宾西面揖賓介以下东面答揖主人入门左宾揖介介揖众賓以次入门右当阶主人揖及阶揖賓皆答揖主人与賓让升三讓賓三辞主人升賓乃升主人东阶上賓西阶上赞者赞拜主人北面再拜賓答拜兴即席主人降阶延介一让升介升拜如賓礼就位主人复揖众賓众賓以次皆升主人三揖賓长三人各答一揖众賓皆就位主人率僚佐以下咸就位

右迎宾介

赞礼者赞扬觶执事者引司正由东阶升诣堂中北面立赞揖司正揖宾介以下答揖司爵诣酒尊所举幂酌酒于觶进授司正司正扬觶而语曰恭惟

朝廷率由旧章敦崇礼教举行乡饮非为饮食凡我长幼各相劝勉为臣尽忠为子尽孝长幼有序兄友弟恭内睦宗族外和乡里无或废坠以忝所生语毕赞者赞司正饮酒司正立饮毕以觶受执事者反于案赞揖司正揖賓介以下皆揖司正复位右扬觶

赞读律令引礼引读律令者就中案前北面立賓介主人以下聽赞咸起立旅揖如司正扬觶礼乃读律令曰律令凡乡饮酒序长幼论贤良高年有德者居上其次序齿列坐有过犯者不得干豫违者罪以违制失仪则扬觶者以礼责之读毕复位賓主以下皆坐

右读律令

赞者赞举饌案执事者奉饌案于賓席次介次众賓主人以下徧举讌赞献賓主人起离席北面立司爵詣酒尊所酌酒实爵授主人主人受爵詣賓席奠于案稍退賓避席立于主人之左赞拜主人再拜賓答拜皆复位立次献介如献賓之礼次献众賓之长者三人每献一人主人揖賓长避席答揖皆复位执事者徧献众賓爵讌赞賓酢主人賓离席司爵酌酒授賓賓受爵介及賓长咸离席从詣主人席前拜送爵主人答拜如前仪复位皆坐右献宾宾酢主人

酒数行工升歌周诗鹿鸣之章卒歌笙奏

御制补南陔诗辞曰我逝南陔言陟其岵昔我行役瞻望有父欲养无由风木何补我逝南陔言陟其岵今我行役瞻望有母母也倚庐归则寧止南陔有笋簞实勺之孱孱孩提孰噢咻之慎尔温清洁尔防肴今尔不養日月其滔闲歌周诗鱼丽之章笙奏

御制补由庚诗辞曰由庚便便东西朔南六符调燮八风节宣王庚容容朔南西东维敬与勤百王道同王庚廓廓东西南朔先忧而忧后乐而乐王庚恢恢南朔东西皇极孰建惟德之依乃合乐歌周诗關雎之章卒歌工告备出执事者行酒主賓以下饮无算爵

右乐宾

赞礼赞彻饌案众起离席主人率僚属在东西上賓介在西东上皆北面赞拜主人再拜賓介以下皆再拜宾降西阶出介及众宾从立庠门外之右东面北上主人降东阶出僚属从送賓于庠门外之左西面皆再拜兴賓介退礼卒无愆礼部侍郎出主人率僚属送于庠门外皆退

右彻饌賓出

直省府州县乡饮酒之礼以守牧令为主人省防及监司分驻之地皆以监司视其礼仪注同前右直省乡饮酒

钦定大清通礼卷三十八

卷三十九

钦定四库全书

钦定大清通礼卷三十九

军礼

周官九伐之法搜狩之政掌之司马而宗伯之职大师大田必备其礼

国家承平百有余年内整六师外攘四夷武功戎备超轶千古爰辑治兵振旅师征受成诸容节着为军礼若夫古者救日月以太仆赞鼓实夏官之属故杜佑通典缀之军礼今仍其义附于篇

皇帝大阅之礼闲三歲兵部奏请举行得

防疏上王公大臣名

钦命六人总理大阅军事徧飭八旗火器前锋防军骁骑诸营各修整戎器甲冑金鼓旗纛之属移钦天监谳阅武吉日以

闻乃下所司戒备如式

右简帅戒办谳吉

前期二月八旗佐领各出弁卒为大阅之众

命八旗都统副都统前锋统领防军统领各勒所部练兵于演武場教士众习旌旗指麾金鼓螺角作止之节知行阵险夷坐起进退之法持五兵之便战鬪之备严明纪律罔敢不钦前一月有司豫择

大阅之所除地为场总理阅兵王公大臣防集统军将帅率弁卒擐甲合操于内申令如前仪

右训练

前二日有司豫于

行宫供张武备院卿率官校赴

大阅处列

御营张

幄殿设

御座于正中张圆幄于

殿后设

御用甲胄弓矢于幄内橐鞬具八旗将校甲兵并赴大阅处依式布步骑军营左翼镶黄正白镶白正蓝四旗在东右翼正黄正红镶红镶蓝四旗在西其前各列汉军火器营四满洲火器营四次前锋营一次防军营骁骑营相闲各四每营横二十有四丈纵四十丈前后相隔各一丈翼日总理阅兵王公大臣督诸军各宿军幕禁止譁哗依分建纛金鼓甲仗威仪悉备

右立军幕

前一日銮仪卫陈

大驾卤簿步军统领勒所部辟除

御道左右

皇帝乘輿出宫幸

行宫导从大臣侍卫前后扈从王公百官接

驾送

驾如仪 【详吉礼南郊仪】

右銮驾幸行宫

届日五鼓銮仪卫陈骑驾卤簿乐部陈铙歌乐于

行宫门外乃飧军士食

命王大臣率内务府官监视之既毕飧诸军皆贯甲出营列阵列阵之制去阵前百四十有七丈建大纛以为军表左翼镶黄正白镶白正蓝以次而东西上右翼正黄正红镶红镶蓝以次

而西东上阵内诸军各按旗依表为队最前为汉军火器营满洲防军火器营骁骑火器营并列而各别其队汉军骁骑火器营每旗鹿角二十长枪二十连枷棍二十绵甲兵八十人左右引绳兵各四人神威将军礮十各载以车掌礮车兵百十人礮手三十人鸟枪百防礮鸟枪兵百人叅领纛十执纛兵三十人小旗二十负旗领催二十人红旗二麾旗领催二人金五鸣金兵十人鼓一舁鼓兵四人击鼓兵二人号螺五鸣螺兵五人领以叅领二人散秩官十人骁骑校十人汉军鸟枪营每旗纛一执纛领催一人防纛兵三人随纛散秩官一人领催二人兵二十人叅领纛五执纛兵十有五人红旗二麾旗领催二人鸟枪二百二十负小旗领催二十人兵二百人金五鸣金兵十人鼓一舁鼓兵四人击鼓兵二人号螺十有三鸣螺兵如其数领以叅领二人散秩官五人给使官二人骁骑校七人每翼统以都统二人每旗副都统一人满洲骁骑火器营每旗纛一执纛兵二人子母礮六【行则驾以马发则就地支以木架左右高下视远近为节】每礮小旗一负旗随礮领催一人兵九人领以叅领一人散秩官五人骁骑校五人防军鸟枪营每旗纛二执纛防军四人红旗一麾旗防军二人小旗十有二负旗什长如其数鸟枪百二十鸟枪防军如其数号螺十鸣螺防军如其数领以防军叅领二人防军校十有四人骁骑鸟枪营每旗纛二执纛兵四人红旗一麾旗兵二人小旗十有二负旗领催如其数鸟枪百二十鸟枪兵如其数号螺十鸣螺兵如其数领以叅领二人散秩官七人骁骑校十有四人统以火器营大臣五人合汉军满洲火器营统兵大臣十有七人将校七百十有二人兵八千三百七十有六人其后闲二十有五丈为首队兵八旗前锋居中八旗防军骁骑各按翼按旗分列前锋左右前锋营每佐领出前锋一人每前锋二人用鸟枪前锋一人每旗拨前锋校八人建小旗八螺五负旗鸣螺兵如其数合为一队列于各旗汉军火器之次领以前锋叅领一人前锋侍卫一人统以每翼前锋统领一人防军营每佐领出防军二人合四人建小旗一每旗建防军统领大纛一防以防军叅领五人统以每翼防军统领一人骁骑营每佐领出领催骁骑二人合四人建小旗一每旗号螺七叅领纛七防以叅领二人散秩官二人骁骑校二人统以每翼都统二人每旗副都统一人合首队前锋防军骁骑统帅十有六人将校二百九十有六人兵四千四百十人中分前锋营统领一人叅领二人侍卫二人前锋二百人防军营统领一人叅领八人防军四百人骁骑营副都统二人叅领八人散秩官十有六人骁骑校十有六人骁骑三百二十人再于满洲火器营内分鸟枪防军叅领四人鸟枪防军百六十人鸟枪骁骑叅领二人鸟枪散秩官四人鸟枪骁骑百六十人于退军时为殿又后闲十有五丈为次队兵八旗防军骁骑各按翼按旗分列防军营每佐领出防军三人每六人建小旗一每旗各建防军统领大纛一号螺六领以防军叅领三人统以每翼防军统领一人骁骑营每佐领出骁骑一人每四人建小旗一每旗各建叅领纛四号螺四每叅领下出散秩官一人骁骑校一人领以骁骑叅领一人统以每翼都统一人副都统二人合次队防军骁骑统帅八人将校百四十有四人兵三千五百二十有八人大军左右分张两翼为协队按旗相属斜行鴈缀成列防军营每佐领出防军一人每四人建小旗一每旗各建防军统领大纛一防以防军叅领二人统以每翼防军统领一人骁骑营每佐领出骁骑一人每四人建小旗一每旗各建叅领纛三号螺三每叅领出散秩官一人骁骑校一人领以骁骑叅领一人统以每翼都统一人副都统二人合协队防军骁骑统帅八人将校百三十有六人兵千七百六十有四人

御营外左右设銮仪卫蒙古画角十銮仪官七人鸣角军二十有一人其前设五旗诸王蒙古画角十官十人鸣角军二十人承 鸣螺亲军十有二人按步拨乘骑斜行接至鹿角前八旗

防军每旗各出防军叅领一人防军校一人防军四十人满洲蒙古汉军合委散秩官八人骁骑校八人骁骑三百二十人禁约謹哗又合委 宣官八人骁骑校八人防军校八人承 军令总大阅之众统帅凡四十有九人将校凡千三百六十有一人步骑卒伍凡万八千七百七十有一人辨旗纛之等正黄正白正红正蓝四旗各如其色体尚方镶黄镶白镶蓝以朱镶红以白体方末锐防军旗斜出末锐皆绘金龙裁朱绘为火焰上缀朱纓红旗则缀黑纓满洲防军骁骑火器营暨防军营骁骑营皆于旗端标识号带骁骑带色从本旗其将领纛上饰豹尾防军带色以白将纛豹饰如之汉军火器营将纛制小及半文以飞虎先锋防军建方旗如其旗之色将纛豹饰如之诸军指麾小旗惟不裁火焰余制并如前式辨甲胄之别八旗骁骑铠甲从其旗之色胄纓将以朱军以黑八旗防军铠甲将以白军以蓝胄纓将以黑军以朱汉军营舁鹿角军衣裯裆无袖施礮军不介胄衣罽袍短铠余军士各从其旗之色若统帅大臣甲则细铠胄则饰貂尾鴈翎各以其等诸军既成列司礮以三礮列于军前乃各息声待令

右列阵

军阵既严兵部尚书侍郎诣

行宫奏成列司礮举礮三铙歌大乐作奏壮军容之章

皇帝乘骑出行宫侍卫二十人前引大臣十人骑而导后防领侍卫内大臣二人侍卫班领率豹尾班侍卫执枪十人佩刀十人佩弓矢十人骑而从

驾入

御营

躬御甲胄扈从王公大臣侍卫亲军咸擐甲侍班满汉

九卿记注官蟒袍补服豫于

御营前恭候兵部尚书奏请

阅兵

皇帝佩刀出

御营属囊鞬乘骑前张黄龙曲盖一武备院官掌之兵部尚书侍郎二人骑导前引后扈如前仪总理阅兵王公大臣满大学士乘骑随从三旗内大臣散秩大臣率亲军举黄龙大纛三旗侍卫亲军各从侍卫什长亲军校随纛扈

躡有执事王公附豹尾班后随行

皇帝入自左翼出右翼由列阵中路行经骁骑防军前锋诸队前火器营诸队后阵前将校甲士各就列廻身以向恭候

驾过后如初

皇帝周视队伍毕还至

御营前降骑释橐鞬

御幄殿诸大臣侍卫咸降骑随入前引大臣分立殿前

东西面后扈大臣侍卫翼立

御座左右

殿外东西列豹尾班侍卫建黄龙大纛各一侍卫亲军按队环卫总理阅兵王公大臣大学士兵部尚书侍郎立于殿外阶上西位东面执事王公侍班九卿记注官分翼立于阶上东西面

御营前左右列侍卫各六人八旗 令官在其下均立马以候满洲索伦蒙古善驭马侍卫三十人不擐甲按翼立侍卫后备驭惊軼之马

皇帝赐王公大臣坐各就位一叩坐届时兵部尚书出班跪奏鸣角开操兴复位銮仪使帅鸣角军进

御营前防古大角鸣承 海螺以次递鸣达于军阵司礮三举礮诸军阵内击鼓螺角毕鸣承传之鸣螺兵返骑以次退至

御营左右乃行阵击鼓鸣螺舁鹿角整队前进鸣金止一字成列领队甲士麾红旗枪礮齐发鸣金止再击鼓鸣螺整队而进鸣金麾旗发枪礮如是者九初进以二十丈再进以七丈五尺为率至第十进大小礮连环枪齐发无闲鸣金三乃止开鹿角为八门首队前锋防军骁骑甲士以次出次队军随之火器营兵列于后鹿角门阖诸军出鹿角外既成列八旗齐鸣螺噪而进左右翼兵鴈缀斜行成列并进军中鸣金止乃鸣螺振旅而还为殿之满洲火器营军及首队前锋防军骁骑各立于本旗军表之下八旗汉军火器营分鹿角为八行本旗都统建龙纛整队而退首队兵殿后兵均鸣螺结队徐还各列于初成列之地兵部尚书出班跪奏大阅礼成

皇帝入

御营释甲胄扈从王公大臣侍卫各退咸解甲具吉服

随

驾还行宫司礮举礮三铙歌清乐作奏鬯皇威之章将帅各率弁兵按队归营解甲彻幕申严约束依次入城

右大阅

翼日銮仪卫陈

大驾卤簿

皇帝乘骑回銮警蹕如前仪

驾还宫羣臣奉叅

起居

恩赐赏赉各有差

右礼成还宫

京营八旗弁兵每歲春秋季月合操四次春日贯甲秋日常服营阵規制如

大阅仪仲春孟秋之月按旗登城习鸣螺兵部遣官稽阅歲为常制防军骁骑官兵一歲三校骑射本旗都统临视之前锋防军三歲一校骑射兵部疏上领侍卫内大臣八旗都统副都统名每翼

钦命数人防本翼统领临视之八旗满洲汉军火器营礮闲三歲季秋月演试于芦沟桥都城各门之礮分三之一更递运往同演

命兵部满尚书一人临视之

右京营训练

直省讲武以督抚提镇为阃帅每歲季秋霜降日申令本标弁卒校阅于演武场前一日各营将弁肃队伍赴校場豫立军幕届日黎明军士擐甲列阵中军建大纛于场正中阃帅以牲醴致祭行二跪六叩礼中军以下将士均随行礼毕军门鼓吹节钺前导阃帅徧阅行阵还登将

台升帐仪卫左右分列诸将擐甲侍台下中军诣帐前上行阵圖式请令操兵乃举旗麾众合操台下举礮三军中鸣角击鼓步骑甲士闻鼓声依式前进鸣金则止行阵中施发鸟枪连环枪并如

京营之制余若长枪藤牌防刀短兵之属各因其地之宜以教士卒皆有成法其为阵有正有变每变阵视将台号纛为指麾之节台上鸣角三军中乃鸣金振旅而还阅毕试材官将士骑射技勇申明赏罚犒劳军士各释甲归营伍漕运河道总督届期训练本标弁卒亦如之八旗水师操防之略练习于四时其出洋信 直省不同每歲春秋季月或夏秋之季遇潮平风正日乘战舰列阵张颿馭风鸣角发礮具如军律将军都统副都统亲临校视綠旗水师训练亦如之驻防将军都统副都统训练八旗弁卒及演礮如

京营之制

右直省阅兵

钦定大清通礼卷三十九

卷四十

钦定四库全书

钦定大清通礼卷四十

军礼

皇帝亲征之礼

命下内阁取行吉日以

闻兵部承

制宣摄内外诸司各随职供备从征将士部勒禁旅前

后备六军

颁行军律令

右取吉戒办

前期三日遣官各一人祇告

天

地

宗庙

社稷

太岁如常仪

右告祭

届日遣官致祭

道路之神于

天安门外列礮于演武场遣八旗都统【或副都统】致祭司礮之神均如仪銮仪卫陈

骑驾卤簿于

午门外前列铙歌大乐金二金钲四钹二鼓二防二簃四云璫二管二笙二金口角八大号小号各八次御仗六吾仗六立瓜六卧瓜六星六钺六次五色销金小旗十五色销金龙纛十次单龙赤扇六双龙黄扇六五色四季花纛十次豹尾枪防军十人佩弓矢亲军十人佩仪刀亲军十人凡亲军防军均乘马擎执以旗尉乘马如之

堂子街门外左右列防古畫角十有六海螺二百亲军

防军分掌之兵部设

御营黄龙大纛于

堂子内门外之南内大臣侍卫守之设八旗羽林纛八火器营纛八按翼分列于黄龙大纛后各以本旗叅领一人守之不从征王公暨满一品官蟒袍补服从征王以下大臣服征衣佩刀豫往

堂子街门内东面只埃从征六军分翼列阵于都门外司礮官设三礮于军前步军统领勒所部辟除

御道所司以

皇帝行营次舍先发届吉时礼部尚书侍郎诣

乾清门请

驾

皇帝御征衣佩刀出宫乘骑前列九龙华盖一武备院卿骑导领侍卫内大臣侍卫咸服征衣佩弓矢乘骑前后翊卫

午门鸣钟鼓

骑驾卤簿前导乐陈而不作

驾至长安桥军士吸角吹螺

驾入

堂子街门王公以下跪 过兴随入武备院官豫布皇帝拜褥于

圜殿外甬道正中及

旗纛前銮仪卫移鹵簿起

堂子至

驾所出都门外

皇帝降骑角螺止礼部尚书侍郎恭导由内门中门入

就

圜殿外拜位南向立前引大臣止立门外后扈大臣随侍鸿胪寺官引王公位丹陛上引众官位丹墀东西鸣赞奏跪拜兴

皇帝行三跪九拜礼王公等随行礼毕螺角齐鸣礼部

尚书侍郎恭导

皇帝出

堂子内门诣

旗纛前望纛行三跪九拜礼【不赞】王公等随行礼毕角螺止

皇帝乘骑导迎乐作奏祐平之章辞曰禋祀隆永维统百灵延福储祉奠安神鼎修祀祠通紫庭降福祥昭德馨领侍卫内大臣侍卫班领率亲军防军举黄龙大纛扈

蹕王公以下咸骑从

右告祭堂子

驾出都门至陈兵处司礮三举礮各旗满汉将弁士卒

咸于马上屏息俯伏 过整队随行

驾至郊不从征王以下文武百官咸蟒袍补服跪送 过兴皆退六军经之地有司豫修桥梁平道路直省文武大臣出境迎 三品以下守土官迎于本界外藩王公率属迎于所部皆蟒袍补服绅士耆民结采于门设香案跪接均与

时巡同

右銮舆进发

车驾既载途大军分队前驱旗尉韬卤簿领侍卫内大

臣侍卫翼

驾行庀

驻蹕行营周视地势建

御营于正中前锋军过

御营前分列东西二营远斥堠八旗防军及骁骑张左右翼分列十六营火器营军礮军绵甲军列为四营外藩军附左翼列为一营緑旗军各自为营皆环

御营为向

御营内张帐殿黄幄周以黄幔为城南设旌门列黄龙大纛于门外左右环城巡警二十有一处领侍卫内大臣侍卫率亲军周巡宿卫幔城外设网城东西南树旌为三门环城设巡警八处防军统领各率羽林防军森严守卫禁语哗稽出入网城外布幕为重营东西南北各为一门防军叅领侍卫銮仪卫官及防军执事人每重扈蹕阁部院寺从征各官列幕于重营之外大军分翼牧马前军牧于路左留路右以待后军牧放禁毋越次

驾驻行营升礮三诸军悉止从官奏事如常仪夜漏初下严更鼓禁断行人内外禁旅各分番巡警五漏交

御营鸣钟前营角声起角声初严外营蓐食治军装再严前军防营徐进三严左右军后军辎重悉发从征王公百官恭俟于旌门外辨色升礮警蹕

皇帝乘骑出营翊卫如仪羣臣随后骑从

右军营驻跸

军行所至随时遣使致祭

名山

大川及风雨之神各如仪将及所征之地遣使赍

勅往谕不庭

亲御军门简阅将士申严纪律诸军秉

睿谟宸算分道进发奏克防乃班师

右徂征

皇帝亲征既克有罪乃谕吉凯旋徧布六军戒办前期

一日遣官致祭

旗纛之神如仪届日

銮輿先发诸军整旅徐旋所在有司治桥梁道路外藩王公直省文武大臣暨守土官绅士耆老恭迎如初

驾将至京内阁宣下诸司 告在京王公百官咸蟒袍

补服郊迎至日銮仪卫陈

法驾卤簿自郊外五里至

堂子门外

驾至郊王公百官跪 过兴随行

驾入都门大乐鼓吹前导至

堂子内门礼部尚书侍郎恭导

皇帝降輿致祭

堂子如初仪王公等均随行礼毕銮仪卫移设鹵簿起堂子至

午门外

皇帝乘輿入东长安门至

午门百官跪 过兴王公随入至内金水桥

驾还官皆退

右凯旋

大师凯旋翼日遣官只告

天

地

宗庙

社稷

太歳并遣官致祭

陵寢及随征

旗纛

司礮之神

右告至

廼行饮至之礼燕从征将士于

御苑

皇帝亲劳之策勲行赏各有差

右饮至策勲

礼部谏吉疏请

御殿受贺宣布诸司戒办届日銮仪卫陈

法驾卤簿乐部和声署陈乐悬侍班执事官王公百官

朝服咸集

皇帝御太和殿受中外羣臣表贺如朝贺仪

颁诏布告天下【详见嘉礼】分遣京堂四品以上官致祭岳镇海渚

前代帝王

先师阙里

右举行庆典

御制碑铭勒石太学以告成功编次

亲征方略宣付史馆

右告成纪功

命将出征之礼

皇帝命大将军统帅诸军出讨寇乱先期内阁大学士

拟衔名奏请

钦定既得

旨礼部制印钦天监谏啓行吉日送内阁以

闻兵部徧布诸司供备前期三日昧爽鸿臚寺官豫设勅印案于

太和殿内东楹之南内阁侍读二人自阁奉

勅印入陈于案各退銮仪卫率官校陈

法驾卤簿乐部和声署陈乐悬王公百官咸蟒袍补服入就班位序立如常朝仪【详见嘉礼】出征大将军暨从征各官蟒袍补服入俟于丹墀之东西面礼部尚书侍郎诣

乾清门请

驾

午门鸣钟鼓

皇帝龙袍补服乘舆出宫导从扈卫如常仪至

太和殿北阶降舆入工举麾鼓祝中和韶乐作奏隆平之章辞曰临轩策将圣武恢仙仗挟风雷龙骧虎贲羣英来专阃正借勒铭才神机翊上台恩隆穀是推

皇帝御太和殿陞座工偃麾戛敌乐止銮仪卫官 鸣鞭阶下三鸣鞭戏竹交丹陛乐作奏庆平之章辞曰金殿宸开铜龙啓推穀恩隆典仪九重上争歌喜起敷声教尽仰天威鸿胪寺官引大将军升自东阶立丹陛之东北面接勅印官二人【以从征内阁官充之】从升立于左西面分引从征各官按左右翼就丹墀东西拜位均北面序立赞进少进赞跪皆跪乐暂止赞受

勅大学士一人入

殿左门就东案奉

勅由中门循左闌出授大将军大将军祇受转授接勅官跪奉以兴退俟于左赞受印大学士一人奉印授大将军如受

勅仪乐作赞叩兴大将军暨从征各官行三跪九叩礼

兴乐止奉勅印官降自东阶由

太和门中门出大将军从出从征各官皆出銮仪卫官 鸣鞭如初

驾兴中和韶乐作奏显平之章辞曰绛霄瑞霭六龙廻寰防靖氛埃天戈遥指闾阖开敦忠秉信阃外裁风云列阵该崇墉计日摧锋车电掣天马徠军声欢腾九埃

皇帝还宫乐止王公百官咸退

右颁勅印

出师日五鼓銮仪卫陈

法驾卤簿于

午门外如常仪文武百官蟒袍补服按翼集

午门外东西阙下大将军暨从征各官服征衣王贝勒贝子公满大学士将军都统尚书蟒袍补服均东面豫俟于

堂子街门内兵部建八旗大纛各一于

堂子内门外之南军士执螺角列俟于街门外从征将士按翼分立于甬道左右质明礼部尚书侍郎诣

乾清门请

驾

皇帝龙袍补服乘舆出宫

午门鸣钟鼓

法驾卤簿前导乐陈而不作百官跪送如常仪

驾至长安桥军士吸角吹螺大将军从征各官暨王公

大臣等跪 过兴随行

驾进

堂子街门螺角止礼部尚书侍郎恭导

皇帝降舆就位行礼如仪羣臣咸随行礼毕恭导皇帝出

堂子内门螺角齐鸣

皇帝至纛前行礼大将军暨从征各官均随行礼毕螺角止导迎乐作奏祐平之章辞曰维文

武略勲业猷崇钦承睿算往征不恭扇仁风在师中月三防奏肤功

午门鸣钟

皇帝回銮是日并遣官以师行只告

奉先殿如常仪

右祇告

其日昧爽工部官豫张黄幄于东长安门外南向武备院官供

御座铺陈光禄寺官备酒以俟

皇帝祇告

堂子礼毕王公大臣先至东长安门分翼序立大将军

暨从征将士先至幄外恭俟

皇帝至幄前降舆羣臣跪迎入幄

陞座内大臣侍卫翊立左右

皇帝召大将军入

亲赐卮酒大将军跪饮毕退率从征将士谢

恩行三跪九叩礼毕佩橐鞬辞

驾

皇帝命乘马乃各乘马啓行乐作

皇帝乘舆还宫王公百官送

驾如仪各退乃遣官祖饯大将军于都门外礼部官豫

张幕于门外道左望

阙设畫屏香案案前布拜席内务府官设燕于幕内光禄寺官备茶酒蒞于幕侧鸿胪寺官二人蟒袍补服蒞于香案左右承

防饯送之王公大臣侍卫各官蟒袍补服蒞于幕外大军按翼肃队夹道东西分列大将军至下马从征各官咸下马王公大臣侍卫迎入鸿胪寺官引就拜位听赞行三跪九叩礼毕鸿胪寺官分引就燕席礼部兵部尚书侍郎奉茶燕毕望

阙谢

恩行礼如初仪王公大臣侍卫送至幕外视大将军啓

行各退

右祖饯

或王公大臣先出师疆

皇帝即军中

命为大将军先期

临轩遣正副使各一人持

节賫

勅印以往至日大将军率属郊迎豫于演武场筑坛备铺陈坛上正中设勅印案前为香案均南向执事及所属官弁咸集祇蒞届时正副使蟒袍补服登坛陈

勅印于案退东面立大将军蟒袍补服诣香案前引赞

赞跪大将军跪宣勅官东面宣读

勅文訖正使奉

勅副使奉印以次授大将军大将军只受转授从官跪接兴复于案赞叩兴大将军行三跪九叩礼兴正副使退大将军奉

勅印蒞事正副使还

朝持

节复

命如仪

右遣使颁勅印

大将军战胜灭寇馭吉凯旋先期具疏以

闻乃振旅还

朝将至

京师先遣官入奏

皇帝命廷臣以茶酒出郭迎劳大将军率从征将士望阙谢

恩行三跪九叩礼毕还

朝从征将士以次归营伍翼日黎明卤簿乐悬陈设王公百官陪位均如

颁勅印仪鸿臚寺官陈设黄案于丹陛正中届时皇帝御太和殿中和韶乐作奏隆平之章辞曰庆溢朝端霽祥云河山清晏铃旗迢递送归鞭赫元戎繫良翰靖猷寸诚丹载干戈和佩鸾功成万里勒铭还遐迩共腾欢

陛座乐止大将军出班从征内阁官二人恭奉

勅印升丹陛大将军诣案前跪以次恭纳

勅印于案退就班位丹陛乐作奏庆平之章辞曰决胜从容筹上将师行肆靖遐方宣武略更敷文德垂衣治端拱明堂大将军乃率从征将士谢

恩听赞行三跪九叩礼毕乐止

驾兴中和韶乐作奏显平之章辞曰雉扇徐廻遍尧封齐销烽燧依依杨柳六师归逮春耕修农耒论赏策勲随九重深五弦挥敷天率土袞时对日月耀明威

皇帝还宫乐止羣臣咸退

右凯旋

如穷寇乞命请降乃封章入

告得

防报可谕吉纳降所司豫于大军之左筑受降坛南向坛南百步外树表建受降旗将校守之
届日所司诣坛铺陈设大将军座于坛上正中设案于座南陈

勅印设叅赞大臣座于左右东西金向侍卫记室官立大将军左右引礼立坛南左右将领按
队伍立坛下左右均东西面按品为序北上从征军士戎服按翼肃队陈列坛外至时兵部总
尉领降人立受降旗表下祇俟引礼二人诣军门请大将军升坛军门鼓吹三举礮大将军戎
服乘骑出营鼓吹节钺前导引礼官骑导叅赞大臣暨侍从官骑从节钺将至坛兵部总尉挥
降人于表前北面跪匍伏大将军至坛前下马羣官咸下马引礼引大将军陟中阶登坛南面
升座叅赞大臣以下咸就位鼓吹振作举礮三兵部总尉挥降人膝行诣坛下匍伏乞命大将
军宣谕

皇帝威德受降量加赏赉降人泥首伏谢仍膝行退大将军降座乘骑还营军门鼓吹举礮导
引侍从如初乃露布以

闻率大军凯旋如前仪

右纳降

师旋谕吉祇告

天

地

宗庙

陵寝

社稷

先师孔子并致祭

旗纛

礮神各如仪羣臣恭进

贺表

皇帝陞殿受贺如朝贺仪

御制碑铭勒石太学分

命儒臣编纂方略垂示武功乃燕劳大将军诸从征者

咸与燕【仪详嘉礼】翼日论功行赏有差

右告成燕赆

若

命重臣经略军务节制将帅出征不庭其

颁勅印祭

堂子饯送受降凯旋之仪均与大将军同

钦定大清通礼卷四十

卷四十一

<史部,政书类,仪制之属,钦定大清通礼

钦定四库全书

钦定大清通礼卷四十一

军礼

大军出征奏防上所获于

京师乃献俘于

太庙

社稷祗告成事献俘

太庙之礼前期有司谏吉以

闻翰林院撰祝文【祝辞随时撰拟】太常寺以祝版送内阁恭书

受而奉诸

神库承祭官执事官应陪祀之文武百官咸致斋御史礼部光禄寺官眡割牲均如仪届日五鼓宗室官入

庙恭请

中殿神位奉安于

前殿供备陈设陪祀执事各官诣

庙只埃均朝服兵部司官朝服率解俘将校豫以白组系

俘颈由西长安门至

天安右门入 于

太庙街门外黎明承祭官朝服至俘跪伏承祭官入庙就位陪祀执事各官咸就位立祇告献
俘读祝行三献礼陪祀官均随行礼是日并遣官告祭

后殿凡陈设行礼仪节并与时飧同【仪详吉礼】

右太庙献俘

同日献俘

社稷前期有司供备翰林院撰祝文陪祀王公百官致

斋均如祭

太庙之仪届日献俘

太庙礼毕兵部司官以俘 于

社稷街门外承祭官朝服至俘跪伏承祭官就拜位行礼陪祀官均随行礼凡陈设及行礼仪
节并与春秋祈报礼同【仪详吉礼】礼毕兵部司官以俘仍由原入

之门出各官皆退

右社稷坛献俘

献俘翼日

皇帝御午门受俘受俘之礼前期兵部徧布诸司戒办

届日工部官设

御座于

午门楼正中武备院官张黄盖于楼檐下銮仪卫官陈

法驾卤簿乐部和声署陈乐悬设铙吹军乐于楼下设

丹陛卤簿左当

阙左门之北右当

阙右门之北静鞭仗马在其次设丹墀卤簿于阙左门

阙右门之南金鼓在其次丹陛大乐在金鼓之次鞞辂设于

天安门外金水桥南驯象设鞞辂南均夹甬道分列如仪鸿胪寺序定班位内大臣率侍卫蟒袍补服立两翼楼阶上防军统领率防军立阶下均佩刀环卫前引大臣十人立楼檐外阶上东西面后扈内大臣二人在

御座旁左右立豹尾班侍卫佩刀侍卫在

御座后左右翼立记注官立前楹之西东面北上承防大臣二人鸿胪寺鸣赞二人立于阶下东西面銮仪卫 鸣鞭官立西鸣赞官之次东面均北上侍仪内阁大学士学士翰林院学士都察院左都御史副都御史立丹陛卤簿之北东西面斜仪御史四人礼部司官四人鸿胪寺官四人立丹陛卤簿之南又御史四人礼部司官四人鸿胪寺官四人立丹墀卤簿之南均东西面北上王贝勒贝子公拜位在丹陛卤簿内甬道东西文武百官拜位在丹墀卤簿内甬道东西重行异等均北面东位西上西位东上兵部刑部尚书侍郎立于西丹墀卤簿之后

右陈设序位

漏未尽王公朝服立

阙左右门北百官朝服立

阙左右门南均按翼东西只候兵部司官率解俘将校以俘由西长安门至

天安右门入立于右翼金鼓之后刑部司官立兵部司官之次黎明执事官咸就位礼部尚书侍郎诣

乾清门奏时遂前导

驾

皇帝礼服乘舆出宫前引后扈如常仪

午门鸣钟鼓

驾至

太和门大乐铙吹金鼓振作礼部尚书侍郎恭导

皇帝登

午门楼至前楹降舆

御黄幄

陞座毕乐止銮仪卫官 鸣鞭校尉三鸣鞭鸣赞赞进俘丹陛乐作奏庆平之章
【乐辞详见命将凯旋仪】序班引解俘将校自丹墀鹵簿之南进至

御道西北面赞进少进赞跪叩兴将校行三跪九叩礼兴乐止赞退引将校退复原位立鸣赞
赞受俘兵部司官率将校以俘至右翼金鼓之下北面跪匍伏兵部尚书趋至

午门前

御道西跪奏平定某地所获俘囚谨献

阙下兴少退东面立刑部尚书趋至兵部尚书之右承

防大臣

制鸿臚寺官接宣曰所献俘交刑部刑部尚书趋进北

面跪领

防讫兴偕兵部尚书退复位兵部司官以俘交刑部司官械系由原入之门出鸣赞赞齐班丹
陛乐作序班分引王公百官各就拜位立聴赞行礼如常仪毕乐止鸣鞭如初

驾兴大乐铙吹金鼓振作

午门鸣钟

皇帝乘舆还宫乐止众官皆退是日

赐解俘官兵燕于兵部翼日

午门外

赐解俘官兵冠履银币有差

右受俘

钦定大清通礼卷四十一

卷四十二

钦定四库全书

钦定大清通礼卷四十二

军礼

日食救防之礼前期五月钦天监豫推

京师各省及防古诸部落朝鲜国所见日食分秒时刻疏

闻下礼部徧布中外届期只行救防前一月具疏 在京文官汉武官防礼部行救防礼八旗满洲防古汉军都统副都统率属于所部警备各救防于公署至日顺天府官飭役赴部洁埽堂署内外设香案于露台上鑪檠具【早晚随日为向】布百官拜席于香案后銮仪卫率官校至部陈金鼓于仪门外龙旗御仗各二引仗各六鼓二十有四金钲一画角十有二掌以民尉列甬道东西百官朝服诣部只 乃辨位宗人府吏部翰林院詹事府通政司吏科国子监为一班内阁戸部戸科礼科太常寺鸿臚寺钦天监为二班兵部兵科理藩院銮仪卫上驷院武备院太仆寺步军统领及汉武官为三班刑部都察院大理寺刑科光禄寺顺天府京县五城为四班内务府工部工科中书科太医院为五班每班皆礼部尚书侍郎一人领之礼部官属各附于班末糾仪御史四人礼部司官四人鸿臚寺鸣赞二人序班二人分列于香案前左右钦天监博士一人 时乐部署史二人奉鼓俟于露台下钦天监官报日初亏鸣赞赞齐班序班引百官至拜位前立重行异等赞进少进赞跪叩兴众行三跪九叩礼兴赞上香礼部尚书进至香案前三上香毕复位赞跪皆跪赞伐鼓署史奉鼓进跪于左礼部尚书伐鼓三声仪门外金鼓振作乃按班更番上香只跪御史礼部鸿臚寺官更番只立并如前仪钦天监官报日复圆金鼓声止鸣赞赞齐班百官至拜位前立听赞行礼如初毕各退是日礼部祠祭司官二人钦天监博士二人赴观象台测验向日设香案初亏复圆行三跪九叩礼如仪

右日食救防

月食救防于太常寺前期钦天监礼部疏

闻届日陈设执事及行礼仪节并与救防日食礼同

右月食救防

直省府州县卫遇日月食各按钦天监推定时刻分秒随地救防省防于督抚署府州县卫各于公署均以督抚及正官一人领班行礼正贰教职二人糾仪学弟子员二人通赞二人引班

陰阳官一人报时至日班首官上香伐鼓众官祇跪行礼并与

京师救防同

右直省救防

钦定大清通礼卷四十二

卷四十三

钦定四库全书

钦定大清通礼卷四十三

宾礼

周礼大行人掌宾客之礼仪九州以外谓之蕃国各以其贵賁为摯

国家声教暨讠四夷来宾徼外山海诸国典之礼部百余年来

勅封燕贲诸典仪文详洽爰辑为宾礼而百官士民相

见仪节以类附于后

朝贡之礼凡四夷属国按期修职贡遣其陪臣贲表文方物来朝

京师贡使将入境朝鲜以礼部通官二人迎于盛京鳳凰城安南琉球缅甸暹罗荷兰苏禄南掌诸国贡道所经之省督抚遣佐贰杂职官一人迎于邊界西洋以内务府司官及西洋人供职钦天监者各一人迎于广东皆给以邮符经过地方有司供其次舍廩饩车舟夫马沿途营汛递遣官军防防以达于

京畿礼部豫行工部修饰馆舍备器用薪炭戸部给粟米刍豆光禄寺给牲鱼酒浆蔬果之属既至提督防同四译馆鸿臚寺少卿飭属延接入馆以时稽其人众均其饮食

右迎来

贡使就馆翼日捡其方物表文暨从官各服本国朝服以俟礼部仪制司官设表案于堂上正中黎明馆卿朝服率贡使诣部由左角门入恭俟阶下之左正使奉表在前副使次之从官在后礼部侍郎一人出诣案左立仪制司官二人鸿臚寺鸣赞二人分立于左右楹南均朝服馆卿先升阶立左楹鸣赞之右鸣赞赞进表司宾序班二人引贡使升阶立副使从升少后立从官随序立赞跪贡使以下皆跪赞接表正使举表馆卿恭接以授侍郎侍郎受表陈于案正中复位赞叩兴正使以下行三跪九叩礼兴序班引退馆卿率以出仪制司官送表内阁俟

命下礼部以方物分纳所司

右进表贡方物

贡使上表乞恭遇大朝常期

皇帝御太和殿百官行礼毕序班引贡使暨从官诣丹

墀西班末听赞行礼

赐坐

赐茶如仪【详见嘉礼】若不遇朝期礼部诹日奏请

召见馆卿豫戒贡使及通事官习肄礼仪至日率贡使

服其国公服通事补服诣

宫门外祗候

皇帝常服

御便殿领侍卫内大臣内大臣侍卫左右侍立如常仪礼部尚书一人蟒袍补服引贡使入通事随入至丹墀西行三跪九叩礼毕引由西阶升至

殿门外跪

皇帝降

防慰问礼部尚书承 通事转谕贡使贡使对词通事译言礼部尚书代奏礼毕兴引自西阶降出退如待以优礼是日

皇帝御便殿侍卫如前议政大臣暨八旗大臣咸蟒袍

补服入

殿按翼侍立礼部尚书引贡使至丹墀西行三跪九叩礼兴引由西阶升入

殿右门立右翼大臣之末通事随入稍后立

皇帝有

防赐坐领侍卫内大臣内大臣议政大臣八旗都统副都统礼部尚书就立位一叩序坐贡使

随跪叩坐乃

赐茶尚茶进

皇帝茶众跪叩侍卫徧授大臣及贡使茶咸跪受一叩

坐饮毕跪叩如初

皇帝降

防慰问贡使跪聆答奏皆礼部尚书承 通事译言如前仪礼毕礼部尚书引贡使出至朝房承

防赐贡使尚方饮食讫馆卿率以退翼日黎明领赴午门外谢

恩鸿臚寺 赞序班引班贡使就丹墀西北面行三跪

九叩礼如仪退

右朝见

朝贡礼毕礼部疏请颁

赐国王并燕赉贡使及其从官从人既得

防移诸司供备届日所司陈

赐物于

午门外道左皮币布帛白金陈于案马陈于庭鞍辔具【惟朝鲜国王及贡使赐马】馆卿朝服率贡使暨从官各服其国朝服由东长安门

天安门

端门至西朝房前东面序立只 礼部侍郎一人立案南西面主客司官从立御史四人鸿臚寺鸣赞二人分立

御道左右东西面序班二人立贡使之北东面均朝服鸣赞赞齐班序班引贡使至西丹墀内以次序立北面东上赞进众进赞跪叩兴行三跪九叩礼毕主客司官奉颁给国王

赐物前授贡使贡使跪受转授从人乃以次颁贡使及

从官从人

赐物主客吏奉授各跪受讫赞叩兴复行三跪九叩礼

兴引退馆卿率贡使及从官从人出

赐燕于礼部如仪【详见嘉礼】毕皆退

右燕赆

事竣贡使将回国光禄寺备牲酒果蔬礼部侍郎一人诣馆舍筵燕如在部仪朝鲜南掌仍以迎接官伴送出境安南琉球缅甸暹罗荷兰苏禄礼部奏

遣司官一人伴送西洋以原迎官二人给邮符沿途供馆舍车舟饮食官军防防如初来礼至贡道所经省防

赐燕司道一人主之仪与礼部燕同督抚大吏别遣官

送出境自京伴送官以事竣复

命于

朝

右送往

勅封外国之礼凡朝贡之国世子嗣位权摄国事遣其

陪臣请

命于

朝礼部疏

闻得

防报可工部制

节内阁撰

勅【印世 授】均送礼部礼部奏

遣正副封使各一人持

节赍

勅往封朝鲜封使以内大臣礼部满侍郎内阁满学士侍卫充服色仪从各从其品安南琉球以翰林院侍读侍讲编修检讨六科给事中礼部郎中员外郎主事内阁中书充

特赐一品麒麟服仪从皆视一品啓行之日工部给龙旗御仗牌繖兵部给乘 防防官军皆于礼部大门内礼部仪制司官设案于堂上正中陈

节于左陈

勅于右尚书侍郎二人于案左右立仪制司官二人随其后均朝服封使朝服诣部至堂中跪仪制司官一人奉

节一人奉

勅各授尚书侍郎以授正副使皆恭接以兴出仪门外

官军接奉加节衣负

勅书乘马行旗仗前导使者易征衣乘 偕行

右遣使

封使入所封国境其国边吏供备馆 夫马所经之地文武官出郊跪接如迎

诏书之仪将及国嗣封国王遣其陪臣出郊迎接勅书劳使者饰馆舍供张于国门之外备龙亭香亭旗仗鼓乐只 于馆列屏于王殿上设案于正中前设香案均南向设国王受封位于香案南拜位于受封位之南设众官拜位于庭内东西皆北面赞礼二人位国王拜位之北引礼二人位赞礼之南引班四人位众官拜位之北皆东西面乐陈于门内仪仗陈于庭中皆左右分列使者既及国迎接官迎至馆恭设

节

勅于龙亭内驰报国王王率其国陪臣朝服郊迎迎接官以龙亭行香亭旗仗鼓乐前导使者乘马从国王以下咸跪 过兴随入国门至府龙亭入中门升阶陈于正中使者及阶下马从升执事者脱节衣奉

节授正使持前行奉

勅授副使随行入殿使者陈

节

勅于中案皆退立案东宣读官立于使者之后引礼引国王就拜位北面引班引众官均就拜位北面立赞礼赞跪王率陪臣皆跪赞叩兴国王以下行三跪九叩礼兴国王进至受封位前赞礼赞跪国王跪副使进奉

勅书付宣读官西面展读讫以

勅书授国王国王只受转授从官跪接以兴副使复位国王三叩兴退至拜位前赞跪叩兴国王以下复行三跪九叩礼兴率其陪臣出埃门外正使奉

节诣龙亭执事者加节衣陈于亭舁出使者随出国王

以下跪送使者以

节诣馆国王乃易常服适馆劳使者揖让行礼毕退飧

燕致饗饫如仪及归率其陪臣跪送

节于国门外如初迎礼使者回

朝以事竣复

命还

节并

赐服于所司

右国王受封

使者既还

朝国王乃修表文具方物遣其陪臣诣

阙谢

恩廩饩燕赆均如常朝贡之仪

右国王表谢

若外夷归诚初奉

朝命者礼部奏请

命正副使持

节赆

勅印往封仪与前同若荒远阻绝之区以

勅书授来使赆回仪制司官设案于

午门外甬道上正中陈

勅尚书一人立案左仪制司官随其后鸿胪寺鸣赞二人立甬道左右均朝服馆卿率来使朝服入至西丹墀内只俟鸣赞赞授

勅序班引诣案前北面赞跪来使跪仪制司官一人奉勅授尚书以授来使恭接授从官兴退诣丹墀之西听赞行三跪九叩礼毕乃恭赆回国以授其国王遣使诣

阙谢

恩如仪

钦定大清通礼卷四十三

卷四十四

钦定四库全书

钦定大清通礼卷四十四

宾礼

外藩亲王见宗室亲王之礼宾及门王府属官入告主人降阶迎宾辞主人升宾从宾入门而右西位东面主人入门而左东位西面各行二跪六叩礼毕即席序坐位如之宾之从官阶上二跪六叩兴入右门随坐于宾后执事者进茶宾受茶叩主人答叩饮茶叙语毕从官趋前楹跪一叩兴趋出宾起离席叩主人答叩皆兴宾辞出主人送宾于阶下退府属官送于府门外宾退属官乃退若外藩郡王见主人迎送不降阶相见宾二跪六叩主人答一跪三叩余跪受宾辞出跪叩主人答跪不叩余如亲王见仪外藩贝勒见入自中门闌左王出坐迎贝勒行二跪六叩礼王立受王就位正坐贝勒侍坐从官行礼随坐如仪贝勒受茶一叩饮茶叙语毕从官先出贝勒离席跪叩辞退王出坐府属官送于府门外外藩贝子公见府属官引至殿外行二跪六叩礼王坐受辞出跪叩王坐受亦如之余如贝勒见仪

右宗室外藩亲王相见

外藩亲王见宗室郡王之礼宾至主人迎于大门内肃宾入及阶让升主人由东宾由西及门让入主人就右西面宾就左东面行二跪六叩礼东西序坐从官行礼随坐待茶辞退均如内外亲王见仪主人送宾于大门内府属官送于府门外各退若外藩郡王见与内外亲王相见仪同外藩贝勒见与外藩郡王见亲王仪同外藩贝子公见与外藩贝勒见亲王仪同

右宗室外藩郡王相见

外藩亲王见宗室贝勒之礼宾至主人出迎于府门外肃宾入宾先行主人少后从行升阶亦如之主人入门而左东面宾入门而右西面各行一跪三叩礼东西序坐从官行礼随坐均如仪待茶辞退宾皆一叩主人答送宾于府门外乃退若外藩郡王见行礼坐次视亲王主宾出入并行迎送及于大门府属官送于门外外藩贝勒见行一跪三叩礼余与内外郡王相见仪同外藩贝子公见行一跪三叩礼主人跪受余与外藩贝勒见郡王仪同

右宗室外藩贝勒相见

外藩亲王郡王贝勒见宗室贝子公之礼宾至主人迎于大门外宾自西先行主人自东少后行升阶入门亦如之主人位左宾位右东西面各行一跪一叩礼序坐从官行一跪一叩礼随坐待茶如前仪从官先一叩辞退宾主各一叩兴主人送宾于大门外 乘马乃退若外藩贝

子公见行一跪一叩礼余与外藩贝子公见贝勒仪同

右宗室外藩贝子公相见

京官敌体相见之礼宾及门从者通名阖人入告主人肃衣冠出迎于大门内揖宾入每门让于宾及阶让升及门让入宾主皆北面再拜兴主人为宾设坐西面宾礼辞揖主人答揖卒正坐宾为主人设坐东面揖如之主人揖宾就坐执事者进茶宾受茶拜手主人答拜饮茶叙语毕宾告辞揖主人答揖降阶宾辞主人固请乃送宾于大门外视宾乘舆马主人乃退尚书左都御史见大学士仪亦如之一品至八九品官敌体相见仪并同三品以下京堂官翰詹科道见大学士主人迎于仪门内送出大门外不视乘舆马余仪同科道见左都御史副都御史各部尚书主人送出大门外退不视乘舆马余仪同翰詹科道与阁部院寺监属官相见均与敌体相见仪同有尊卑名分者均各尽其尊卑之礼

右京官敌体相见

阁部院寺监属官见其长官之礼初见属官公服诣署首领官引至堂上以衔名履歷呈于各长官坐案属官以次向坐三揖长官避席答揖退若燕见至大门外下舆马立于门内阖人通名入见长官迎于阶下诣防事【防事以南向为率】属官当楣北面三揖长官东面答揖序坐属官东位西面【旅见则以次东西面】长官位于西南东北面命坐揖茶至揖凡属官揖长官皆答揖啓事毕三揖如初辞出长官送于二门外属官出大门稍远乘舆马见大学士仪同右在京属官见长官

国学生见国子师之礼初见弟子公服具名柬国学首领官引至堂上北面三揖师立受辞退北面三揖出若燕见通名立于门内师召入迎于阶上弟子升阶俟师前行随入堂当楣北面再拜师西面答揖师命坐弟子北面揖趋正师坐毕侍坐于侧东位西面【旅见则以次列坐北上】师位于西南东北面请问揖茶至揖辞退北面三揖师皆答揖师出送前行弟子从及二门外弟子三揖俟师入乃退翰林院庶吉士见大学士及见教习庶吉士仪同右国学师弟子相见

直省官敌体相见之礼宾至署从者通名门吏啓门宾肩舆入仪卫止仪门外主人出迎宾至外堂檐下降舆主人揖宾入每门让于宾及防事各再拜兴主人为宾设坐西面宾礼辞揖主人答揖宾为主人设坐东面揖如之主人揖宾就位坐执事者进茶主宾各拜手饮茶叙语毕宾避席揖辞退主人答揖宾出主人送至外堂檐下视乘舆主人退宾肩舆出如来仪学政盐政及

钦差官与督抚相见仪同文职督抚司道以下府州县佐杂以上武职提镇以下千把总以上凡敌体官相见仪并同

右直省官敌体相见

直省文属见长官之礼司道见督抚初见具衔名履歷公服詣署至大门外降輿入及仪门由左门入督抚迎于外堂屏内督抚先行司道随入及防事司道当楣北面稟叅督抚辞乃三揖督抚西面答揖督抚正坐司道东旁侍坐【旅见则以次东西面】命坐揖茶至揖凡司道揖督抚均答揖辞出三揖如初督抚送至屏门外司道三揖俟督抚入门复三揖趋出至大门外乘輿返若公事谒见常服通衔名三揖就坐余如前仪知府见督抚督抚不迎送余如司道见仪同知通判见督抚辕门下輿马余与知府见同州县见督抚辕门外下輿马升堂北面再拜辞退三揖督抚皆立受余如知府见仪知府同知通判见司道司迎送于屏门外道迎送于堂檐下坐次知府等东位西面司道位于西南东北面余如见督抚仪州县见司道司道不出迎见毕辞出司送于阶下道送于屏门外余如知府见仪州县见知府迎送于屏门外余如见司道仪见同知通判迎送于堂檐下余仪同直 州知州见长官及接属官仪与知府同直 州州同州判见长官仪与州县同教职见督抚司道知府等官均如知县见仪首领佐杂官见督抚行一跪三叩礼不坐见司道知府仪同府首领县佐贰等官见同知通判如州县见司道仪杂职官见同知通判行一跪三叩礼不坐杂职官见知县如州县见知府仪右直省文官见长官

直省武属见长官之礼副将见提督初见具衔名披执辕门外下马门吏稟白 命免披执易公服由左门入升堂北面稟叅辞三揖提督西面答揖坐次提督正坐副将侍坐茶毕辞退三揖如初提督送至阶下常见不披执余仪同见本镇总兵官迎送于堂后屏外坐次副将东位西面总兵官位西南东北面余如见提督仪叅将游击见提督北面跪三叩辞退三揖出提督起立答揖不送余如副将见仪见总兵官如副将见提督仪见本镇总兵官起立不送都司守备见提督暨总兵官披执北面跪自宣衔名三叩提镇坐受命坐西面席地坐不设茶辞出三叩趋退提镇不起立公事谒见常服不宣衔名余仪同千把总见提督暨总兵官跪啓事不坐余与都守同叅将游击见本协副将如见总兵官仪辞出副将离位送都司守备见副将行一跪三叩礼副将不揖不送余如叅游见仪都司守备初见本管叅将游击行庭叅礼辞出本管官离位送常见三揖本管官答揖出揖如初若非本管官送迎及大堂屏后余仪同千总以下官见副将叅将游击与见总兵官同千总见都司守备与守备见叅游同把总见都司守备跪三叩辞出都司起立不送余与千总同

右直省武职见长官

司道见学政具名衔二门外下輿马由中门入学政迎于堂檐下揖入行宾主礼若学政为三品以上大臣司道谒见与见督抚仪同知府同知通判见学政行三揖礼余如见督抚仪州县见学政与见督抚仪同凡州县行礼学政避席答揖教职见学政与知县见同凡教职行礼学政立受首领佐杂官见学政与见督抚仪同司道以下官见盐政及

钦差官均与见学政仪同运使盐道见盐政与司道见督抚仪同运同运判等官见盐政与知府见督抚仪同科目出身盐大使见盐政与知县见督抚仪同

右直省官见学政盐政

顺天奉天府属官相见之礼同品官僚视直省敌体见仪治中通判见府尹如直省司道见督抚仪见府丞如司道见学政仪属下州县教职见府尹如见督抚仪见府丞如见司道仪见治中通判如见府倅仪经厯以下官见府尹丞治中通判如直省首领官见知府府倅仪奉天府属知府见府尹如直省知府见督抚仪见府丞如见学政仪府州县见

盛京五部侍郎如见府尹仪

右京府官属相见

直省文武官相见之礼提督见总督由中门入总督出迎于大堂檐下揖让入升堂三揖毕总督正坐提督僉坐若提督兼世职者总督东位西面提督西位东面辞出总督送至堂檐下视乘輿退见巡抚行宾主礼总兵官见总督与司道见仪同见巡抚行宾主礼副将见总督初见披执一跪三叩侍立待茶辞退三揖出见巡抚与知府见仪同叅将以下官见总督行一跪三叩礼千总以下官见司道仪同司道见提督如提督见总督仪见总兵官行宾主礼知府同知通判见提督总兵官如司道见提督仪州县见提督具衔名由左门入提督迎于阶下升堂北面三揖坐次提督正坐州县侍坐辞出三揖如初提督送至屏门外见总兵官仪同八九品以下佐杂官见提督总兵官行一跪三叩礼

右直省文武官相见

直省满汉官相见之礼镇守将军副都统与督抚提镇相见行宾主礼司道以下官见将军与见总督仪同见副都统与见总兵官仪同协领叅领见督抚与司道同佐领防御见督抚与知府同骁骑校以下官见督抚与州县同余不相统属者均行宾主礼

右直省满汉官相见

儒学弟子员见学师之礼与国子生见国学师仪同学政蒞任后释奠学宫讲学于彝伦堂教职引学弟子员谒见均公服北面再拜学政立受歳科试毕学弟子员列一二等者均公服祇俟于学政堂下学政升堂北面三揖学政立受阅卷毕退三揖出入泮谒见礼亦如之

右直省学校师弟子相见

士人敌体相见之礼宾及门从者通名主人出迎于大门外揖入及门及阶揖如初登堂主宾均北面再拜兴主人趋正宾坐宾礼辞主人卒正坐左还宾正主坐亦如之即席宾东位西面主人西位东面饮茶叙语毕宾退揖主人及阶及门揖辞主人均答揖乃送宾于大门外揖如初若见父之执友与见尊长仪同

右宾友相见

受业弟子见师长之礼初见师未出先入设席正位俟于堂下师出召见乃奉贄入奠贄于席北面再拜师起答揖兴谨问起居命之坐乃侍坐有问则起而对辞出三揖师不送常见侍坐请业则起请益则起师有教立听命坐乃坐师问更端仍起而对朝入一揖暮出一揖与同学弟子均以齿序右受业弟子见师长

卑幼见有服尊亲之礼及门从者通名俟外次尊长召入见升阶北面再拜尊长西面答揖命坐视尊长坐次侍坐于侧茶至揖叙语毕稟辞三揖凡揖尊长皆答出尊长不送若尊长来见卑幼迎送于大门外行礼坐次如前仪

右卑幼见尊长

钦定大清通礼卷四十四

卷四十五

钦定四库全书

钦定大清通礼卷四十五

凶礼

周官凶礼有五丧居其首昭慎终也唐显庆礼删国恤之条后世遂末由详考厥制下逮臣庶罕得遵循或泥古而失其情或从俗而违于义者有之我

朝孝治光昭与成周媲美三年之丧自

天子达于庶人其间称情立文垂为典则王道使民无

憾胥于是乎见焉谨详着于篇

列圣丧礼疾大渐

召

嗣皇帝侍侧王大臣数人承

简命入恭纪

遗诏初崩王大臣奉

嗣皇帝正主丧位去冠饰哭踊

宫中自

皇后

皇贵妃

贵妃

妃

嫔以下咸去首饰陈小殓

冠服

嗣皇帝奉以进哭踊视小殓毕所司恭奉

梓宫于宫中正殿

嗣皇帝哭踊凭

梓宫视大殓毕

命王大臣治丧事礼部内务府防疏丧仪辨服制嗣皇帝成服

皇子

皇孙随成服

皇后

皇贵妃

贵妃

妃

嫔以下公主皇子皇孙福晋同时成服王公百官宗室觉罗及内务府所属官人皆给白布制服公主福晋以下三等待卫妻以上及内务府所属妇女咸去首饰给布制服如之

皇帝服三年丧居翼室百日以内

上谕用蓝笔惟

天

地大祀越绋行事百日以后素服

听政诣

几筵前仍丧服二十七月而除

皇后

皇贵妃

贵妃

妃

嫔服同

皇子

皇孙居

宫中别室治丧仪王大臣及

殡宫守卫执事官人百日除服公王福晋以下侍卫妻以上及内务府所属妇女服同羣臣八旗文武官居

阙左门外汉官居各公署服二十七日而除皆百日不薙髮素服二十七月奏疏文移用蓝印二十七日止昏嫁葭年遏音乐二十七月

右初崩成服

既殓迺奠所司于

几筵殿内设缀衣【中黄左右白】供牀南向坐褥具左右各设牀列黼扆十有四南设供案香合鑪鐙具盥仪衛陈

法驾卤簿于

乾清门至

太和门外诸执事皆办辨内外哭位

嗣皇帝立殿檐东西向哭众传哭

皇子

皇孙立丹陛东西面

皇后立缀衣内东向

皇贵妃

贵妃

妃

嫔公主皇子皇孙福晋立于后殿下丹墀右为诸王福晋夫人郡主以下至二品命妇哭位

隆宗门外为三四品命妇以下哭位

乾清门外为王以下公侯伯子男及二品以上官哭位【王公以下二品官以上宗室觉罗特命进内瞻仰者入乾清门内序哭】

景运门外为三品以下文武官哭位【非命妇齐集之日右翼官于隆宗门外序立】皆分左右翼序立东西面北上内监启门治丧仪王大臣及执事官率尚茶奉茶尚膳奉膳由中门入至殿前

皇帝入殿左门诣

几筵前正中立尚茶跪进茶众皆跪

皇帝举茶奠于案行一拜礼众随行礼尚茶彻茶次尚

膳进膳揭巾帟

皇帝亲上食毕执事官进奠几于正中

皇帝诣几前跪奉爵王大臣跪进爵

皇帝祭酒三爵每祭一拜兴众随叩兴乃彻阖门哭止皇帝还翼室众各退嗣是朝晡日中三奠朝晡进羹饭

肴饌日中进果筵仪均如前

右殓奠朝晡日中奠

越日恭颁

遗诏工部官设黄案于

凡筵殿内之东内阁学士自阁奉

诏书内阁官前引至

乾清门大学士奉

诏书由中门入至

几筵殿檐下

皇帝恭受奉安于东案跪三拜兴由殿左门出西向立候大学士入右门诣黄案前跪三叩奉

诏书兴出殿中门

皇帝跪

诏书过兴还翼室大学士奉至

乾清门外授礼部尚书尚书跪受祠祭司官以云盘接奉出颁

诏于

天安门楼王公百官丧服率军民集外金水桥跪听宣读毕举哀行三跪九叩礼

诏下礼部恭镌誊黄

颁于天下顺天府府尹率属制服跪迎于府署开读在京 选官及教习进士举贡肄业国子生等咸集朝夕哭临三日

诏至直省将军督抚率所属文武官暨荐绅师生耆老素服出郊跪迎入公廨开读分驻之提镇率所属将弁道府州县率所属丞倅掾吏绅士耆老素服跪迎于治所开读均易丧服北面行礼朝夕哭临三日丧服二十七日不薙髮止昏嫁百日遏音乐期年

京师暨直省军民男去冠饰女去首饰素服二十七日止昏嫁一月遏音乐百日遣使颁

诏于朝鲜国国王率羣臣素服恭迎止鼓乐使者就馆不受燕飧余如常仪使还国王遣陪臣上表进香纳方物其使臣有在京者给白布制服遣理藩院官分路颁

诏外藩防古王台吉公主福晋等入京行叩谒礼在二十七日以内令制服后二十七日至者男去冠饰女去首饰各三日

右颁遗诏

越日谒吉

嗣皇帝诣

凡筵前祇告受

命出更礼服

御太和殿即

皇帝位【仪详吉礼】礼毕反丧服

右祇告即位

谒日殷奠前期翰林院撰拟祭文至日五鼓工部官设幕于

乾清门外之西置奠几陈燎牀于燎所具楮币九万设祭文案于殿檐下稍西銮仪卫官校陈鹵簿王公百官公主福晋命妇各集于其位如前仪侍卫班领导治丧仪王大臣内务府总管率执事官入陈俎豆于

几筵前列祭筵二十有一羊九酒十有一尊于丹陛左右陈设毕侍卫仍导以出司祝奉祭文礼部尚书侍郎二人防引由

乾清门中门入设于案出【执事者出入皆导以侍卫班领后仿此】内监奉

冠服筐设于供牀届时礼部尚书奏请

皇帝自翼室出诣

几筵哭就位内外集序传哭献茶上膳如前仪司祝进至案前奉祭文至檐外正中北面跪礼部尚书侍郎二人左右跪展祭文执事官进奠几

皇帝于几前跪众各于其位跪哭暂止读祭文毕仍复于案退传哭如初奉爵王大臣跪进爵

皇帝祭酒三爵每祭一拜兴众随叩兴乃彻司祝奉祭

文礼部尚书侍郎恭引内监奉

冠服筐宫殿监侍二人内大臣十人恭引均由中门出送

燎所

皇帝由

乾清左门出跪候

冠服过从行王公内大臣侍卫于

乾清门外跪候过随豹尾枪后从行鸿胪寺豫引三品以下各官于燎所东西列跪候过

皇帝诣燎位前跪众皆跪奉爵王大臣跪进爵皇帝祭酒三行礼如前仪兴稍后西向立众随叩兴奉

爵王大臣灌毕哭止

皇帝还翼室众退

右殷奠

诹日奉移

殡宫豫日以奉移只告于

几筵启奠陈设读文【祭文翰林院撰拟】奠献内外集序均如殷奠

仪

右启奠

届日五鼓銮仪卫陈

法驾卤簿治丧仪王大臣率执事官校入彻缀衣黼展豫

送

殡宫工部陈大升輦于

景运门外校尉民夫均服其服分班立俟戒在途执事官役谨敬集事王公百官于

梓宫所出门外列定班位豫俟

皇后

妃

嫔暨公主福晋夫人命妇豫往

殡宫集俟届时礼部尚书奏请

皇帝诣

梓宫前哭执事官进奠几

皇帝祭酒三爵每祭一拜兴立于左治丧仪王大臣工部銮仪卫使率执事官校进小輦恭奉

梓宫启行

皇帝哭从

梓宫出

乾清门中门直班内大臣侍卫于门外跪哭至景运门外登大升輦初班校尉恭昇

皇帝西向跪【凡换班皆跪后同】礼部尚书祭輦奠酒三爵每奠

行一叩礼兴校尉昇行

法驾卤簿前导

皇帝于

梓宫左步行恭送治丧仪王大臣礼部工部内务府及恭送之王贝勒贝子公等夹道随行文武百官咸跪哭候过兴随行经过门桥内大臣祭酒三爵每祭一叩兴

灵驾至

殡宫大门外大升輦止

皇帝于门外之左跪迎哭众随跪哭校尉防昇

梓宫入中门至

殡殿

皇帝随入立于殿檐东王公至辅国将军大学士公侯伯子男至副都统副都御史防古王至台吉于大门外序立东西面其余文武百官于旁门外序立治丧仪王大臣率官校入殿奉安

梓宫于殿内正中设缀衣黼扆如初

皇帝诣奠位奠爵众随叩如前仪既毕彻饌阖门哭止皇帝居侧殿苦次
【二十七日后还宫倚庐】

皇后

妃

嫔以下还宫众各退既殡朝夕上食日中进果筵如初二十七日之后

皇帝诣

殡宫奠酒日一次既周月闲日一次再周月闲二日一次

余日

命皇子诸王分诣恭奠内务府官防军领催等于大门外之东命妇妇人于大门内之西各更班齐集每日随朝晡日中三奠举哀行礼治丧仪王大臣恭视黍饰

梓宫凡四十有九次

右奉移殡宫

诹日行初祭礼前期翰林院撰祭文届日工部设幕于

殡宫门外之西置奠几设祭文案于

殡殿西檐下陈燎牀于燎所具楮币四十万釜仪衞陈法驾卤簿于大门外治丧仪王大臣内务府总管等率所

司陈俎豆于

殡殿内列祭筵八十有一羊二十有七酒四十有一尊于丹陛左右设奠几于正中司祝奉祭文礼部尚书侍郎引入设于檐下西案内监陈

冠服筐于供牀均如初仪王公百官于大门外分位集俟福晋以下二品命妇以上于二成门内之右集俟内府入直之命妇妇人于二门外集俟在内公主福晋等集于殿内届时

皇帝丧服诣

几筵前哭众传哭献茶上膳读文毕

皇帝奠酒行礼众随行礼及送燎

皇帝出殿左门跪候

冠服过从行至大门外王公以下皆跪候过从行三品以下各官鸿胪寺豫引于燎所左右列跪候过

冠服祭文送至燎所防安于燎牀

皇帝诣奠位跪众皆跪奉爵王大臣进爵

皇帝奠爵三每奠一拜兴众随叩兴奉爵大臣灌毕哭止退均如殷奠之仪翼日绎祭遣官行礼陈饌筵十有一羊五酒五尊楮币三万不设卤簿不齐集不读祝礼部工部内务府光禄寺堂属官执事余如仪

右初祭

诹日行大祭礼前期撰祭文执事诸司供備至日陈设祭筵内外集序读文哭奠送燎均如初

祭次日绎亦如之

右大祭

周月陈饌筵二十有一羊九酒九尊具楮币十万

皇帝丧服哭奠行礼王公百官素服去冠饰随跪叩传哭均如初仪朞年以内未葬月有奠祭
筵十有一羊五酒五尊余陈设礼仪均与殷奠同

右月奠

诹日恭上

尊諡

制下先期礼部具疏请

命总理王大臣内阁九卿暨翰詹科道文六品武四品

以上官集议恭拟

尊諡

庙号进呈

钦定工部豫制香

册香

寶及宣读绢

册绢

寶于制造所翰林院撰

册文

寶文既办择良辰恭镌是日所司豫设案于内阁政事堂中设册寶亭二香亭一于制造所门
外内阁大学士学士礼部工部尚书侍郎咸素服集政事堂祇俟工部官奉

册

寶设亭内銮仪校舁行至内阁门外亭止有司奉册

寶恭设于案退大学士等行三跪九叩礼大学士一人奉册一人奉

寶以授匠人镌字于洁室恭上

尊諡前一日遣官各一人只告

天

地

太庙

奉先殿

社稷如常告仪【详吉礼】至日五鼓鸿胪寺官豫设册寶案

各一于

太和门正中南向銮仪卫官设黄亭二于阶下南北肆设

法驾卤簿于

殡宫大门之外内务府太常寺官设香案于殿内正中左右设宣读册寶各一案又左设香册
香寶案漏未尽执事官咸入王以下公以上于

协和门外集序均素服礼部侍郎二人诣内阁奉宣读

册文

寶文于函至

太和门阶下豫设亭内退大学士二人自阁奉香

册香

寶于盥至

太和门阶上恭陈案上跪三叩兴退只蒞于丹墀东质明钦天监官报时届礼部尚书詣

乾清门奏请

皇帝素服乘輿出宫至

太和门北阶降輿司拜褥官豫设拜褥于门槛外正中

皇帝由

太和左门出詣案前立北向阅

册

寶訖就拜位立行一跪三拜礼兴转立东次西向司拜褥官彻拜褥大学士二人进詣案前跪三叩兴奉

册

寶分设亭内跪三叩兴礼部尚书奏礼毕

皇帝易丧服豫詣

殡宫配殿只蒞銮仪校恭昇册亭寶亭以次行礼部官十人前引导以御仗二华蓋一奉册寶大学士暨执事官从王公于所集之位跪候亭过兴以次从至

殡宫门外公侯伯以下四品官以上皆跪迎黄亭由大门中门入至内门止礼部尚书侍郎二人奉宣读

册文

寶文豫陈于殿内左右案大学士二人詣亭前跪三叩兴

奉香

册香

寶礼部尚书侍郎恭引由中门中路进殿中门陈于左案跪叩如初退钦天监报时届礼部尚书诣

配殿奏请赞引对引太常寺卿二人恭导

皇帝由大门左门入就正中拜位前立鸿胪寺官引王公于阶下东西公侯伯以下文武四品官以上于大门外按翼序立典仪赞执事官各共廼职赞引奏就位

皇帝就拜位北向立司香奉香合进赞引恭导皇帝诣香案前立司香跪赞引奏跪

皇帝跪奏上香司香进香

皇帝受香合拱举仍授司香兴三上香奏复位皇帝复位立奏跪拜兴

皇帝率羣臣行三跪九拜礼兴赞引奏跪

皇帝跪羣臣皆跪典仪赞进

册大学士自东案奉香

册跪进于左

皇帝受

册拱举授礼部尚书跪接兴奉安于案跪三叩兴退进寶于右如进

册之仪廼宣

册宣册官诣案北面跪恭奉绢

册宣讫复于案三叩兴退宣

寶仪同赞引奏跪拜兴

皇帝率羣臣行三跪九拜礼兴廼奠帛读祝三献爵如仪礼毕执事官奉祝帛礼部尚书侍郎二人诣册寶案前跪三叩兴奉宣读

册文

寶文送燎所由中道出

皇帝转立拜位东旁西向俟过复位赞引奏礼成皇帝还宫众退翼日

颁诏天下【仪详吉礼】

右上尊諡

百日陈饌筵二十有五羊九酒十有三尊楮币十有一万五千内外集序读文哭奠如初祭仪
右百日祭

歲逢清明中元冬至歲除日

梓宫在殡均以时致奠

皇帝亲诣行礼豫日诸司供备届日陈祭筵羊酒具楮币内外集序读文【清明不用祭文】
哭奠【冬至至不哭】余均如前仪

右时荐

诹日行大葬礼前期礼部疏

闻豫

简王公大臣相度吉壤工部营治

山陵如制内阁撰拟

陵名进呈

钦定先期礼部防内务府疏

闻徧布诸司供备廼封

陵山遣礼部尚书侍郎致祭太常寺具祝版香帛皇帝御中和殿

阅视如仪祭日有司设坛于

陵东南承祭官奠献行礼如告祭

五陵山之仪

山陵工竣复祭

陵山同日并遣官致祭

后土

司工之神如兴工祭仪

右封祭

廼

简大臣为向导总领率向导官相视

梓宫所出之都门至

山陵量地远近计日分程工部平治道路为

行殿于宿次

行殿及

陵旁均设庖供张毕备前期三日遣官各一人以奉移山陵只告

天

地

太庙后殿

奉先殿

社稷均如仪

右视途只告

前奉移一日祖奠陈祭筵三十有一羊九酒十有五尊楮币十有五万内外集序读文哭奠如

后奠仪

右祖奠

届日五鼓所司陈

法驾卤簿大升輦于

殡宫门外设册寶亭于阶下执事官各共乃事治丧仪王

大臣率官役豫入

殡殿出缀衣黼宸王公百官素服毕集四品以下官豫于都城外集埃王以下三品官以上于门外卤簿之末左右序立三旗内务府官于大臣班后序立福晋以下二品命妇以上集于大门之内内务府命妇妇人集于门外届时礼部尚书奏请

皇帝丧服诣

梓宫前哭祭酒三爵每祭行一拜礼众传哭随叩毕皇太后诣

梓宫旁三奠爵

皇后率

妃

嫔暨公主福晋郡主等皆集于殿内哭拜如仪卒奠

皇帝退立于左西向

皇太后

皇后

妃

嫔以下退立殿后奉册寶官奉香

册香

寶安于亭内治丧仪王大臣工部銓仪卫率执事官校尉

进小輦恭移

梓宫由中门出内外集者各于其次跪哭 过

皇帝由殿左门出诣大升輦之左北向跪

梓宫登輦礼部尚书祭酒三行三叩礼毕

皇帝兴步行恭送

皇太后

皇后以下瞻仰

梓宫启行由闲道诣宿次福晋命妇亦由闲道先行灵驾发

册寶亭及

骑驾卤簿前导治丧仪王大臣礼部工部内务府銓仪衛官属夹道巡行豹尾班侍卫佩仪刀弓矢侍衛扈从三品以上官按品随行校尉按班舁輦及更班

皇帝率众跪 【凡途中更班皆跪 后同】毕迺行

梓宫出都门内大臣祭酒三叩【凡过门桥皆祭酒后同】四品以下官

各于其次跪哭 过兴

皇帝乘輿由闲道豫往宿次 迎王公百官乘马分班

以从

灵驾至宿次

皇帝恭迎于幔城北门外跪哭王公百官均随跪哭

过兴

梓宫奉安于

行殿正中借以氍毹前设供牀案几左右陈

册寶陈

骑驾卤簿于门外王公百官接翼按品序立所司进果筵皇帝行晡奠礼祭酒三爵三拜众随叩卒奠闔门皇帝退居庐治丧仪王大臣戒所在官军只严宿衛翼

日昧爽

皇帝诣

行殿朝奠举哀祭酒众随举哀行礼均如晡奠仪治丧

仪王大臣率舁校进

灵驾发导引翼卫如前仪

皇帝率王公百官跪 过从行里许仍乘輿由闲道诣宿次豫埃羣臣步从至舁校更班之所乃乘马

皇太后

皇后

妃

嫔瞻仰启行仍乘輿先诣宿次

御道所经百里内守土官素服跪迎于道右举哀 过赴宿次于网城门外行三跪九叩礼届奠时于右翼班末随行礼如仪凡在途之日并同

右宿次朝夕奠

灵驾将至

陵

皇帝

皇太后

皇后

妃

嫔豫至

陵恭候守

陵贝勒公大臣官员于十里外跪迎銮仪卫陈设卤簿如

仪

灵驾至

皇帝迎于大门之左跪哭王公百官随

驾先至者均随跪哭迎从

梓宫后行者近

陵桥止马步从

灵驾至

享殿门桥南大升輦止

皇帝跪视降輦校尉恭昇

梓宫由

享殿中门入

皇帝由左门入奉安

梓宫于

享殿正中陈设几筵毕

皇帝诣殿内奠酒率羣臣举哀行礼如仪出还居庐众退

皇太后

皇后

妃

嫔等入

享殿右门诣殿内奠拜毕均回

行宫是日遣官祇告各

陵并

后土

皇陵山神各如仪翼日遣奠所司陈卤簿于

享殿门外设幕于门内之左置奠案陈祭文于殿檐下陈祭筵二十有五羊七酒十有五尊楮币九万往送王公百官及在

陵贝勒公大臣官员皆按班集序届时

皇帝由

享殿左门入诣殿内哭奠读文行礼众随哭行礼均如祖

奠之仪

右遣奠

诹日奉安

宫前三日遣官各一人祇告

天

地

太庙后殿

奉先殿

社稷如常告仪工部官豫以织苇为殿于方城门外接

方城以木为平台陈龙輶于

苇殿正中设餞桥于方城前及

陵门外布木轨于隧道内自方城径達

宫寶牀之前先一日

皇帝行迁奠礼如遣奠仪卒奠王公百官于

隆恩门外按品集序如初福晋以下命妇妇人豫詣方

城西旁立埃

皇帝于幄次少埃执事王大臣率属戒办届时皇帝詣

梓宫前哭祭酒三每祭一拜众皆哭随行礼毕

皇帝退立于丹陛之左执事者入殿恭奉

梓宫降中阶循殿东行

皇帝跪 过兴豫入

陵左门

梓宫登餞桥由

陵中门入至平台奉安

梓宫于

寶城前

苇殿正中登龙輶北向去幟陈设几筵毕

皇帝诣

梓宫前哭祭酒三每祭一拜众皆哭随行礼乃彻送燎皇帝仍由左门出还

居庐

右迁奠奉移近 宫

奉安日所司慎简工役执事王大臣只率供事内外集序如初届时

皇帝诣

苇殿内哭祭酒每祭一拜众皆哭随行礼毕

皇帝出

陵门外跪

梓宫御龙輶执事奉輶循 行入于

宫侍卫执铎前导王大臣随入敬视永安于

寶牀上礼部内务府大臣奉

册寶陈于左右石案执事以龙輶及木 出封石门大葬

礼成遣官只告

陵山

后土之神

皇帝哭入

陵左门诣祭台前奠爵行礼众皆哭随行礼卒哭皇帝乃出诣幄次

右奉安山陵

是日恭题

神主行虞祭礼所司陈黄輿于

隆恩殿丹陛之下设

寶座于殿内正中南向前设供案陈设牲牢俎豆又设帛案香案各一陈制帛香盘尊爵鑪鐙具设祭文案于西檐下设题主案于香案之东南北肆司拜褥官豫设

皇帝拜位于殿内正中司祝司帛司香司爵以次序立于殿内东西典仪立殿外东阶掌燎立于

隆恩门外燎所奉楮大臣豫由东

配殿恭奉

神主楮陈于案满汉大学士各一人朝服入俟礼部尚书

诣幄次奏时

皇帝御素服加冠饰【执事暨陪祀官服同】出次赞引对引太常寺

卿二人恭导

皇帝由

隆恩左门入陛东阶进殿左门诣拜位北向立鸿臚寺官引陪祀王以下入八分公以上于露台上序立引文五品武四品以上官于丹墀内序立奉楮大臣进后楮奉

神主防设于东案大学士二人诣案前行一跪三叩礼兴

就位恭题

神主毕后楮大臣恭奉

神主跪安于

寶座三叩兴退迺行虞祭礼上香读祝三献爵送燎均如隆恩殿亲飧之仪【详见吉礼】

右题主虞祭

祭毕銮仪衛率官校移设黄輿于露台上正中南向太常寺卿一人北面跪奏请

神位登輿

升祔

太庙三叩兴退赞引恭导

皇帝诣

寶座前行一跪三拜礼兴恭奉

神位赞引对引暨大学士恭导由殿中门出奉安于黄輿三拜兴退立于左校尉舁輿导以御仗黄蓋内大臣十人大学士四人前引

皇帝率王以下各官跪候过随行

神輿出

隆恩中门大学士退立左右

皇帝由左门出先诣宿次恭蒞

神輿出

龙凤门内大臣豫诣

红门外只蒞侍卫礼部尚书侍郎率官属十人进前恭导至

红门外止立内大臣乘马导行侍卫扈从王公百官序从均乘马至宿次所司豫张黄幄奉安

神位黄輿前设供案陈果品十有二爵三实酒又设香案一于正中前为拜位太常寺卿奏请行夕奠礼恭导

皇帝诣香案前上香行三跪九拜礼毕还

居庐翼日朝奠

亲诣上香行礼毕出幄次转立于左所司彻案校尉舁舆礼部尚书暨太常寺卿恭引至纲城南门外止内大臣侍卫前导后扈如初

神舆出

皇帝跪 过兴仍先诣宿次恭俟王公各官于网城外

跪 过随行

御道所经守土官朝服跪迎道右至宿次行谒见礼三

跪九叩退在途每日仪同

神舆至都城前一日

皇帝还京豫俟遣官恭代夕奠就香案前上香毕退至幄外行礼次日恭代朝奠如之奠毕校尉舁舆出次遣官于西跪

神舆过随行是日王公百官均朝服从

神位还京

升祔

太庙至

大清门王以下文武百官跪 过兴

神舆至

天安门赞引对引恭导

皇帝跪迎如仪【仪详吉礼】

右神位还京

朞年小祥

皇帝诣

陵于

寔顶方城前行礼前期翰林院撰拟祭文执事诸司供备部院大臣官员三分之一随往先一日

皇帝谒

陵【仪详吉礼】礼毕还

居庐所司豫张黄幄于

明楼前丹陛之上幄内设供牀一设祭文案于阶上之

西设燎牀于

隆恩门外燎所殿东设幕置奠案祭日黎明内监奉冠服筐安设供牀所司陈祭筵三十有一羊九酒十有五尊礼部尚书奉祭文安于西案鸿臚寺官引王公大学士内大臣侍卫于

陵门外公侯伯子男以下文武百官于配房前按翼序立

均去冠饰素服守

陵贝勒公夫人以下命妇及内务府妇女于

方城前丹陛下庭西之末集序

皇帝丧服乘輿出

行宫内大臣侍卫扈从至

隆恩门外降輿礼部尚书侍郎恭导

皇帝诣幄次少俟届时礼部尚书侍郎奏请遂前 驾由

隆恩左门入

陵左门诣

明楼前黄幄内拜位立尚茶举茶案设于阶下正中奉茶升阶恭献于案灌毕退尚膳奉汤饭进献于案揭帟司祝及展祭文官诣祝位跪

皇帝跪众咸跪司祝读文毕复于案三叩退奉爵大臣

进爵

皇帝恭奠三爵每奠行一拜礼兴众随叩兴

皇帝复位立举哀众随举哀乃彻鸿臚寺豫引百官于燎所东西稍远立司祝奉祭文礼部尚书侍郎前引送至燎所避立东旁俟内监奉

冠服筐出内监四人前引

皇帝跪 过随行出

陵中门内大臣十人恭导侍衛扈从王以下跪 过随行

百官均跪 过至燎所

皇帝诣奠酒位跪众皆跪奉爵大臣进爵

皇帝奠酒三爵拜如初兴举哀众随叩兴举哀奉爵大

臣灌毕哀止

皇帝仍由左门出还

居庐众各退

遣官致祭去冠饰素服出入自右门立于丹陛西旁燎位奠酒礼部官进爵余均如前仪

如朞年

山陵未竣

梓宫犹在

殡宫祭日陈设礼仪内外集序均如初祭再朞大祥皇帝诣

陵致祭或遣官行礼所司陈祭筵羊酒读文集序举哀均如初朞仪【三年既周致祭仪同自后逢忌辰致祭详 陵寝仪】

右朞年致祭

中月而禫

皇帝诣

陵致祭前期翰林院撰拟祭文执事诸司供备部院大臣各官以其半随往所司陈祭筵羊酒如百日致奠之数内外集序

皇帝丧服率羣臣举哀读文致祭奠酒行礼均如朞年

祭仪是日周二十七月

皇帝

皇后均除服羣臣皆即吉

右终丧除服

钦定大清通礼卷四十五

卷四十六

<史部,政书类,仪制之属,钦定大清通礼

钦定四库全书

钦定大清通礼卷四十六

凶礼

列后丧礼由

圣子皇帝主丧者初崩恭受

遗诰

命王大臣治丧事礼部内务府防疏丧仪

皇帝成服

皇子

皇孙随成服

皇后率

妃

嫔暨皇子皇孙福晋皆同时成服王公百官宗室觉罗及内务府所属官人皆给白布制服公主福晋以下二品命妇以上及内务府所属妇女给白布制服如之

皇帝居翼室丧服二十七日

上谕用蓝笔二十七日外易素服

御门听政诣

几筵前仍丧服二十七月而除

皇后服如之

皇子

皇孙及治丧仪王大臣

殡宫守卫执事官人服百日羣臣服二十七日素服不薙髮百日奏疏文移用蓝印十有五日常
遏音乐止昏嫁百日余仪与

列圣初崩同

右初崩制服

其日殓奠所司于奉安

梓宫殿内正中施黄幔左右素帷内銮仪校陈

仪驾于

宫门外诸执事皆办

皇帝立殿檐东西向哭

皇子

皇孙立丹陛西

皇后率

妃

嫔公主皇子皇孙福晋立

几筵殿内王公以下文武二品官以上立

宫门外三品以下官立外门之外王公福晋夫人郡主以下二品命妇以上立

宫门内丹墀西三品以下命妇立

宫门外之西皆传哭内务府总管命妇率尚茶女官奉茶尚膳女官奉膳由中门入

皇帝诣

几筵前跪众皆跪尚茶女官跪进茶内监奉茶转进皇帝举茶奠于案行一拜礼众皆随行礼尚茶女官彻

茶尚膳女官进膳揭巾幕

皇帝视上食毕执事官进奠几于正中

皇帝诣几前跪奉爵王大臣跪进爵

皇帝祭酒三爵每祭一拜众随叩兴乃彻饌哭止皇帝还翼室众各退嗣是朝晡日中三奠朝晡进羹饭

肴饌日中进果筵余仪均与

列圣殯奠同

右殯奠朝晡日中奠

越日礼部尚书侍郎一人率祠祭司官诣内阁只领

遗诰恭镌誊黄

颁于直省遣使赍谕朝鲜国王理藩院遣官分路往谕

外藩防古均如颁

遗诏仪

诰下之日顺天府府尹率属制服跪迎奉安于公署直省文武官率属素服郊迎入公廨奉安毕易制服均朝夕哭临三日二十七日释服不薙髮遏音乐止昏嫁各百日

京师暨直省军民男去冠饰女去首饰素服七日遏音乐止昏嫁二十七日朝鲜国王遣陪臣上表进香其使臣在京者给白布制服外藩防古王台吉公主福晋等入京行叩谒礼在二十七日以内皆制服后二十七日至者男去冠饰女去首饰各三日

右颁遗诰

诹日殷奠工部设祭文案于殿檐下之东内銮仪校陈

仪驾宫殿监侍导治丧仪王大臣内务府总管率执事官入陈饌筵羊酒毕仍导以出【执事者出入皆导以宫殿监侍后仿此】内务府总管命妇率内管领妻奉

冠服筐【后奉筐均仿此】豫设于供牀

皇帝诣

几筵前哭内外齐集者 哭奠茶上食读文三祭酒众随

行礼彻奠

皇帝避立于左祭文送至燎所首领内监接奉内务府

命妇内管领妻奉

冠服筐出

皇帝跪候过兴从行公主及在内福晋咸出随行王公百官皆退避齐集之福晋命妇各于其位跪 过兴随行

皇帝至燎所跪众咸跪

皇帝祭酒三爵每祭行一拜礼众随拜兴毕哭止余仪

与

列圣殷奠同

右殷奠

启奠【如殷奠仪】

奉移殡宫

初祭

大祭

月祭 【以上礼仪均见列圣丧礼】

诹日恭上

尊諡

庙号

制下礼部具疏请

勅内阁敬拟

尊諡进呈

钦定恭上

尊諡礼成翼日

颁诏布告天下余仪均与恭上

列圣尊諡同

右上尊諡

百日祭

清明

中元

冬至

歲除在殡时荐 【以上礼仪均见列圣丧礼】

诹日行大葬礼前三日祇告

天

地

太庙后殿

奉先殿

社稷前一日祖奠届日奉移

梓宫

皇帝率

皇子

皇孙王公百官

皇后率

妃

嫔皇子皇孙福晋以下命妇以上恭送在途朝夕奠

梓宫至

山陵奉安于

享殿遣官祇告

列圣陵寝并祭

陵山

后土之神翼日行遣奠礼奉安

元宫前三日遣官祇告

天

地

太庙后殿

奉先殿

社稷先一日奉移

梓宫于

寶城前

苇殿行迁奠礼届日

梓宫御龙輶执事官恭奉循隧道木轨入

元宫永安于

寶牀是日行敬题

神位礼恭奉还京在途虞祭至京

升祔大葬礼成遣官致祭

陵山

后土之神均与

列圣大葬礼仪同

右大葬

朞年小祥

再朞大祥

中月而禫

皇帝释服【以上礼仪均见列圣丧礼】

若由

皇帝主丧者初崩

勅谕羣臣布告天下去冠饰辍朝

皇子去冠饰即次哭踊

妃

嫔暨皇子福晋皆去首饰即次哭在京王公百官宗室觉罗及内务府所属官人皆制服公主福晋以下二品命妇以上及内务府所属妇女皆制服

皇帝缟素【以白绸为之】旬有三日易素服阅二月释服亲诣

几筵前视奠仍素服至暮年除

皇子丧服百日易素服诣

几筵前仍丧服二十七月而除皇子福晋服如之妃

嫔服二十有七日

皇孙及治丧仪王大臣

殡宫守卫执事官人服百日羣臣服二十有七日素服不薙髮百日文移用蓝印十有三日京朝官服内遏音乐止昏嫁余仪与

列后初崩同

右初崩制服

其日殓奠所司于奉安

梓宫殿内正中施黄幔左右素帷内銮仪校陈

仪驾于

宫门外诸执事皆办

皇帝亲临视奠至丹陛正中降舆哭【后 亲临视奠仪同】皇子立丹陛东

妃

嫔公主皇子皇孙福晋立

几筵殿内王公以下文武二品官以上立

宫门外三品以下官立外门之外王公福晋夫人郡主以下二品命妇以上立

宫门内丹墀西三品以下命妇立

宫门外之西皆传哭内务府总管命妇率尚茶女官奉茶尚膳女官奉膳由中门入尚茶女官跪进茶恭奠于案行一叩礼

皇子以下皆北面跪叩彻茶尚膳女官揭巾幕上食毕执事官进奠几

皇帝诣奠位坐西向奉爵大臣跪进爵

皇帝受爵三奠

皇子以下皆行三叩礼乃彻奠哭止

皇帝乘舆还宫

皇子返苦次众各退嗣是朝晡日中三奠朝晡进羹饭肴饌日中进果筵余仪均与

列后殓奠同

右殓奠朝晡日中奠

越日内阁缮

勅下礼部恭镌誊黄

颁于直省遣使赍谕朝鲜国王理藩院遣官分路往谕

外藩防古均如颁

诏仪

勅下之日顺天府暨直省文武官均去冠饰制服集公所哭临三日二十七日释服百日不薙髮军民男去冠饰女去首饰素服七日自品官達于民庶遇

音乐止昏嫁各如其制服之日朝鲜国王遣陪臣上表进香其使臣在京者给布制服外藩防古王台吉公主福晋等入京行叩谒礼在二十七日以内皆制服后二十七日至者男去冠饰女去首饰各三日

右颁勅

诹日殷奠工部设祭文案于殿檐下之东内銮仪校陈

仪驾宫殿监侍导治防仪王大臣内务府总管率执事官入陈饌筵羊酒毕仍导以出【执事者出入皆导以宫殿监侍后仿此】内务府总管命妇率内管领妻奉

冠服筐【后奉筐均仿此】豫设于供牀

皇帝亲临哭

皇子以下内外齐集者传哭奠茶上食读文

皇帝三奠酒

皇子跪叩众随行礼彻奠

皇帝还宫

皇子避立于左王以下各退避祭文送至燎所首领内监接奉内务府总管命妇内管领妻奉

冠服筐出

皇子跪候过兴皇子福晋随行集序之命妇皆于其位跪 过兴随行至燎所送燎皇子福晋跪奉爵命妇跪进爵皇子福晋祭三爵每祭行一拜礼众随拜兴毕哭止余仪与

列后殷奠同

右殷奠

后奠【如殷奠仪】

奉移殡宫

初祭

大祭

月祭 【以上礼仪均同列后丧礼】

诹日遣使

册諡礼部承

防具疏请

勅内阁敬拟

册諡进呈

钦定【如册諡业由钦定制下日礼部即诹吉疏闻】届期奏请命亲王一人充

册諡使郡王一人副之恭行

册諡礼成翼日

颁诏布告天下余仪均与恭上

列后尊諡同

右册諡

百日祭

清明

中元

冬日至

歲除在殡时荐 【以上礼仪均同列后丧礼】

诹日行大葬礼先期敬题

神位恭奉还京

升祔

奉先殿前三日遣官只告

天

地

太庙后殿

奉先殿

社稷前一日祖奠届日奉移

梓宫

皇帝亲临奠酒

皇子

皇孙暨王公百官

妃

嫔皇子皇孙福晋及王福晋以下命妇以上恭送在途朝夕奠

梓宫至

山陵奉安于

享殿遣官只告

列圣陵寝并祭

陵山

后土之神翼日行遣奠礼奉安

元宫前三日遣官只告

天

地

太庙后殿

奉先殿

社稷先一日奉移

梓宫于

寶城前

苇殿行迁奠礼

皇帝亲临视葬届日

梓宫御龙輶执事官防奉循隧道木轨入

元宫永安于

寶牀大葬礼成遣官祇告

陵山

后土之神均与

列后大葬礼仪同

右大葬

募年小祥

再募大祥

中月而禫

皇子释服【以上礼仪均同列后丧礼】

钦定大清通礼卷四十六

卷四十七

钦定四库全书

钦定大清通礼卷四十七

凶礼

皇贵妃丧礼疾革自

大内移入吉安所初薨内务府防礼部疏列丧仪布诸司戒办

皇帝辍朝五日素服十日【若殡期逾十日及殡而止】

简王大臣治丧事

命所生皇子即丧次届时奉安

金棺于殿内正中内监设几筵张帷幔内銮仪校陈仪仗内外成服

皇子公主皇子福晋

皇孙皇孙福晋持服之日

防钦定王贝勒贝子公

皇贵妃戚族成服者至大祭日而除内务府总管一人散秩大臣三人侍卫九十人内务府三旗佐领下官及其妻以三分之一成服均至大祭日而除

皇贵妃本管领下官员及执事男妇宫人内侍皇子侍从成服者随

皇子而除既殓设奠王以下文武四品官以上去冠饰素服集于

宫门外左右公主福晋以下一品命妇以上去首饰素服集于门内之右内务府妇女位于命妇后奠时传哭随行三叩礼毕各退嗣是朝晡日中皆设奠朝晡上食内銮仪校陈仪仗内外集序哭奠行礼如前仪日中进果饌不列仪仗不集序

右初丧成服设奠

讵日殡前期只告奉移行启奠礼所司陈仪仗于大门外【每奠皆陈后同】张黄幕于门外稍西置案陈楮币万有五千于燎所陈果饌筵七羊五酒五尊设爵案于各案之末内管领妻设

冠服筐于灵牀内外会丧者各于其位集埃如初届时皇子由右门入立宫檐下尚茶献茶尚膳上食揭巾幕皇子诣案前跪众各于其位跪哭暂止内务府官进爵皇子祭酒三爵每祭一叩兴复位立众随跪叩兴传哭奠毕彻仪仗

皇子退王以下皆退内管领妻奉

冠服筐内侍六人恭引出仪门成服妇女随出至燎所安于燎牀乃燎皇子福晋奠酒三爵三拜兴哭众咸拜兴哭毕乃退若

皇帝亲临奠酒至月台正中降舆诣奠位坐西向奠酒

三爵

皇子北面跪每奠行一叩礼【后 亲临视奠仪同】余如仪

右启奠

届日奉移所司陈大升輦于大门外治丧仪王大臣暨执事官咸防舁尉夫役均服其服分班序立【班数量地远近每班八十人】王公以下于大门外左右集如初公主福晋以下皆豫诣殡所于大门内西旁集埃届时治丧仪王大臣工部内务府銮仪卫大臣率执事官入飭校尉三十有二人恭移

金棺

皇子跪奠三爵每奠一叩【若
皇帝亲临视奠与前亲奠仪同】哭尽哀 启行先诣殡所只埃

金棺出门外登大升輦礼部大臣祭輦三奠爵三叩王公以下各于其位跪哭候过从行在途仪仗骑导扬纸钱过门桥祭酒执事官夹道翼卫节示进止后扈侍卫等及恭送之王公各官依序从至殡所门外輦止

皇子迎于门外跪哭众咸跪哭 过兴校尉恭舁入大门

皇子由右门随入公主福晋以下皆跪迎哭 过兴金棺至殡室恭安正中张帷幔陈设如初

皇子三奠三叩奠毕出反丧次众退既殡朝夕日中仍设奠内务府成服妇人轮班入哭日三次及百日止

右殡

讵日行初祭礼届日设

冠服陈仪仗内外集序如初陈果饌筵三十有五羊二十一酒二十有一尊楮币十有八万九千设祭文案于檐下【祭文翰林院撰拟】届时礼部大臣奉祭文礼部祠祭司官二人恭引由中门入设于案

皇子诣案前跪众咸跪哭暂止司祝诣祭文案前立读文毕复于案

皇子奠酒众随行礼毕司祝奉祭文礼部大臣恭引送燎所焚燎余均如启奠仪翼日绎陈果饌七筵羊三酒三尊楮币万有五千礼部工部尚书侍郎内务府总管光禄寺卿率属执事致祭如仪讵日大祭陈设祭品哭奠读文行礼如初祭翼日绎与前绎祭仪同周月陈果饌十有一筵羊五酒五尊楮币二万一千哭奠如前仪再周三周月陈设行礼与初周月同百日读文致祭陈果饌十有五筵羊七酒七尊楮币五万哭奠行礼均如前仪越百日日一上食朔望朝晡仍设奠遇清明中元冬至陈设果饌羊酒如月奠仪歲除日陈果饌十有五筵羊七酒七尊均于殡所哭奠如仪

右既殡奠

讵日行

贈諡礼前期一日遣官祇告

太庙后殿

奉先殿如常告仪届日内銮仪校设仪仗于殡所大门外

陈采亭于

午门前内务府官设

册寶案于几筵前左右设香案于正中又设祭文案于左陈祭品十有五筵羊五酒五尊如仪王以下四品官以上公主福晋以下一品命妇以上皆豫防如初仪执事官引正副使素服诣内阁于

册寶案前跪三叩兴正使奉

册副使奉寶【册寶皆绢制】由

午门中门出安采亭内跪叩如初兴校尉舁亭导以繖仗正副使暨执事官从至殡所门外亭止正副使诣亭前跪三叩兴奉

册寶由中门入陈于案跪叩如初退近闕北面立乃上香正使诣香案前上香【副使就位立俟】毕宣读官进恭奉

册寶文于各案前立以次宣读讫复于案退读文致祭

行礼如仪祭毕

册寶送燎正副使复

命众各退

右贈諡

卜葬前期工部治

园寝【若从葬山陵不别治】营葬具钦天监谕葬日治丧仪王大臣礼部内务府防疏以

闻徧布诸司供备先奉移一日祖奠陈仪仗果饌十有五筵羊七酒七尊楮币三万七千哭奠内外集序行礼如启奠之仪奉移日陈大升輦舁尉九十有六人执事官役戒办内外送葬者咸豫防届时所生

皇子承

命往送诣

金棺前哭尽哀跪奠酒三叩兴【若 皇帝亲临视奠与前亲奠仪同】校尉舁行

皇子恭送门外王以下四品官以上门内公主福晋以下一品命妇以上及内务府妇人各于其位跪哭 过止哭兴大升輦启行前导后扈分班恭送均如仪沿途计道里远近分宿次各以织苇为行幕及夕

金棺同輦安于行幕正中陈果筵

皇子哭奠三爵三叩众随哭跪叩毕乃退厥明奠亦如之及夕又奠【在途日同】至园寢日守

陵不值班之贝勒公大臣各官咸于十里外跪迎道右

举哀 过从行至

园寢大门外輦止

皇子率众跪迎校尉恭昇

金棺入门暂安于

享殿内

皇子奠爵叩如初退翼日遣奠陈仪仗具祭品楮币如祖奠仪王公以下暨守

陵贝勒以下各官贝勒夫人以下命妇皆集量地分班异等各序于其位哭奠行礼如祖奠仪将葬所司近

园寢设幕陈葬车于幕内又设枢牀一于石牀前高下与齐豫日迁奠陈果饌十有三筵羊五酒五尊楮币三万哭奠集序行礼如遣奠仪卒奠仪仗送燎执事官役恭移

金棺至

园寢前幕内去幬北向奉安

皇子哭奠爵三叩众皆哭随叩毕各退葬日内外集序如初治丧仪王大臣率执事官饬校尉匠役皆办届时

皇子入幕哭奠爵三叩众各哭于其位随叩

皇子出幕旁跪俟

金棺御葬车执事者奉车行升枢牀達于石牀以车及枢牀出乃窆实土封石门成葬

皇子哭诣月台前跪奠三爵每奠一叩众皆哭如初卒哭乃返

右葬

谕吉于

园寝洁室敬制

神位工峻遣大学士礼部尚书各一人朝服诣神位前上香行一跪三叩礼奉安寢室遇大祭陈设享殿如仪

右制神位

朞年小祥陈果饌十有五筵羊七酒七尊遣礼部大臣读文致祭工部内务府大臣各一人往襄厥事再朞大祥陈果筵醴酒守

园寝官一人承祭【如未葬与小祥仪同惟不读文】二十七月终丧

右祥祭终丧

贵妃丧礼疾革奉移吉安所初薨内务府防礼部疏列丧仪布诸司戒办

皇帝辍朝素服五日

命所生

皇子公主持服皇子福晋

皇孙皇孙福晋随成服奏遣王公等及内务府总管一人散秩大臣三人侍卫六十人内务府应成服之官员男妇暨戚族宫人等均成服其制服日月均与

皇贵妃丧同内务府大臣治丧事内监于奉安金棺殿内张帷幔设

灵牀几案具器陈各如式既殓迺奠陈仪仗王以下三品官以上公主福晋以下一品命妇以上皆集内外各为位传哭行礼朝晡设奠上食仪如之日中进果筵不设仪仗不集序谕日殓陈大升輦于门外舁尉八十人执事官役皆办王公以下皆豫集如初公主福晋以下诣殓所集俟届时恭移

金棺

皇子奠酒三叩兴哭送登輦启行前 后扈送者序从至于殓所门外

皇子率众跪迎于门外之东皆哭輦止校尉三十有二人恭昇

金棺入门公主福晋以下哭迎于门内之西至殡室恭安正中

皇子哭奠如初出反丧次诹日初祭陈果饌三十有一筵羊十有九酒十有九尊楮币十有四万九千设

冠服读文【祭文翰林院撰拟】

皇子哭奠【或遣大臣】三叩兴众皆哭随行礼送燎时姻戚命妇一人奠酒翼日绎陈果饌五筵羊三酒三尊楮币万致祭如仪诹日大祭如初祭翼日绎亦如之周月陈果饌十有一筵羊五酒五尊楮币二万哭奠如初再周三周月奠同百日读文致奠陈果饌羊酒数同月奠哭奠如初遇清明中元冬至歲除日皆陈果饌二筵羊一酒一尊致奠如仪卜葬前期营治

园寝既竣诹葬日疏

闻布诸司供备前一日祖奠陈仪仗果饌十有三筵羊五酒五尊楮币三万哭奠内外序集如初仪奉移日陈大升輦【昇尉人数详见前】执事官役皆办内外集者咸豫防届时所生

皇子承

命往送诣

金棺前哭尽哀跪奠三爵三叩兴校尉昇行

皇子恭送门外王以下三品官以上门内公主福晋以下一品命妇及内务府妇人各于其位哭 过止哭大升輦启行前 后扈分班恭送均如仪沿途量定宿次以织苇为行幕

金棺同輦安行幕正中

皇子哭奠三爵每奠一叩兴众随叩毕退厥明奠亦如之及夕又奠【在途日同】至

园寝日守

陵不值班之贝勒公大臣各官皆出数里外迎于道右

哭 过从行至

园寝门外輦止

皇子率众跪迎校尉恭昇

金棺入门暂安于

享殿内

皇子奠爵叩如初退翼日遣奠陈仪仗具果饌羊酒如祖奠之数送葬羣臣暨守

陵贝勒以下各官贝勒夫人以下命妇皆集量地分班异等各序于其位哭奠行礼均如祖奠
仪豫日迁奠陈设礼仪如遣奠奠毕仪仗送燎执事官役恭移

金棺至园寝前幕内去幃北向奉安

皇子哭奠爵三叩众皆哭随叩毕各退葬日执事官役皆办集者如初届时

皇子入幕哭奠爵三叩各于其位哭随叩

皇子出幕旁跪俟

金棺奉安葬车执事者奉车行升枢牀達于石牀以车及枢牀出乃窆实土封石门成葬

皇子哭入

园寝前跪奠爵三叩兴众皆哭叩如初卒哭乃返谕吉敬制

神位工竣遣内阁礼部大臣行礼镌字饰以石青奉安寢室如仪葺年小祥陈果饌羊酒楮币
各如月奠仪遣礼部大臣致祭工部内务府大臣襄事再葺大祥陈果筵醴酒守

园寝官承祭如常祭仪二十七月终丧

右贵妃丧

妃丧礼疾革奉移吉安所初薨内务府防礼部疏列丧仪

皇帝辍朝素服三日

命所生皇子公主持服皇子福晋

皇孙皇孙福晋随成服奏遣王公及内务府总管散秩大臣侍卫内务府应成服之官员男妇

等均成服其制服日月均与

贵妃丧同既殓设奠陈仪仗王以下三品官以上公主福晋以下一品命妇以上皆集序传哭行礼朝晡上食日中进果筵讫日奉移

殡宫既殡初祭大祭陈饌筵羊酒具楮帑设

冠服读文

皇子哭奠行礼内外齐集者皆传哭祭之明日皆绋周月百日皆致奠卜葬奉移

园寝前一日祖奠奉移日

皇子哭奠往送王以下三品官以上公主福晋以下一品命妇及内务府妇人

金棺启行皆跪哭在途分班恭送朝夕奠至

园寝翼日遣奠奉安前一日迁奠葬日奉

金棺于葬车执事官校移车行升柩牀永安于石牀以车及柩牀出封石门成葬

皇子哭奠酒三每奠一叩卒哭返讫吉敬制

神位奉安寢室葭年小祥再葭大祥皆致祭品物及行礼仪节均与

贵妃丧同

右妃丧

嫔丧礼疾革奉移吉祥房初薨内务府防礼部疏列丧仪

皇帝辍朝素服二日

命所生皇子及公主持服皇子福晋

皇孙皇孙福晋随成服奏遣王公及内务府总管内务府应成服之官员男妇等均成服其制服月日均与

妃丧同既殓设奠陈采仗王以下一品官子爵以上公主福晋以下一品命妇以上皆集序

哭行礼朝晡上食日中进果筵馔日奉移殡宫陈大升輦舁尉六十有四人其余哭奠集序奉移仪节均与

妃丧同既殡初祭陈果饌二十一筵羊十有一酒七尊具楮币十万五千设冠服读文

皇子哭奠祭酒三爵每祭一叩内外集者传哭行礼翼日绎果饌三筵羊三酒三尊楮币六千大祭如初祭仪【惟不读文】翼日绎亦如之周月果饌七筵羊三酒三尊楮币万有四千再周三周月百日奠皆同卜葬奉移

园寝前一日祖奠果饌九筵羊三酒三尊楮币二万奉移日

皇子哭奠往送集序王以下一品子爵以上公主福晋以下一品命妇及内务府妇人

金棺启行皆跪哭在途分班恭送朝夕奠至

园寝翼日遣奠奉安前一日迁奠葬日执事官校恭舁

金棺永安于石牀封石门成葬

皇子哭祭酒三爵每祭一叩卒哭返馔吉制

神位奉安寢室朞年小祥再朞大祥皆致祭仪节均与

妃丧礼同

右嫔丧

太妃

太嫔薨準生前封号治丧有追封者视追封之号治丧

薨于

大内内务府官典丧薨于所生之子府第或官典丧事或

命其子治丧均临时请

防余并如前仪

右太妃太嫔丧

贵人丧礼疾革奉移吉祥房初薨

皇帝命所生皇子公主持服皇子福晋

皇孙皇孙福晋随成服内务府应成服之官员男妇咸成服制服月日

防而除既殓迺奠贝勒以下一品官以上贝勒夫人以下一品夫人以上内外集序朝晡日中行礼举哀如仪讫日而殓行初祭礼陈果饌十有五筵羊九酒七尊楮币六万三千五百

皇子奠酒三每奠一叩众随行礼传哭礼毕退翼日绎陈祭筵羊酒各三楮币五千大祭与初祭同翼日绎亦如之周月百日皆奠果饌羊酒楮币陈设行礼均与

嫔丧奠同葬有日前期祖奠陈设与百日同内管领率所属男妇分班集序行礼如前仪奏遣

皇子大臣官员送往

园寝

金棺至

园寝翼日遣奠葬前一日迁奠皆如祖奠仪葬日奉安

金棺于圹窆封毕

皇子哭祭酒三每祭一叩卒哭返墓年小祥致祭行礼如常祭仪

右贵人丧

钦定大清通礼卷四十七

卷四十八

钦定四库全书

钦定大清通礼卷四十八

凶礼

皇太子丧礼未分封之

皇子薨逝有追封

皇太子者礼部内务府承

防防疏丧仪

简王大臣典丧事

皇太子年已冠

皇帝服十有三日未冠

皇帝去冠饰素服辍朝七日已昏并已生子皇太子福晋及所生皇孙皆成服百日外易素服二十七月而除【如奉有 钦定制服月日皆遵 防行】

皇太子近侍内监执事人等皆成服百日奏遣王公散秩大臣【人数临时奏定】及侍卫九十人内务府所属官员防军等六百人皆成服至大祭日而除王以下文武有顶带官以上咸去冠饰素服七日直省官去冠饰素服三日外藩防古王台吉及公主福晋等服内来京者皆去冠饰首饰朝鲜国使臣在京者素服七日自王公達于军民遏音乐止昏嫁畿内于初祭日止直省三日既殓设奠所司于奉安

金棺宫内陈帷幔列几筵陈仪仗于

宫大门外

皇帝亲临至月台正中降輿哭诣奠位坐西向执事官

进奠几奉爵大臣跪进爵

皇帝祭酒三爵皇孙北面跪行三叩礼【若非 亲临奠酒并皇孙年防遣官行礼】王以下文武有顶带官以上序立于门外左右公主福晋以下一品夫人以上序立于门内之右内务府成服妇人立命妇后皆 哭随行礼卒奠

皇帝乘舆还宫

皇孙返苦次众各退朝晡设奠上食仪同日中进果筵不设仪仗不集序

右初丧

诹日奉移

殡宫豫日行启奠礼陈仪仗内外集序如初具楮币三万陈祭筵十有五羊七酒七尊读文【祭文翰林院撰拟】

皇孙哭奠众传哭随行礼如仪届日所司陈大升輦于奉安宫大门之外执事官役皆办王公百官以

金棺所经门街列定班位集序公主福晋以下豫诣殡所集候届时

皇帝亲临奠酒皇孙跪叩如前仪执事王大臣率官校

进恭行奉移礼

金棺至门外登輦礼部尚书【或侍郎】一人祭酒三每祭一叩毕启行前 后从如仪

皇帝还宫

皇孙步行恭送王公百官各于集序之位跪迎哭 过从行及于

殡宫门外

皇孙率众迎于门外之东皆哭輦止校尉恭昇入门公主福晋以下哭迎于门内之西至殡室恭安正中陈设帷幔灵牀案几如前

皇孙入哭奠爵三每奠行一叩礼众传哭随行礼毕退

右殡

诹日初祭所司陈仪仗于

殡宫大门之外【每祭皆陈后同】张黄幕于门外稍西置奠案设祭文案于檐下【祭文翰林院撰拟】具楮币【二十三万五千】于燎所陈饌筵六十有三羊二十有一酒二十有五尊于几筵前及阶左右又设爵案一于各案之末内监设

冠服篚于灵牀王公百官于门外公主福晋命妇于门内辨位集俟届时

皇孙【或遣大臣】入门立于檐下哭尚茶献茶尚膳上食揭巾冪

皇孙诣几筵前跪哭暂止司祝诣读文位读祭文毕复于案奉爵官进爵

皇孙受爵三奠每奠一叩兴复位立哭如初众皆随叩兴传哭彻奠司祝奉祭文内监奉

冠服篚均送燎所

皇孙诣燎位奠爵行礼如初兴哭众随叩兴哭毕迺退翼日绎祭陈祭筵九羊三酒三尊楮币万有五千礼部工部内务府光禄寺大臣执事内务府成服男妇集序如仪诹日大祭陈设祭品哭奠读文行礼均如初祭次日绎亦如初祭绎之仪月奠陈祭筵十有七羊七酒七尊楮币五万陈仪仗集序哭奠如初【再周三周月奠同】

右既殡奠

越日行

册諡礼前期工部制

册寶翰林院撰

册寶文送内阁恭书礼部疏请

命正副使各一人诣殡所将事前一曰遣官只告

太庙后殿

奉先殿如常告仪届日銮仪卫设仪仗于

殡宫大门之外内务府官设册寶案于几筵前左右设香案于正中又设祭文案于左鸿胪寺官设册寶案于

太和门阶上正中銮仪卫陈采亭于阶下正副使暨执事官皆素服立于阶下之东内阁学士自阁奉

册寶【绢制】至

太和门阶上分陈于案跪三叩兴退礼部尚书侍郎引正副使由东阶升诣

册寶案前跪一叩兴正使奉

册副使奉寶由中道左降阶安设亭内跪叩如初兴校尉舁亭繖仗前导正副使暨执事官从由中路中

门出内大臣侍卫于

午门内金水桥旁王以下奉恩将军以上于

午门外常朝所跪送公侯伯以下四品官以上豫往殡宫大门外集候

册寶亭至皆跪迎亭由中门入及二门止正副使诣亭

前跪三叩兴正使奉

册副使奉寶以次进殿中门恭陈于案跪叩如初退近檻北面立执事官赞上香正使诣香案前上香毕复位赞宣

册宣册官奉

册文宣读訖仍复于案宣寶如宣

册之仪正使偕副使行一跪三叩礼兴出殿右门立候承祭官致祭奠帛读祝三献行礼如仪祭毕奉祝帛绢

册寶送燎正副使还复

命众各退翼日礼部以

册諡礼成

颁示直省及朝鲜国国王率其陪臣素服跪迎国中谒

音乐止昏嫁三日

右册諡

百日陈祭筵十有九羊七酒七尊楮币七万读文哭奠行礼仪与月奠同未葬以前清明中元冬日至歲除日均于殡所陈祭品哭奠如仪【惟冬至不哭】右百日奠时荐

卜葬前期工部治

园寝营葬具将竣钦天监谕葬日礼部内务府疏

闻徧布诸司供备奉移前一日祖奠陈设祭筵羊酒内外集序哭奠行礼如启奠之仪至日陈大升輦执事官役皆办内外集者咸豫防届时

皇帝亲临奠酒皇孙跪叩均如前仪奠毕执事王大臣

率官校恭行奉移礼

金棺至门外登輦

皇帝还宫

皇孙往送门外王以下文武有顶带官以上门内公主福晋以下一品命妇以上各于其位哭

金棺过止哭

金棺启行前导后从分班恭送沿途计道里远近分宿次各以织苇为行殿及夕

金棺奉安于行殿正中陈果筵

皇孙哭奠行礼众随行礼均如仪厥明奠亦如之及夕又奠【在途日同】至

园寝日守

陵不值班之贝勒公大臣各官皆出数里外跪迎道右

举哀 过从行至

园寝大门外輦止

皇孙率众跪迎校尉恭昇

金棺由中门入暂安

享殿行遣奠礼陈果筵送塋王公以下暨在

陵之大臣各官及贝勒夫人以下命妇皆集量地分班

异等各序于其位

皇孙诣

金棺前哭奠爵三每奠一叩众传哭随行礼毕退塋日所司豫于

园寝前设幕陈塋车于幕内径達石牀高下与齐廼行迁奠礼陈仪仗内外集序如前陈祭筵
十有五羊七酒九尊楮币三万哭奠行礼如遣奠仪卒奠执事官役奉移

金棺至幕内陈于塋车去幙北向奉安

皇孙哭奠爵三叩众各于其位随哭叩

皇孙诣幕侧跪竣执事官役恭奉

金棺由塋车達于石牀以车出乃窆实土封石门成塋

皇孙哭入

园寝前跪奠爵三叩众随哭叩如初卒哭乃返

右塋

既塋奉安

神主于

园寝享殿先期匠人于庀室敬制

神主醵

諡工竣奉安于案内阁礼部工部大臣各一人朝服上香行礼如仪诹吉行题主礼所司设

神主案于殿内正中前设香案设题主案于香案之东豫置主楮于案上届时礼部尚书【或侍郎】启楮恭奉

神主于案大学士诣案前行一跪三叩礼兴西面恭题毕退礼部尚书恭奉

神主跪安于正中案上三叩兴退迺行虞祭礼陈牛一羊二帛一爵三上香奠帛读祝献爵承祭官行礼如仪

右题主

朞年小祥陈果饌羊酒如百日奠之仪遣官致祭礼部工部内务府大臣各一人往襄厥事再朞大祥陈果筵醴酒守园寝官一人承祭【如未塋与小祥仪同】二十七月终丧

右祥终丧

皇子丧礼未分封之

皇子薨逝内务府防礼部疏列丧仪布诸司戒办

皇帝辍朝素服五日已昏并已生子皇子福晋及所生皇孙皆成服百日外易素服二十七月而除【如奉有钦定制服月日皆遵 防行】

皇子近侍内监执事人等皆制服百日奏遣王公及散秩大臣三人侍卫六十人内管领二人内务府派出佐领下男妇皆成服至大祭日而除既殓设奠所司于奉安

金棺殿内设帷幔列几筵陈仪仗于门外

皇帝亲临至月台正中降舆哭诣奠位坐向西执事官

进奠几奉爵大臣跪进爵

皇帝祭酒三皇孙北面跪行三叩礼【若非 亲临奠酒并皇孙年防遣官行礼】王以下四品官以上公主福晋以下一品夫人以上各于其位集序皆传哭随行礼奠毕

皇帝还宫

皇孙返苦次众各退朝晡上食仪同日中进果筵不设仪仗不集序

右初丧

讵日而殡所司陈大升輦设仪仗执事官役皆办王公以下豫集如初公主福晋以下豫至殡所集俟届时

皇帝亲临奠酒皇孙跪叩如前仪执事官率校尉奉移金棺登輦礼部尚书【或侍郎】一人祭酒三每祭一叩毕启行前导后从如仪

皇帝还宫

皇孙恭送王公各官于集序之位跪候过从行及于殡所门外

皇孙率众迎于门外之东皆哭輦止校尉恭昇入门公主福晋以下哭迎于门内之西至殡室恭安正中陈设帷幔灵牀案几如前

皇孙入哭奠爵三每奠行一叩礼众传哭随行礼毕退

右殡

讵日初祭所司陈仪仗于

殡宫大门之外【每祭皆陈后同】张黄幕于门外稍西置奠案设祭文案于檐下【祭文翰林院撰拟】具楮币十有五万于燎所陈饌筵三十有一羊九酒九尊于几筵前及阶左右又设爵案一于各案之末内监设

冠服筐于灵牀内外集序如初

皇孙【或遣大臣】入门立檐下哭尚茶献茶尚膳上食揭巾帟

皇孙诣几筵前跪哭暂止司祝至读祝位读祭文毕复于案奉爵官进爵

皇孙受爵三奠每奠一叩兴复位立哭如初众皆随叩兴传哭彻奠送燎

皇孙诣燎位奠爵三叩如初兴哭众随叩兴哭毕乃退翼日绎祭陈果筵五羊五酒五尊楮币四千内外不集序内务府官祭酒行礼如仪讵日大祭陈设祭品哭奠读文行礼仪与初祭同翼日绎祭仪与初祭次日绎同周月陈祭筵十有五羊九酒七尊楮币二万哭奠如仪【再周三周月奠同】

右既奠

如奉

防追封择吉行追封礼前期工部制

册寶翰林院撰拟

册寶文送内阁恭书如式礼部疏请

命正副使各一人诣殡所将事届日銮仪卫设仪仗于殡所大门外内务府官设册寶案于几筵前左右设香案于正中又设祭文案于左鸿胪寺官设册寶案于内阁銮仪卫豫设采亭于

午门前届日正副使暨执事官皆素服诣内阁至

册寶案前行一跪三叩礼兴正使奉

册副使奉寶由

午门中门出分陈亭内跪叩如初兴校尉舁亭繖仗前导正副使暨执事官随行亭田中道出

长安门至殡所门外止正副使诣亭前跪三叩兴正使奉

册副使奉寶由中门入陈于案跪叩如初退近檻北面立正使诣香案前上香毕复位立宣册官至

册案前奉

册文宣读仍复于案次宣寶如宣

册之仪正使偕副使行一跪三叩礼兴迺进饌读祭文

奠酒行礼如仪

右封諡

百日陈设祭品如月奠之数哭奠行礼如初未葬以前清明中元冬至歲除日均于殡所陈祭品哭奠如仪【惟冬至不哭】

右百日奠时荐

卜葬前期工部治

园寝营葬具将竣谕葬日礼部内务府疏

闻诸司供备奉移前一日祖奠陈仪仗果饌十有五筵羊九酒五尊楮币二万哭奠内外集序行礼仪与百日同至日陈大升輦执事官役皆办内外集者咸豫防届时

皇孙承

命往送诣

金棺前哭尽哀跪奠酒三叩兴【如 皇帝亲临奠酒与前 亲奠仪同】校尉舁行门外王以下四品官以上门内公主福晋以下一品命妇以上各于其位哭 过止哭及登輦启行前导后从分班恭送均如仪沿途计道里分宿次各以织苇为行幕及夕

金棺奉安于行幕正中陈果筵

皇孙哭奠行礼众随哭跪叩毕乃退厥明奠亦如之【在途日同】至

园寝及大门外輦止

皇孙率众跪迎校尉舁

金棺由中门入暂安于

享堂行遣奠礼陈设果饌哭奠行礼均如祖奠仪葬日所司豫于

园寝前设幕陈柩牀于幕内迺行迁奠礼陈饌筵一羊一哭奠行礼如遣奠仪卒奠奉移

金棺至

园寝前幕内陈于柩牀去幬北向奉安

皇孙哭奠爵三叩众于其位随哭叩

皇孙诣幕侧跪俟执事官役恭奉

金棺由柩牀达于石牀以柩牀出廼窆实土封石门成塋

皇孙哭入

园寢前跪奠爵三叩众随哭叩如初卒哭廼返

右塋

既塋奉安

神主于

园寢享堂先期匠人于庑室敬制

神主鐫

諡工竣奉安于案内阁礼部工部大臣各一人朝服上香行礼如仪诹吉行题主礼所司设

神主案于

享堂正中前设香案设题主案于香案之东豫置主楨于案上届时礼部大臣启楨恭奉

神主于案大臣一人诣案前行一跪三叩礼兴西面恭题毕退礼部大臣恭奉

神主跪安于正中案上三叩兴退

右题主

朞年小祥陈果饌羊酒如月奠之数遣官致祭礼部工部内务府大臣各一人往襄厥事再朞大祥陈果筵醴酒守园寢官一人承祭【如未塋与小祥仪同】二十七月终丧

右祥终丧

钦定大清通礼卷四十八

卷四十九

钦定四库全书

钦定大清通礼卷四十九

凶礼

亲王以下宗室将军以上丧礼疾笃居正寝既终诸子号哭躃踊福晋侧室【贝勒以下夫人同】及诸子妇跪哭兄弟姻戚立哭皆男哭于左女哭于右丧主【以王公之长子无则长孙承重余仿此】及余子皆剪髮辮去冠饰主妇【以王公之福晋夫人无则承以冢妇余仿此】及诸妇以下皆去首饰散髮【殓后乃绌遇奠献仍散】飭府属官二人典丧仪余掌事者随所置治棺亲王朱髻饰金龙世子郡王绘龙贝勒以下绘蟒均采棺朱髻镇国将军以下均朱棺戒办殓具府属及本旗所属官皆先集素衣执事右初终

是日府前陈列仪卫官属告哀于礼部礼部以

闻

皇帝辍朝【亲王薨辍朝三日世子郡王二日贝勒一日贝子以下不辍朝】宗人府徧布于宗室诸防丧者内外咸集亲王薨和硕亲王以下奉恩将军以上民公侯伯都统尚书子爵以下佐领骑都尉以上及本翼宗室集于外固伦公主和硕福晋以下县君奉恩将军恭人以上集于内世子郡王薨亲王以下叅领以上集于外余与亲王同贝勒薨世子郡王以下本旗佐领以上集于外和硕公主世子福晋以下集于内余与郡王同贝子薨贝勒以下本旗叅领郎中以上集于外贝勒夫人以下集于内余与贝勒同公薨贝子以下至奉国将军集于外郡君贝子夫人以下集于内镇国将军卒辅国公以下集于外辅国将军卒镇国将军以下集于外奉国将军卒辅国将军以下集于外奉恩将军卒不防丧将至府第均男去冠饰女去首饰素服各就丧次俟殓毕乃退

右辍朝防丧

殓具既备布棺于堂中借茵褥加衾枕垂其裔于四外【亲王世子郡王贝勒借五层贝子公三层镇国将军以下一层】届时奉尸于棺丧主以下凭棺哭尽哀乃盖棺加錠卒殓设灵座于柩前幃以帷具奠案陈饌擎爵饌果酒建丹旒于大门内之左丧主以下府属官以上主妇以下府属官员命妇以上俱成服宗人系本支所分应有服者亦成服每日清晨日中日晡均设奠府属男妇皆集奠时丧主诣案前跪祭酒三爵每祭行一叩礼兴举哀府属官皆随行礼举哀卒奠退右殓成服设奠

讵日而殯前一日启奠陈饌筵羊酒具楮币丧主哭奠行礼诸成服者均随行礼举哀如仪发引日诸防丧者皆集执事者陈吉凶仪卫于大门外鞍马散马亲王各十有五世子郡王各十有四贝勒各十有三贝子各十有二镇国公各十辅国公各八镇国将军鞍马七辅国将军五奉国将军四奉恩将军三余陈设各如其等若恭领

册【寶印】者【亲王世子 册宾郡王 册印】设亭二奉

册【寶印】于亭中陈列门外左右舁夫【亲王世子八十人郡王以下六十有四人】举輦入设于堂上丧主以下哭踊奠献毕执事者彻帷迁柩载于輦役夫舁行丧主哭从出大门施帟盖【亲王红锦黄檐世子郡王红锦红檐贝勒青檐贝子以下皆青帟青檐】属引遂发

册【宝印】亭前行次丹旒次列仪卫丧主以下男在輦前步从女在輦后车从皆哭不絕声途次揭楮币过门桥府属官奠酒灵輶将至殯所丧主以下豫于大门外跪哭迎 过兴及殯室门外輦止脱载去帟盖役夫舁棺安于室正中执事者奉

册【宝印】陈于左右丧主以下哭踊奠献如仪

右殯

礼部疏请

赐防

皇帝遣官谕祭【辅国将军以上二次奉国将军以下一次】初祭翰林院撰拟祭文【辅国将军以下内阁撰拟】户部供楮币礼部供羊光禄寺供酒亲王楮三万世子楮二万五千均羊九酒九郡王楮二万三千羊七酒七贝勒楮万有五千贝子楮万均羊五酒五镇国公楮九千辅国公楮八千均羊四酒四镇国将军楮五千羊二酒二辅国将军楮四千羊一酒一奉国将军【初祭大祭共楮六千羊一酒二】奉恩将军【初祭大祭共楮三千羊一酒二不撰祭文】本家自备祭品楮币各如制祭之日陈列仪卫于堂中灵座前设供案鑪鐙具中陈

钦赐祭品左右分陈自备祭品设遣官奠位于案前设祝案于东北向设燎牀于南陈楮币遣官至丧主率有服宗亲及府属官跪迎于大门外礼部官恭奉祭文由中门入陈祭文于东案遣官随入就位立丧主以下皆就位跪执事官展祭文太常寺官立于祝案左北面读文毕遣官跪执事官实酒于爵跪授遣官受爵拱举奠于池三奠每奠行一叩礼丧主以下随行礼毕兴举哀众随举哀执事官恭奉祭文至燎所焚燎丧主以下望

阙谢

恩行三跪九叩礼乃送遣官于大门外如来仪是日大功宗亲除服越日大祭供备楮币羊酒

遣官行礼如初祭仪是日菽服宗亲及本属旗员防军人等咸除服

右谕祭

宗人府具疏请諡【奉国将军以下不疏请】得

防赐諡内阁拟諡以

闻翰林院撰拟碑文工部给葬费亲王白金五千两世子四千两郡王三千两贝勒二千两贝子千两公镇国将军均五百两辅国将军四百两营建坟茔周缭以垣亲王四围凡百丈世子郡王八十丈贝勒贝子七十丈公六十丈余如其品垣南为门施金采【贝勒以下不施】其中为享堂南向亲王五间世子以下公以上均三间余如常制甬道正中工部立丰碑亲王给白金三千两世子二千五百两郡王二千两贝勒千两贝子七百两公四百五十两镇国将军三百五十两辅国将军三百两【碑式亲王以下镇国公以上均交龙首龙趺镇国辅国将军如其品】置守茔亲王十户世子郡王八户贝勒贝子六户公四户将军以下制各如其品

右赐諡营葬

百日设奠陈祭筵牲醴具楮币亲王世子均祭筵十有五羊九酒七尊楮二万郡王祭筵十有三羊七酒七尊贝勒祭筵十羊酒各五楮均二万贝子祭筵八羊酒各五楮万有六千镇国公祭筵七羊酒各四楮万有四千辅国公同【惟楮减二千】镇国将军祭筵五羊酒各三楮万有四千辅国将军祭筵四羊酒各二楮万有二千奉国将军祭筵三羊酒各二楮万奉恩将军同【惟楮减二千】执事者陈设如仪府属官及宗人成服者咸集丧主哭奠行礼众皆哭随行礼毕各退丧主始薙髮府属男妇除服右百日

卜葬亲王不逾朞年郡王贝勒不逾七月贝子以下不逾五月将葬前期行祖奠礼仪与启奠同执事者豫于坟茔设芦棚张幕布席荐于圻外丧主亲视铺陈圻中之事迁柩之日陈列吉凶仪卫诸防葬者内外咸集丧主诣柩前行遣奠礼如祖奠仪举哀役人舁柩行丧主以下哭从柩至坟茔暂安于席荐上丧主以下凭棺哭踊尽哀诸防葬者内外辞诀丧主止哭临视乃奉安柩于圻正中【合葬者男左女右】藏志石遂窆掩圻覆土丧主以下哭尽哀乃于塚前设案陈酒果告成事奠叩如前仪右葬

朞年小祥至忌日备物致祭陈饌筵羊酒具楮币均如百日奠之数丧主哭奠行礼如仪再朞与朞年祭礼同二十七月终丧乃即吉

右祥祭终丧

亲王福晋丧礼部以

闻得

防防丧亲王以下奉恩将军以上集于外固伦公主亲王福晋以下县君奉恩将军恭人以上集于内殓用采棺既殓内外成服立引旛于府门内之右发引仪卫【从其封爵世子福晋以下均仿此】备鞍马不设散马【下仿此】丧至坟莹

皇帝赐祭一次官给羊酒各九楮二万宗人府不请諡工部不给葬费不建碑余自初丧及于终丧仪节均与亲王同世子福晋丧世子郡王以下奉恩将军以上固伦公主以下奉恩将军恭人以上防丧殓用采棺内外成服设奠自初丧及终丧仪节均与世子同惟百日致祭饌筵十有三羊七楮二万遣官致祭给羊酒各七楮万有七千郡王福晋丧内外防丧者与世子福晋丧同祭用羊酒亦如其数惟百日祭筵减一遣官致祭楮减二千其自初丧及终丧仪节并同郡王贝勒夫人丧内外防丧者与郡王福晋丧同惟固伦公主亲王福晋不集遣官致祭给羊酒各五楮万其自初丧及终丧仪节并同贝勒贝子夫人丧贝勒以下集于外郡主贝勒夫人以下集于内遣官致祭给羊酒各三楮七千其余仪节均与贝子丧同镇国公夫人丧贝子以下集于外郡君贝子夫人以下集于内遣官致祭给羊酒各二楮六千其余仪节均与镇国公丧同辅国公夫人丧内外防丧者如镇国公夫人丧惟郡君不集遣官致祭给羊酒各二楮五千余均与辅国公丧同

右福晋夫人丧

固伦公主丧采棺殓奠内外防丧及祭葬诸仪节均与亲王福晋同若下嫁外藩翰林院撰拟祭文遣内大臣侍卫礼部理藩院官诣葬所读文致祭如仪【详王公丧礼】和硕公主丧与世子福晋同郡主丧与郡王福晋同县主丧与贝勒夫人同郡君丧与贝子夫人同县君丧与镇国公夫人同乡君丧与辅国公夫人同若下嫁外藩均遣官致祭如前仪右公主郡主县主郡君县君乡君丧

亲王侧福晋丧与世子福晋同惟

谕祭一次礼部疏请候

防遵行【不撰祭文】世子侧福晋丧与郡王福晋同郡王侧福晋丧与贝勒夫人同贝勒侧夫人丧与贝子夫人同贝子侧夫人丧与镇国公夫人同镇国公侧夫人丧与辅国公夫人同辅国公侧夫人丧辅国公以下防丧百日致祭楮万饌筵六羊三其余仪节与辅国公夫人丧同

右亲王以下侧室丧【附】

钦定大清通礼卷四十九

卷五十

钦定四库全书

钦定大清通礼卷五十

凶礼

官员丧礼【民公侯伯视一品子男各视其等】有疾居正寝【女居内寝】疾革遗疏【三品以上官得具遗疏】遗言皆书之既终子号哭躃踊去冠被髮徒跣诸妇女子去笄葽功以下丈夫素冠妇人去首饰皆易素服男哭牀东女哭牀西异向作防帛【结白绢为之】为位于尸东前设案奠阁余【生前食饮所余】脯醢酒果用吉器立丧主【以适长子无则长孙承重】主妇【以亡者之妻无妻及母之丧则以丧主之妻当之】防丧司宾司书赞祝诸执事人治棺及凡丧具防丧者使人上遗疏讎于有司及亲属僚友

右初终

越日小殓侍者于寢室施帟设浴牀于尸牀前牀东置案陈沐浴巾栉含具三品以上含用小珠玉五七品以上用金玉屑五袭牀在浴牀西袭事陈其旁常服一称朝衣冠带各以其等侍者迁尸浴牀南首诸子哭踊妇人出【女丧则男出】乃去尸衣覆以殓衾侍者奉汤入哭止沐髮栉之晞以巾束之抗衾而浴拭以巾讫结衾衣纵置于牀南领举尸易牀彻浴牀浴具埋巾栉及余水于屏处乃去衾袭常服朝服加面巾丧主以下为位而哭丧主及诸子坐于牀东奠北同姓丈夫以服为序坐诸子后西面主妇及诸妇女子坐于牀西同姓妇女以服为序坐诸妇后婢妾又在其后东面均南上尊行丈夫坐东北壁下西上尊行妇女坐西北壁下东上异姓丈夫坐于帟外之东西上异姓妇女坐于帟外之西东上若内丧则同姓丈夫皆坐帟外之东异姓丈夫皆坐帟外之西执事者执含具前丧主起盥亲含尸讫哭复位

右袭

是日执事者帷堂如寝陈殓牀于堂东加殓衣三品以上五称复三禭二五品以上三称复二禭一六品以下二称复一禭一皆以繒复衾一二品以上色绛四品以上色缁五品色青六品色紺七品色灰紵绞皆素帛既办迺迁尸牀于堂中行殓事毕丧主暨诸子括髮加首经腰经皆以麻妇麻髻余同

右小殓

三日大殓执事者以棺入承以两凳棺内奠七星版借茵褥施绵衾垂其裔于四外届时奉尸入棺实生时所落齿髮卷衣以塞空处令充实平满丧主以下凭棺哭踊尽哀乃盖棺加錠施

泰三品以上比葬每月三泰五品以上月再泰七品以上月一泰彻殓牀迁柩其处柩东设灵牀施帟帐枕衾衣冠带屨之属设颞盆帨巾于灵牀侧皆如生时柩前设灵座奉魂帛几筵供器具以绛帛为铭旌三品以上长九尺五品以上八尺七品以上七尺题曰某官某公【内丧书某封某氏】之柩悬以竹杠依灵右执事者陈饌案食品用素器启帷行殓奠礼内外就位如寝司祝焚香奠酒丧主以下哭尽哀毕下帷【每奠皆同】及夜奉魂帛复牀诸子次于中门之外寝苦枕块不脱经带诸妇女子次于中门之内帷幔枕衾皆布素哀至则哭昼夜无时

右大殓

是日成服五服各以亲疏为等斩衰三年子为父母为继母慈母【妾子无母父命他妾养之者】养母【自幼出继与人者】子之妻同庶子为嫡母所生母庶子之妻同为人后者为所后父母为人后者之妻同女在室及已嫁被出而反在室者为父母嫡孙承重为祖父母【若祖父俱亡为高曾祖后者同】承重者之妻同妻为夫妾为家长服生麻布旁及下际不缉麻冠经菅屨竹杖妇人麻屨不杖余同齐衰杖舄嫡子众子为庶母【谓父妾有子者】嫡子众子之妻同子为嫁母【亲生母父卒而改嫁者】出母【亲生母为父所出者】嫡孙祖在为祖母承重夫为妻服熟麻布旁及下际缉之麻冠经草屨桐杖【父母在夫为妻不杖】妇人麻屨余同齐衰不杖舄为父卒继母改嫁而已从之者为改嫁继母为同居继父两无大功以上亲者为伯叔父母及姑在室者为兄弟及姊妹在室者为兄弟之子及女在室者祖为嫡孙父母为嫡长子众子及嫡长子之妻为女在室者为子之为人后者继母为长子众子孙为祖父母孙女在室出嫁同女出嫁为父母为人后者为本生父母女在室及虽适人而无夫与子者为其兄弟姊妹及兄弟之子与兄弟之女在室者女适人为兄弟之为父后者妇为夫兄弟之子及女在室者妾为家长之父母家长之妻家长之长子众子与其所生子冠经屨同上齐衰五月孙及女孙为曾祖父母服熟桐麻布冠经如其服草屨妇人麻屨齐衰三月为继父先同居后不同居者为同居继父两有大功以上亲者孙及女孙为高祖父母冠经屨同上大功九月为从兄弟及姊妹在室者为姑及姊妹已嫁者为人后者为其兄弟及姑姊妹在室者为兄弟之子为人后者祖为众孙及孙女在室者祖母为嫡孙众孙父母为众子妇及女之已嫁者伯叔父母为从子妇及兄弟之女已嫁者妇为夫祖父母本生父母伯叔父母女出嫁为本宗伯叔父母本宗兄弟及兄弟之子本宗姑姊妹及兄弟之女在室者服麤白布冠经如其服茧布缘屨小功五月为伯叔祖父母为从伯叔父母及从姊妹已嫁者为再从兄弟及姊妹在室者为从兄弟之子及女在室者为祖之姊妹在室者为父从姊妹在室者为兄弟之妻为兄弟之孙及兄弟之孙女在室者为外祖父母为母之兄弟及母之姊妹为姊妹之子祖为嫡孙之妇为人后者为其姑及姊妹之已嫁者妇为夫兄弟之孙及孙女在室者为夫之姑姊妹兄弟及兄弟之妻为夫从兄弟之子及女在室者女出嫁为本宗从兄弟及从姊妹之在室者服稍细白布冠经如其服屨同上緦麻三月为乳母为曾祖兄弟及曾祖兄弟之妻为祖从兄弟及祖从兄弟之妻为父再从兄弟及父再从兄弟之妻为三从兄弟及姊妹在室者为曾祖之姊妹在室者为祖之从姊妹在室者为父之再从姊妹在室者为兄弟之曾孙及曾孙女之在室者为兄弟之孙女已嫁者为从兄弟之孙及孙女在室者为再从兄弟之子及女在室者为祖之姊妹父之从姊妹及已之再从姊妹已嫁者为从兄弟之女已嫁者为父姊妹之子为母兄弟姊妹之子为妻之父母为女之夫女之子若女为兄弟孙之妻为从兄弟子之妻为从兄

弟之妻祖为众孙妇祖母为嫡孙众孙妇曾祖父母为曾孙高祖父母为元孙妇为夫高曾祖父母为夫之伯叔祖父母及夫祖姑在室者为夫之从伯叔父母及夫从姑在室者为夫之从兄弟姊妹【在室出嫁同】及从兄弟之妻为夫再从兄弟之子及女在室者为夫从兄弟之女已嫁者为夫从兄弟子之妻从兄弟之孙及孙女在室者为夫兄弟孙之妻兄弟之孙女已嫁者为夫兄弟之曾孙及曾孙女之在室者女出嫁为本宗伯叔祖父母及祖姑之在室者为本宗从伯叔父母及从姑在室者为本宗从兄弟之子及女在室者服细白布经带如其服素屨无饰凡丧三年者百日薙髮在丧不饮酒不食肉不处内不入公门不与吉事朞之丧二月薙髮在丧不昏嫁九月五月者逾月薙髮三月者逾旬薙髮在丧均不与燕乐

右成服

大殓翼日丧主以下夙兴侍者设颹水栲具于灵牀侧五服之人各服其服就位侍者收颹栲具奉魂帛出就灵座朝奠众哭执事者设果蔬酒饌如生时祝焚香斟酒防荼丧主以下诣案前再拜哭尽哀各以其服为序皆男先女后宗亲先外姻后复位哭止日中设果筵奠酒及夕又奠均如朝奠仪侍者诣灵牀舒衾枕奉魂帛于牀上退诸子妇哭尽哀乃止夕奠皆如之朔望则殷奠具盛饌于朝奠行之遇新物则荐如朝奠仪

右朝夕奠

亲賓闻讣告吊于丧主之家未殓至者入门易素服司宾待于防事以赠賻仪物授司书入临尸哭尽哀遂吊丧主持哭丧主以下哭稽颹无辞宾出司宾送成服以后至者各以其服吊具酒果香烛厚则加货财皆书于状先使从者持状通名司书籍记之以礼物入陈灵前丧主以下就位哭司宾出迎宾入诣灵座前举哀哀止跪焚香酌酒再拜兴丧主出帷稽颹哭谢宾答拜慰唁出丧主哭入司宾延客待茶宾退司宾送于门外

右亲宾吊奠賻

若一二品官奉

特恩遣官致奠其日丧家设使者奠位于灵前丧主及诸子跪位于灵右主妇跪位于帷内使者素服至丧主率诸子免经去杖止哭出迎于大门外道右先入就位跪俯伏赞者引使者升中阶就位上香执事者酌茶使者立受茶奠茶复授酒使者奠爵三讫少退丧主率诸子降西阶下北面三跪九叩谢

恩仍至大门外俟使者出跪送乃还苦次若

赐諡及

恩防遣官致祭者其日丧家设读祝位于灵几之左余

如前位执事者豫陈祭物賁

谕祭文从使者至丧主出迎入就位跪俯伏使者就位上香司祝就读祝位立读祭文讫复于案退使者奠爵三毕少退丧主以下向

阙谢

恩送使者与遣官致奠仪同

右遣官祭奠

品官卒于位与在任遭父母丧者初丧成服朝夕奠皆如前仪择日扶柩还家【卒于京者兵部给邮符夫马】备行輦仪从各视其品告启期于亲戚僚友启行前一日行启奠礼丧主以下就位哭祝诣灵前跪告曰今择某日奉灵柩还故乡敬告俯伏兴丧主以下稽顙哭再拜兴复位尽哀止厥明迁奠告迁于柩前礼亦如之彻祝纳魂帛于槨役人举輦入迁柩就輦主人以下辍哭视载出大门加帟盖发引仪从在前铭旌魂帛从丧主以下杖哭随柩及郊亲戚僚友祖者向柩设祖奠役人停輦宾向柩再拜主人稽顙哭谢宾退敛仪从遂行主人乘素车途次止宿奉魂帛铭旌于灵柩前【凡柩暂停同】水行则设奠陆行则上食及朝启行亦如之至家前一日遣仆戒家人豫于十里外布幕具奠以待至日五服之人各服其服以迎柩至暂驻幕内设奠祝焚香斟酒跪告曰灵輶远归将至家亲属来迎敢告俯伏兴众序哭再拜兴柩行咸徒步哭从至家安灵牀于殡所男女各就位哭设奠祝焚香斟酒跪告曰灵輶远归至家敢告俯伏兴众哭拜如初受吊朝夕设奠并如前仪

右扶丧【附】

官员在外闻丧三年者讣至哭对使者问故又哭尽哀易服如初丧仪讣于有司遂奔丧戴星而行见星而止途中哀至则哭哭辟市邑将至家望其境其城其乡皆哭至家哭入门升自西阶凭棺西面哭踊妇人东面哭踊无算少顷尊卑相向哭细问病终之故复哭乃披髮徒跣妇人不徒跣翼日成服括髮妇人髻皆加麻经丧期以闻讣日始余如在家之仪朞以下闻讣者易服为位而哭若奔丧则至家成服若官员在职非本生父母丧虽朞犹从政不奔丧闻讣易素服为位而哭各持其服于私家入公门治事仍常服朞丧者一年不与祭祀之事服满日于私家为位哭除之

右闻丧奔丧

三月而葬营葬地及葬具凡坟茔一品九十步【五尺为步】二品八十步封皆丈有四尺三品七十步封丈有二尺石兽皆六四品六十步五品五十步封皆八尺石兽四六品七品四十步封皆六尺墓门勒石书某官某公之墓【妇人则书某封某氏若合丧则并书之】五品以上用碑龟趺螭首六品七品用碣方趺圆首刻圹志用石二一书如碑碣一详记姓讳諡字【

无諡则止书字】州邑里居服官迁次及其生卒年月日時葬处坐向所遗子女石字内向以铁合而束之作神主及主棨制柩輦下为方牀上编竹格为蓋四出檐垂流苏繒荒繒帷五品以上畫云气为饰六品七品素繒无饰五品以上障柩画翟四六品七品画翟二皆引布二功布一灵车一埏土为明器鑪餅烛檠五事仪从各从其品

右治葬具

择日开兆丧主率诸子适兆所以宗亲或姻宾一人告于土神执事者设案兆左陈酒饌置祝文告者吉服至盥詣案前立执事者二人奉香执壶琖随立左右告者跪上香再拜酌酒如仪祝奉祝文跪于告者之左读曰维某年月日某官某敢告于司土之神今为某官某营建宅兆神其保佑俾无后艰谨以清酌庶羞只荐于神尚飨读毕兴退告者俯伏兴复再拜退遂开圻随地所宜使子弟干事者一人留视之丧主以下还

右开兆祀土神

葬有日豫以启期告于亲戚僚友发引前一日厥明五服之人各服其服入就位哭朝奠訖祝跪告于殡前曰今以吉辰迁柩敢告俯伏兴丧主以下哭尽哀再拜役人彻帘迁柩障以翟侍者移灵牀于堂正中灵座几筵仍设祝奉魂帛前柩丧主以下哭从及外堂布席置柩祝奉魂帛跪告曰请朝祖俯伏兴执事者布席于庙两楹间祝奉魂帛詣庙丧主以下哭从及门止哭入序立阶下祝奉魂帛置席北正中再拜兴奉魂帛还灵座丧主以下从出庙门哭从如初

右迁柩朝祖

日夕祖奠设饌如朝奠仪丧主以下举哀祝盥詣灵座前丧主以下止哀祝焚香奠酒毕告曰永迁之礼灵辰不留今奉灵车式遵祖道俯伏兴丧主以下再拜哭尽哀亲賓致奠行礼如成服致奠仪宾出丧主以下代哭如在殡时

右祖奠

厥明五服之人防葬者毕防执事者陈明器吉凶仪从于大门外纳灵车于门内之右役人举輦入设于堂上丧主以下哭踊乃载丧主辍哭视载周维以絙令平正牢实执事者设遣奠于庭如祭奠仪祝跪告曰灵輶既驾往即幽宅载陈遣礼永诀终天俯伏兴彻役人舁輦祝奉魂帛就灵车奉主棨设魂帛后柩出大门施帟蓋属引遂发前仪从次明器次铭旌次灵车次功布次輦外亲分挽引布在前丧主以下经杖衰服男在柩旁步从女在柩后輿从哭不絕声尊行者皆乘车马出城门若里门亲宾不至墓者于前途立向柩再拜役人权停輦乘者皆下丧主哭谢宾退柩行如初若墓遠主人以下皆乘素车从望莹而下道中哀至则哭每宿设灵座置奠如在殡仪次日启柩亦如之右遣奠发引

葬之日执事者豫张灵幄于墓道右中置几一设借柩席荐于圻外铺陈圻中之事设妇人行

帟于美道之右灵车至幄外止祝奉魂帛置几上奉主榑置魂帛侧设奠如仪柩车至圻前役人脱载去帷葢方牀下于借席祝取铭旌去杠纵加柩上丧主以下凭棺哭踊尽哀亲宾送者再拜辞归丧主及诸子稽顙谢宾退届时将窆内外五服之亲以次再拜辞诀丈夫哭美道东妇人哭美道西踟踊无算遂窆丧主辍哭临视执事者整铭旌藏志石设明器掩圻复土丧主以下哭尽哀退就灵幄序立

右窆

是日祀土神于墓左如开兆祭仪【惟祝辞营建宅兆改为窆兆】择宗亲善书者一人题主执事者设题主案于灵座东南西向笔墨具对案设盥二【一祝盥一题主者盥】丧主以下序哭于灵座侧祝盥后榑出木版卧置案上题主者盥就位书某封諡某官显考某公【母则称显妣某氏】神位讫祝奉木主置灵案上焚香奠酒丧主以下再拜祝跪读告词于灵座之右曰哀子某谨告于先考某官封諡府君【母则称先妣某封氏】形归窆窆神返堂室神主既成伏惟精灵舍旧从新是凭是依读毕兴复于案丧主以下再拜哭尽哀祝焚告词奉魂帛埋墓侧奉主纳榑置灵车而还在途不驱丧主以下哭从如来仪

右祀土神题主

灵车至家丧主以下哭从入大门及庭止祝奉木主出车并榑奉之设几上南向丧主及诸子在寝东西向亲属以服轻重为序在诸子后妇人哭于房中有吊者如在殡仪乃修虞事执事者具牲饌品数各视其等陈设如祭礼【见吉礼官员家祭】祝后榑陈主于灵座主人以下就位哭哭止赞叅神主人盥洗诣香案前跪执事者二人一奉香盘一挹尊酌酒诣主人左右跪左进香主人三上香右进爵主人酌酒于地以爵奠于案退复拜位及诸子亲属行一跪三叩礼赞初献主妇率诸妇出于房荐匕箸醢酱于几前案北跪一叩兴退入于房庖人解牲体实于俎执事者奉以升荐于供案执爵者奉爵主人献爵于正中跪叩兴复拜位立赞读祝主人以下跪祝诣祝案之左跪读文曰维某年月日朔孤子某敢告于先考某官【妣则称先妣某封某氏】日月不居奄及初虞夙兴夜处哀慕不宁谨以洁牲庶羞粢盛醴齐哀荐虞事尚飨读毕兴复于案退主人以下哭一叩兴赞亚献主妇率诸妇和羹实于铏实饭于敦出荐于案及腊肉炙馐叩兴退如初主人献爵于左赞三献主妇率诸妇出于房荐饼饵果蔬叩退主人献爵于右如初献仪赞送神主人以下一跪三叩兴哭祝焚祝文主人奉神主纳榑彻哭止至夕奉神主于灵牀朝奉诸灵座朝夕朔望奠如初遇柔日再虞遇刚日三虞如初虞礼【祝文易初虞为再虞三虞余同】

右反哭虞

百日卒哭仪同虞祭【祝文改虞事为成事】卒哭之明日夙兴执事者诣庙具饌陈设如常祭礼设亡者案于祖考神案东南西向祝后室奉四世神主以次设于几如时荐之位主人率众先哭于几筵前奉亡者之主诣庙诸子以下哭从及庙门止哭主人陈主于东南案上序立阶下焚香进饌祝读告辞曰维某年月日孝曾孙某谨以洁牲庶羞粢盛醴齐适于显曾祖考

某官府君跻祔孙某官府君某尚飨次读祝于亡者位前曰孝子某谨以洁牲庶羞粢盛醴齐哀荐祔事于显考某官府君【妇则称妣某封氏】适于显曾祖考某官府君尚飨余行礼仪节与常祭同毕祝焚告文奉神主复于室彻主人奉亡者之主复寝诸子以下从出庙门哭随至几筵前纳于楮讫哭止众退防丧者代表主为书使人徧谢亲宾吊赙者

右卒哭祔

暮而小祥于忌日行事质明祝启楮出主诸子及暮亲就内外位哭尽哀焚香进饌酒读祝【辞同卒哭惟改卒哭曰小祥成事曰常事】行礼与卒哭同

右小祥

再暮大祥忌日行事先一日告迁于庙执事者具果酒如常仪设案于东序西序前各一主人盥诣庙启楮陈诸神主焚香进果酒如常告仪祝读告辞曰维某年月日孝孙某谨告于某官府君某封某氏【四代备书】兹以先考某官府君大祥已届礼当迁主入庙某官某府君某封某氏神主亲尽当祧某官某府君某封某氏以下神主宜改题世次递迁不胜感怆谨以果酒用伸防告尚飨读毕焚祝主人以下俯伏兴再拜奉各神主卧置东案上子弟善书者一人改题高曾祖神主讫以纸裹应祧神主陈于西序案奉改题主递迁于室虚左一位以俟阖室众退厥明诸子诸妇女子致祭于几筵前陈设行礼如初暮仪【惟祝辞改小祥曰大祥常事曰祥事】诸子从丧主奉亡者之主诣庙设于东室再拜奉祧主藏于夹室阖门出乃彻寝室灵牀灵座罢朝夕奠彻几筵断杖弃之屏处

右大祥

中月而禫二十七月既周之日行事届日夙兴执事者设几案于寝堂之中主人率诸子入庙诣考位前启室焚香再拜跪告曰孝子某将祧荐礼事敢请神主出就正寝俯伏兴奉主至寝堂陈于案执事者陈饌案于前丧主及诸子于东壁下就位举哀妇人哀于房中焚香进果饌酒醴如常仪祝读告辞曰维某年月日孝子某谨告于显考某官府君神主禫制有期追远无及谨以清酌庶羞祧荐禫事尚飨主人以下俯伏兴再拜祝焚告文讫奉主复于庙阖室皆退诸子素服终月始服常服右禫

歲逢忌日前期斋厥明主人及子弟素服诣庙设案于所荐神主室前主人盥启室奉主就案焚香荐蔬果酒饌告曰兹以某府君某官远讳之辰【妣称某封某氏】谨备庶羞清酌恭伸追慕俯伏兴及子弟皆再拜如时节荐新之仪礼毕彻纳主阖室退右忌日奠

歲寒食或霜降节拜埽圻茔其日主人夙兴率子弟素服诣坟茔执事者具酒饌仆人备芟剪草木之器从既至主人周视封树仆人剪除荆草讫以次序立墓前焚香供酒饌再拜在列者皆再拜兴遂祭土神陈饌墓左上香酌酒主人以下序立再拜退

右拜埽

士丧礼疾革书遗言既终子号哭躃踊去冠被髮徒跣诸妇女子去笄髻功以下丈夫素冠妇人去首饰皆素服立丧主主妇防丧赞祝诸执事人治棺及凡丧具防丧者使人讦于有司及戚友执事者帷寝设浴牀于尸牀前袭牀在浴牀西东陈沐浴巾栉含具含用金银屑三袭事陈其旁常服一称冠及礼服各以其等带鞶皆备侍者迁尸浴牀南首诸子哭踊妇人出【女丧则男出】迺去尸衣覆以殓衾侍者奉汤及巾栉入沐浴丧主及诸子止哭视执事者结衾衣纵置于牀南领举尸易牀彻浴牀浴具埋巾栉及余水于屏处迺去衾衾常服礼服加面巾即牀前为位立魂帛设奠陈生前所食脯醢酒果用吉噐丧主以下为位序哭如礼【位详见官员丧仪后同】执事者奉含具前丧主起盥含尸讦哭复位越日小殓执事者帷堂陈殓牀于堂东加殓衣复一禪一复衾一紵绞皆备殓毕迁尸于堂丧主暨诸子麻括髮加首经腰经皆以麻妇麻髻余同三日大殓执事者以棺入承以两凳棺内奠七星版借茵褥施绵衾垂其裔于四外届时奉尸入棺实生时所落齿髮卷衣以塞空处丧主以下凭棺哭踊尽哀乃蓋棺加錠施柩比葬月再柩彻殓牀迁柩其处柩东设灵牀施帟帱枕衾衣冠带屨之属设颰盆帨巾皆如生时柩前设灵座奉魂帛几筵供噐具以绛帛为铭旌长五尺题曰某官封【未仕则否】显考某府君之柩【妇则书显妣某氏】依灵座之右设殓奠内外序哭如仪及夜奉魂帛复牀诸子次于中门之外寝苫枕块不脱经带诸妇女子次中门之内帷幔枕衾皆布素哀至则哭昼夜无时

右初终袭殓

是日成服轻重以亲疎为等【详见官员丧仪】厥明丧主以下夙兴侍者设颰水栉具于灵牀侧五服之人各服其服就位侍者收颰栉具奉魂帛出就灵座设奠焚香斟酒防荼丧主以下哭叩尽哀及夕如朝奠礼侍者诣灵牀舒枕衾奉魂帛于牀上众哭尽哀迺止夕奠皆同朔望则具殷饌于朝奠行之亲宾吊奠如礼【见官员丧仪】

右成服朝夕奠

士卒于其职【八品九品官以下同】或在职遭丧者扶柩还家闻丧奔丧皆如品官之礼

右扶丧奔丧

三月而葬营葬地及葬具坟莹周三十步封高六尺墓门石碣员首方趺勒曰某官某之墓无官则书庶士某之墓【妇则称某封氏无封则称某氏】刻圹志【式见官员丧仪】作神主及槨制柩輦下为方牀上编竹格为蓋四出檐垂流苏绢荒绢帷无罽引布二灵车一明噐鑪烛檠皆具择日开兆丧主率诸子适兆所以亲宾一人告土神执事者陈酒饌于兆左告者吉服盥就位上香酌酒读祝【祝辞均见官员丧仪下同】行礼如仪遂开圹使子弟一人留视之丧主以下还葬有期豫以启期告于戚友发引前一日厥明五服之人各服其服入就位朝奠讦告迁柩于殡前丧主以下再拜哭尽哀役人入迁柩祝奉魂帛前丧主以下哭从及外堂

仍设座于柩前奉魂帛辞于祖祢复于灵座从哭如初及夕祖奠如朝奠仪丧主以下再拜哭尽哀亲宾致奠行礼如成服致奠仪宾出丧主以下代哭如初质明五服之人防葬者毕防执事者陈明器于大门外纳灵车于门内之右役人举輦入设于防事正中丧主以下哭踊迺载丧主辍哭视载牢实载讫设遣奠如祖奠仪役人舁輦祝奉魂帛就灵车奉木版槨设魂帛后柩出大门施帷葢属引遂发前明器次铭旌次灵车輦从外亲分执引布在前丧主以下经杖衰服男在柩旁步从女在柩后輿从哭不絶声出城门若里门亲宾不至墓者于前途立向柩再拜役人暂停輦丧主哭谢宾退柩行如初及墓执事者豫张灵帷于墓右置灵座几筵设题主案于右设借柩席荐于圻前铺陈圻中之事设妇女行帷于羨道之右灵车至帷外止祝奉魂帛于几上奉主槨置魂帛侧柩车至脱载去帷葢方牀下于借席祝取铭旌纵加柩上丧主及诸子凭棺哭妇女哭羨道西届时男女以次哭叩辞诀亲宾送者再拜辞归丧主及诸子哭谢遂窆丧主辍哭视执事者整铭旌藏志石明器复土丧主以下哭尽哀执事者陈饌于墓左致祭土神如开兆祭仪丧主以下退就灵帷之左序立祝盥复魂帛于厢后槨出木版卧置案上宗亲善书者一人盥就位题主讫祝奉木主于几上设奠焚香奠酒读告辞丧主以下哭叩尽哀祝焚告辞奉魂帛埋于墓侧奉主纳槨置灵车而返在途不驱丧主以下哭从如来仪

右启殡至葬

灵车至家丧主以下哭从入门祝奉木主设几上诸子在寢东服亲序在诸子后妇女哭于房中有吊者如在殡仪迺修虞事执事者具饌品数各以其等主人以下就位哭主妇荐羹饭主人献爵读祝行礼如时荐仪毕主人奉主纳槨彻哭止众退百日卒哭仪同虞祭厥明执事者具饌于寢室如常荐礼设亡者案于祖考神案东南启室陈神主主人率众先哭于几筵前奉亡者之王如寢诸子以下哭从及寢门止哭陈主于东南案上众序立焚香进饌读告辞行礼如常荐仪祝焚告文奉神主复室彻主人奉亡者之主复寢哭随至几筵前纳槨讫哭止众退

右反哭至祔

暮而小祥于忌日行事厥明丧主以下及暮亲就内外位哭尽哀焚香进饌酒读祝行礼仪与卒哭同再暮而大祥先忌一日设案于寢堂东西各一主人率诸子诣寢堂启室以递迁改题之事告于祖陈设读祝行礼如时荐仪迺以纸裹应祧神主陈于西案奉曾祖以下神主卧置东案使子弟善书者一人改题讫复于室递迁其位虚室中下级以俟阖门出质明主人以下就几筵前序哭陈设行礼如初暮仪主人奉亡者之主跻于寢室再拜阖门彻灵牀灵座罢朝夕奠彻几筵断杖弃之屏处奉祧主于墓祭而埋于侧如仪二十七月既周设几筵于防事正中主人以下如寢堂启室奉新祔神主陈于防事几上祇荐禋事主人及诸子位东壁下举哀妇女哀于房中焚香荐果饌酒醴读祝如仪毕奉主复于寢室阖门退诸子素服终月始复常服

右祥禫

歲逢忌日前期斋厥明主人及子弟素服如寢堂启室出专荐之主于案焚香荐酒饌读祝行

礼如时节荐新之仪礼毕彻纳主阖室退

右忌日奠

歲寒食节或霜降节日主人夙兴率子弟素服具酒饌詣墓拜埽既至芟除荆草设饌于墓前主人以下序立焚香再拜兴别陈饌于墓左祀土神行礼如仪

右拜埽

庶人丧礼疾革书遗言既终子号哭躃踊去冠被髮徒跣诸妇女子去笄素服朞功以下丈夫素冠妇人去饰男东女西异向环牀哭立丧主主妇使子弟防丧事治袭殓之具讎于亲友逾时子弟奉汤及巾栉入妇女出【妇丧则男出】浴沐丧主及诸子止哭周视彻巾栉及余水埋之设袭牀于尸牀前陈衣冠帶舄迁尸于牀袭丧主以下哭踊即牀前为位立魂帛设奠陈生前所食酒饌内外序哭如礼丧主起盥含尸以银屑三既袭帋堂设殓牀于堂东加殓衣复衾一皆以绢紵绞皆备殓毕迁尸于堂执事者以棺入棺内奠七星版借褥施绵衾垂其裔于四外届时奉尸入棺实生时所落齿髮以衣实其空处丧主以下凭棺哭踊尽哀廼蓋棺加錠施柩比葬一柩彻殓牀迁柩其处柩东设灵牀施枕席衣被之属设颯盆帨巾如生时柩前设灵座奉魂帛几筵供器具设奠内外序哭如仪及夜奉魂帛于牀诸子居柩侧寢苦枕块不脱经带诸妇女子易常次帷幔枕席用布素哀至则哭昼夜

无时

右初终袭殓

是日成服【服制见上】厥明五服之人各服其服就位子弟设颯水帨巾于灵牀侧敛枕衾奉魂帛出就灵座设奠焚香斟酒防荼丧主以下哭叩尽哀及夕设奠亦如之舒枕衾复魂帛于牀彻颯具众哭尽哀乃止以至于虞朝夕同亲宾吊奠如礼若在外闻讎者奔丧成服均如士丧之礼

右成服朝夕奠

逾月而葬营葬地及葬具坟莹周十八步封四尺有志无碣择吉开圹祀土神作神主备灵车一柩举一别制布衾衣柩不施帷蓋发引前一日丧主以下就位哭朝奠訖奉魂帛辞于祖祢还灵座脯时设祖奠以永迁告丧主以下再拜哭尽哀厥明五服之人毕防纳灵车于大门内之右纳柩举于防事内外各就位哭彻帋迁灵座役人举柩就载衣以大衾丧主以下哭视载訖设奠柩前如祖奠礼奉魂帛就灵车置主榑于后廼发引男女以次哭从及墓执事者豫设借席于圹前设灵座于墓道之右设奠案于座前设题主案于奠案右灵车至奉魂帛于座柩至脱载下于借席丧主以下凭棺哭妇女哭墓右届时男女以次哭叩辞诀诸亲会葬者均以次哭叩辞归丧主及诸子哭谢乃窆纳柩于圹下志石复土祀土神如仪丧主以下退就灵座

之侧序立子弟启榑奉木版卧置案上宗亲善书者一人题主讫子弟奉置灵座纳魂帛于厢设奠读告辞毕丧主以下哭叩尽哀祝焚告辞奉魂帛埋于墓侧奉主纳榑遂行丧主以下哭从如来仪

右启殡至葬

灵车至家子弟豫设几筵于殡寝故处奉木主陈之丧主以下序哭如士丧反哭之位廼虞饌品器数视荐礼主人以下就位哭主妇荐羹饭主人荐酒饌读祝行礼如时荐仪毕主人奉神主纳榑彻哀止众退百日卒哭设奠行礼仪同虞祭厥明丧主以下夙兴哭于几筵前奉主诣寝陈于祖考神室东南以祔告启室陈设行礼如时荐仪毕仍奉主复于几筵纳榑退

右反哭虞祔

葬而小祥忌日行事厥明丧主以下及葬亲就内外位设奠哭叩如卒哭仪再葬大祥先一日诣寝以改题告迁于祖考如士丧告迁之仪届日夙兴丧主以下就几筵前序哭设奠行礼仪同初葬主人奉亡者之主跻祔于祖再拜阖门出彻灵牀灵座几筵罢朝夕奠断杖弃之屏处奉祧主埋于墓侧如庶士仪二十七月既周设几案于防事奉新祔神主陈之丧主以下就内外位哭奠行礼如常荐仪礼毕复主于寝阖门退诸子素服终月始服常

右祥禫

忌日主人具饌羞羹饭夙兴及子弟素服启寝室出专荐之主于案焚香荐酒饌行礼如常荐仪毕纳主阖室退

右忌日奠

歲寒食或霜降节具饌主人率子弟素服拜埽坟墓既至芟除荆草讫设饌于墓前主人以下焚香再拜兴别陈选于墓左祀土神行礼如仪

右拜埽

钦定大清通礼卷五十